



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>







Les faicts & cōquestes

D'ALEXANDRE LE GRAND,

ROY DES MACEDONIENS, DES-
cripts en Grec, en huit liures, par Arrian de
Nicomédie surnômé le nouveau Xenophon:

*Traduits nouvellement de Grec en François par
C. L. VVITART, Escuyer Seigneur de Rosoy
Gasteblé, & de Beralles: Cōseiller du Roy,
& de Monseigneur au siege Presidial
de Chasteauthierry.*



A PARIS,

De l'Imprimerie de FEDERIC MOREL
Imprimeur ordinaire du Roy.

M. D. LXXXIXX



Avec Privilege dudit Seigneur.



A HAVLT ET PVISSANT SEI-
GNEVR MESSIRE ANTHOINE DE
Silly S^r de la Rochepot, Damoiseau de Com-
mercy, Souuerain d'Euville, Baron de Mont-
mirail & Trosnay, Soldron, &c. Cheualier, Capi-
taine de cinquante hommes d'armes des ordon-
nances du Roy, Chambellan ordinaire, Conseiller
d'estat & affaires de Monseigneur frere vnique du
Roy, &c.

MONSEIGNEVR, ie porteroy à bon
droict le nom, la tache & le blasme
d'ingrat, si ie n'auoy continuellement
en memoire & deuant les yeux l'hon-
neur, les faueurs & l'amitié que i'ay
receu en la maison (vray seiour des
Vertus, des graces & des muses) de feu Monseigneur
le Comte de Rochefort vostre oncle. Entre lesquelles fa-
ueurs ie ne repute petite celle dont il m'honora lors, que
aiant faict les foy & hommaige que ie luy deuoy, estant
faict premierement son vassal parmy tant de Seigneurs
& gentilshommes, quelque temps auant sa mort, en son,
maintenant vostre chasteau de Montmirail, il vous se-
mondit & pria de continuer enuers moy la bonne volonté
à ij

qu'il me portoit. Qui m'occasionna de vous offrir non seulement le service que ie vous deuoy luy estant proche de sang : mais aussi quasi semblable foy & hōmaige : comme presagiant en mon esprit & de faict le declairant par paroles (ie ne sçay si les affaires & commissions haultes, importantes & honorables qui vous sont depuis suruenues, vous en ont point osté la souuenance) que ie me presentoy à vous, comme celuy qui deuiez à l'aduenir estre mon Seigneur : ainsi qu'il est aduenu par la grace de celuy qui dispose des choses humaines selon sa toute-puissante volonté. Lequel ie mercie de ce que (puisqu'il luy a plu nous prouer de si precieux ornement) il vous a laissé pour successeur & heritier d'iceluy, non seulement en ses seigneuries & possessions, mais aussi en ses perfections & vertus : & duquel nous pouuons esperer autant de support & d'amitié : ainsi que de vostre grace m'en auez ià donné de bouche quelque assurance. Depuis le temps susdict, Monseigneur, mes desseins & proiects n'ont esté autres que de m'aquitter de l'offre que ie vous auoy faicte de moy, & de ce qui en pouuoit dependre & sortir : cerchant tous moyens de m'employer en chose qui vous vinst à gré. Et ayant cogneu par experience comme vous scauez departir les heures aux exercices tant de l'esprit que du corps conuenables à vostre grandeur : & adoucir l'horreur, & calmer les tempestes de Mars & de Belonne par la lecture des liures, recourant cōme en lieu de repos au sacré giron des Muses, à l'imitation d'Achille, Alexandre le Grand, Jule Cesar & autres : ie me suis aduisé de faire chose, si non correspondante

DEDICATOIRE.

dante, du moins tendante à contenter ceste excellence & generosité d'esprit, vous representant François ce que pouuez auoir veu estranger, c'est à sçauoir l'histoire dudiect Alexandre descripte par Arrian de Nicomedie, qui pour sa bone façon de coucher par escript, a esté surnomé le nouveau Xenophon. Qui fournira à ceulx qui ne l'ont encores leu, autant de stratagemes, traicts & inuétions de guerre en la grandeur & varieté des batailles, escarmouches, rencontres, surprises, assaults, prises & defenses de villes, qu'il recite, que autre autheur qui se trouue. Lequel i'espere que receurez d'autant meilleur visage que le sçaurez estre de vostre creu, procedant du champ de l'un de vos vassaulx & seruiteurs: & que par vostre moyen & authorité il obtiendra d'estre naturalisé François. Quoy reüssissant ie penseray auoir raison de m'employer plus hardiment & avec plus d'affection à l'aduenir en ce que i'estimeray vous tourner à seruice. Ce pendant ie supplieray nostre Seigneur Dieu continuer enuers vous, Monseigneur, de plus en plus, ses saintes graces, & vous donner en parfaite santé heureuse & longue vie. De Chasteauthierry ce mois de Iuillet, 1581.

Vostre tresfidele & tresobeissant vassal
& seruiteur C. L. VVITART.

A iij



AV LECTEUR.

SEIGNEUR Lecteur, ayant cogneu par experience le bon recueil qu'auez fait aux liures qui de nostre temps ont esté composez en nostre langue: mesmes aux traductions faictes par tant de faconds & bien-disans personnages, dont la France est riche & florissante: voire iusques à quelques versions & autres traicts qui sont partis de chez moy, les premiers desquels ie n'auoy voulu faire sortir en lumiere portàs mon nom, non pour autre raison, que pour sonder (à l'exemple d'Apelles qui presentoit ses tableaux au peuple, se tenant derriere, pour entendre quel iugement on en feroit) si ie pourroy escrire chose qui vous peust contenter: ie vous ay presenté ceste histoire, que i'ay depuis quelque temps traduicte en nostre vulgaire. Laquelle, comme i'espere, trouuerez n'auoir rien perdu de son excellence pour estre deuenue Françoisse: & n'auoir moins de grace en ceste nostre langue (laquelle emportera cest honneur) qu'en quelque autre que la puissiez auoir leuë. Et qui m'a meu à entreprendre cest ouuraige, n'a esté autre chose qu'un desir (aussi que nostre deuoir nous oblige à faire seruice chascun selon son pouuoir aux Roys, Princes & autres Seigneurs, qui apres Dieu ont puissance & commandement sur nous, sont maistres de nous & du nostre, garde, & defense de nos vies & de nos biens) de faire acte qui peust donner plaisir, & non sans quelque erudition, à si bon nombre de ieunes Princes: Seigneurs & gentilshommes, dont la France se doit estimer heureuse, pour les voir bien naix, & qui donnent esperance que à l'aduenir par leur prudence & prouesse sous la conduicte d'un sage & vertueux Roy, ils rendront leur renommee non moins immortelle que celle des ieunes Princes qui accompaignerent iadis le ieune Empereur Auguste, & de ceux qui auparauant suyrirent ce grand Roy & de nom, & plus encores de faicts & conquestes, Alexandre, tant

tant en l'administration des affaires politiques, que es guerres, que si heureusement ils metrent à fin. Je sçay bien que pour les conduire au chemin de vertu & perfection, ils n'ont foute de guide, & que pour auoir cognoissance des faicts des saiges & bien accomplis Empereurs, Roys, Princes & Monarques qui ont esté deuant eux, à fin de les imiter, ils ont en toutes langues les liures en main, esquels ils peuuent cognoistre la vie & les mœurs de chascun d'eux. Mais d'autant qu'il y a peu d'historiens, qui descriuans la vie de quelque grand & vaillant personnage, descriuent aussi au long & par le menu ses voyages & conquestes, la maniere de faire des anciens de battre & assaillir les villes, de les fortifier & defendre, d'equipper & conduire vne armee, la disposer & mettre en bataille, & beaucoup d'autres choses, dont la cognoissance peut apporter, outre le plaisir, grand fruit à ceux qui ont enuie de suivre les armes, & d'entendre parfaictement le faict de la guerre, par ce que cela leur ouure l'esprit, & leur donne chemin à mil inuentions & stratagemes: L'ay pensé, di-je, pour ceste cause faire seruice aux ieunes Princes & autres Seigneurs de France, qui pour l'age en quoy ils sont, & à raison de si longues guerres, ou autrement, n'auroient l'intelligence des langues estrangeres, si ie mettoy en nostre vulgaire l'histoire (où se recognoit beaucoup des choses cy dessus mentionnees) d'un Royle plus grand en vaillance, victoires & conquestes pour auoir regné assez peu de temps, & commâce bien ieune, qui ait esté iusques icy. Je diroy volontiers aussi (si ie ne craignoy faire tort à tant de saincts & saiges Princes Chrestiens qui ont esté par le passé) le plus grand en vertus. Par ce que si lon considere bien comme il estoit debonnaire, chaste, benin, liberal, magnanime, & non moins orné des autres vertus, ie ne sçay sil s'en remarquera (principalement entre les payens) de pareils. Ia-soit que quelsques vns l'ayent voulu taxer de ce qu'il fait mourir aucuns de ses familiers: & que souuent il buuoit outre mesure. Car sil fait mourir ceux-là, ils l'auoient merité, tesmoin l'histoire. S'il buuoit d'autant, c'estoit (cōme escrit mesmes Arrian) pour entretenir les capitaines de diuerses nations qu'il auoit avec luy, non que de son naturel il y fust addonné. Et estoit au iugement des gens de guerre & de tous autres, de bon entendement, vne grande discretion à luy de se pouoir ainsi accommoder

pour quelque fois avec les personnes d'où il auoit affaire. Et de nostretêps se sont vœux de braues chefs de grosses & puissantes armées pratiquer le mesme: dequoy ils ont esté plustost louez que blasmez. D'une chose ne le puis ie excuser, qui est, qu'il s'attribuoit quelque diuinité: sinon que comme payen il a faict en cela comme beaucoup d'autres deuant luy. & qui n'auoient tant merité de gloire que luy: ainsi qu'il sera dict plus amplement en quelsques lieux de l'histoire suiuate. Estant donc Prince si accomply & si preu capitaine, que Hannibal meisme luy donnoit la premiere place, & si bien renommé que anciennement ceux estoient plus asseurez contre tous perils & hazards qui porteroient sur eux son pourtraict gravé en or ou en argent: ce n'est de merueilles que ce redouté & prudent Empereur de Rome Alexandre ait eu sa memoire en reuerence, & pris plaisir à lire & relire ses faicts & sa vie: voire (ce dict Lampride) plus que de nul autre: & à se le proposer (comme ont faict aussi beaucoup d'autres) pour patron & exemple. Auquel peu auparauant, & l'année mesmes qu'il se mit en chemin pour la conqueste d'Asie, fut rapporté que la statue du poete Orphee de Thrace, qui estoit en la Pieride, suoit. De la signification dequoy voulât estre esclaircy, fait assembler tous les augures, prognostiqueurs & deuins, qui estoient pour lors en bruit en ses pays, pour sçauoir ce qu'ils en pensoient. Et comme chascun d'eux l'interpretoit ainsi qu'il l'entendoit, un certain Aristander natif de Telmisse, assura que cela ne presagioit autre chose, sinon que plusieurs poetes, historiens, & musiciens travailleroient beaucoup à chanter, escrire, & sonner les faicts & conquestes du Roy Alexandre. Laquelle prediçtion nous voyons estre aduenue & verifiee: tant en ce que ce Roy a conquis tant d'Empires, Royaumes, pays, & seigneuries, que nul autre deuant ny depuis luy: que en ce que iamaïs tant de bons esprits n'ont esté emueux à perpetuer la memoire d'autre comme de luy. Tellement que s'il eust sçeu ce qui luy deuoit aduenir de son viuant & apres, il n'eust eu occasion de dire en sa premiere ieunesse, voyant la prosperité & la vertu en guerre du Roy Philippe son pere, qu'il ne luy laisseroit rien où il peust acquerir honneur, ny de porter beaucoup d'enuie à Achille, pour auoir eu homme apres sa mort qui ait si dignement chanté ses louanges. Car ainsi qu'il a reduict sous son obeïssance la plusspart de la terre habitable

re habitable, dont nous auons cognoissance, principalement depuis l'Esclauonie en delà en retournant par le Leuant au Midy : aussi y a il eu infinis hommes de sçauoir, tant Princes, Capitaines, Philosophes, Poëtes que autres, qui ont escrit de luy. Dont aucuns en ont parlé comme tesmoins oculaires & compaignons en ses expéditions : du nombre desquels est Ptolomee de Macedoine, qui eut de grandes charges en ses guerres : & depuis la mort d'iceluy fut Roy d'Acgypte premier de ce nom, & d'une grande partie de l'Afrique & de l'Arabie. Pareillement Marsyas de Pelle, qui fut frere du Roy Antigona, & nourry des son enfance avec Alexandre. Aristobule de Iudee, qui, ainsi que sera dict cy apres par Arrian, fut tousiours à la suite d'Alexandre en ses voyages. Nearch son Amiral en la mer de Leuant. Onesicrit d'Egine pilote de la nef Royale. Callisthene d'Olynthe parent & disciple d'Aristote, & par luy baillé pour accompagner ledict seigneur Roy, qui le tenoit aupres de luy, pour rediger par escript ses faicts. Diognete, Menedeme de Sicyone, Eratosthene de Cyrenes, Megasthene, Cresias de Gnide, qui aussi feirent le voyage d'Asie avec luy. D'autres ont recueilly des escrits d'iceux ce qu'ils ont pensé estre plus excellent, & de plus grand prouffit pour le public : y adioustant ce qu'ils ont estimé auoir esté obmis, & par eux leu & trouué depuis es registres & commentaires qui se faisoient par le commandement d'Alexandre, des choses faictes & aduenues en sa court & en son camp par chacun iour. Entre ceux-cy ont esté Ariste, Aristoxene, Cares Hysangelean, Clitarch, Polycrit, Antigene, Istre, Philippe Hysangelean, Hecatee, Erytriee, Philippe Chalcidien, Duris Samien, Philon de Thebes, Antidide, Antistide, Monachin de Sicyone, Nymphis d'Heraclee, Potamen de Mitylene, Soterin, Asitee, Arrian poëte Grec, Plutarque de Cheronee, Clement poëte, Quinte Curce, & plusieurs autres. Du nombre desquels, bien que nes-vn soit paruenue à la hauteſſe de ce grand poëte Homere, si est-ce qu'eux tous si renommez personnages ont bien peu faire (comme aussi ont ils faict) entendre les faicts du Roy Alexandre par toutes les contrees de la terre : & si non avec autant de fard & ornement, au moins avec plus de verité, que n'a faict Homere ceux d'Achille. Nous mettrons avec les dessusdicts (si nous ne le voulons pre-

ferer à eux) *Arrian* de *Nicomédie*, surnomé par *Suidas* & autres le nouveau *Xenophon*, pour l'elegance de ses termes, & bonne grace & façon d'escrire. Cestuy *Arrian* estoit natif de *Nicomédie* ville capitale du pays de *Bethynie*: où il eut beaucoup de dignitez & honneurs, comme luy mesme escrit. Et depuis à *Rome*, sous les Empereurs *Adrian*, & *Antonin* surnommé le debonnaire: desquels il fut tant aimé & cheri, qu'ils luy octroyerēt pareil estat, droicts & priuileges qu'auoient accoustumé d'auoir ceulx qui auoient esté consuls. Mesmement luy fut baillé le gouuernement de grandes prouinces, entre autres de la *Cappadocie*. Il fut Philosophe & historien. Aucuns veulent dire qu'il fut aussi *Iurisconsulte* & poëte, ce qui pourroit bien estre Vray: toutefois i'ay opinion qu'ils equiuoquent: & qu'ils le prennent quant à la poësie, pour le susdict *Arrian* poëte Grec, qui fut du tēps de *Tibere*: qui composa aussi vn Œuvre des faicts d'*Alexandre* le Grand, qu'il intitula *Alexandriade*. Et quant à la *Iurisprudence* pour celuy *Arrian* *Iurisconsulte* qui fut Conseiller au priuē Conseil, d'*Alexandre* l'Empereur avec *Vlpian*, *Paul* & les autres denommez par *Lampride* en la vie dudit *Alexandre*. Mesmes *Eusebe* & *Suidas* parlans de luy ne luy attribuent point ceste qualité. Et si *Spartian* & *Capitolin* es histoires qu'ils ont escriptes des susdicts Empereurs *Adrian* & *Antonin*, ne le comprennent point au nombre des *Iurisconsultes*, dont ils font assez diligente recherche & mention. Chascun en iugera comme il vouldra. Qu'il y ait vn *Arrian* sçauant en droict, outre le passaige ià allegué, deux ou trois lieux des *Pandeetes* en font foy: où il est cité par *Vlpian* & *Paul*, où l'un d'eux dict en passant qu'il a bien ioliment escript. Il est Vray que nous n'auons point de ses compositions. Combien que quelsques vns estiment que quatre ou cinq loix desdictes *Pandeetes* soient de luy. Ce que ie n'estime pas: Veu que partout, mesmes à *Florēce*, ces loix costees par eux sont attribuees à *Arrius Menāder*. Aussi n'est-il pas cōprins au catalogue des *Iurisconsultes*, des escriptes desquels les *Pandeetes* ont esté cōposees. Il y auroit plus d'apparence de prendre cestuy nostre *Arrian* pour celluy qui florit sous l'Empire des *Gordians*: attendu outre la conuenance du nom, que tous deux ont escrit en prose des histoires en langue Greque. Mais le tesmoingnage de tant de grands personnages & au-
cheurs

theurs approuuez nous met hors de doute. Laissons d'ocques ceux-là, nous parlerons seulement de cestuy nostre, que nous trouuons auoir es- crit en Philosophie & en histoires. Pour le regard de ce qu'il a escrit en Philosophie, il ne nous en est rien demeuré, que ce qui est esparé & là par ses autres traittez. Et quant à ses autres escrits, nous restent trois liures qu'il a fait de la vie d'Epictete, dont il estoit disciple: ensemble les sept liures des faicts & conquestes d'Alexandre le Grand, & vn autre des singularitez des Indes, & de la navigation de la flotte d'iceluy par la coste d'Indie & de Perse: avecq vn traitté qu'il a fait de la navigation du pont Euxin à la mer rouge. On luy attribue plusieurs autres liures, comme touchant les guerres & estat de son pays, & du pays des Parthes: lesquels ne sont venus iusques à nous. De ses ceuures i ay, comme dict est cy deuant, choisi les sept liures qu'il a fait des faicts & conquestes d'Alexandre le Grand, Roy des Macedoniens: & celuy des singularitez des Indes, que i ay adiousté pour huietresme d'autant qu'il appartient à l'histoire precedente, pour les faire François, à ce men par les raisons susdictes. Surquoy ie vous veux bien aduertir, seigneur Lecteur, que pour le regard des appellations des lieux, i ay vsé tantost des noms anciens, tantost des modernes indifferemment: à fin que fust noroie à chacun ce dont il est parlé: plus souuent toute fois des anciens, d'autant qu'ils estoient tels quand les choses mentionnees en l'Histoire aduindrent. Quant aux noms & surnoms des hommes & femmes, i en ay accommodé à nostre maniere de parler les vns, & laissé les autres en leur lague, selon qu'ils m'ont semblé estre plus doux en vne sorte qu'en l'autre, & comme on en a vsé en France iusques à present: ou bien comme il m'a semblé que les personnes seroient plus aisément remarquées. Et quant à la diction & phrase, ie me suis aidé de nostre langue pure, tant qu'elle & le suiet l'ont peu porter: sans mendier le secours des autres, sinon quand il en a esté grand besoin. Ie ne m'arrestera y à m'excuser beaucoup des autres difficultez, qu'un mal-gracieux lecteur pourroit fonder: remettant le tout au iugement de ceux qui pourront mieux faire, pour en faire la censure telle qu'il leur plaira: laquelle ie receuray d'aussi bon cueur, que volontiers & avec plaisir & contentement ie ly leurs escrits.

IN ARRIANVM ET EIVS
INTERPRETEM GALLICVM.

*Vltimus hic Graiis Pellei fortia Regis
Gesta notis signat: sed non sine numine Diuūm:
Historicum Gallis primus donauit eundem
Numinis auspicio fretus Vvitarū amici.
Ille velut magno delegerat optima aceruo,
Eloquiōque fidēque alios superauerat omnes:
Gallus ut interpretes cunctos comprehendat in uno,
Graios, Ausonios, quorum est hic vnicus instar.*

Fed. Morellus F.



PREMIER LIVRE

DES FAICTS ET CON-

QUESTES D'ALEXANDRE

le *Grand*, Roy des

Macedoniens.



N la description des voyages & conquestes d'Alexandre, celuy qui fut fils de Philippe, j'ay resolu de suiure entierement ce que Ptolomee fils de Lage, & Aristobule, qui fut fils d'un autre Aristobule, en ont escript conformement, le tenant pour vray & certain: & en ce que ie les cognoistray estre differents, ie choisiray les choses que j'estimeray estre plus dignes de foy, & qui meritent mieux d'estre recitees. Je sçay que autres ont escript d'autres choses d'Alexandre: & n'y eut iamais homme pour lequel ny tant de personnes, ny tant discordants, ayent mis la main à la plume. Mais j'ay estimé Ptolomee & Aristobule estre en leurs discours veritables par dessus tous autres: à sçauoir cestuy cy pour auoir accompagné Alexandre en ses voyages: & Ptolomee, d'autant que outre ce qu'il fut tousiours en guerre avec luy, proche de sa personne, le mensonge eust esté plus mal seant à luy (qui estoit Roy) que à aucun autre: & l'un & l'autre, par ce qu'ils ont escript depuis la mort d'Alexandre. Qui fait qu'on ne

Ptolomee & Aristobule ont escript d'Alexandre l'ayans suiuy en ses voyages.

Plusieurs ont escript d'Alexandre.

Ptolomee Roy.

peut dire que où la necessité ou le loyer & remuneration promise les ait induits à reciter en sa faueur les choses autrement qu'elles sont aduenues. Outre cela i'ay estimé, que ie pourroy coucher ce que i'ay tiré d'autres appartenant à l'histoire d'Alexandre, qui ne se trouuera impertinent, bien qu'il n'y en ait autre verification, que par la renommee & bruit commun. Que si quelqu'un s'esbaît qui m'a meü, apres tant de personnes qui ont escript des faicts d'Alexandre, à discourir sur le mesme suiet: cestui-là apres qu'il aura eu bien feuilleté les escripts de ceux-là, & qu'il sera paruenü à la lecture des miens, commence à s'esbaïr.

Decés de
Philippe roy
de Macedoine
ne pere d'Alexandre.

Alexandre
agé de 20.
ans declairé
General de
l'armee des
Grecs cõtre
les Perses.
Les Lacedemoniens ne
veulent estre
commandez
par autruy.

A present
son appellez
Sclauons ou
Esclauons.

On tient que Philippe Roy de Macedoine pere d'Alexandre deceda au temps que Pythodeme commãdoit à Athenes comme premier & souuerain magistrat de la ville: Et que Alexandre son fils incontinent apres qu'il fut paruenü à la couronne s'en alla au Peloponese estant agé de vingt ans ou enuiron: & là en l'assemblee generale des estats du Peloponese requit qu'il fust declaré (comme il auoit esté auparauant accordé au Roy Philippe son pere) General de l'armee des Grecs contre les Perses. Ce qu'il impetra de tous, fors des Lacedemoniens qui dirent, que les Lacedemoniens n'auoient point accoustumé de combattre sous des capitaines estrangers, ains d'estre chefs des bandes estrangeres, & de leur commãder. Les Atheniens aussi tendoient ja à quelques mutations: mais ils s'estõnerent quand ils veirent ses desseins & deportements, & l'ordre qu'il donnoit à ses affaires: de sorte qu'ils feirent de là en auant plus de deuoir enuers luy, qu'ils n'en auoient onques promis au Roy Philippe. Apres qu'il fut de retour en Macedoine pour pouruoir à la guerre Asiaticque, se delibera auant que passer en Asie, de tirer sur le printemps vers la Thrace, pour aller cõtre les Triballes & Illyriens: lesquels, comme on luy auoit rapporté, tendoient à quelque nouveauté. Ce qu'il estima ne deuoir estre mis à nonchaloir, eux estans si prochains de son Royaume & assez peu domtez: consideré qu'il auoit vn voyage à faire avec son

son armee en cōtrees si esloignees de ses pays. Partant donc avec son camp d'Amphipoli vers les Thraces, queles Grecs appellent Autonomes, qui sont gens sans gouuerneurs & sans loix, laissant à main gauche Philippopoli, & le mont d'Orbele, passa le fleuve de Nee, & le dixième iour paruint à la montaigne d'Eme. Là il eut rencontre d'un grand nombre de gens ramassez ioincts avec les susdicts Thraces, qui festoient emparez des destroits & passages, & auoient assis leur cāp au plus haut de la mōtaigne, pour luy couper chemin, & l'empescher de passer plus outre avec son armee. Et festoient fortifiez & remparez de chariots, bien deliberez de cōbatre de là, s'ils estoient pressez des ennemis. Ils auoient aussi arresté entre eux que si on les assailloit de la part de la montaigne, qui est droicte & aspre, de renuerfer par grande impetuosité ces chariots au trauers de la phalange, c'est à dire, Fanterie Macedonienne, pour la rompre & precipiter: & quand au moyen de ces chariots elle auroit esté mise en desordre, venir de teste & de poincte donner dedans pour mettre tout en route. Alexandre d'autre part cerchoit les moyens de se faire maistre de la montaigne, sans perdre que le moins qu'il pourroit de ses gens. Mais quand il veit qu'il luy estoit necessaire de se hazarder (d'autant qu'il ne voyoit autre voye pour y paruenir) donna aduertissement à ses soldats, que s'ils voyoient ietter à la vallee les chariots par les ennemis, ceulx qui pourroient ouurissent les rangs: & que partant les chariots passeroient sans les offenser. Et que ceux qui ne le pourroient faire pour estre trop serrez à cause de l'estroiceur des lieux, se iettassent en terre, & leurs pauois sur eulx. Il en aduint tout ainsi qu'Alexandre l'auoit pensé. Car ayants les vns eslargis leurs rangs, & festans les autres couuerts de leurs pauois, les chariots descendirent iusques au bas descostaux sans tuer personne. Et alors les Macedoniēs eschapper de ce danger, & à ceste occasion plus encouragez que deuant, avec grandes huees se ruerent sur les Thraces. Alexandre d'autre costé appellant les gens de trect qui estoient à la poincte droicte, les feit par les

Alexan. part
pour aller
faire la guerre
aux Thraces.

Desfaicte
des Thraces
par Alexand.

lieux plus accessibles deuant l'auant-garde pour receuoir les Thraces. Luy conduict ce pendant à la poincte gauche les soldats portans pautois & les Agrians, qui estoit l'elite de l'infanterie. Les soldats de treët se presentans à l'ennemy de pied ferme, ayans gaigné le haut de la montaigne, repousserent loin ceux qui se rencontrerent : puis suruenant le bataillon de gens de pied Macedoniens chasserent de la place les Barbares, qui estoient affez mal armez. Et quand Alexandre à la poincte gauche eut donné dedans, ils quitterent soudain les armes, & tournerent le dos. En ce conflit moururent quinze cens hommes, & de ceux qui demeurerent en vie en tōba bien peu au pouuoir d'Alexandre. Les fuiarts se sauuerēt à la course, & par leur estre les lieux micux cogneus. Furent prises toutes leurs femmes, avec leurs enfans & le bagage : & fut tout le butin enuoyé aux villes maritimes sous la cōduicte de Lyfanas & Philotas. Apres qu'il eut trauerfē ce coupeau de montaigne, passant par le mont d'Eme, vers les Triballes, tira vers le fleuue Lygie distant de trois iournees du Danube, à ceux qui prennent leur chemin par le mont d'Eme. Pour lors estoit Roy des Triballes Syrme, qui entendant qu'Alexandre approchoit, enuoya soudain les femmes & enfans, & tous ceux de ses suieçts qui ne pouuoient porter armes, vers le Dānube, en vne Isle appelée Peuca: où desia auparauāt festoiet retirez les Thraces voisins des Triballes: & peu apres sy tira Syrme luy mesme. Or festoit ja retiree vne grāde multitude de Triballes vers vne autre Isle situee aupres du lieu dont auoit decāpē Alexandre le iour precedēt. Dont luy aduertiy rebroussa chemin vers eux : lesquels ne se monstrerēt retifs à descēdre au cōbat: ains se meirent en bataille dans vne forest prochaine de la riuiera. Alexandre en aiant eu aduertissemēt ferra fort les rāgs de ses gens de pied, puis enuoya deuant ses gens de treët & de fonde, pour attirer les ennemis de la forest en la plaine. Quād les Triballes se veirēt à la portee du treët, & que de loing on les battoit à coups de fiesches, à grāde course chargerēt les archers: à fin que ceux-là ne se pouuans plus

aider

Syrme Roy
des Tribal-
les.

Guerre con-
tre les Tri-
balles.

aider de leurs fleſches (car ils ne portoiēt autres armes q̃ leurs arcs) ils peuffent ioindre l'ennemy & venir aux mains. Mais ſi toſt que Alexādre les apperceut hors du bois, il enuoya Philotas avec la caualerie qu'il auoit amenee avec luy de Macedoine, attaquer par le coſté droit les ennemis la part qu'ils feſtoient plus aduancez : & à Heraclide & Sopol cōmanda que avec les gēs de cheual Bottieens & ceux d'Amphipoli, ils allaſſent donner ſur l'autre coſté. Qui aiant enuoyé deuant la gendarmerie, conduiſoit ſon Infanterie pour charger le front de la bataille de l'ennemy. Tant que lon combatit de loing à coups de treſt les Triballes feirent teſte : mais ſi toſt que la phalange Macedonienne les eut furieuſemēt chargez, & que les gens de cheual eurent commencē à les preſſer non ſeulement de leurs lauelines, mais auſſi de l'impetuofité de leurs cheuaux : ils perdirent cœur, & à la fuitte gaignerent la foreſt, & de là, la riuere. Il y en eut bien trois mil tuez, de prifonniers bien peu, au moyen de l'eſpeſſeur du bois, & de l'obſcurité de la nuit qui ſuruint. De la part des Macedoniens, Ptolomee aſſeure, qu'il n'y mourut que onze hommes de cheual, & enuiron quarante de pied. Apres ceſte bataille Alexandre en trois iournees arriua à la riuere du Danube, qui eſt la plus groſſe de toutes celles qui ſont en l'Europe. Son cours eſt de longue eſtendue, & paſſe au trauers de beaucoup de nations belliqueuſes, la pluſpart deſquelles ſont de la Germanie, dont ce fleuve prend ſa ſource & origine. De ces peuples les plus eſloignez ſont les Quadiens & Marcomānes, puis les Iaſygiens & vne region de Sarmates : apres eux ſont les Getes : plus loin eſt la pluſpart du peuple Sarmatique : les derniers ſont les Scythes, leſquels ont leur habitation vers l'iſſue du fleuve, qui de là va tomber, diuiſé en cinq bras, dans le Pont Euxin. Là trouua Alexandre quelques galeres qui eſtoient venues de Byzance par le Pont Euxin, & montees contremont la riuere : auſquelles il ſeit entrer vn regiment de gens de treſt, & d'autres ſoldats bien armez, & avecques eux paſſa en l'Iſle, où les Triballes & les Thraces feſtoient re-

Triballes
desfaits.

De la riuere
du Danube.

Allemagne.

Constanti-
nople.

tirez. Comme il vouloit descendre en terre, les Barbares le repousserent, & en quelque part que les galeres peussent aborder, sy rencontroient tousiours, & defendoient vaillamment ce lieu. Ce qui leur estoit d'autant plus aisé, que ces vaisseaux estoient en petit nôbre, & que vne bonne partie de l'Isle estoit inaccessible: & d'aduantage le cours de l'eau, pour estre le canal de la riuere estroit en cest endroit, estoit fort impetueux. Au moyen dequoy Alexandre faisant retirer de là ses vaisseaux, voulut trauerfer la riuere, & tirer droit au païs des Geres, lesquels il voyoit en bataille sur l'autre riuere, bien deliberer de luy resister, si l'efforçoit de passer. Ils estoient environ quatre mil hommes de cheual, & plus de dix mil de pied. Or auoit-il proposé (comme il estoit homme de son naturel) desirieux de voir & cognoistre) d'aller voir aussi ce qui estoit par delà le Danube. Prenant donc ce qu'il auoit de nauires & autres vaisseaux, feit aussi coudre & emplir de matiere legere les tentes des soldats, lesquelles estoient faictes de peaux de cuir: outre cela commanda que de toutes parts on amenaist tous les lintres qu'on pourroit trouuer. Ces lintres sont petits bachots d'une seule piece de boys cauee, de l'invention de ceux du pays, & dont ils vsent communément, tant à la pèche, que pour aller de lieu à autre: mesmes les corsaires s'en seruent. Sur ces nauires, galeres, lintres & autres vaisseaux il feit passer de nuit quinze cens hommes de cheual, & de pied environ quatre mil: & prendre terre, principalement à l'endroit où il voyoit les bleds haults sur les terres de l'ennemy. Ainsi eut il tout loisir d'approcher du riuage, sans estre apperceu des ennemis en aucune sorte. Dès le point du iour il feit marcher par dedans les bleds ses gens de pied les piques baissées, de peur d'estre descouverts des ennemis, iusques à ce qu'ils furent paruenus aux terres non empouillees. Pendant que l'infanterie marchoit de ceste façon, la gendarmerie alloit par des lieux moins couverts. Quand ils eurent passé les bleds, Alexandre accourant à la pointe gauche donna à Nicanor la charge de l'infanterie, qu'il ordonna

Les Geres
en bataille.

Lintres.

Alexandre
passe le Da-
nube.

donna en esquadron. Qui sembla aux Getes chose si furieuse, qu'ils ne souffrirent pas seulement le premier choc: & iugerent estre vn fait d'extrême hardiesse à Alexandre, d'auoir passé mesmement la nuit, le Danube, qui est la plus large riuere & la plus creuse de toute l'Europe, & encores sans y auoir dressé aucun pont. Qui leur augmentoit encores la peur qu'ils auoient, estoit le bon ordre que tenoient les gens de pied, & la contenance furieuse de la caualerie. Parquoy à val de route en fuirent à la plus prochaine ville, qui n'estoit que à deux lieues de là assise sur la mesme riuere. Mais quand ils apperceurent Alexandre tirer ceste part faisant marcher de l'autre costé de l'eau l'infanterie, de crainte d'estre enuironnez par quelque surprise ou embusche, par ce que la ville ne leur sembloit pas tenable, ils chargerent sur des cheuaux toutes les femmes & enfans qu'ils peurent, & se retirerent aux deserts. Alexandre print la ville vuide, & sans aucune resistance, & la fait raser: & bailla la charge à Meleagre & à Philippe de conduire le butin. Cela fait il sacrifia à Iupiter le seruateur & à Hercule, & encores au fleuve, de ce qu'il s'estoit rendu si facile & si fauorable à trauerser: & le mesme iour il retourna à son camp, avec tous ses soldats, sans qu'il y en eust vn seul mort ou bleisé. Là vindrent trouuer Alexandre les Ambassadeurs tant de Syrme Roy des Triballes, que des autres peuples, qui sont voisins du Danube. En vint aussi de la part des Celtes qui habitent au goulfe Ionique, (& sont ces Celtes de grande corpulence, & le cuer de mesme) pour traiter d'alliance & confederation avec luy. Ce qu'ayans impetré, il demanda aux Celtes, que c'estoit qu'ils craignoient le plus en ce monde: estimant qu'il fust desia redouté en leur pays, & encores plus loin: & qu'ils confesseroient aisément, qu'il estoit la chose qui sur toutes autres leur donnoit crainte. Eux au contraire à raison de ce que leur pays estoit bien fort esloigné d'Alexandre, & qu'ils habitent en des lieux presque inaccesibles: ioinct qu'ils le voyoient se preparer à d'autres guerres,

Ville des
Getes rasee.

Respōchar- respondirent, que sur tout ils craignoient, que quelque iour
die des Am- le ciel tombast sur eux. Alexandre ne fesoient point de la
baſſadeurs reſponſe hautaine de ces Ambaſſadeurs. Et nonobſtant
des Celtes à icelle les ayant receuz en amitié & confederation, les licen-
Alexandre. cia, leur diſant ſeulement ce mot, Les Celtes ſont preſom-
 ptueux. Au partir de là, comme il eſtoit en chemin pour aller
 au pays des Agrians & Peoniens, luy vindrent nouuelles que
Reuolte de Clite fils de Bardylee auoit abādonné ſon party: & que Glau-
Clite fils de cias Roy des Taulances ſeſtoit allié avec luy, & que eux deux
Bardylee. auoient ioinct leurs forces. D'autres rapporterent que les Au-
Gláucias roy tariales eſtoient en embuſcade, & qu'ils ne faudroient pas de
des Taulan- le charger. Aumoyen dequoy il fut d'aduis de faire marcher
ees. ſon armee en toute diligence. D'auenture eſtoit lors avec
Autariates. Alexandre Langare Roy des Agrians, à qui il portoit bonne
 affection, & luy monſtroit tous ſignes de familiarité: & le-
Langare roy quel, meſmes du viuant du feu Roy Philippe, enuoyoit au-
des Agrians. cuneſois en particulier des ambaſſadeurs vers Alexandre.
 ceſtuy aiant entendu les nouuelles qu'on auoit apportees à
 Alexandre des Autariates, diſt, Qu'il n'eſtoit ja beſoin de ſe
 donner peine pour ſçauoir quelles gens c'eſtoient que les Au-
 tariales, pour autant que c'eſtoit vne nation la moins belli-
 queuſe qui fuſt en toute ceſte marche. Que ſ'il le vouloit laiſ-
 ſer faire, il iroit à ſes propres couſts & deſpens, & avec ſes
 troupes ſeulement leur faire la guerre: qui eſtoit vn bon
 moyen de les empeschier chez eux à la deſenſe de leur pays.
 Son aduis fut grandement loué & approuué d'Alexandre,
 parquoy commença à marcher contre les Autariates, pillant
 & gaſtant le plat païs, & mettant à feu & à ſang tout ce qu'il
 rencontroit. Dequoy les Autariates eſtonnez ſe retirerent en
 leurs maiſons tout doucement ſans faire aucun ſemblant de
 ſe vouloir remuer. Alexandre remercia fort affectueuſement
 le Roy Langare, & luy ſeit de riches & honorables preſents.
 Meſmes luy promit que ſi toſt qu'il ſeroit de retour à la ville
 de Pella, il luy bailleroit ſa ſœur Cyne en mariage. Mais Lan-
 gare mourut auant que les nopces fuſſent celebrees. Ces cho-
 ſes

Cyne ſœur
 d'Alexandre.

ses exécuteurs Alexandre se mit en chemin costoyant de non guere loin la riuere de Erigone, vers la ville de Pellion: de laquelle festoit emparé Clite comme de la plus forte place de la contree. Où estant arriué, assit son camp aupres de la riuere Eordaique, en delibération de donner l'assault le lendemain à la ville. Clite tenoit les montaignes d'alentour, qui estoient fort couuertes de haults boys, & bien aduantageuses pour luy (n'estant encores arriué Glaucias Roy des Taulan-ces) pour venir de là charger les Macedoniens, pendant qu'ils donneroient l'assault à la place. Comme Alexandre approchoit, les ennemis apres auoir sacrifié à leurs dieux trois ieunes garçons, & autant de filles, ensemble trois moutons noirs: sortent de furie comme pour venir combattre les Macedoniens. Mais quand ils furent aupres ils tournerent le dos, & abandonnerent les lieux aspres & bossus dont ils festoient pensé preualoir. Ceux qui allerent apres eux trouuerent au lieu dont ils estoient partis, les victimes de l'abominable sacrifice. Ayant donc ce iour là resserré les ennemis dans leurs murailles, & festant campé, il auoit proposé & resolu d'assiéger la forteresse. Mais quand on sceut le lendemain que Glaucias estoit arriué pour secourir les assiégez, Alexandre deceu de l'esperance qu'il auoit de prédre la ville avec ceste poignée de gens qu'il auoit fait passer avec luy, au regard de la forte garnison qui estoit dedans, & le grand nombre de vaillants hommes & aguerris que Glaucias auoit amené, dont il estoit bien aduerty, print autre aduis: & ennoya Philotas avec quelques cornettes de caualerie courir & fourager les terres de l'ennemy. Ce qu'estant venu à la cognoissance de Glaucias, il prend son chemin vers Philotas, & se met en embusches aux montaignes, par où il estimoit que Philotas retourneroit. Dont Alexandre aduerty prend quant & quant avec luy les soldats portans pauois & ceulx de trest, avec enuiron quatre cens hommes de cheual Agrians, & accourt en toute diligence au secours: laissant le surplus de son armee en son camp, de peur que ceux de la ville le suiuan en queue se

Sacrifice ex-
ecrable.

b

ioignissent avec Glaucias. Lequel Glaucias si tost qu'il sentit le vent qu'Alexandre marchoit celle part, abandonna les montagnes. Et par ce moyē Philotas avec sa troupe se retira sain & sauf au camp. Ce neantmoins, Clite & Glaucias pensoient desia tenir Alexandre à leur discretion, à cause de l'aspreté & difficulté des lieux. Car ils festoient campez en des montagnes hautes, bien accompagnez de caualerie, de gens de treſt & de fonde, & encores d'autres plus fort armez : & estimoiet que si Alexandre leuoit le camp de deuant la ville avec toute son armee, ceux de dedans ne faudroient de luy donner en queue. D'auantage les lieux par où il falloit qu'Alexandre passast, estoient estroicts & couuerts de bois : d'un costé la riuiere, de l'autre la montaigne rendoiet le lieu si pressé, qu'il n'y auoit pas pour passer quatre hommes de front avec rondaches. Alexandre aiant mis son armee en bataille, & enuoyé deuant six vingts fantassins pour s'emparer du destroict, à chasque aile met deux cens cheuaux : & leur defend à tous de faire aucun bruiſt, à fin de receuoir mieux, & plus tost les commandemens qu'il leur feroit, si en estoit besoin. Leur enioinct de porter leurs piques toutes droictes, puis couchees la poinſte deuant, & tantost à droict, tantost à gauche, cōme la necessité le requerroit. Ce pendant, tirant tousiours auant, conduisoit l'infanterie en poinſte en toute diligence, ores d'une sorte puis d'une autre : & changeant ainsi souuent l'ordre de son armee, en fin tourne tout court vers les ennemis : qui estoient bien esmerueillez de voir ces choses se manier avec non moins de grace & bon equippage, que de dexterité & bonne conduicte. Quand on les eut attaincts, ils ne tarderēt gueres à quitter leurs montagnes, sans oser seulement attendre la premiere charge des Macedoniens : adoncques Alexandre commanda que de toutes parts on feist de grandes huces, & qu'on frappast des iauelines sur les pauiſ : duquel bruiſt festōnerent encores d'auantage les Taulances, & à val de route gaignerent la ville. Alexandre apperceut que quelques vns des ennemis tenoient encores un costau de montaigne, au lieu dont

dont il venoit : au moyen dequoy commanda à ses gardes & autres qui se trouuerent pres de luy, que avec leurs pauois ils montassent à cheual de la riuere pour tirer droit à mont : & si les ennemis faisoient teste, vne partie d'eux missent pied à terre & combattissent avec les autres de cheual. Ce qu'ils executerent vaillamment, de sorte que les ennemis, sans attendre le choc, abandonnerent le costau & s'enfuirent par les montaignes. Duquel costau s'empara Alexandre avec la compagnie des amis : puis manda les Agrians & gens de trect, qui estoient enuiron deux mil, & commanda que les soldats portans pauois passassent la riuere : & apres eux les bandes Macedoniennes, avec charge expresse que si tost qu'ils seroient passez ils se meissent en bataille, les pauois ioincts les vns aux autres, à fin que les rangs des gens de pied apparussent plus ferrez. Luy comme fil eust esté en vne eschauguette cõtemploit de dessus ceste montaigne la contenance des ennemis. Lesquels ayans apperceu que vne partie de l'armee auoit passé la riuere, marcherent droit à ceux qui estoient demeurez de l'autre costé de l'eau. Mais Alexandre se presentant à eux les repoussa sans grãde peine. Et quant & quant les soldats, cõme ils eussent ja passé la riuere, ietterent de hauts cris d'allegresse. Apres que Alexandre eut mis en fuitte les ennemis qui luy estoient à dos, avec les Agrians & gens de trect tira vers la riuere, & luy tout le premier passa à gué. Puis voyant que les ennemis retournoient encores pour donner sur la queue de son armee, feit braquer quelques pieces d'engins de guerre sur la riue opposite, & feit retourner en l'eau les archers & autres gens de trect qui auoient ja passé pour tirer sur les ennemis. Glaucias n'osoit approcher à la portee du trect. Ce pendant les Macedoniens passent en seureté, sans perdre vn seul homme. Trois iours apres Alexandre, qui auoit eu aduertissement que Clite & Glaucias s'estoient campez de l'autre costé de l'eau, en vn lieu peu aduantageux pour eux, sans aucune defense ny trenchee : mesme que en leur camp ne se faisoit aucun guet ny garde, comme ils eussent eu opinion qu'Alex-

xandre les redoutast, & eust à ceste occasion passé la riuere : que leur camp estoit disposé en long, ce qui ne leur pouuoit apporter que tout mal : fait de rechef sans bruit repasser de nuit la riuere aux soldats Agrrans portans pauois, & gens de trect, avec les regimens de Perdiccas & de Cene : ordonnant au surplus de l'armee de suivre. Et aussi tost que l'occasion de bien faire se fut presentee, sans attendre ceux qui n'estoient encores passez, fait marcher les gens de trect & les Agrians droit aux ennemis, & les assaillirent furieusement avec grandes hucées, la part qu'ils les estimoient estre plus foibles, tuans les vns qui dormoient encores, les autres qui n'auoient eu loisir d'endosser le harnois, d'autres qui pensoient se sauuer à la fuite : plusieurs aussi furent faits prisonniers. Et ne cessa ceste chasse iusques à ce que les ennemis, apres auoir ietté leurs armes çà & là parmy les champs, paruindrent aux montagnes des Taulances. Clite en ceste furie f estoit du commencement retiré dedans la ville : puis il mit le feu dedans, d'autant qu'elle ne luy sembloit de defense, & s'en alla au pays des Taulances apres Glaucias. Pendant le temps que ces choses se passoient ainsi de ceste part, quelques vns qui estoient fuitifs de Thebes entrerent par nuit secrettement dans la ville, sollicittez par aucuns leurs amis de tendre à quelque mutation : & pour y paruenir massacrerent inhumainement Amyntas & Tymolascapitaine de la garnison de la citadelle & chasteau, qu'ils appellent Cadmee, les ayans trouuez à l'escart, & qui ne pensoient à rien moins que à tel fait d'hostilité. Et tout quant & quant appellans le peuple à haute voix, sous couleur de recouurer leur liberté, sefforcerent de distraire les Thebains de l'obeissance d'Alexandre, les enhortans de s'affranchir de la dure & moleste domination des Macedoniens. Ce qui estoit d'autant plus aisé à persuader à la commune, qu'ils asseuroient par serment que Alexandre estoit mort en Esclauonie : & desia estoit le bruit tel en beaucoup de lieux. Et qui rendoit la chose croyable, estoit, qu'il y auoit ja long temps qu'Alexandre estoit absent, & que per-

sonne

Clite &
Glaucias
desfaits.

Motif de la
guerre de
Thebes.

Cadmee cha-
steau de
Thebes.

sonne n'auoit apporté de sa part aucune nouuelle à Thebes. Au moyen de quoy comme il aduient ordinairement en telles affaires, eulx qui ne sçauoient comme le tout alloit, inclinèrent facilement la part qui leur estoit plus à gré. Quand cela fut rapporté à Alexandre, il estima qu'il ne deuoit estre mis à mespris, ains meritoit bien qu'on en feist vne punition rigoureuse & exemplaire: d'autant mesmes qu'il tenoit la ville des Atheniens pour suspecte, & qu'il estoit bien aduerti dés long temps auparauant que les Lacedemoniens & autres du Peloponese ne luy estoient pas trop bien affectionnez: & craignoit que eux avec les Etoliens, qui sont gens legers & de volonté peu constante, prinsissent alliance & confederation avec les Thebains. Parquoy il partit delà, & apres auoir passé Heordea & Elymiotis, & les monts Stympheans & Paryeans, paruint le septième iour d'apres qu'il fut party, à Pella ville de Theffalie. De là continuant son chemin, en six traites arriua en la Beotie. Et ne sçauoient pas encores les Thebains qu'Alexandre fust entré és frontieres de la Beotie, qu'il estoit desia paruenue avec tout son ost à Oncheste. De quoy aduertis les chefs de la rebellion, d'autant qu'ils ne pouuoient empescher le bruiet qui couroit, donnoient à entendre que les compagnies qui approchoient estoient là enuoyees de la Macedoine de la part d'Antipater: & que Alexandre pour tout certain estoit mort: se choleroient contre ceux qui apportoint nouuelles qu'Alexandre venoit, & leur vouloient mal de mort. Mais quand ils veirent que de iour en iour venoient gens qui asseuroient de plus en plus la venue d'Alexandre, s'aduiferent de dire que c'estoit bien Alexandre qui approchoit, mais que c'estoit vn autre Alexandre fils d'Erope. Le lendemain Alexandre feit partir son camp d'Oncheste, tirant droit à Thebes, & se vint camper tout ioignant le boys sacré de Iolas, pour donner loisir aux Thebains de se repentir & recognoistre leur faute & d'enuoier aucuns d'entre eux vers luy. Mais tant s'en fallut que les Thebains donassent occasion de les receuoir à composition: que

Saillie des
Thebains
sur le camp
d'Alexandre.

au contraire incontinent ils feirent vne saillie avec leur cavalerie & gens armez à la legere, donnans iusques aux fentinelles du camp, & tuerent à coups de fleches aucuns soldats Macedoniens. Alexandre enuoya en diligence quelques bandes de ceux qui estoient legerement armez, & de gens de trect pour leur faire teste: lesquels sans grande peine les repousserent iusques dans leurs murailles, combien qu'ils fussent desia entrez iusques dans le camp. Le iour d'apres costoyant les murailles de la ville, avec toute son armee, se vint camper pres des portes qui conduisent à Eleutheres & au pays d'Attique, non gueres loin de la Cadmee: à fin d'auoir moyen de secourir ceux de la citadelle, en ce qu'il pourroit. Ceste citadelle estoit tenue assiegee par ceux de la ville: qui auoient fait alentour d'icelle double trenchee, pour empêcher que ceux de dedans fussent secouruz par dehors: & qu'ils leur vinssent courir sus, quand ils sortiroient sur l'ennemy. Alexandre qui aimoit mieux que les choses s'appaisassent par quelque douce composition, que de veoir les Thebains tomber en danger, differoit tousiours d'assaillir la ville. Vne partie des habitans qui auoient en recommandation l'estat & conseruation de leur republique, & qui estoient de meilleur & plus sain entendement, estoient d'opinion, qu'il estoit bon d'aller au camp, & demander pardon au Roy. Tout au cōtraire les bannis, & ceux qui auoient esté autheurs de la rebellion, specialement quelques vns bruslans d'ambition, s'employoiēt de tout leur pouuoir à diuertir le peuple d'entendre à la paix. Toutefois encores pour cela ne peut estre esmeu Alexandre de battre la ville: ains temporoit tousiours se tenant campé pres de la Cadmee, attendant si les Thebains se recognoistroient point avec le temps. Mais Perdicas le contraignit de changer d'aduis. Cestuy Perdicas estoit maistre de camp, lequel (ainsi que tesmoigne Ptolomee) ayant son quartier assez pres du rampart des ennemis, sans attendre le commandement du Roy, se mit à le rompre & abbatre. Et apres en auoir rompu vne partie, commença à charger

Siege de la
ville de Thebes.

charger sur la garde des ennemis, la force & se ietta dedans. De mesme courage suiuit avec le regiment qui estoit sous sa charge, Amyntas, qui estoit fils d'Andromene, lequel aussi auoit la son quartier. Alexandre voyant que force luy estoit de combattre, de peur que ses soldats ne fussent environnez des ennemis fils n'estoient secourus, changeant d'opinion fait sortir du camp tout le reste de l'armee, & marcher droit là : & apres auoir fait passer ses gens de trecht & les Agrians dans le rampart, commanda aux Argyraspides, & aux autres compagnies de se tenir & demeurer dehors en bataille. Perdicas ainsi qu'il acheuoit d'abbatre & demolir le rampart par dedans, est griefuement nauré & rapporté au camp : & fut la cure de sa playe difficile. Ceux qui estoient passez dans le rampart avec luy se sentas renforcez de la venue des gens de trecht, prennent encores plus de courage, & poursuient leur poincte iusques à la rue qui conduict au temple de Hercule. Là les Thebains cessans de fuir, reprennent haleine : & tournans visage avec vne grande huer reiectent la peur & estonnement sur leurs ennemis. Il y eut soixante & dix soldats des gens de trecht tuez : & avec eux Eurybotas de Crete leur colonnel. Les autres ne cesserent de fuir, iusques à ce qu'ils eurent attaints les Argyraspides & vn escadron de Macedoniens. Quand Alexandre veit les Thebains ainsi acharnez sur ses gens fuians, & les poursuiure confusement & sans prendre garde à eux, fait soudain partir son bataillon de gens de pied : & fait rebrousser chemin aux ennemis vers la ville, plus viste-ment qu'ils n'estoient sortis : & donna telle frayeur aux fuiarts, qu'ils ne peurent fermer les portes apres eux : de façon que les vainqueurs se ietterent pêle-mêle avec les vaincus dans la ville : car de ceste part la muraille estoit demeuree sans defense, à raison de la garde qui auoit esté assise au dehors. Quand ils furent paruenus à la Cadmee, les soldats de la garnison fortans soudainement, se ioignirent avec les Macedoniens : & apres auoir fait vn grand carnage arriuerent au temple d'Amphion. Aucuns d'eux poursuiuirent les Thebains fuyants ius-

Argyraspi-
des estoient
appelez les
sacassins qui
portoiēt des
rodaches ou
pauois argē-
tez: ou, selon
l'opinion
d'autres, des
armes ar-
gentees.

La prise & sac de Thebes.

Comparaison des calamitez aduenues à l'occatiō des autres guerres en Grece avec celles de Thebes. De la desfaiſte des Atheniens en Sicile.

Autre desfaiſte des Atheniens.

ques à la grand place. Il y eut quelques capitaines Thebains qui feirēt teſte pour vn peu de temps aupres du temple d'Amphion : mais à l'arriuee d'Alexandre avec l'Infanterie, ſe ſentans chargez de toutes parts tournerent le dos : les gens de cheual gaignerent les champs à la fuitte, ceux de pied ſe ſauuerent comme chacun peut. Les Thebains furent plus cruellement traiſtez de ceux de la Phocide & de Platee & des autres Beotiens, deſquels ils eſtoient mal voulus, que des Macedoniens. Et ne peurent iamais ny les maiſons priuees, ny les edifices ſacrez, ny les autels des dieux, ſi biē ſauuer aucun, que la furie des ſoldats ne feſtēdiſt par tout, & iuſques aux femmes & petits enfans. Si toſt que les nouuelles en furent portees par les voiſins, aux pays plus loingtains, non ſeulement ceux qui auoient eſté participans à l'emotion des Thebains, mais auſſi toute la Grece entierement ſe trouua grandement eſtonnee, de veoir vne ſi riche & ſi puiſſante cité en ſi peu de tēps toute ruinee. Car la perte que feirent les Atheniens en la Sicile, encores que pour le nombre de gens qui y moururent, la ville d'Athenes ne receut pas moins de dommage : toutesſois d'autant que ceſte calamité eſtoit aduenue loin du pays, & que la pluſpart de ceux qui y eſtoient morts, eſtoit de leurs alliez & non de leurs citoyens, fut eſtimee plus tolerable : ioinſ que leur ville eſtoit demeuree ſauue : avec laquelle ils eurent moyen de ſouſtenir encores longuement la guerre contre les Lacedemoniens & leurs alliez : & contre de bien grands Roys : qui fut cauſe qu'ils ne ſentirent par leur mal ſi fort, & n'en eut oncques tel effroy le ſurplus de la Grece. Et la perte que feirēt les meſmes Atheniēſ à la guerre nauale aupres du fleuue Egis, pour ceſte conſideration fut trouuee d'importance, que les murailles de la ville furent abbattues, les vaiſſeaux de mer liurez aux ennemis, & la Seigneurie retranchee : mais la choſe publique, la diſcipline des anceſtres, & l'ancienne liberté demeurèrent en leur entier. Et ſi peu de temps apres ils receurēt leurs richesses perdues : & apres auoir recouré la domination ſur la mer, leurs murailles furent rebasties : qui plus eſt, eux meſmes

mesmes deliurerent de grands perils & dangers les Lacedemoniens, lesquels pour lors ils redoutoient par dessus tous autres : & qui n'auoient esté guerres loin de mettre à sac la ville d'Athenes. Pour le regard de la desfaiete des Lacedemoniës à Leuctres & à Mantinee, elle apporta plus de frayeur à cause qu'elle estoit aduenue contre leur opinion & esperance, que de dōmage pour le nombre de ceux qui y moururēt : & la bataille des Beotiens & des Arcadiës sous la conduite de Epaminōdas contre les mesmes Lacedemoniës à Sparte, estoit na plus pour la nouveauté du cas les Lacedemoniens & leurs confederez, que pour estre l'infortune grand & dōmageable.

Quant à la prise de la ville de Platee, tant la petitesse de la ville, que le peu de citoyens qui y furent tuez (car la pluspart festoient retirez à Athenes) la faiet trouuer moins facheuse. En pareil, le sac des bourgs insulaires Meli & Scioné causa veritablement plus de honte & de blasme aux victorieux, que de perte à la Grece. Mais lon referoit, & non sans grande apparence de raison, le temeraire conseil qu'auoient pris les Thebains, leur soudaine desconfiture & desfaiete si grande, cōme faiete par ceux qui se vouloient venger de vieilles iniures : la prise si soudaine & si facile de leur ville, laquelle en puissance & gloire bellique fleurissoit entre toutes celles de la Grece, à l'ire des dieux, comme voulant punir les Thebains (bien que long temps apres) de ce qu'ils auoient trahy le surplus de la Grece en la guerre des Medois : de ce qu'ils auoient razé la ville de Platee, contre la teneur de la trefue : de ce que cruellement, chose qui n'auoit iamais esté pratquee par les Grecs, ils auoient faiet mourir ceux des Lacedemoniens qui festoient rendus à eux : & qu'ils auoient du tout demoly la ville, de laquelle estoient sortis tous les Grecs en bataille contre les Medois, pour repousser leur effort de tout le reste de la Grece : & de ce que (entant qu'en eux estoit) ils auoient pourchassé la ruine d'Athenes au temps que ayans les Lacedemoniens pour confederez, ils estoient entrez en deliberation de destruire la ville d'Athenes. Il estoit aduenu beaucoup de choses, comme

Les Lacedemoniës vaincus à Leuctres & Mantinee.

Autre desfaiete des Lacedemoniens à Sparte.
La prise de Platee.

Sac de Meli & Scioné.

par le vouloir diuin, chez les Thebains auant la destruction de la ville, dont pour lors (ainsi qu'il aduient ordinairement) on n'auoit pas tenu grand conte : mais depuis la memoire s'en rafraichit, & iugea on bien que cela n'estoit autre chose, que signes qui presagioient la future calamité. Alexandre permit à ses alliez qui auoient faict deuoir en ce siege, de disposer des Thebains ainsi que bon leur sembleroit. Il establit garnison dans la Cadmee, & feit razer & démolir la ville de fond en comble. Il departit les terres & possessions des Thebains, fors celles qui appartenoint aux temples, entre ses alliez. Ordonna que les hommes & femmes qui estoient demeurez apres la guerre, & ceux qui auoient esté faicts prisonniers seroient vendus, exceptez les gens de religion tant hommes que femmes, & ceux qui auoient autrefois esté seruiteurs & amis de Philippe ou d'Alexandre en priué, ou des Macedoniens par droit d'hospitalité. Outre cela, que les villes d'Orchomene & Platee seroient rebasties & fortifiees si bon sembloit ausdits alliez: puis, que lon

La ville de Thebes raze.

La maison de Pindare sauuee en faueur de la poésie.

Les Grecs apres la prise de Thebes sefforcent de gratifier Alexandre.

Les Eliens r'appellent les bannis en faueur d'Alexandre. Les Etoliens enuoyent vers Alexandre.

Les Atheniëns

mettroit le feu par tout: & que ceste cité auparaui si florissante, si ancienne, si riche & si renommee, seroit raze. Lon donna seulement à la maison & à la lignee du poëte Pindare, en l'honneur des Muses, & ce par le comandement d'Alexandre. Quand les Grecs eurent entendu la ruine de Thebes, principalement les Arcadiens, à fin de gratifier le Roy & acquerir sa grace, condamnerent à mort tous ceux de leurs citoyens qui auoient donné confort ou aide aux Thebains, ou qui auoient eu intelligence avec eux. Les Eliens r'appellerent ceux qu'ils auoient bannis de leur pays, pour autant qu'ils estoient amis & seruiteurs d'Alexandre. Il n'y eut peuple entre les Etoliens qui n'enuoyast gens vers Alexandre, pour le requerir & supplier humblement, qu'il n'adioutast foy au rapport qu'on luy auoit faict, à sçauoir qu'ils auoient voulu prendre les armes, si tost qu'ils eurent ouy les nouuelles de la reuolte des Thebains : en tout cas, qu'il luy pleust leur pardonner. Mesme les Atheniens effroyez quand ils entendi-

rent

rent par aucuns Thebains qui sy refugierent apres la prise de la ville, ce qui estoit adueni, differerent par quelsques iours de soléniser les mysteres qui escheoient lors : & ordonnerent qu'on eust à apporter dans la ville tous les outils & instruments seruans au labourage & autre meuble des champs. Et estant le peuple assemblé, fut arresté par l'aduis & conseil de Demade qu'on enuoyroit vers Alexandre dix Ambassadeurs, personages que lon penseroit luy estre plus agreables. La charge de ceux-là fut de dōner à entendre à Alexandre, que les Atheniens estoient bien ioyeux de ce que luy & son armee estoient retournez sains & saufs de la guerre qu'il auoit eue contre les Triballes & Illyriens : ensemble de ce qu'il auoit rangé à la raison les Thebains rebelles & seditieux, prenant sur eux la vengeance correspondante à leur demerite. Alexandre pour le regard de ces poincts leur respondit assez doucement : mais il enuoya lettres aux Atheniens, par lesquelles il demandoit que Demosthene, Lycurge, Hyperide, Polyenet, Chare, Charideme, Ephialte, Diotim & Merocle luy fussent enuoyez. Sur ceux-là il reiettoit la faute de la bataille de Cheronee, qu'auoient perdue les Atheniens. Il les chargeoit aussi d'auoir esté auteurs de tout ce que les Atheniens auoient iamais fait depuis ce temps là, fust contre luy, ou contre le Roy Philippe : & de fraiche memoire de la rebellion des Thebains. Les Atheniens auant que luy enuoyer ceux qu'il demandoit, depescherēt autres personages vers luy, pour le supplier de pardonner à leurs citoyens : par laquelle Ambassade il fut appaisé, & de fait leur pardōna : fust ou pour l'honneur qu'il portoit à la ville d'Athenes, ou pour le desir qu'il auoit de faire passer son armee en Asie : ne voulant rien laisser en la Grece surquoy il eust souspeçon ou deffiance : il commanda seulement que Charideme, contre lequel il estoit principalement animé, fust banny. Cestui-cy abandonnant le pays, se retira en Asie vers le Roy Daire. Alexandre apres toutes ces choses s'en retourna en Macedoine : où il feit à Iupiter Olympien le sacrifice qui auoit esté iadis institué par

estōnez met-
tent peine
d'entretenir
Alexandre,

Retour d'A-
lexandre en
Macedoine.

Aristander
bon deuin.

Prediction
que plusieurs
poètes & mu-
ficiens escri-
roiēt & chā-
teroient les
faits d'Ale-
xandre.
Asmee d'A-
lexandre pour
la guerre
d'Asie.

Alexandre
sacrifie à
Protesilas.

Archelas. Il celebra des ieux Olympiques à Eges: & si or-
donna des ieux & solennitez aux Muses. Pendant ce temps fut
rapporté que la statue d'Orphee le Thracien (qui fut fils
d'Eagre) qui estoit en la Pieride, suoit: surquoy fallut auoir
l'aduis des deuins. Et comme les vns interpretoient ce pro-
dige d'une sorte, les autres d'une autre, Aristander le Tel-
missien, qui surpassoit tous les autres en l'art de deuiner,
estant interrogé, que pouuoit signifier pour l'aduenir ceste
sueur? Il en faut, dict il, auoir bonne esperance: C'est, que les
poètes trauailleront beaucoup à l'aduenir pour celebrer &
chanter la louange des faits d'Alexandre. Tost apres sentant
le printemps approcher, il se mit en chemin avec son armee
vers l'Hellespont, laissant à Antipater le gouuernement de la
Macedoine & de la Grece. Pour la guerre d'Asie il auoit leué
quelque-peu plus de trente mil hommes de pied, y cōprins ceux
qui estoient armez à la legere avec les gens de trect: & enuiron
cinq mil hommes de caualerie. Il feit passer son camp non guē-
res loin du lac Cercinite, pres d'Amphipoli, & de la bouche de
la riuiera de Strymon, laquelle ayāt trauerse, il passa le mōt de
Pangée du costé du chemin qui conduit à Abdere & Maro-
nee, qui sont villes situees sur la mer. De là venant à la riuiera
de Eure, la passa aisément: puis par la region Petique alla des-
cēdre à la riuiera de Melane, que passa son armee: & la vingt-
ième iournee, à compter du iour qu'il estoit party de Mace-
doine, il arriua à la ville de Seste. Partant de là, alla à Eleonte,
où il sacrifia à Protesilas, aiant fait dresser des autels sur son
tombeau: pour autant que la commune renommee estoit,
que Protesilas auoit esté le premier de tous les Grecs qui a-
uoient suiuy Agamemnon à la guerre de Troye, qui auoit mis
le pied en l'Asie. Et feit prieres Alexandre que sa descente en
Asie luy fust plus heureuse, que n'auoit esté à Protesilas celle
qu'il y auoit faite. Apres cela il donna à Parmenion la char-
ge de faire passer de la ville de Seste à celle d'Abyde la gen-
darmerie & la pluspart de l'Infanterie: qui passerent sur cent
soixante galeres, & quelques vaisseaux de charge. Plusieurs
tiennent

tiennent que Alexandre fait voile d'Elconte au port des Acheens, & que luy mesmes seruit de pilote à la nauire capitaineſſe: & que quand il fut paruenü au milieu du deſtroict de l'Helleſpont, il ſacrifia vn taureau à Neptune & aux Nereïdes: & qu'il ſeit avec vne phiole d'or des effuſiõs à la mer. Ils diſent auſſi, que luy le premier de tous deſcendit en la terre d'Asie, & que aux lieux où il feſtoit embarqué, & où il prit terre, il ſeit eriger des autels à Iupiter le deſcendeur, à Pallas & à Hercule: & qu'eſtant arriué à Ilion, il ſacrifia à Pallas la Troyenne: au temple de laquelle il appendit les armes qu'il portoit ordinairement, & en prit d'autres qu'il y trouua, leſquelles auoient eſté conſacrées à Pallas: & auoient eſté iuſques là tenues comme reliques de la guerre de Troye. On diſt que les Argyraſpides ſouloient porter ces armes en guerre deuant la perſonne du Roy. On a tenu pour choſe vraye iuſques icy, qu'il celebra les funeraillles de Priam à l'autel de Iupiter le Hercien: pour appaiſer l'ire d'iceluy enuers la race de Neoptoleme, dont il eſtoit iſſu. Comme il eſtoit en chemin pour aller à Ilion, Menetie general de l'armee de mer du Roy, luy mit vne couronne d'or ſur la teſte. Le ſemblable ſeit Chares Athenien qui venoit de Sigee. Autant en firent beaucoup d'autres, tant Grecs que Aſiatiques. On diſt auſſi qu'il orna & couronna de fleurs & feſtons le ſepulchre d'Achille, le diſant bien heureux d'auoir trouué vn tel herault que Homere pour dignement chanter & publier ſes faiſts & louanges. Et à la verité doit on pour ce regard eſtimer Achille plus heureux qu'Alexandre, auquel ceſte partie ſemble faire faute, pour paruenir au comble de toute felicité. Car à vray dire ſes faiſts n'ont iamais eſté redigez par eſcrit, ſoit en vers ou autrement, auſſi dignement qu'ils le meritoient. Et n'ont chanté les muſiciens d'Alexandre, ainſi qu'ils ont fait de Hieron, Gelon, Theron, & prou d'autres, leſquels ny en faiſts, ny en honneur & renommee, n'approcherent oncques en rien d'Alexandre. Au moyen dequoy eſt aduenü que pour le iourd'huy ſont moins notoires les hauts & memorables faiſts d'Alexan-

Deſcôte d'Alexandre avec ſon armee en Aſie.

Alexandre prend ſes armes au tẽple de Pallas, & y en prend d'autres.

Alexandre celebre les funeraillles de Priam.

Alexandre diſt Achille bienheureux d'auoir eu Homere pour deſcrire ſes faiſts.

dre, que les bas & obscurs de plusieurs des anciens. Et qu'ainsi soit le combat des dix cheualiers qui accompagnoient Cyr cōtre Artaxerxe, & la prise de Clearch & de ses compagnons: mesme le retour iusques à la mer des dix mil auanturiers, sous la conduicte du capitaine Xenophon, ont esté sans comparai- son plus notoires & haut-louez par le moyen de Xenophon, qui en a escript: que ne fut onques Alexandre luy mesmes, ny tout ce qu'il a fait. Et encores qu'il n'ait point guerroyé sous la charge d'autrui, & qu'il n'ait pas en fuiant vaincu les troupes du Roy de Perse, l'empeschants de descendre en ses pais bas vers la mer: si est ce qu'il n'y a & n'y eut iamais homme, soit Grec ou estranger, qu'on puisse ny en grādeur ny en multiplicité de faits & conquestes esgaller à luy. Qui a esté la principale raison qui m'a occasionné à rediger ses faits par escript, encores que ie sçache bien que beaucoup d'autres en ont escript, ne m'estimant point indigne de ce faire. Or pour monstrer qui ie suis qui ay ceste assurance de moy-mesme, i'estime qu'il ne sera point de besoing de declairer mon nom, par ce qu'il est assez cogneu, ny semblablement mon pays, ny mon lignage: ny aussi quelles dignitez & honneurs i'ay eu en la ville dont ie suis. Je me contenteray de dire, que ie n'ay faite d'ornement pour le regard de ma patrie, de mon lignage, ny des offices & honneurs que i'ay euz: & que dès ma iu- nesse ie me suis addonné aux bonnes lettres. D'auantage que ce ne sera point sans bonne & iuste cause si ie suis mis au rang des premiers qui ont escript en langue Grecque: ainsi que Alexandre entre ceux qui ont acquis le premier degré d'hon- neur & reputation au maniement des armes, & à la suite de la guerre. Alexandre donc laissant Ilion alla à Arisbé, où s'estoit campeé toute son armee à la descente de l'Hellepont: le len- demain à Percote: puis en passant à Lampfac, fallà loger sur la riuere qu'on appelle Prosaëtie, laquelle prend sa source des monts Ideans, & va tomber à la mer entre l'Hellepont & le pont Euxin. De là print la brisee de Hermoton, passant outre la ville de Colone. Apres auoir enuoyé ses auant-coureurs pour

Il semble
que Arrian
veuille taxer
en passant
Xenophon.

L'auteur
de soy.

pour descouurir soubz la conduicte d'Amyntas fils d'Arrabee avec la cōpagnie des amis qui luy estoient venus d'Apollonie (dont estoit chef Socrate fils de Sathon) & outre ce quatre compagnies de cheuaux legers : il se meit en chemin, & enuoya quelques bandes, dont estoit colōnel Panegore vn de ses fauorits, pour receuoir les clefs d'vne ville nōmee Priam: les habitans de laquelle auoient promis de la rendre. Les chefs de l'armee des Perſes estoient Arſames, Reomitres, Petanes, Niphates, & avec eux Mithridates gouuerneur de Lydie & Ionie: & Arſites Satrape de ceste partie de la Phrygie qui est vers l'Helleſpont: tous leſquels ſeſtoient assemblez avec leur cāualerie, & les Grecs qui estoient à leur ſoulde, à la ville de Zelege. Et quand ils entendirent que Alexandre auoit paſſé l'Helleſpont, ils tindrent cōſeil comme ils ſe deuoient gouuerner en ceste affaire de ſi grande importance. Memnon Rhodien y eſtant appellé fut d'opinion que en l'abſence de Daire on ne deuoit rien hazarder, ne donner bataille aux Macedoniens: entendu que les Macedoniens estoient plus forts d'Infanterie: & encores que la preſence d'Alexandre leur augmētoit la force & le courage: ou au cōtraire Daire estoit abſent. Mais qu'il trouuoit bon de faire le degaſt au pays, & fouler aux pieds des cheuaux tout le fourage & paſturage: bruſler les bleds & autres fruiſts de la cōtre, & n'eſpargner pas les villes meſmes: & que Alexandrē ne pourroit pas ſeiourner en lieu, où il y euſt faute de ces choſes, dōt on ne ſe ſcauroit paſſer. Arſites, à ce qu'on dict, ſeit reſpōſe, qu'il n'endureroit pas qu'on bruſlaſt vne ſeule maiſon de ſon gouuernemēt. Lequel aduiſ fut ſuiuy des Perſes qui auoiēt opiniō que Memnon deſiroit que la guerre fuſt de lōgue duree: à fin de demeurer cepēdant en la charge qu'il auoit. Pendāt ce temps Alexandrē gaignoit tant qu'il pouuoit la riuere du Granic: & ayant faiſt deux bataillons de ſon infanterie, meit la gendarmerie ſur les ailes: & commanda à ceux qui conduiſoient le bagage de ſuiure de pres. Enuoit deuant pour descouurir la contenance de l'ennemy Egeloch avec les gens de cheual portās * Sariffeſ, & cinq cens armez à

Chefs de l'armee des Perſes en la Natolie.

Conſeil tenu par les chefs de l'armee Perſique.

Sariffe eſt vn mot Macedonien, qui vaut autant à dire que, iaculine ou lāce gaye.

Deliberatio
sur le passa-
ge du Gra-
nic.

la legere. Alexandre n'estoit pas loing du Granic qu'il appercoit aucuns de ceux qui auoient esté enuoeiez pour descouurir, qui retournoient à bride abbatue rapportans que les Perses estoient campez de l'autre costé de la riuere, & que desia ils estoient en bataille. Quoy entendu, incontinent il ordonna son armee preste à combattre. Alors Parmenion s'adressant au Roy: Je suis d'opinion, Sire, dict il, qu'il seroit bon d'asseoir le camp sur le bort de la riuere, tout à l'endroit des ennemis: car ie n'estime pas qu'ils ozent passer la nuit si pres de nous, veu que nous sommes plus forts d'infanterie: & partant ils peuuent craindre que demain dès le point du iour nous trauersions l'eau, auant qu'un seul d'eux se vienne presenter pour combattre. Car nous aurons plus tost trauersé la riuere qu'ils n'auront mis leurs gens en bataille, ny disposé en bonne ordonnance. Or de ce faire, maintenant ie n'y voy aucun moyen sans hazarder par trop vos gens: parce qu'il est mal aisé de passer la riuere icy à trauers, d'autant qu'il y a beaucoup de profondes fosses & grands creuz, comme vous pouuez voir: & le bort de delà haut & droit. Que si nous pensons gagner l'autre riué sans ordre, & le bataillon de nos gens estroit, qui est vne tresfoible & mauuaise maniere de bataille: i'ay doute que nostre infanterie ne soustienne pas l'impetuosité de leur caualerie. Et si l'alloit mal pour nous à ceste premiere rencontre, ce seroit quant à present vn bien grand mal: mais ce seroit bien pis pour le regard de l'opinion qu'on peut auoir de toute ceste guerre. Alexandre luy respondit à cela; Je ne veux pas nier, Parmenion, que ce que vous auez dict, ne soit vray: mais ce seroit vne grande honte à nous, qui auons tant à nostre aise passé l'Hellepont si ce ruisseau (ainsi appelloit il par mespris le Granic) nous empeschoit de gagner l'autre riué. Cela feroit grand tort à la reputation, qu'ont acquis les Macedoniens, & au courage & allegresse dont i'ay accoustumé d'vser en telles affaires. D'auantage les Perses prendront cuer, & se voudront esgaler aux Macedoniens, tout ainsi que fils leur ressembloient

en

en courage & en bonne conduicte de guerre, fils voient que au commencement & à l'entree de ceste guerre nous ne facions chose digne de la craincte que nous leur auons donnee. Il n'eut plustost finy son propos qu'il partit en deux ses forces, & feit chef de la poincte gauche Parmenion : & à la poincte droite, laquelle il conduisoit, il meit Philotas, qui estoit fils de Parmenion, avec la gendarmerie des alliez, les gens de trect, & les Agrians qui portoient des sarisses. Il y feit aussi entrer Amyntas fils d'Arrabee avec les hommes de cheual qui portoient des partifannes, & les Peoniens, & le regiment du capitaine Socrate : & aupres d'eux les Argyraspides, qui estoient sous la charge de Nicanor : puis les bandes des gens de pied, dont estoient chefs Perdiccas fils d'Oront, Cene de Polemocrate, Cratere d'Alexandre, & Amyntas d'Andromene. A la poincte gauche feit marcher le premier Calas fils d'Harpale avec la caualerie Theffalienne : en apres Philippe fils de Menelas avec la gendarmerie du secours : puis Agathon avec les Thraces : apres eux les regiments de gens de pied de Cratere, Meleager & Philippe : & fut, comme dict est, ceste partie de la bataille donnee à conduire à Parmenion. Au camp des Perses y auoit vingt mil homes de cheual, & enuiron autant de gens de pied estrangers. Ainsi donques qu'Alexandre s'acheminoit à la riuere, les ennemis ordonnerent leur caualerie l'estendant fort en long, & meirent leurs gens de pied deuant, pour defendre les borts qui estoient fort hauts. Mais quand ils apperceurent qu'Alexandre estoit de front deuant leur poincte gauche (car ils le pouuoient facilement remarquer entre les autres, tant à cause de la splendeur de ses armes, que au fliche equippage, & braue contenance de ceux qui estoient alentour de luy) ils renforcerent ce costé là de plus grosse caualerie. Les batailles rangees en la forme qu'auons deduiet, les vns & les autres demeurèrent quelque temps sans se mouuoir, contemplant la contenance de ceux qu'ils auroient à combattre : & redoutant chascun son ennemy. Les Perses attendoient que les Macedoniens se meis-

Ordōnance
de l'armee
d'Alexandre
pour com-
battre.

Armee des
Perses.

d

sent en l'eau , à fin de les assaillir au sortir. Quand Alexandre veit que l'ennemy ne se bougeoit del'autre riuage, monta incontinent à cheual, commandant à ceux qui estoient alentour de luy de le suiure , & se monstrent hommes : & fait entrer deuant luy quelques caualiers pour enfans perdus en la riuiere, & avecques eux Amyntas celuy qui estoit fils d'Arrabee, avec les Peoniës, & vne bande de fantassins. Deuant ceux là il auoit enuoyé Ptolomee fils de Philippe, soubz la charge duquel il auoit mis le regiment de Socrate , & auquel la conduite presque de toute la caualerie fut donnee ce iour là. Luy conduisant la poincte droicte, si tost que les trompettes eurent sonné dedâs, avec grands cris & hucées des soldats se mit en l'eau, faisant estendre en flechissant son armee à l'endroit du riuage, où le cours de l'eau estoit plus roide: de peur que si les Macedoniens sortoient de la riuiere en bataille serree & estroicte, les ennemis se mettans en l'eau les enuironnassent, ains que luy plustost se peust aider de son infanterie pour les inuestir. Quand les Perses veirent que Amyntas & Socrate avec leurs compagnies approchoient de la riuie, commencerent à tirer coups de fiesches sur eux, les vns de dessus la riuie, la part qu'elle estoit plus haulte, les autres de dedans la riuiere. Là y eut vn grand conflict entre les deux caualeries, les vns voulans gaigner le riuage, les autres l'empeschans. Les Perses combattoient avec des dards & iauelots, les Macedoniens avec des iauelines: mais les Macedoniës pour estre moins en nombre que les autres, du commencement auoient du pire: aussi, par ce qu'ils combattoient d'un lieu bas, n'aiants le pied ferme contre les ennemis qui estoient sur le riuage haut esleué, & auoient aussi assis la force de leur caualerie au lieu du passage. Là combattirēt au danger de leurs personnes les fils de Memnon, & depuis Memnon luy mesme. Les premiers des Macedoniens qui se presenterent pour monter sur la riuie, y laisserēt la vie: les autres se retirerent en sauueté vers Alexandre qui approchoit, & n'estoit pas loin conduisant la poincte droicte de l'armee: lequel soudain donna dedans les ennemis, où il veit

Description
de la bataille
donnee au
Granio.

veit les gens de cheual & les chefs de l'armee des Perses plus ferrez. La meslee fut aspre à l'entour du Roy, voulans mon-
 strer les vns & les autres ce qu'ils sçauoiēt faire. Ce pendant les
 bandes Macedoniennes passoient. Et combien que la bataille
 fust principalement entre gens de cheual, si sembloit elle estre
 plustost entre gens de pied : car pesse messe hommes & che-
 uaux faisoient deuoir de cōbattre. Les Macedoniens s'effor-
 çoient de se faire maistres du riuage, & d'en chasser les Perses:
 les Perses empeschoient à leur pouuoir le passage & issüe aux
 Macedoniens. Mais en fin aians les Macedoniens repoussé
 les ennemis, gaignerent le riuage. Et à dire la verité, ils sur-
 passoient les Perses en force & courage, & entendoient trop
 mieux le faiēt de la guerre: aussi qu'ils vsoiēt de treēts faits de
 cornillier si durs & si forts, qu'il n'y auoit cuirasse qui y peust
 resister. Comme Alexandre combattoit vaillamment, sa iae-
 line se rompit : adonc il demanda à Aretes son escuier qui e-
 stoit proche de luy, la sienne, mais il veit qu'elle estoit aussi
 rompue: & partant fut contrainct de combattre avec la hante
 de sa iaeline, qui luy estoit demeuree au poing. Tost apres
 aiant recourré vne iaeline d'un Corinthien de la Cornette
 des amis appellé Dibarate, alla attaquer Mithridates, qui estoit
 gēdre de Daire (lequel s'estoit aduacé plus que les autres) & luy
 tira vn coup au visage, duquel il le rua par terre. En ceste mes-
 lee Roefaces s'approchant d'Alexandre luy tira vn grand coup
 de hache d'armes sur la teste, de sorte qu'il faulsa son armet,
 sans toutesfois autrement l'offenser : mais Alexandre s'estant
 retourné vers luy, le perca de part en part, nonobstant sa cui-
 rasse, qui ne peut resister à la violence du coup. D'autre costé
 Spitridates prenant Alexandre par derriere, auoit leué sa ha-
 che pour le frapper : mais Clite qui fut fils de Dropide, le pre-
 uenant empescha le coup, & luy baillant vn coup de hache sur
 l'vn des espaulles luy aualla vn bras. Ce temps pendant ceux à
 qui la fortune fauorisoit, sortoient de la riuere sur le riuage,
 & falloient mettre en bataille avec les autres qui estoient ja
 passez. Les Perses qui voyoient que eux & leurs cheuaux e-

Alexandre cō-
 bat avec la
 hante d'une
 iaeline.

estoient quasi tous naurez de coups de treçts, & qu'ils ne pou-
 uoient soustenir l'effort de la caualerie des ennemis qui les
 pressoit de toutes parts, & que les pietons armez à la legere,
 meslez parmy les gens de cheual les offensoient grandement :
 commencerent premieremēt à se retirer au pas, droict la part
 où Alexandre auoit esté en danger peu auparauant. Mais
 quād le milieu de la caualerie se sentit charger plusfort que de-
 uant, elle quitta la place : & estant tout mis en desordre, tous
 les hommes de cheual Perfes s'enfuirent à val de routte : dont
 y en eut enuiron mil tuez à la fuitte. Alexandre ne poursuiuit
 les fuiarts gueres loin, ains retourna vers les estrangers qui
 estoient à la soulde de l'ennemy : lesquels estoient demeurez
 en bataille, plus par ce qu'ils estoient comme gens esperdus
 & surpris de frayeur, de veoir l'issuē de ceste bataille toute au-
 tre qu'ils n'auoient esperé : que pour enuie qu'ils eussent de
 combattre. Si fait marcher contre eux son infanterie d'un co-
 sté, & de l'autre sa caualerie, & furent tous taillez en pieces. Il
 n'en eschappa vn seul, si quelqu'un d'aduenture ne se sauua
 parmy les morts. Le nombre des prisonniers fut de deux mil
 ou enuiron. Des chefs de l'armee des Perfes y moururent Ni-
 phates, Petanes, Spithridates Satrape de Lydie, Mithrobuzanes
 gouuerneur de Cappadoce, Mithridates gēdre de Daire,
 Arbupale fils de Daire Artaxerxe, Pharnaces frere de la fem-
 me de Daire, & Omars colonel de l'infanterie estrangere qui
 estoit à la soulde des Perfes. Arsites apres ceste bataille se retira
 en Phrygie : où, comme lon dict, luy mesmes se fait mourir,
 pour autant qu'on auoit opinion, qu'il auoit esté cause de tout
 ce mal aduenu aux Perfes. De la part des Macedoniens mou-
 rurent vingt cinq hommes à la premiere charge : & à ceux-là
 fait eriger Alexandre des statues de cuiure au temple de Jupi-
 ter de la main de Lysippe : lequel seul entre tous les imagers
 & fondeurs de son temps, pour estre excellent en son art, fut
 estimé par Alexandre digne de fondre en cuiure son image.
 Du surplus, de la caualerie on trouua faute de soixante hom-
 mes, & d'environ trente soldats : lesquels dès le lendemain fu-
 rent

Défaicte des
Perfes.

Chefs de l'ar-
mee des Per-
fes morts à la
bataille.

Arsites se
fait mou-
rir.

Lysippe ex-
cellent fon-
deur.

rent enterrez par le commandement d'Alexandre avec leurs armes, & tout l'équipage d'hommes de guerre. Et à leurs pères, meres, & enfans, il donna exemption & immunité de toutes charges publiques tant reelles que personnelles. Outre ce, il prit grand soin des naurez allant visiter chacun d'eux. Et regardant luy mesmes leurs playes, s'enqueroit d'eux, comme ils auoient esté blesez, prenant plaisir à les ouir vanter & conter les choses à leur aduantage. Mesmes il feit enterrer les corps des chefs de bandes des Perses, & des Grecs qui estoient à leur foulde, qui auoient esté tuez à la bataille. Les autres Grecs qui estoient à la foulde des Perses, qui vindrent prisonniers au pouuoir d'Alexandre, il les enuoya en Macedoine, apres les auoir condamnez comme serfs au traual perpetuel de leurs bras enchainez toute leur vie, pour autant qu'ils auoient porté les armes pour les barbares & estrangers contre les Grecs: & cè contre le decret & ordonnâce generale de toute la Grece. Il enuoya aussi à Athenes trois cens corcelets Persiens, pour en faire present & offrande à Pallas, avec ceste inscription, Alexandre fils de Philippe & les autres Grecs, hors mis les Lacedemoniens, ont gagné ce butin sur les Barbares d'Asie. Apres cela le gouuernemēt entier des pays qui auoient esté soubz Arsites, fut donné à Calas par Alexandre, qui enuoignit aux subiets de luy payer semblables subsides & impositions qu'ils auoient accoustumé de payer auparauāt à Daire: & renuoya à leurs maisons les Barbares qui estoient venus des montaignes se rendre à luy. Il pardonna aussi aux Zelires: car il estoit biē aduerti que malgré eux ils auoiēt pris les armes pour les Barbares. Et enuoya Parmenion pour s'emparer de Dascylion: ce qu'il feit, s'en estant fuyé de crainte la garnison. Luy feit marcher son armee vers la ville de Sardis. Et comme il approchoit d'environ quatre lieues & demie de la ville, vindrent au deuant de luy Mithrenes capitaine de la garnison du chasteau, & des plus anciens de Sardis, luy promettans, à sçauoir ceux cy de luy rēdre la ville, & Mithrenes le chasteau, & toutes les finances du Roy qui y estoient. Il s'en alla camper

Alexandre octroye exemption des charges publiques aux pères, meres, & enfans des decedez en bataille pour son seruice. Alexandre visite les blesez.

Alexandre enuoie en Grece des armures des ennemis vaincus.

Alexandre pardonne aux Zelires.

Sardis ren-
due à Ale-
xandre.

Estat & rei-
glement dô-
né par Ale-
xandre au pais
conquis de
Lydie.

aupres de la riuere de Herme, distant de Sardis de cinq quarts de lieuë: dôt il enuoia Amyntas, celuy qui estoit fils d'Andromene pour se saisir du chasteau & des deniers q̄ luy deliureroit Mithrenes. Lesquels aiant receu, il tint tousiours de là en auât Mithrenes en credit & autorité. Il remeit en leur liberré ancienne les Sardians, & tous les autres peuples de Lydie, & leur permit de iouir de leurs anciens droicts, coustumes, priuileges & franchises. Le chasteau de Sardis estoit situé en lieu haut, droict & couppé de toutes parts, & fortifié de trois murailles. Quand il y fut entré, le voyât si fort de nature & d'artifice, il delibera d'y bastir vn temple à Iupiter Olympien. Et comme il consideroit le plan pour y asseoir ce temple, soudainement se va leuer, comme la saison l'addonnoit, vn grand orage & tempeste: dont proceda vne pluye qui tomba seulement en ce lieu, qui est le palais Royal des Lydiens. Le tout bien considéré il iugea que son dessein estoit agreable aux dieux: & sur l'heure commanda qu'on donnast ordre à commencer ce temple. Il donna la garde du chasteau à Pausanias l'vn de ses fauorits, avec bonne garnison, & ordonna que Nicias y demeureroit Tresorier general pour leuer les finances qui prouiendroient des tailles, peages & autres subsides & impositions du pais. Institua son lieutenant general au pays de Lydie, & au surplus de ce qui auoit esté parauant du gouvernement de Spithridates, Asandre fils de Philotas, luy laissant des hommes de cheual & des soldats legerement armez, autant qu'il en estoit de besoing pour tenir sa prouince en obeïssance. Au gouvernement que tenoit Memnon y establit gouverneurs Calas & Alexandre le fils d'Erope. Ausquels il donna les compagnies du Peloponese & la plus part des allies fors les Argiens: lesquels auoient esté choisis pour la garnison du chasteau de Sardis. Pédant ce temps les auanturiers estants à la soulde des Perses, qui auoient esté mis en garnison à Ephese aians senti le vent de ceste bataille abandonnerent la ville, & s'embarquerent dans deux galeres des Ephesiens qu'ils prindrent. Auecques eux se retira Amyntas le fils d'Antioch,

d'Antioch, lequel s'en estoit fuy de Macedoine, du temps qu'Alexandre y estoit encores, non pour aucun mescontentement ou iniure qu'il eust receu: mais seulement pour quelque mal talent qu'il luy portoit, & la crainte qu'il auoit de luy. Le quatrième iour d'apres la bataille, il arriua à Ephese, où il l'appella & remit en leur entier tous ceux qui estoient fuitifs pour auoir tenu son party. Changea le gouuernement de la chose publique, laquelle estoit regie par peu d'hommes: & ordonna qu'elle seroit gouuernee par le peuple: & que les tailles & subsides qu'ils auoient accoustumé de payer aux Perses, seroiēt pour l'aduenir leuez par chacun an au prouffit & pour le seruice de la deesse Diane: laquelle estoit grandement reuersee en la ville, y aiant vn temple de tressomptueuse & magnifique structure. Les Ephesiens n'eurent plustost secoué le ioug & la craincte qu'ils auoient de ceux qui auoient nagueres l'administration de la chose publique, qu'ils delibererent de faire mourir ceux des habitans qui auoient donné entree à Memnon en la ville, & qui auoient pillé le temple de Diane: & ceux qui auoient abbatu & brisé la statue de Philippe. Ceux aussi par lesquels le tombeau de Heropythe qui auoit autrefois remis la ville en franchise, auoit esté effouy de terre & rompu en la grand place. Et de faict ils tuerent à coups de pierres l'un d'eux appelé Syrphax, apres les auoir tirez du temple, où ils s'en estoient fuiz à sauueté. Quant aux autres, Alexandre defendit de les recercher, craignant que par le moien de ceste licence les innocents fussent aussi bien mis à mort, que les coupables: & que sous ceste couuerture plusieurs se voulsissent venger de leurs iniures particulieres: d'autres prinsissent de là occasion de voller & piller. En quoy Alexandre receut plus d'honneur & louange qu'en tout ce qu'il feit au demeurant à Ephese: d'autant que par ce moyen il sauua vne si noble & fameuse cité d'estre ruinee. Ce pendāt vindrēt de la Magnesie & de Tralles Ambassadeurs vers luy, promettāt mettre leurs villes en son obeissance: pour lesquelles recevoir, il enuoya Parmenion avec deux mil cinq cens

Alexandre ar-
riue à Ephe-
se, où il chā-
ge l'estat de
la Republi-
que.

Téple som-
ptueux de
Diane à
Ephese.

Heropythe
remit iadis
Ephese en
liberté.

hommes estrangers qui estoient à sa foulde, & autant de Macedoniens, avec enuiron deux cens hommes de cheual des alliez. Il depeſcha pareillement Alcimal fils d'Agathocle avec pareil nombre de gens de guerre vers les villes d'Eolie, & en Ionie, pour taſcher à prendre les villes que tenoient encores les Barbares: à fin d'en oſter du tout l'Oligarchie, c'eſt à dire, le gouuernement de peu d'hommes, & remettre l'eſtat des republicues en la liberté & puissance du peuple, ce que les Grecs appellent Democratie: avec mādement de leur remettre & quitter toutes les tailles & tributs qu'ils ſouloient payer auſdits Barbares. Et luy demeurant à Ephēſe ſacrifia à Diane en grāde pompe & celebrité y aſſiſtāt toute ſon armee en bataille cōme ſ'elle euſt voulu cōbattre. Le lendemain partit, aiant avec luy le reſte de l'infanterie, ſes gens de treſt & les Agrians, avec la caualerie de Thrace, la cornette Royale des amis, & trois autres regiments, tirant vers la ville de Milet: & prit la ville d'Exoda en paſſant, la trouuant ſans deſenſe. Il ſe campa en celieu, en deliberation de fortifier le dedans & lieux plus peuplez de la ville. Parce que Hegēſtrat, auquel Daire auoit cōmis la garde & deſenſe de Milet, ayant enuoyé vers luy pour luy rendre la ville, ſ'eſtoit reuocqué: faſſeurant du ſecours nouuellement arriué des Perſes, qui n'eſtoient gueres loin de là. Deſia Nicanor avecques vne armee ſur mer qu'il auoit amenee de la Grece, trois iours auparauant que les Perſes approchaſſent de Milet, eſtoit arriué en l'Isle de Lades, qui eſt à la veuē de Milet, y tenant preſts ſes vaiſſeaux qui eſtoient en nōbre de cent ſoixante. Dont les Perſes ayants eu aduertiffement, ſ'arreſterent ſoubs la montaigne de Mycalé: car ceſte Isle de Lades auoit eſté garnie par Alexandre non ſeulement des nauires de Nicanor, mais auſſi de Thraces & de ſoldats eſtrangers iuſques au nōbre de quatre mil, qu'il y auoit enuoyez. Les Barbares auoient pres de quatre cens vaiſſeaux. Parmenion ſe conſiant en la viſtoire de nagueres obtenue ſur les ennemis, conſeilloit à Alexādre, ja-ſoit qu'il n'eũſt ſi grand nombre de vaiſſeaux, de hazarder vne bataille. Qui eſtoit
auſſi

Siege de
Milet.

aussi cause de le faire ainsi iuger, estoit vn presage qu'il estoit bon & propice, d'un aigle qui auoit esté veu sur le riuage de la mer du costé de la poupe de la nef Royale. Et iugeoit que fils demeueroient vainqueurs, ce seroit vn grand aduantage à Alexandre, & bon moyen de paruenir à la victoire entiere, & finale de toute ceste guerre. Et fils auoient du pire, qu'il n'y auroit pas grand perte: d'autant que les Perses pour la grande quantité de vaisseaux qu'ils auoient, estoient aussi bien maistres de la mer, voire sans combattre. A ce faire il promettoit qu'il n'espargneroit rien qui fust de sa force, de son deuoir, ou de son pouuoir: & que s'il y auoit du danger, il en porteroit vne bonne partie. A cela Alexandre luy respondit doucement: Qu'il sabusoit grandement, & que ce n'estoit pas assez de bien interpreter le presage. Que ce seroit mal pratiqué le faict de la guerre, si avec ce peu de vaisseaux qu'il auoit, & ses soldats de la marine assez mal exercez, il falloit presenter en bataille contre les bandes des Cypriens & Pheniciens bien aguerries. Qu'il ne permettroit iamais que l'on feist experience de la vaillance des Macedoniens alencontre des Barbares en lieu si instable & si mal seur. Par ce que s'il aduenoit que les Macedoniens à ceste premiere rencontre sur mer eussent du pire, l'inconuenient qui en aduiendroit seroit bien grand, & tourneroit fort au desaduantage & diminution de leur renomée & reputation pour beaucoup de raisons: mais principalement pour ce que estant la nouuelle de la desfaiete par mer portee en Grece, les Grecs pourroient bien chez eux se remuer, & tordre à quelque mutation. Et que partât il ne trouuoit pas bon pour lors de donner bataille sur mer. Et pour le regard du presage, qu'il le prenoit tout autrement qu'il ne falloit. Qu'il pensoit bien que l'aigle le conseruaist: mais en ce qu'on l'auoit veu s'abaisser sur le riuage, que cela signifioit que les Perses deuoient estre vaincus par terre, & non par mer. En ces entrefaictes vint au camp vers Alexandre l'un des premiers de la ville de Milet appellé Glaucippe, là enuoyé de la part du peuple & des auanturiers qui estoient à leur soule, ausquels

Parmenion
conseille à
Alexandre de
donner ba-
taille sur
mer.

Alexandre
respôd à Par-
menion.

auoit esté commise la garde & defense de la ville. Sa cōmission fut de remonstrer que ceux de la ville accorderoient que leurs murailles & ports fussent cōmuns aux Macedoniens & aux Perses : prioient Alexandre de se vouloir contenter de cela, & leuer le siege de deuant la ville. Alexādre irrité de ceste Ambassade cōmanda à Glaucippe de retourner sur le champ à la ville, & dire de sa part aux assiegez qu'ils se tinssent prests pour combattre à la prochaine aube du iour. Et quant & quant feit braquer ses pieces & engins de batterie cōtre la muraille, dont il feit tomber incontinant vn pan, & en esbranla bien fort vne autre grande partie. Il auoit desja aduertty les soldats, de se tenir prests pour donner l'assaut à la ville par la bresche, ou par le lieu auquel la muraille estoit endommagée & prestte à tomber. Tout cela se faisoit au veu & sceu des Perses, qui tenoient leur armee de mer à Mycalé. Et pēdant le temps qu'on traualloit de ceste part, Nicanor qui voyoit de l'isle de Lades les approches que faisoit Alexandre, s'en partit avec sa flotte & laissant le riuage à costé, tira droit au port de Milet; & sestant emparé de l'emboucheure d'iceluy, feit tourner les proües des nauires vers la mer. Et par ce moyen il osta aux Perses toute esperance de l'entree du port: & aux assiegez de pouuoir estre secourus par l'armee de mer des Perses, en laquelle ils auoient confiance. Alors les habitans & leurs soldats perdirent courage: & voyans les Macedoniens entrer de toutes parts, se lancerent en la mer, nageans les vns & se trainans sur leurs pauois & boucliers vers vne isle dont le nom est peu cogneu, proche de la ville: d'autres se ietterent dans des barques & esquifs qu'ils trouuerent au port, pensans s'en fuir: mais ils furent arrestez par les Macedoniens & mis au fil de l'espee. Il y en eut aussi beaucoup de tuez dans la ville. Alexādre ne fut plustost entré dans la ville, qu'il tira droit à l'isle où estoient retirez ceux de la ville, faisant porter des eschelles sur les proües des nauires, pour avec icelles monter des nauires aux rochers & precipices de l'isle cōme à vne muraille. Mais quand il les veit s'apprester pour luy faire teste, il eut pitié

Prise de Milet.

pitie d'eux, pour le bon cueur & la fidelité qu'il voyoit estre en eux. A raison dequoy il feit appointment avec eux, à la charge qu'ils se mettroient à son seruice. Ce qu'ils (du moins les soldats, qui estoient trois cens) luy promirent. Et quant aux habitans qui estoient eschappez de l'assaut, il les laissa aller les vies & liberté sauues. Les Barbares ce pendant partans souuent de Mycalé avec leur armee sur mer venoient de iour se presenter à la veüe de l'armee Grecque, pour tascher de l'attirer au combat : & de nuit retournoient à Mycalé : qui toutefois leur estoit vne trelmauuaise retraite pour recouurer ce qui leur estoit necessaire, principalemēt pour auoir de l'eau douce. Car ils n'en pouuoient recouurer plus pres qu'au fleuve de Meandre. Ce qu'estant venu à la cognoissance d'Alexandre, il feit boucher de vaisseaux le port de Milet, à ce que les ennemis ne le surprinssent : & enuoya Philotas à Mycalé avec toute la caualerie & trois regimēts de gens de pied, pour empescher les Barbares de descendre en terre. Les Barbares se voyans denuz de moyen de recouurer de l'eau douce, & autres munitions dont ils ne se pouuoient passer, feirent voile à Samos : où s'estans fournis de viures reprindrent la routte de Milet : & en passant pardeuant la bouche du port, feirent arrester en haute mer grāde partie de leurs vaisseaux, pour tousiours tascher à attirer les nauires des Macedoniens en pleine mer. Cinq desdicts vaisseaux se ietterent en vn certain port, droict entre ceste autre Isle & l'armee, en intētion de surprendre à l'impourueu les nauires d'Alexandre qu'ils pensoient trouuer sans defense : d'autant qu'ils auoient eu aduertissement que les compagnōs de la marine estoient allez à la picoree, bien loin de leurs nauires, les vns pour querir du bois, les autres des viures, quelques vns pour butiner. Et à la verité vne bonne partie d'eux estoient absents. Mais quant Alexandre apperceut que les nauires des Perfes approchoient, il se hesta pour mettre en defense avec les soldats de la marine qui là se trouuerent, dix vaisseaux qu'il enuoya au deuant : leur commandant que sans temporiser ils allassent droict à eux pour les

inuestir. Si tost que les Perses veirent, contre leur attente, ces vaisseaux tirer droit à eux, ils se meirent à fuir vers le reste de leur flotte. Vne galere des Iasseiens tardifue & pesante a la rame y fut prise : les autres sans cesser de fuir gaignerent leur armee. Quand les Perses cogneurent par experience qu'ils ne prouffitoient en rien avec leur flotte, partirent de Milet. Apres le partement desquels, Alexandre tant par faute de finances, que par ce qu'il n'estoit fort assez sur mer pour resister aux Perses, luy qui ne vouloit rien perdre de ses forces, delibera de desarmer ses vaisseaux, & rompre son armee de mer. Il consideroit aussi que puis que il auoit l'Asie en sa possession, laquelle il pouuoit aisémēt tenir par le moyen des forces qu'il auoit en terre, qu'il ne luy estoit point de besoing d'auoir armee sur mer, & que d'autant qu'il pouuoit assieger & prendre les villes maritimes avec ce qu'il auoit de gēs, l'armee qu'auoient les ennemis sur mer ne leur seruiroit plus de rien : par ce qu'ils ne sçauroient plus où-leuer gens pour tirer à la rame, pour remplir les places de ceux qu'ils perdroient. Outre ce, qu'ils n'auoient plus en toute l'Asie de ports ny de villes où ils se peussent retirer. Et disoit que ce n'estoit autre chose que luy auoit voulu demonstrier l'aigle qui auoit esté veu, à sçauoir que de terre ferme il vaincroit les vaisseaux de mer des ennemis. Ces choses ainsi executees, il se mit en chemin pour aller au pays de la Carie : par ce qu'il auoit entendu que à Alicarnasse y auoit grosse assemblee des Barbares & d'autres gens de guerre qui estoient à leur soule. Et apres auoir pris en passant toutes les villes & bourgs d'entre Milet & Alicarnasse, assiet son camp à vn quart de lieuē d'Alicarnasse, estimāt que le siege d'icelle seroit long : Car outre ce qu'elle estoit fortē d'assiette, Memnon (lequel à ceste occasion Daire auoit ostably son lieutenant general es basses prouinces de l'Asie & aux affaires de la marine) auoit garny toute ceste contree de munitions necessaires, & y auoit laissé bonne garnison tant des vieilles bandes estrangeres, que de Perses naturels. Mesmes il auoit fait retirer au haure les gale-
res,

Alexandre
entre au païs
de Carie.

res, pour la defense de la ville, desquelles aussi on se seruoit aux fortifications & autres choses. Donques Alexandre faisant des le premier iour marcher son armee vers la ville : les habitans & les soldats de la garnison sortans par les portes qui conduisent à Mylassa, feirent vne saillie sur les Macedoniens, & les chargerent viuement à coups de treçt. Mais ils furent soustenuz par les Macedoniens & repoussez iusques dans leurs murailles. Peu de iours apres Alexadre print avec luy les soldats portans pauois, la caualerie des alliez, & les regiments des gens de pied des capitaines Amyntas, Perdicas & Meleager : & outre ceux-là les gens de treçt avec les Agrians, & alla recognoistre la ville du costé de Mynde : pour voir si d'auenture la ville seroit plus facile à prendre par là. Et si s'acheminant en diligence, & auant que personne en peust estre aduertty à la ville de Mynde, il la pourroit surprendre. La prise de laquelle luy pouuoit beaucoup seruir pour le siege d'Alicarnasse. Et de ce faire l'occasion se presentoit. Car quelques vns estoient venuz à luy de Mynde, qui auoient promis de luy bailler entree de nuiçt, par vn lieu dont on ne se donnoit de garde s'estant donques acheminé par nuiçt à Mynde, comme il auoit esté conuenu & arresté, il s'approcha des murailles : & voyant que personne ne parloit plus de la reddition de la ville : encores qu'il n'eust point d'eschesles ny d'engins de batterie, d'autant qu'il n'estoit pas allé pour donner assaut, mais pour s'emparer de la ville par intelligence : neantmoins il feit approcher l'infanterie Macedonienne, commandant de sapper & miner vn certain endroiçt de la muraille. Ce qu'ils eurent incontinent executé : & ruerent bas vne tour, laquelle estant tombee la muraille ne demeura pourtant nue. Ceux de dedans secondez de quelsques bandes de soldats qui estoient venus par mer à leur secours d'Alicarnasse, luy resisterent si vaillamment, que son entreprise ne reüssit aucunement. Et partant sans auoir rien proufité, sen retourna au siege d'Alicarnasse. Où en premier lieu il feit combler vn fossé, que les citoyens auoient fait faire

Alicarnasse
assiégée.

Entreprise
sur la ville
de Mynde.

deuant la ville, qui estoit de trente coudees de largeur, & de quinze de profondeur: pour faire approcher plus aisément de la ville les tours de bois, dont on tireroit sur les Alicarnasiens, & d'autres engins de guerre pour battre la muraille. Apres que le fossé eut esté, sans grande difficulté, remply, on commença à approcher les tours de bois. Ce qu'estant apperceu par ceux de la ville, feirent vne saillie par nuit pour venir mettre le feu à ces tours, & aux engins de batterie: mais ils furent roidement repoussez dans leur ville par les Macedoniens, qui auoient esté commis à la garde de dictz engins, & par quelques autres soldats qui estoient venuz au secours au bruiet des autres. De ceux là y moururent cent soixante & dix: entre lesquels fut recogneu Neoptoleme fils d'Arrabee, qui auoit laissé le party d'Alexandre: & estoit frere d'Amintas. De la patt d'Alexandre ny en demeura pas plus de seize: mais il y en eut pres de trois cens blesez. Ce qui aduint d'autant que cōbattans de nuit, ils n'eussent sceu eiter les coups de trechts des ennemis. Peu de iours apres deux soldats Macedoniens d'une mesme compagnie, qui fut depuis sous la charge de Perdicas, apres auoir bien beu, entrerent en querelle sur les exploicts d'armes de l'un & de l'autre. Et estoit entre eux question qui emporteroit ce point d'honneur d'estre le plus vaillant. Si prēnent tous deux leurs armes, & s'en vont vers les murailles de la ville du costé de Mylassa, sans congé de personne: & plus pour faire essay de leur proüesse, que pensans deuoir combattre contre l'ennemy. Les aians apperceuz quelques vns de la ville n'estre que deux, si osez neantmoins & si hardis que d'approcher de leur murailles, sortent incontinent sur eux, & les viennent charger. Ceux-cy s'approchans d'eux les mettent en pieces: puis cōmencent à charger sur d'autres de la ville, qui estoient vn peu plus loin, que le bruiet auoit amenez là. En fin ils se veirent les plus foibles, tant par ce qu'on tiroit sur eux de dedans la ville, que pour autant que grand nombre d'hommes en estoient sortis à la file qui leur couroient sus. Mais ils furent secouruz de plusieurs

Neoptoleme fils d'Arrabee tué au seruice des Perles.

Brief mais plaisant discours de deux soldats en debat de leur vaillâce.

fieurs foldats, tant de ceux de Perdicas qui fortirēt du camp, que d'autres qui vindrent d'Alicarnasse. Dont aduint qu'il y eut grand conflict deuant la ville, auquel les citadins furent de rechef repoussez iusques dans leurs portes. Et sen fallut bien peu que les Macedoniens poursuiuans leur poincte ne prissent la ville: parce que ceux de dedās estoient assez nonchallās à la garde de leurs portes: & que outre ce deux de leurs tours avec la courtine d'entre deux estoient tombees rez terre. Et eust esté bien aisé d'y entrer, si toutes les forces eussent esté à ceste meslee. Il y auoit vne tour proche des deux tombees ja entamee par les pieces de baterie, qui fust biē tost venue à bas, si les Macedoniens l'eussent encores tant soit peu esbranlee. Ce que craignans les assiegez auoient faict par dedans vn mur de brique, comme vn demy-cercle: & l'eurent faict en peu d'heure, par ce qu'il n'y auoit celuy des habitans qui ne s'y employast. Le lendemain si tost qu'Alexandre eut faict approcher les pieces de baterie contre ceste muraille, ceux de la ville sortirent en armes pour y mettre le feu. Et de faict bruslerent quelsques tentes qui estoient pres de la muraille & partie d'vne tour de bois. Le surplus fut vaillamment defendu par Philotas & Hellanic, qui auoient la garde des pieces. Quand ceux de la ville apperceurēt qu'Alexandre assistoit en personne à ceste meslee, ils se retirerent fuyans dans leurs portes, iettans par terre les flambeaux qu'ils auoiēt porté pour mettre le feu, & leurs armes aussi. Du commencement les Alicarnassiens, pour estre la place haute & partant aduantageuse pour eux, estoient les plus forts, & pouuoient à leur aise offenser les assaillans tant de front que en flanc, mesmes ceux qui entroient par la muraille tombee pour s'aduācer vers celle qui auoit esté nouuellement faite: sur lesquels ils tiroiēt par les costez, & quasi par derriere. Peu de iours apres, ainsi que Alexandre faisoit de rechef approcher les engins pour battre la muraille de brique, qui auoit esté faicte au dedans de la ville, y estant luy mesmes en personne, & donnant courage à ses gens, les assiegez (ce que n'eussent iamais estimé les Macedoniens) tant par la bresche,

que de Tripylon, ouurans la porte font vne faille, iettans sur les pieces & engins de batterie des pots & lances a feu, & autres choses propres à embrazer. Mais estans soustenus par Alexandre, & offenze par ceux qui tiroiēt des tours furēt contraincts de rebrousser chemin vers la ville, non sans grande perte de leurs gens. Et y en demeura d'autant plus, que plus & avec plus grande furie estoient sortis à ce conflict qu'au precedent. Car ceux qui s'attacherent aux Macedoniens furent taillez en pieces à la meslee, ou vers la brèche en fuyant : par ce que la voye estoit trop estroicte pour y tenir tant d'hōmes : & que l'abbatis de la muraille empeschoit beaucoup le passage. Et quant à ceux qui estoient sortis vers Tripylon, Ptolomee avec les compagnies d'Addee & Timander, & quelques autres soldats des bandes armées à la legere, les mit en routte. Et comme ils fuyoient en grand desordre par dessus vn pont qu'ils auoient dressé sur vn grand & parfond fossé, le pont succombant au fais du grand nombre de personnes qui estoient dessus, fondit sous eux : tellement que beaucoup d'eux y furent accablez : quelques vns tombans du haut en bas les vns sur les autres furent accrauantez. Il y en eut aussi plusieurs tuez d'enhaut par les Macedoniens. Le plus grand carnage fut pres des portes. Par ce que ceux de la ville qui estoient r'entrez les premiers auoient fermé les portes apres eux, craignans que les ennemis entrassent pisse-mesle avec leurs gens de la ville : & par ce moyen grand nombre des leurs estoit demeuré dehors, lesquels furent tous taillez en pieces pres des murailles par les Macedoniens. Et peu'en fallut que la ville ne fust prise par mesme moyen. Mais Alexandre qui desiroit plustost sauuer la ville, que la ruiner, feit sonner la retraitte, pour voir si les Alicarnassiens viendroient point demander quelque appointement. On trouua perte de ceux de la ville de mil hommes ou enuiron : & des Macedoniens de quarante & non plus : entre lesquels estoient Ptolomee & Clearch Colonel des gens de treūt, Addee capitaine de mil hommes de pied, & quelques autres Macedoniens de nom. Apres ce conflict, Oron-

tobates

robates & Memnon chefs de l'armée des Perses tindrent conseil sur ce qu'ils auoient à faire: auquel il fut resolu, puis executé, que (consideré l'estat où ils estoient, auquel il leur estoit impossible de plus endurer le siege: veu que vne partie de la muraille estoit tombee, vne autre preste à tomber: & que la pluspart de leurs soldats auoiēt esté tuez aux faillies & escarmouches, plusieurs des autres tellement naurez, qu'ils n'eussent plus sçeu porter les armes) à la seconde veille ils mettroient le feu à vne tour de bois qu'ils auoient faicte alencontre des engins de batterie, & à l'arcenal: ensemble aux maisons plus prochaines des murailles. Le feu se print aux maisons qui estoient plus loin, à cause du vent qui l'y pouffoit. Quelsques vns d'eux se retirerēt à la forteresse qui est assise en l'Isle: le reste au chasteau qu'ils appellēt Salmacide. Dont estant aduertiy Alexandre par aucuns qui festoiēt venus rēdre à luy, aussi qu'il voyoit de loin de si grands feuz: combien qu'il fust presque minuiēt, neantmoins il meit ses gens en ordonnance, & entra en la ville, commandant à ses soldats de tuer tous les boute-feuz qu'ils rencontreroient: mais que l'on ne mēfist en aucune maniere à ceux qui seroient trouuez dans leurs maisons. Quand le iour fut venu il recogneut les deux forts ausquels festoient retirez les Perses, & autres gens de guerre estrangers: mais iugeant qu'il seroit malaisé de les auoir par force, du moins qu'il y faudroit tenir longuement le siege, à cause de la situation des lieux: cōsideré aussi que la ville estoit sienne: apres qu'il eut faict enterrer les corps de ceux qui auoient esté tuez au conflict de la nuit passée, & qu'il eut faict mener tous les engins de guerre à la ville de Tralles, feit razer la ville. Au partir de là pour tirer à la Phrygie, il laissa pour garnison de ce lieu & de tout le pays, sous la charge de Ptolomee, trois mil hommes de pied des estrangers, & deux cens de cheual. Bailla le gouuernement de toute la Carie à Ada, qui fut fille de Hecatomne, & seur de Hidrie, & par mesme moyen sa femme selon la coustume des Cariens. A laquelle son mary à son decez auoit delaisé le Royaume. Car il estoit permis au pays

Prise d'Alicarnasse.

Alicarnasse razez.

Seur & sēme selon la coustume des Cariens.

f

En Carie les
femmes peu-
uent parue-
nir à la cou-
ronne.

Ada Princef-
se de Carie
adopte Ale-
xandre pour
son fils.

Alexandre
donne con-
gé pour vn
temps aux
nouueaux
mariez d'al-
ler voir leurs
femmes.

par vne coustume cōmencee des le temps de Semiramis , aux femmes de paruenir à la couronne. Celle-là auoit esté dechassée de son Royaume par Pexodare qui s'en estoit emparé. Et Orontobates gendre de Pexodare estât enuoyé par Daire en la Carie, pour lors y commandoit : & n'estoit rien demeuré de tout le Royaume à Ada, que Alinde, qui est vne des plus fortes ville de la contree. Ceste Princeesse sçachant la venue d'Alexandre en la Carie, estoit allee au deuant de luy : & mettât entre ses mains la ville d'Alinde l'auoit adopté pour son fils. Alexandre, qui n'auoit point esté dedaigneux de receuoir le nom de fils de la Princeesse, luy laissa le gouuernement de la ville. Et apres qu'il eut reduit sous son obeissance Alicarnasse, & tout le surplus de la Carie, pour recognoissance de la gracieuseté qu'il auoit receuë, voulut & ordonna que doreseuuant elle iouyst de toute la Carie entierement. Ces choses ainsi ordonnees, estant Alexandre bien aduertty, qu'une bone partie des Macedoniens qui l'auoient suiuy en ses guerres auoient pris femmes peu auparauât qu'il passast en Asie, pensa bien qu'on y deuoit auoir esgard, mesmement à cause de la lignee qui pouuoit venir d'eux. Parquoy leur donna congé d'aller en Macedoine, & d'y passer l'hyuer avec leurs femmes. Pour les conduire cōmit Ptolomee fils de Seleuce, qui estoit vn des gardes du corps : & des chefs de bandes Cene fils de Polemocrates, & Meleager de Neoptoleme, qui estoient aussi mariez de nagueres : avec mandement de retourner, & de luy ramener les Macedoniens, dont il leur donnoit la charge & conduicte. D'auantage que pendant le temps qu'ils seroient chez eux ils feissent la plus grande leuee qu'ils pourroient de gens tant de pied que de cheual. Iamais Alexandre ne feit chose par laquelle il gaignast tant le cueur des Macedoniens que celle-là. Au mesme temps il enuoya Cleander le fils de Polemocrates au Peloponnese pour leuer des compagnies : & depescha Parmenion pour aller à Sardis, luy aiant donné vn regiment de caualerie, composé tant des alieez, que de Thesaliens, & de ceux du secours : & luy commanda de mener du charroy

charroy avec luy : & que de Sardis il tiraſt en Phrygie. Luy cependant prit ſon chemin vers la Lycie & Pamphylie, aiant opinion que eſtans tous les pays bas vers la mer en ſa puiſſance, il rendroit l'armee de mer inutile à l'ennemy. La premiere choſe qu'il feit depuis qu'il fut party, fut, qu'il prit en paſſant Hyparna, qui eſtoit vne place forte d'aſſiette. Les ſoldats qui eſtoient dedans demanderent trefue de premiere abordee, laquelle leur fut accordee : & pendant icelle ils quitterēt la place, ſans auoir cōbatu. Puis apres il entra au pays de Lycie, où les Telmiſſiens ſe vindrent incontinent & ſans aucune contrainte ſoumettre à ſon obeifſſance. Puis ayant paſſé la riuere de Xanthe, il receut à compoſition les villes de Pinara, Xanthe, & Patara, & autres moindres villes & bourgades iuſques au nombre de trente. Cela fait il entra, qu'on eſtoit en plein hyuer, en la Myliade, qui eſt vne contree de la haute Phrygie : mais lors par ordonnance de Daire elle eſtoit vnue avec la Lycie, & eſtoit ſoubs meſme generalité. Auquel temps vindrent vers luy des Ambaſſadeurs des Phaelites pour demander ſon alliance, & luy feirent preſent d'une courōne d'or. Pour meſme cauſe pluſieurs du bas pays de Lycie enuoyerent vers luy : Leſquels au commandemēt qui leur fut fait de rendre les villes, obeirent incontinent, les liurans es mains de ceux qui furent enuoyez pour ſ'en ſaiſir. Peu apres partit pour aller au païs des Phaelites, où il prit avec eux vn chateau fort d'aſſiette, iadis baſty par les Piſidiēs : dont les Barbares faiſoient ſouuent des courſes, pillans & degaſtans tout le plat pays d'alentour. Pendant le temps qu'Alexandre conduiſoit ſon armee par ceſte contree, où luy vint r'apporter qu'Alexandre fils d'Erope, qui eſtoit de ſes plus fauoritz, & puis nagueres auoit eſté fait colonnel de la caualerie Theſſalienne, auoit machiné ſa mort. Ceſt Alexandre eſtoit frere de Heromenes & de Arrabee, qui eſtoient des complices de la mort du feu Roy Philippe. Mais Alexandre, encores qu'il fuſt conuaincu du crime, luy auoit pardonné : & depuis l'auoit eſſeüé aux honneurs, pour autant qu'il eſtoit allé vers luy des premiers de tous ceux

Alexandre ſachemine en Lycie & Pamphylie.

Les Telmiſſiens ſe ſoumettent à l'obeifſſance d'Alexandre.

Alexandre entre en la Myliade.

Les Phaelites demandent alliance avec Alexandre.

Conſpiration d'Alexandre fils d'Erope pour faire mourir le Roy Alexandre.

qui luy estoient seruiteurs & amis , apres la mort du Roy Philippe: & que avec ses autres amis il estoit allé le trouuer en armes, & l'auoit accompagné au palais Royal. Il l'auoit depuis enuoyé comme chef de bande en Thrace: & quand il eut donné le gouuernement de la Theffalie, à Calas, il le fait colonnel de la caualerie Theffalienne. L'entreprise de la trahison deuoit estre conduicte de ceste façon. Daire, apres que Amyntas se fut tourné de son party, & luy eut deliuré lettres portans paroles de creance de la part de cest Alexandre, enuoya Asifenes Persan, auquel entre autres il se fioit grandement, aux pays bas & regions maritimes vers Atyzies gouverneur de la Phrygie, sous couleur de quelque commission: mais c'estoit en effect pour tascher à parler à cest Alexandre, & luy promettre le Royaume de Macedoine, & encores mil talents d'or, au cas qu'il feist mourir le Roy Alexandre. Mais Asifenes estant descouuert fut arresté prisonnier par Parmenion, qui le contraignit de declarer l'occasion de son voyage: puis l'enuoya avec bonne & seure garde à Alexandre. Lequel bien informé du fait, fait assembler son conseil & met ceste matiere en deliberation: à sçauoir que lon deuoit faire du trahistre. Le conseil fut d'opinion, qu'on ne deuoit pas bailler du commencement la charge de la meilleure partie de la caualerie à personnage si desloyal: toutefois puis que cela estoit déjà fait, qu'il falloit pourueoir au surplus, & que le plus expedient estoit d'en depescher le pays, auant qu'il eust acquis plus de familiarité & cognoissance avec les Theffaliens, de peur qu'il les pratiquast, & feist avecques eux quelque mauuaise entreprise. Il leur souuenoit bien encores aussi d'un prodige, qui estoit aduenu peu de temps deuant, dont ils auoient esté aucunement troublez. C'estoit que au temps qu'Alexandre tenoit le siege deuant Alicarnasse, cōme il dormoit vn iour sur le midy, on veit vne arondelle, qui commença à volleter avec vn grād caquet à l'entour de sa teste, & se lācer tantost d'un costé du liēt, tantost de l'autre, faisant vn bruit & desgoisement plus fort & plus haut que ne porte le naturel de tels oyseaux.

Alexandre

Prodige d'une arondelle.

Alexandre pour lors estoit tombé en vn profond sommeil, lassé à cause du trauail qu'il auoit pris la matinee, & la nuit precedente: neantmoins en fin fut esueillé par le bruiet de ce petit oyseau: lequel il chassa de la main. Mais tant s'en fallut qu'il s'enfuiſt pour estre chassé, que au contraire il falla asseoir sur sa teste, & n'en partit iusques à ce qu'il fut entierement esueillé. Le Roy estima que cela meritoit bien quelque consideration: parquoy en voulut auoir l'aduis d'Aristander Telmissien homme fort expert en la science de deuiner. Lequel luy respondit, que pour seur, il y auoit de ses familiers & domestiques qui luy brassioient quelque trahison: au reste que la conspiration seroit descouuerte. Car l'arondelle a accoustumé de viure parmy les hommes, & est l'oyseau le plus babillant de tous. Arrestant doncques Alexandre son iugement tant sur cela, que sur ce qu'il auoit entendu du Persan: depeſcha sur le champ vers Parmenion Amphotere fils d'Alexandre frere de Cratere: & luy donna gens du pays de Perges pour le guider par les plus courts & meilleurs chemins. Amphotere habillé à la mode du pays de peur d'estre descouuert, arriva au lieu où estoit Parmenion: auquel il declara le mandement dont Alexandre l'auoit chargé: car Alexandre n'auoit pas esté d'aduis descrire aucune chose touchant ceste affaire. Parmenion entendant la volonté du Roy, feit incontinent mettre la main sur le collet de l'accusé Alexandre, & le meit en bonne garde. Apres cela Alexandre partit de la Phaselide: & feit marcher vne partie de son armee vers la ville de Perges, par les montaignes, qui estoit le chemin qu'on luy auoit enseigné pour le plus facheux à la verité, mais le plus court de beaucoup: luy par le pays bas costoyant la mer conduisoit l'autre partie. Ceste contree est telle de sa nature, qu'il est malaisé de la passer, sinon quand le vent de bise y donne: & par le vent de midy à grand peine y peut-on cheminer par le riuage de la mer. Or alors de bonne fortune, apres des grands vents du midy, qui venoient de cesser, se leua vn vent du costé du Septentrion, non sans quelque permission diuine

Aristader bō
deuin inter-
prete le pro-
dige.

De la ville &
pays de Per-
ges.

(comme l'estima Alexandre & tous ceux qui estoient avec luy) au moyen de quoy il passa en peu de temps, & à son aise. Comme il fut party de Perges pour tirer plus auant, il récontra les deputez des Aspendiens, qui luy promirent de luy rendre la ville: mais le supplierent de n'y laisser garnison, ny aux autres villes & bourgades du pays. Ce qui leur fut oſtroié, à la charge de fournir à son armee la somme de cinquante talents * & de luy bailler par chacun an pareil nombre de cheuaulx & de pareille bonté & valeur qu'ils estoient tenuz liurer par le passé par forme de tribut à Daire. Ces conditions accordees, il ne leur fut en sorte du monde mesfait. Laissant Alexandre ceste region, prit son chemin vers Sidé. Sont les Sidites Cumeans, venuz de la ville de Cumes en Eolie. Ceux-là racontoient merueille de leur origine: à ſçauoir que quand leurs ancestres allerent habiter en ceste contree, si tost qu'ils eurent mis le pied dans le pays, ils oublierent de tous poincts le parler de leur nation: & commencerent à parler vn langage eſtrange, & tout nouueau, & qui n'approchoit en rien à celuy des Barbares leurs voisins: mais à eux propre & particulier. Tellemēt que depuis ce temps là les Sidites ont tousiours esté differents en parler des peuples qui sont alentour d'eux. Apres qu'Alexandre eut ordonné quelsques compagnies pour demeurer en la ville, il marcha droict à Syllium. Qui estoit vne place forte, tant par la nature & situation du lieu, que au moyen des soldats qui y estoient en garnison, & des païsans qui estoient dedans. Et partant ne pouuoit estre prise du premier assaut. Ioinct que sur le chemin estoient venues nouuelles à Alexandre, que les Aspendiens ne tenoient rien du traicté fait avecques eux: ains, au contraire, qu'ils auoient retiré dans la ville tout ce qui estoit aux champs. Qu'ils auoient fermé les portes à ceux qui y estoient allez, par son commandement, pour receuoir les deniers accordez. D'auantage qu'ils faisoient renforcer les murailles de la ville, és lieux qui leur sembloient n'estre pas de defense. Qui fut cause qu'il rebrouſſa chemin pour retourner contre

Les Aspendiens se rendent à Alexandre.
* Tréte mil escus.
Tribut en cheuaux.

Merueilles du pays des Sidites.

Reuolte des Aspendiens.

contre les Aspendiens. La ville capitale desquels est assise pour la pluspart sur vne roche droicte & entrerompue, & haut esleuee : ioignant laquelle passe la riuere d'Eurymedon. Sur le pendant de la roche y auoit assez grande quantité de maisons, enuironnees d'une muraille de moyenne hauteur. Ceux qui y demeueroient ne se voulans fier à la defense du lieu, si tost qu'ils eurent senty le vent qu'Alexandre venoit, quitterent la muraille, & se retirerent dans la forteresse. Alexandre trouuant à son arriuee la muraille sans defense, entra dedans, & là assit son camp. Quand les Aspendiens se veirent assiegez ils enuoyerent incontinent vers luy, pour le supplier de ne vouloir rien changer du traité & accord fait entre eux. Alexandre encores qu'il considerast bien, que le lieu estoit fort de foy, & que quant à luy il n'estoit pas en estat pour y tenir longuement le siege : ne voulut toutesfois se contenter de l'appoinctemēt precedent : ains adiousta qu'ils donneroiēt pour hostages des principaux de leur ville : que au lieu de cinquante talents, ils en donneroient cent : qu'ils liureroient les cheuaux qu'ils auoient promis : payeroient aux Macedoniēs les tailles & subsides ordinaires : porteroient obeissance à celui qu'il leur bailleroit pour son lieutenant & gouuerneur du pays : & qu'ils seroient tenus de ester à droict, pour respondre aux demandes & conclusions que aucuns leurs voisins entendoient prendre à l'encontre d'eux, pour raison de quelques terres, qu'ils disoient leur estre iniustement & à tort par eux detenues. Desquelles cōditions accordees de part & d'autre, il se meit en chemin pour aller à Perge, pour tirer de là en la Phrygie : & passa à costé de la ville de Telmissē : les habitants de laquelle sont Barbares, & sont issus des Pisidiens. Ceste place estoit forte de nature, d'autant qu'elle est situee sur vne montaigne haute & roide, & le chemin pour y aller aspre & estroit : car depuis la cime de la montaigne iusques au bas sont presque tous rochers & precipices. Vis à vis est vne autre montaigne de pareille hauteur & aspreté : & sont si proches l'une de l'autre, qu'il semble qu'elles facent des portes &

Telmissē
ville.

arcades sur le chemin : de sorte que avec peu de defense que l'on pourroit mettre à ce destroit, on empescheroit facilement vne armee de passer. Les Telmissiens du plat pays qui estoient venus pour secourir ceux de la ville, festoient emparez de ces deux montaignes. Ce que voyant de loin Alexandre, feit camper les Macedoniens au pied d'icelles : estimant que quand les Telmissiens l'auroient veu estre campé, & ne se bouger, ils se retireroient en la ville prochaine de là, laissant quelques soldats pour la garde. ce qui aduint. Car apres qu'ils eurent ordonné quelques gens pour la defense du lieu, ils se retirerent tous dans la ville. Dequoy aduertty Alexandre, il prit les archers & autres gens de treët, & ses soldats armez de legeres armes : & ne faisant cas du petit nombre des ennemis qui estoient demeurez, va pour les charger. Mais quand ils se veirent à la portee du treët, ils prindrent la fuitte. Alors Alexandre feit passer son armee sans aucune resistance par les destroits, & alla asseoir son camp tout aupres de la ville. Où vindrent vers luy les deputez des Selgiens. lesquels sont aussi descendus de la race des Pisidiens, & sont gens belliqueux. Leur ville estoit grâde : & par ce qu'ils estoient de long temps en debat avec les Telmissiens, ils auoient enuoyé vers Alexandre pour estre receuz en amitié & alliance avec luy. Alexandre leur octroya ce qu'ils demandoient : & depuis ce temps-là se seruit d'eux en ses guerres, où il les trouua hommes de bon cueur, & bien adroïts aux armes. Apres qu'Alexandre eut bien consideré l'affiete de la ville de Telmisse, il luy sembla qu'elle ne pourroit estre prise de long temps : & partant tira vers Salagase : qui estoit aussi ville des Pisidiens, & de moyëne grandeur. Et ja-soit que tous les Pisidiens en general soient estimez gens belliqueux, ceux cy toutesfois ont la reputation par dessus tous les autres au faict de la guerre. Il y auoit vn tertre au deuant de la ville, que occuperent les ennemis, le iugeans aussi fort pour le moins à cause de la situation du lieu, que les defenses & murailles de la ville. Ce qu'ayant apperceu Alexandre separa sur le champ son armee en deux. Au bataillon

Telmissiens
en fuitte.

Les Selgiens
receuz en al-
liance avec
Alexandre.

Salagase
ville des
Pisidiens.
Les Pisidiés
gens aguer-
ris.

Ion qui estoit à main droicte, & auquel il commandoit, il feit entrer les Argyraspides: apres eux feit marcher la bande Royale de fanterie, estendant les rangs iusques à l'autre bataillon que conduisoit Amyntas fils d'Arrabee, suiuant l'ordre de commander que tenoient les capitaines. A costé droict duquel il mit les archers & les Agrians: & au fenestre, les gens de trect du pays de Thrace, dont estoit capitaine en chef Sitalces. Et quant aux gendarmes ils ne bougerent: par ce qu'ils n'eussent de rien seruy en la meslee, à cause de l'aspreté des lieux. Faut noter que les Telmissiens estoient venus secourir les Pisidiens, & estoient lors en bataille avecques eux. Et ainsi que les soldats d'Alexandre commençoient à monter pour gagner le haut du tertre: les Barbares sortirent du lieu où ils estoient campez, & vindrent charger en flanc les deux bataillons de telle furie, qu'ils tournerent en fuitte les archers, comme estans peu armez & ceux qui se estoient aduancez plus que les autres. Les Agrians tindrent bon, par ce que l'Infanterie Macedonienne les suyuoit de pres, & qu'ils voyoient Alexandre marcher deuant tout le premier. Quand les deux armées furent ioinctes, & qu'on vint à combattre à coups de main, les Barbares peu couuerts se presentans aux Macedoniens qui estoient bien armez, ne peurēt soustenir leur effort, ains apres auoir esté bien frottez tournerent le dos, aians perdu pres de cinq cens de leurs gens. Et par ce qu'ils estoient legerement armez & qu'ils cognoissoient le pays, ils eschapperent aisément: au contraire la pesanteur des armes des Macedoniens, & aussi qu'ils ne cognoissoient rien en ceste contree, les empescha de poursuiure loin leurs ennemis. Apres cela Alexandre comme desia victorieux tourna droict vers les Salagasiens, & prit leur ville d'assaut: à la prise de laquelle mourut Cleandre vn des chefs de bandes, & enuiron vingt soldats. Ceste ville estant prise, Alexandre partit, faisant marcher son camp alencontre des autres Pisidiens: sur lesquels il prit plusieurs chasteaux & fortresses d'assaut, les autres par composition. De là tournant vers

Desfaicte de
Salagasiens &
Telmissiens
par Alexan-
dre.

Salagase pri-
se d'assaut.

Mort de
Cleandre.

Lac d'Ascaigne où se crée du sel naturellement.

la Phrygie s'achemina au lac d'Ascaigne. En ce lac où marest se concreate du sel naturellement, dont v'sent les païsans d'alentour : tellement que pour ce regard ils n'ont aucun besoin de la mer. Le cinquiesme iour d'apres il arriua à la ville de Celeenes : où y auoit vn chasteau bien fort, tât de situation que d'artifice, auquel le gouuerneur de la Phrygie auoit enuoyé en garnison mil soldats de la Carie, & cent Grecs de ceux qui estoient à la soulde des Perses. Ceux-là enuoyerent vers Alexandre luy offrir de luy rendre la place, si dans certain iour ils n'estoient secourus par le lieutenant du Roy. Alexandre ne refusa pas cest appoinctement ainsi conditionné, estimant qu'il valoit beaucoup mieux attendre ce temps, que de se traualier à prendre d'affaut, ou par vn long siege, vne forteresse imprenable, presque de tous costez. Au iour accordé n'estant venu aucun secours, la ville & le chasteau luy furent rendus. Pour la garnison d'iceux y laissa quinze cens hommes, & y sejourna l'espace de dix iours. Puis ayant estably son lieutenant general en la Phrygie Antigone fils de Philippe, & subrogé en sa place de Colonel des forces de secours, Balacre fils d'Amymntas, il tira vers Gordion : & escriuit à Parmenion qu'il l'allast trouuer là avecques ses troupes. Ce pendant ceux qui estoient allez voir leurs femmes en Macedoine, retournerent vers luy, & avecques eux des nouuelles compagnies sous la charge des capitaines Ptolomee fils de Seleuce, Cene fils de Polemocrates, & Meleager de Neoptoleme. Il y auoit mil hommes de pied Macedoniens naturels, & trois cens hommes de cheual : de Theffaliens deux cens hommes de cheual, & d'Eliens cent cinquante, dont estoit chef Alcias Elien. Ceste ville de Gordion est au pays de Phrygie, prochaine de l'Hellespont sur la riuiere de Sangare : laquelle prend son origine en Phrygie, & passe à trauers la Bithynie : puis va tomber au pont Euxin. En ce lieu allerent trouuer Alexandre les Ambassadeurs des Atheniens pour le supplier de leur vouloir rendre ceux de leurs citoyens qu'il renoit prisonniers, lesquels auoient esté pris à la bataille

Alexandre s'achemine à Gordion.


Retour des Macedoniens au camp.

aille qui auoit esté donnée à la riuere du Granic , & depuis enuoyez en Macedoine avec d'autres iusques au nombre de deux mil , qui y tenoient encores prison . Ce que leur refusa Alexandre : estimant qu'il n'estoit pas seur, pendant la guerre qu'il faisoit aux Perses, d'oster aux Grecs la crainte qu'ils auoient de luy : lesquels auoient fauorisé le party des Barbares contre la Grece. Trop bien leur permit-il de les demander, quand la guerre où il estoit auroit pris fin.

Ambassadeurs des Atheniens vers Alexandre,

FIN DV PREMIER LIVRE.

g ij





DE V X I E S M E L I V R E

D E S F A I C T S E T C O N -

Q V E S T E S D ' A L E X A N D R E

le G R A N D , R o y d e s

M a c e d o n i e n s .

Memnon taf
chât à tour-
ner la guerre
en Macedoi-
ne & en Gre-
ce, reprit
l'Ifle de
Chios.



Mitylenes
affiegee par
Memnon.

E P E N D A N T Memnon qui estoit ge-
neral de l'armee de mer de Daire, & son
lieutenant general en tous ses pays bas
& contrees voisines de la mer: comme
il taschoit à faire tourner la guerre vers
la Macedoine & la Grece, reprit l'Isle
de Chios par intelligence. De-là tirant
à Lesbos, trouua les Mityleneans en ar-
mes, qui luy resisterent: les autres villes se rendirent à luy, les
vnes par force d'armes, les autres de leur bon gré. Puis se
tournant vers Mitylenes, il assiegea la ville (qui est situee sur
vne montaigne ceinte d'un costé de la mer) de toutes parts,
au moins depuis un costé du riuage de la mer iusques à l'au-
tre, y faisant tirer doubles trenchees & dresser doubles paliz,
& esleuer en ceste espace cinq tours ou petits chasteaux: de
sorte qu'il separa la ville de l'Isle, & au moyen de ce il com-
mandoit à toutes les autres villes d'alentour. De ses vaisseaux
de mer il en disposa vne partie pour assaillir le port, & or-
donna le reste vers Sigrium cap Lesbien: pour descourir
& empescher l'arriuee des vaisseaux de charge qui pourroient
venir du costé de Chios, Gereftos & Malea: à ce que les Mi-
tyleneans assiegez ne peussent estre auitaillez ne secouruz en
forte

sorte quelconque. Mais en ces entrefaictes vne maladie le surprit, dont il mourut. Qui fut vn grand inconuenient pour les affaires de Daire, voire aussi dommageable qu'autre chose qui luy eust peu aduenir. Apres la mort, Autophradates & Pharnabaze, auquel Memnon lors de son trespas auoit laissé la charge de l'armée de mer, iusques à ce que Daire eust pourueu quelqu'un de l'estat de General au lieu de luy (qui estoit son cousin germain) poursuiuirent viuement le siege encommencé. Parquoy les Mityleneans qui se voyoient assiégez par terre & par mer, enuoierent vers Pharnabaze luy offrir la reddition de la ville: moyennant qu'il permist que les soldats qu'Alexandre pour l'alliance & confederation qui estoit parauant entre eux, auoit là enuoiez pour les secourir, s'en allassent leurs vies & bagues sauues: & que les Mityleneans, apres qu'ils auroient abbattu & brisé les tableaux & colonnes qu'ils auoient de nagueres erigees en l'honneur d'Alexandre avec inscription de leur alliance, fussent à l'aduenir tenuz & nommez amis & allies de Daire, tout ainsi & en la forme qu'il estoit porté par le traicté de paix faict & accordé avec Daire par Antalcidas: & que moitié des banniz seroient rappelés: la pluspart desquels estoientjà decedez. Ces conditions accordees entre les Mityleneans & les Perses, Pharnabaze & Autophradates entrèrent en la ville, & y meirent bonne garnison, de laquelle ils feirent chef Lycomedes Rhodien. Puis y establirent pour Satrape ou gouuerneur vn nommé Diogene, qui estoit vn de ceux qui auoient esté rapelés du ban: apres qu'ils eurent tiré argent par force tant de chacun riche habitant en particulier, comme de la ville en commun. Cela faict Pharnabaze s'en alla au pais de Lycie avec son armée de mer: amenant quand & luy les estrangers qui estoient à la soulde de Daire. Autophradates se retira és isles de la alentour. Ce temps pendant Daire despescha Thymondas fils de Mentor vers Pharnabaze pour prandre de luy les compagnies des auanturiers estrangers, & luy declarer qu'il estoit pourueu de l'estat de General en la place de Memnon. Pharnabaze

Memnon
decede.

La ville de
Mitylenes
rendue aux
Perses.

Thymondas
General de
l'armée de
mer de Daire
au lieu de
Memnon.

Datamis
Persan en-
uoié avec dix
nauires vers
les Cyclades.

L'Isle de Te-
nedos remi-
se en l'obeis-
sance des
Perses.

Eubée &
Peloponne-
se.

Datamis dé-
faict.

laissant l'armée à Thymondas fait voile incontinent vers Antiochradates : auquel aiant communiqué son dessein ils enuoièrent Datamis Persan avec dix nauires vers les Cyclades : & eux avec vne flotte de cent vaisseaux prindrent la routte de Tenedos. Et si tost qu'ils furent entrez au haure appelé Boreal, ils feirent commandement à tous les habitans de l'Isle d'abbatre les tableaux, ausquels estoit cōtenu le traité de l'alliâce qu'ils auoiēt faicte avec Alexandre & les Grecs : & d'entretenir avec Daire la paix qui auoit esté accordée avec luy par Antalcidas. Les Tenediens aimoient trop mieux l'alliance d'Alexandre que celle de Daire : toutefois considéré l'estat des affaires où ils estoient, il leur sembloit bien difficile de se pouuoir sauuer, ils n'obeissoient au commandement qui leur estoit faict : par ce que Egeloch (auquel Alexandre auoit donné commission de mettre sus vne armée de mer) n'auoit encores sa flotte prestée, par le moyen de laquelle ils peussent estre secourus. Partant obeirent à ce commandement, mais plus par contraincte que de leur bon gré. Les choses estans de ce costé conduictes en ceste façon, Proteas le fils d'Andronic, qui auoit eu charge d'Antipater d'assembler toutes les galeres tant de Negrepont que de la Moree, pour defendre les isles & le reste de la Grece, des incursions des Barbares, qui, à ce que l'on disoit, auoient faict voile en ces marches : si tost qu'il eut eu aduertissement que Datamis avec ses dix nauires estoit à l'ancre à Siphne, il se mit sur mer avec quinze vaisseaux, & s'en alla toute la nuit à Chalcide, ville située auprès de la riuier d'Euripe. Le lendemain il arriua avec ses vaisseaux à l'isle de Cythne : où il scourna vn iour, pour auoir plus certaines nouuelles de dix nauires : à fin que venant charger de nuit les Pheniciens il leur donnast plus d'effroy. Et incontinent qu'il fut asseuré que Datamis estoit encores avec ses nauires à Siphne il partit la nuit, & à l'aube du iour alla assaillir les ennemis au despourueu, & prit huit de leurs nauires bien munies de soldats & de provisions. Datamis avec les deux autres dès le premier choc s'enfuit

senfuit & se retira à l'autre flotte. Quand Alexandre fut arriué à Gordion, il luy prit enuie (comme il aduient ordinairement) de voir le chasteau, où estoit le palais Royal de Gordie & de Midas son fils : pour voir le chariot de Gordie, & la liaison d'iceluy, que lon ne pouuoit deslier, à ce qu'on disoit. Et estoit le bruit touchant ce chariot espandu par toute la contrée, & es enuiron : que Gordie estoit vn bon pauvre homme du temps passé, du pays de Phrygie, qui possedoit pour tous biens vn champ de labour, & deux couples de bœufs : avec l'vne desquelles il labouroit, & de l'autre il se seruoit à charier. Et que vn iour qu'il estoit à son labourage, vn aigle se vint asseoir sur sa charrue, & demeura là perché iusques à ce qu'il desattella. Gordie esbahy que pouuoit signifier cela, se delibera d'en auoir l'interpretation des deuins & augures Telmissiens. Par ce que ceste science de deuiner est quasi nee avec ceux du pays, & leur est comme hereditaire, non pas seulement aux hommes, mais aussi aux femmes & aux enfans. Estant doncques arriué à vn certain bourg des Telmissiens, il rencontra vne ieune fille, qui alloit à la fontaine : de laquelle il s'accosta, & luy raconta tout ce qui luy estoit aduenue. Ceste fille qui estoit bien entendue en l'art de deuiner, luy dict, qu'il deuoit auoir bonne esperance de ce presage : qu'il s'en retournast hardiment, & ne faillist de sacrifier à Iupiter le Roy. Il pria la fille d'aller avec luy à fin de luy monstrier en quelle maniere il deuoit faire le sacrifice. Elle le suiuit, & tout ainfi comme elle luy monstra, il sacrifia. Le sacrifice paracheué il prit ceste fille à femme : & eut d'elle vn fils qui fut appelé Midas. Lequel estant deuenue grand, & puissant homme & de belle representation, s'essleua vne sedition entre les Phrygiens : pour laquelle appaiser on alla à l'oracle, qui feit responce que vn chariot leur apporteroit vn Roy qui remediroit à ceste sedition. Comme ils estoient attendans arriua Midas dans vn chariot avec ses pere & mere : lequel se presenta tout ainfi qu'il estoit venu dans son chariot à l'assemblée. Les Phrygiens iugeans que c'estoit-il dont l'oracle auoit parlé, le saluerent &

L'histoire de
Gordie & de
Midas son
fils.

La science de
deuiner fa-
miliere aux
Telmissiens
tant homes
que femmes.

Naissance de
Midas.

Midas eleu
Roy de Phry
gie.

Le lien Gor-
dien.

Ambassa-
deurs des Pa-
phlagoniens
vers Alexan-
dre.

cleurent pour Roy de la Phrygie. Cela faict, apres que la sedition eut esté par luy appaisée, il appendit le chariot de Gordie son pere au plus haut du chasteau, pour offrande à Jupiter : le remerciant d'auoir enuoyé à son pere l'aigle (qui est en la garde de Jupiter) pour signe & presage, par le moyen duquel il auoit esté faict Roy. Outre cela on tenoit encores ce propos de ce chariot : que celuy qui pourroit deslier le lien du timon du chariot, seroit quelque iour seigneur de toutel'Asie. Ce lien estoit faict d'escorce de cornillier : mais si bien entrelassé, qu'on n'eust sceu trouuer la fin ny le commencement. Alexandre apres l'auoir par plusieurs fois tourné & retourné sans pouuoir trouuer moyen de le desfaire, luy qui n'auoit pas deliberé de le laisser cōme il estoit : de peur que les soldats fondassent quelque scrupule la dessus, comme quelques vns ont voulu dire, le couppa avec son espee, s'escriant qu'il l'auoit desfaict, soit ou qu'il se mocquast de ce qu'on en disoit cōmunément, ou bien qu'il estimast que c'estoit tout vn qu'il fust deslié ou couppé. Aristobule escript qu'il osta la cheuille qui tenoit le ioug attaché au timon, laquelle passoit à trauers ce lien, puis tirât le ioug le desnoia aisément. En si grande diuersité d'opinions de ceux qui en ont escript, ie ne puis asseurer comme il le feit. Tant y-a que luy & tous ceux qui pour lors l'accompagnoient, s'en partirent d'aupres de ce chariot en opinion que la prophetie estoit accomplie. Et de faict la nuit ensuiuant les tonnerres & esclairs qui suruindrent en donnerent assurance. A raison dequoy il sacrifia aux dieux le lendemain : leur rendant graces de luy auoir enuoyé ces presages & ouuert le moyen de dissoudre la liaison. Il partit le iour d'apres de ce lieu pour aller à Ancyre ville de Galatie : où le vindrent trouuer les Ambassadeurs des Paphlagoniens, luy offrans leur alliance, avec promesse que eux & tous ceux de leur pays feroient ce qu'il luy plairoit leur commander. Cela demandoient-ils, à fin qu'Alexandre n'entraist dans les frontieres de leurs pays avec son armee. Leur aiant Alexandre octroyé ce qu'ils demandoient, il leur enioignit de porter obeissance

obeissance à Calas son lieutenant en Phrygie. Puis il se mit en chemin vers la Cappadocie : & prit toutes les places & fortresses de deçà la riuiere de Halys, & la pluspart de celles qui sont de là la riuiere. Apres y auoir estably vn gouuerneur, il tira vers le destroict que ceux du pais appellent Pyles, qui est sur le chemin de la Cilicie. Quand il fut arriué au lieu qu'on appelle le camp de Cyr, qui est celuy Cyr sous lequel Xenophon eut charge de plusieurs compagnies, il fut aduertuy que le passage estoit bouché au moyen d'une forte garde qui estoit au destroict. Parquoy il commanda à Parmenion de demeurer derriere avec l'Infanterie, qui estoit nouvellement arriuee : & luy à la premiere veille préd avec luy les Argyraspides, avec les gens de treict, & les Agrians, & marche droict là, en intention de prendre s'il pouuoit les ennemis au despourueu. Mais il ne peut si bien conduire son entreprise, que ceux de la garde ne le sentissent approcher : toutefois sa hardiesse ne tourna qu'à bien. Car si tost qu'ils veirent le Roy pres d'eux ils festonnerent, & quant & quant abandonnerent la place, dont il se saisit incontinent : & le lendemain au point du iour il passa les Pyles avec toutes ses forces, & alla descendre en la Cilicie. Là il eut aduertissement que Arsanes, qui estoit gouuerneur de la ville de Tarse auoit delibéré de quitter la ville, aussi tost qu'il eut entédu qu'Alexandre auoit passé le destroict, & descendoit en la Cilicie, & que ceux de Tarse craignoient qu'il pillast la ville, pour en auoir le butin, puis l'ayant pillée il l'abandonnast. A quoy ayant vn peu pensé Alexandre, il enuoya soudainement des compagnies de gens de cheual & celles de gens de pied qui portoient legeres armes à Tarse, puis sy en alla apres. Arsanes ne fut plustost aduertuy qu'il approchoit, qu'il sortit de la ville, & se retira vers Daire, auant qu'il eust fait aucun dommage aux habitans. En ceste ville de Tarse Alexandre (comme tesmoigne Aristobule) à cause du travail immodéré qu'il auoit pris, tomba en maladie. Quelques vns ont voulu dire, que pour se recreer, & delasser ses membres, il s'en alla baigner, si tost qu'il fut arriué, dans la ri-

La Cappadocie conquise.

Pyles de Cilicie.

Camp de Cyr.

Tarse réduite à Alexandre.

h

Cydne riuie-
re.

Alexandre
tombe en
maladie.

Fiance d'A-
lexandre à vn
sien medecin

Constance
d'Alexandre.

Anchiale ba-
stie par Sar-
danapale.

uiere de Cydne, estant encores tout eschauffé & couuert de fueur. Ceste riuie prend son origine a la montagne de Taurer, & mi-partit la ville de Tarfe, aiant son cours par des lieux purs & nets, & en est l'eau fort claire & froide. Qui fut cause qu'Alexandre tomba en vne distésion de nerfs, & en vne fièvre aspre & vehemente, sans pouuoir reposer en sorte quelcōque : mesmes on dict que les medecins perdirent toute esperance de sa guerison, fors vn nommé Philippe Acarnanien, lequel il aimoit & estimoit, & se fioit plus en luy, qu'en nul autre, és choses qui concernoient la medecine. Que cestui-cy pour guerir le Roy luy cōposa vn bruuage, & que cōme il le luy vouloit presenter, Alexādre eut aduertissement de la part de Parmenion par vne lettre qu'il luy enuoya de ne se fier que biē à point de sa santé à Philippe: par ce qu'il auoit esté gaigné par argent & corrompu par Daire: & que si tost qu'il eut leu les lettres il prit la coupe en la main, & bailla les missiues à lire à Philippe: & pendant le temps qu'il lisoit, Alexandre hardiment, & sans monstrier aucun signe de peur, aualla la medecine: & que incontinent on iugea bren qu'il n'y auoit point de malice de la part de Philippe, par ce qu'il ne festonna iamais, & ne changea point de couleur en lisant les lettres: ains pria seulement Alexandre de vouloir suiure son conseil, s'il desiroit recouurer sa santé. En ceste maladie il mōstra claiemēt combien il auoit de fiance en Philippe: & combien il estoit constant à ne point croire de leger ce qu'on luy rapportoit: & aussi combien il estoit prest de receuoir la mort si elle se presentoit. Ces choses ainsi passées, il enuoya deuant Parmenion pour s'emparer des destroiets qui separent la Cilicie de l'Assyrie, & pour gagner les passages avec l'Infanterie des allies, les Grecs qui estoient à sa soule, & les Thraces dont estoit Colonel Sitalces, & les compagnies Theffaliennes de gens de cheual. Luy peu de temps apres partit de Tarfe, & en vn iour alla iusques à la ville d'Anchiale. Laquelle on dict auoir esté bastie par Sardanapale Roy des Assyriens. Et à ce qu'on peut iuger par l'enceinte & fondemens d'icelle, ç'a esté autrefois

autrefois vne grande & puissante ville. Ioignant les murailles estoit le sephulcre de Sardanaple : au hault duquel on voyoit son effigie comme battant les mains l'une contre l'autre, ainsi qu'on faict és ieux publicques en signe de plaisir & contentement. En la base de ceste effigie estoient escripts des mots en lettres Assyriennes, & en vers à ce que disoient ceux du pays.

„ La teneur de l'inscription estoit telle : Sardanapale fils d'Anacyndaraxes en vn iour a construiet & edifié Anchiale & Tar-se. Toy passant, mange, boy, esbas toy, puis que il n'y a rien parmy les choses humaines digne de si grand contentement. demonstrant par gestes vn applaudissement avec les mains. Et disent que cela est signifié par vn mot fort lascif des Assyriens qui y estoit escript. D'Anchiale Alexandre alla à la ville de Soles, & y meit garnison. Et pour autant qu'il s'apperceut que les habitans de la ville fauorisoient plus le party des Perses, que des Grecs, il leur demâda deux cens talents d'argent. Puis avec l'Infanterie Macedonienne qu'il diuisa en trois troupes, tous ceux de trect, & les Agrians, il alla assaillir les Ciliciens qui s'estoient retirez & fortifiez aux montaignes : & en sept iours furent tous, tant par force d'armes, que autrement reduicts sous son obeissance. Cela faict il retourna à Soles: où il eut nouuelles de la desfaiete de Orontobates Persan (qui estoit capitaine & gouuerneur du chasteau d'Alicornasse, de Mynde, Caune & Thera, & de Callipoli) par Ptolomee & Asandre. Qui augmenta la victoire fut la prise de Co & de Triopion. Ceux-là escriuoient qu'ils auoient desfaiet Orontobates en vn aspre conflict, auquel estoient morts sept cens fantassins & enuiron cinquante hommes de cheual, sans ceux qu'ils auoient pris à rançon, qui n'estoient guerres moins de mil. Apres cela Alexandre feit vn sacrifice à Esculapie, avec action de graces, de luy auoir faict recouurer sa santé: auquel il ordonna des ieux de pris pour la musique, & d'autres pour l'exercice du corps: & donna permission aux Solesiens de changer l'administration de leur Republique en gouuernement & estat populaire. Ces choses paracheuees, il

Sephulchre de Sardanapale

Epitaphe de Sardanapale

Alexandre arriue à Soles.

Desfaiete de Orontobates par Ptolomee & Asandre.

Estat politique des Solesiens changé.

h ij

marcha vers Issé: & donnant à Philotas la conduicte de la gendarmerie, iusques à la riuere de Pyrame, luy avec l'Infanterie & la cornette Royale tira à Magarse, où il sacrifia à Pallas la Magarsienne. De là il alla à la ville de Mallon: où il feit vn sacrifice en l'honneur d'Amphiloch lequel il tenoit au nombre des demy-dieux. Et apres auoir appaisé vne sedition qui festoit émeüe entre les citoyens, il leur remeit & quitta les tailles & impositions, qu'ils souloient payer à Daire: par ce qu'ils estoient descendus des Argiens: car il se disoit estre issu de la race des Heraclides Argiens. Pendant qu'il seiournoit à la ville de Mallon il eut nouuelles que Daire estoit arriué à Soches avec toutes ses forces, & que là il festoit campé, & auoit fortifié son camp: Celieu est au pays d'Assyrie dont auons n'agueres parlé. Donques ayant faict assembler ceux de ses familiers & autres de son conseil en qui plus il se fioit, il leur feit recit des nouuelles qu'il auoit entendues de Daire, & de son armee. Quand ils eurent entendu que Daire n'estoit pas loin, ils requirent que sur le champ on les conduisist la part où il estoit. Alexandre lotia grandement leur bon vouloir, puis les feit retirer. Et le lendemain il feit partir son camp: & passant outre les susdits passages & frontieres, s'en alla camper sous la ville de Myriandre. La nuit suiuite se leua vn orage vehement accompagné de grands vents & pluies, qui trauailla fort l'armee, & fut cause que personne ne bougea du camp. Daire ce pendant demeuroit coy avec son armee, d'autant qu'il auoit choisi ce lieu comme propre & aduantageux pour son camp: & estimoit qu'en toute l'Assyrie il n'y auoit plaine plus vnie, ny plus descouuerte, & partant plus commode pour vne si puissante armee que la sienne, principalemēt pour la caualerie, que celle là. Et le conseilloit cest Amyntas fils d'Antioch, qui auoit tourné sa robbe, de ne point abandonner ce lieu: par ce que l'estendue de ceste plaine sembloit estre fort propre pour le grand nombre de gens qu'il auoit, & le belequippage des Perses. Mais le long seiour que feit Alexandre, tant à Tarse à cause

Daire arriué
à Soches avec
ses forces.

Alexandre
part pour aller
trouuer
Daire.

cause de sa maladie, que à Soles, où il sacrifia à Pallas, & y proposa des ieux de pris : puis à passer les montaignes de Cilicie : fait changer d'opinion à Daire, qui de son naturel estoit fort leger à croire les choses qui luy venoient à gré. Et principalement alors se monstra-il tel : estant persuadé par gens qui sont bons coustumiers de conseiller aux Roys non pas ce qui est proufitable & honnesté, mais ce qui leur est agreable (qui sont à la verité vrayes pestes des Royaumes & principautez) de maniere qu'il se fait aisément à croire, que Alexandre ne passeroit point outre : & que de craincte il auoit perdu le courage, ayant ouy parler de sa venue avec si grande puissance. Car ils venoient de costé & d'autre luy souffler aux oreilles, qu'il ne falloit que sa cavallerie seule pour marcher sur le ventre de tous les Macedoniens. Amyntas se trouua seul entre tous, qui ne voulut desguiser la verité de ce qu'il en pensoit : ains soustint tousiours que quelque part qu'Alexandre pensast estre Daire, il ne faudroit de l'aller trouver. Et conseilloit à Daire de ne tirer son camp d'un lieu si commode pour luy & ses gens, pour donner bataille. Mais le plus pernicieux & dommageable adivs, comme plus agreable aux oreilles, l'emporta. Et soit que quelque dieu ou la fortune l'eust conduit en lieu, auquel ny la gendarmerie, ny le grand nombre de combattans, ny les gens de trect ne luy pouvoient de beaucoup servir : & où il n'auoit aucun moyen de faire paroistre & montrer à l'ennemy le bel equippage de si puissante armee, ains qui mettroit sans grande peine la victoire es mains d'Alexandre : il sembloit que ce fust vne chose fatale & predestinee, que les Perles deussent estre priez de la seigneurie & domination de l'Asie par les Macedoniens : ne plus ne moins que les Medois l'auoient esté par les Perles, & les Assyriens par les Medois. Ayant doncques Daire passé la montaigne qui n'est pas loin du lieu qu'ils appellent les Pyles Amaniques, qui est un passage fort estroit, il tira droit à Issé ne se doutant pas qu'il auoit Alexandre bien pres de luy. Il prit la ville d'assaut, & fit inhumainement battre & meurtrir, puis tuer tous les

Daire leger
à croire.

Flateurs pe-
stes des Roy-
aumes &
principautez

Amyntas
seul cōseiller
fidèlement
Daire.

Pyles Ama-
niques.

Macedoniens qu'Alexandre y auoit laissez pour se faire penser. Le lendemain il prit le chemin de la riuere de Pinare. Si tost qu'Alexandre fut aduertie que Daire approchoit, ne pouuant croire ce qu'on luy en auoit rapporté, il feit sur l'heure embarquer en vn nauire quelsques vns en qui il se fioit beaucoup, & leur commanda de tenir la coste d'Iffe : pour l'enquérir & descouurer si les nouuelles qu'on auoit apportees de Daire estoit vrayes. Ceux-cy faisans diligence, si tost qu'ils eurent descouuert que les ennemis estoient là campez, retournerent le plus viftement qu'ils peurent vers Alexandre pour l'asseurer que Daire n'estoit pas loin. Dequoy estant assure Alexandre, il fait assembler les capitaines de l'armee & les chefs de bandes, ensemble ceux qui auoient charge entre les alliez : les prie d'auoir bonne esperance, veu que iusques là tout leur estoit venu à souhait. Qu'ils auoient la victoire entre leurs mains : & qu'il estoit facile à cognoistre que Dieu estoit pour eux d'auoir inspire Daire de tirer son armee d'une plaine si grande & spacieuse, en vn lieu si ferré & estroit, qui pouuoit bien suffire pour mettre en bataille l'infanterie & les autres compaignies des Macedoniens : mais ne valoit rien pour le grand nombre de combatans qu'auoit Daire, si il falloit iouer des cousteaux. D'auantage qu'ils auoient à faire à gens qui n'estoient egaux à eux ny en grandeur de courage, ny en force d'armes. Que les Perses & Medois pour n'auoir de long tēps suiuy les guerres ny manié les armes, estoient deuenus mous & effeminez : au contraire les Macedoniens aguerris & endurcis au trauail & aux perils, pour auoir tousiours esté à la guerre. Outre cela que eux qui estoient personnes franches & libres auoient à combattre des esclaves. Et pour le regard des Grecs qui auoient à combattre des Grecs, qu'il y auoit entre eux bien grande difference : par ce que ceux qui estoient du party de Daire ne mettroient iamais leurs vies au hazard d'une bataille, pour ce peu de paye qu'ils receuoient de luy : où ceux qui estoient de sa part marcheroient tres-volontiers en bataille, considerans qu'il estoit question de l'honneur & de la conseruation

Harangue
d'Alexandre
aux capitai-
nes de son ar-
mee auant la
bataille don-
née à Iffe.

uation de la Grece. Que les Thraces, les Illyriens, Peoniens, Agrians, c'est à dire les plus braues & vaillans hommes de toute l'Europe, auoient en barbe les plus lasches & couards peuples qui fussent en Asie. Somme, que c'estoit Alexandre qui auoit à combattre Daire en bataille rangee. Alexandre tint ce propos, à fin que les Macedoniens & les autres de son armee entendissent en quoy ils pourroient estre plus forts que les Barbares en ceste bataille. Outre cela il leur remōstra quel los, & quelle recōpense leur estoit appareillee: d'autāt qu'il n'estoit plus question de vaincre des Roys peu puissans & tributaires de Daire, ny ceste vaillante caualerie qui l'estoit presentee au passage de la riuiera du Granic, & les vingt mil auanturiers qui y estoient: mais de se faire maistres par armes de tout ce que les Perses & Medois auoient en leur possession, c'est à dire de toute l'Asie, voire de Daire luy mesmes, en ceste seule bataille. Et qu'il n'y auoit chose au monde, qui les peust empêcher de mettre fin à leurs trauaux, & viure en repos à l'aduenir, estāt toute l'Asie reduicte sous leur obeissance. Il leur remettoit aussi deuant les yeux les choses qu'ils auoient vaillamment excutees par le passé, & dont ils estoient sortis à leur honneur. Mesmement en particulier si quelqu'un auoit fait quelque vaillant acte, il l'appelloit par son nom, disant que en tous les dangers où il festoit iamais trouué en guerre, il l'auoit tousiours eu pour compagnon, & y auoit eu bonne part. On dict qu'il leur parla aussi de Xenophon, & des dix mil hommes qu'il auoit avec luy: lesquels ny en nombre de combattans ny en reputation n'estoient à comparer à eux: par ce qu'ils n'auoient en leur armee ny caualiers Thessaliens ny Beotiens, ny Peloponesiens, ny Thraces ny Macedoniens, ny caualerie quelconque. D'auantage qu'ils n'auoient point de gens de trect ne de fonde, forts quelque petit nombre de Candlots & Rhodiens, que Xenophon luy mesmes auoit dressez le micux qu'il auoit peu, lors qu'on eut affaire d'eux: & que neantmoins ceste poignee de gens auoit mis en route vn si puissant Roy deuant les murailles de Babylon. Et en re-

tournant depuis par le pont Euxin, ils auoient desfaict toutes les nations qui festoient attaquées à eux par les chemins. Alexandre y adiousta encores beaucoup d'autres choses, que les capitaines bien aduisez ont accoustumé de dire, pour encourager les hommes au combat. Quand il eut mis fin à sa harangue, les gens de guerre eschauffez en courage requirent que sur l'heure on les menast contre Daire : frappans és mains les vns des autres, & exaltans de paroles le Roy iusques au tiers ciel. Alexandre commanda que chacun repeust & se tint prest, & cependant enuoia quelques gens de cheual, & autres de trect, pour descouurir vers les destroicts qu'il auoit desia passez : & la nuit ensuiuant il falla emparer d'iceux avec toute son armee. Estant là arriué sur la minuit, il sy arresta : & permit aux soldats de se reposer le reste de la nuit, aiant assis les gardes & sentinelles où il en estoit besoin. Au point du iour il comença à descendre des montagnes la part que le chemin y estoit plus estroit, conduisant ses gens fort ferrez. Quand il fut paruenue en la plaine il ordonna son armee en bataille, preste à combattre. Au bataillon qui estoit à main droite au pied de la montagne il meit la bande Royale de gens de pied & les Argyraspides dont estoit General Nicanor le fils de Parmenion, & avecques ce les regiments qui estoient sous la charge de Cene & Perdicas. Et festendoit ce bataillon iusques au milieu de la bataille. Pour l'autre bataillón qui estoit à main gauche il y ordonna Amyntas, Ptolomee & Meleager avec les compagnies qui estoient sous eux : avecques eux Cratere, lequel il auoit fait colonnel de toute l'infanterie. La conduite de ce bataillon fut donnée à Parmenion avec defense de se reculer de la mer, de peur d'estre enuironnez des Barbares, que l'on iugeoit bien estre plus forts de beaucoup d'infanterie en nombre de combattants, que les Macedoniens. De l'autre costé si tost que Daire fut aduertie que Alexandre approchoit, il meit en bataille trente mil hommes de cheual, & vingt mil de pied legerement armez. Lesquels il feit passer la riuere de Pinare : à fin d'auoir cepend-
dant

Description
 de la bataille
 donnée entre
 Daire & Alex-
 andre.
 Disposition
 de l'armee
 d'Alexandre.

Ordonnance
en bataille
de l'armee
de Daire.

dant l'opportunité de mettre en ordonnance le surplus de son armee, qui fut par luy disposée en ceste maniere. Il ordonna au premier front les Grecs qu'il auoit à sa soulde, qui estoient enuiron trente mil, pour faire teste à l'infanterie Macedonienne: & sur les flancs, de costé & d'autre, il asseit les Cardaciens, qui estoient iusques au nombre de soixante mil armez de fortes armes. Et n'estoit possible d'estendre d'auantage les rangs, pour estre le lieu trop estroit. A main gauche, au bas d'une montagne, à l'opposite du bataillon droit d'Alexandre, il feit marcher vingt mil hommes bien armez, qui festendoient iusques aux derniers rangs des Macedoniens. Car vne partie de ceste montagne, où l'armee estoit en bataille, festendoit en vn long costau en tournant, faisant comme vn arc tendu, ou demy rond, ou comme vn gouffe de mer: de sorte que au lieu où estoit le tournant & flechisseure de la montagne, ceux qui estoient les plus aduancés pouuoient donner en queue au bataillon droit d'Alexandre. Le surplus de l'armee qui estoit tout de Barbares, tant piques seiches, que autres que bien que mal armez, les ayant separez selon la diuersité des nations, il les feit marcher parmy l'infanterie apres les Grecs: faisant vne longue queue, qui ne luy pouoit de rien seruir. On estimoit qu'en l'armee de Daire y auoit bien six cens mil combattans. Alexandre donc comme il marchoit trouua que le lieu alloit en eslargissant: au moyen de quoy il feit tenir sur les ailes du bataillon droit aupres de sa personne la gendarmerie de secours, les Theffaliens & Macedoniens: & enuoya les Peloponnesiens, & le surplus de la caualerie des allies, à l'autre bataillon que Parmenion conduisoit. Quand Daire eust disposé son armee preste à combattre il rappella soudainement avec vn signal les gens de cheual qu'il auoit enuoyez de la riuiere, & en laissa la plus grande partie en la pointe droite à l'encontre de Parmenion (par ce que de ce costé là la caualerie pouoit faire beaucoup plus de deuoir que de l'autre) & enuoya le surplus à la pointe gauche vers la montagne. Mais iugeant pour estre le lieu trop estroit, qu'elle luy

Six cens
mil combat-
tans en l'ar-
mee de
Daire.

Les Roys de
Perse cōdui-
sent touf-
jours le mi-
lieu de l'ar-
mee.

feroit inutile en ce costé-là, il feit tourner bride à la plus part vers la poincte droiçte. Et luy, suyuant la maniere de faire des Roys de Perse, conduisoit le milieu de l'armee entre deux autres bataillons. Pourquoy cela se faict ainsi, Xenophon fils de Grylle l'a laissé par escript. Alexandre voyant que toute la force presque de la caualerie des Perles estoit tournée vers le riuage de la mer, droiçt à l'opposite du bataillon de Parmenion, qui estoit defendu par la gendarmerie du Peloponnese & des autres alliez seulement, il y feit passer les hommes d'armes Theffaliens par derriere les gens de pied le plus couuertement qu'il peut : & en leur place feit entrer les cheuaults legers qui estoient sous la charge de Protomach, & les Peoniens dont Ariston estoit colonel : & de fanterie les gens de treçt, dōt estoit chef Antioch & les Agrians, que cōduisoit Attale. Outre ceux-là, il feit tenir quelques gēs de cheual, & autres de treçt aupres de la montaigne qui estoit vn peu derriere, la part qu'elle alloit en tournant, pour enuironner l'ennemy. Ceux qui tenoient le costé droiçt de l'infanterie, furent diuisez en deux poinçtes : dont l'vne faisoit teste à Daire, & aux autres Perles qui estoient de là la riuere, l'autre se rendoit vers ceux qui estoient vers la montaigne pour charger par derriere. Deuant le bataillon qui estoit à main gauche estoient disposez de gens de pied les archers de Candie & de Thrace sous la conduicte de Sitalces : & encores deuant eux estoit la caualerie qui auoit esté ordonnee pour le bataillon de Parmenion. Les premiers rangs de tous auoient esté donnez aux estrangiers qui estoient à la soulde d'Alexandre. Lequel iugeant que le bataillon où il estoit n'estoit assez fort d'infanterie, ny les rangs assez serrez, & que à son aduis la plus grande force de l'ennemy viendroit donner ceste part, il commada à Peridas le fils de Menesthee & à Pantordan fils de Cleader d'y marcher avec deux cōpagnies des alliez, dont ils auoient la charge (dont l'vne s'appelloit Anthebusienne & l'autre Lageanne) sans que les ennemis s'en peussent apperceuoir. Et ayant faict entrer au mesme bataillon droiçt les
gens

gens de treſt avec vne partie des Agrians, & quelques bandes de Grecs qui eſtoient à ſa ſoulde : & les ayant mis au front du bataillon, il eſtédit ſon infanterie iuſques au dela de la poincte des Perſes. Et quand il veit que ceux que Daire auoit ordonnez à part à la montaigne ne deſcendoient point : ains que apres quelques eſcarmouches qu'ils auoient faiſtes ſur les Agrians, & ſur quelques bandes d'archers & autres gens de treſt, ils auoient eſté repouſſez iuſques au coupeau de la mōtaigne : il eſtima qu'il ſe pourroit ayder des compagnies qu'il auoit enuoyees contre ceux-là, pour renforcer ſon infanterie : & qu'au lieu d'eux il ſuffiroit d'y mettre trois cens hōmes de cheual ſeulement, qu'il tira de l'armee pour y enuoyer. Ayant Alexandre diſpoſé ainſi ſon armee, fut quelque temps arreſté au front des troupes : d'autant qu'il y auoit apparece que l'ennemy viendrait tard à la charge. Par ce que Daire n'aduançoit point ſon armee barbareſque : ains eſtoit attendant ſur la riue du fleuve, tenant ſes gens en bataille, en la ſorte qu'il les auoit ordonnez du commencement. Or eſtoit ceſte riue preſque par tout haute & droicte, & faſcheuſe à mōter, & aux endroiſts où le paſſage ſembloit eſtre aiſé il y auoit faiſt tirer des trenchees : dont les ſoldats d'Alexandre ſe donnerent opinion, que en ſoymeſme Daire ſe tenoit deſ-ja pour captif. Quand les deux armees ſe furent approchees, Alexandre allant de reng en reng, commença à donner courage à ſes gens : non pas aux capitaines generaux de l'armee ſeulement, parlant à eux avec tiltres d'honneur, mais auſſi aux chefs de bandes, & autres qui auoient charge, appellant chacun d'eux par ſon nom : ſemblablement les eſtrangers qui eſtoient à ſon ſeruice : principalement ceux qui eſtoient plus ſignalez entre les autres de quelque degré d'honneur, ou de quelque beau faiſt d'armes. Pendant qu'il eſtoit ententif à cela ils commanderent à crier de toutes parts, qu'il ne falloir plus attendre, & qu'il falloir aller charger l'ennemy. Voyant l'ardant courage qu'ils auoient de combattre, ja-ſoit que l'armee fuſt toute pres de l'ennemy, ſi fut il touteſois d'aduis de ne rien haſter : ains

feit marcher son armee le petit pas, de peur de desordre & que l'infanterie ne rompiſt les rangs. Quand ils furent à la portee du treſt, ceux qui eſtoient alentour d'Alexandre, & Alexandre luy meſmes, furent les premiers qui ſaduancerent, & doublans le pas tirent droit à la riuere. La hardieſſe deſquels eſtonna grandement les ennemis : de ſorte qu'on vint au combat des mains ſans auoir receu que bien peu de dommage des gens de treſt, qui eſtoient ſur l'autre riuage : & cela auoit bien preueu Alexandre, & y auoit ſagement pourueu : tellement que quand les deux armees vindrent à ioindre, ceux qui eſtoient à la poincte gauche des Perſes tournerent le dos. Et lors lon cogneut à veüe d'œil que de ceſte part la victoire demeurerait à Alexandre. Toutefois les Grecs qui eſtoient à la ſoulde de Daire voyans que la phalange des Macedoniens eſtoit diuiſee (ce qui eſtoit aduenü par ce qu'Alexandre, qui auoit paſſé la riuere avec les premiers, auoit faiſt quitter la riuere aux Perſes qui la deſendoient : & les autres qui ſuiuoiſent feſtans mis en l'eau, n'auoiſent peu, au moyen de ce que la riuere eſtoit haute en ceſt endroit, charger l'ennemy de ſi grande furie, ny ſe tenir en ordonnance) la part qu'ils l'apperceurent plus ſeparee & en deſordre, vont donner dedans : & là fut courageuſemēt combatu d'une part & d'autre : efforçans les Perſes de repouſſer les Macedoniens dans la riuere & de recouurer l'honneur de la victoire, eſtans ceux de leur part deſia en fuite : & les Macedoniens prenans peine de garder la victoire, qu'Alexandre ſembloit auoir deſia gaignee, enſemble la reputation q̄ la fanterie Macedoniēne ſ'eſtoit acquiſe d'eſtre inuincible. Il y auoit auſſi vne ialouſie entre les ſoldats d'Alexandre à qui mieux mieux, & qui emporteroit l'honneur d'auoir plus faiſt de deuoir en ceſte bataille. A ceſte premiere charge Ptolomee fils de Seleuc, apres auoir donné pluſieurs & grands teſmoignages de ſa prouēſſe fut tué : & avec luy d'autres Macedoniens, hommes ſignalez & gens de bien, iuſques au nombre de ſix vingts. Ce pendant eſtant deſia en fuite la poincte gauche de l'armee de Daire, le bataillon d'Alexandre tourne droit

Ptolomee
fils de Seleuc
tué.

droiſt vers les eſtrangers, & ceux qui eſtoient à la ſoulde de Daire: qui furent chargez de telle furie, qu'ils furent repouſſez de la riuere: puis il eſtendit en long les rangs de ſon infanterie vers le coſté, auquel les Perſes eſtoient en deſordre, & les alla aſſaillir en flanc. La caualerie de Perſe, qui auoit eſté oppoſee à celle des Theſſaliens pour leur faire teſte, les vint charger vaillamment paſſant l'eau: & là y eut grande & aſpre meſlee de gens de cheual: & continuerent leurs coups les Perſes, iuſques à ce qu'ils apperceurent que Daire vaincu auoit pris la fuitte: & que les auanturiers qui eſtoient à la ſoulde de Daire auoient eſté taillez en pieces. Mais lors de toutes parts ſ'enfuirent les Perſes à val de routte: & d'autant que les cheuaux ne pouuoient gueres bien courir, au moyen de ce que leurs cheuaucheurs eſtoient armez de fortes & peſantes armes, en fut fait grande boucherie. Meſmes pluſieurs ainſi qu'ils fuioyent à bride abbatuë, penſans gagner les deſtroiſts pour ſe ſauuer, ſ'empeſchans les vns les autres de paſſer pour la foule qui y eſtoit, & ſ'efforçant chacun d'eux de paſſer le premier, tomboient les vns ſur les autres, & ſ'entretuoient. Quelsques vns autant de cheual que de pied furent attaincts par les Theſſaliens qui leſtalonnoient de pres, & y perdirent la vie. Daire ſi toſt qu'il eut apperceu que la pointte gauche de ſon armee eſtoit miſe en routte par Alexandre, monta ſur ſon char: & accompaigné des premiers des ſiens, ſe meit en fuitte, & ne ceſſa de fuir tant que la plaine dura. Mais quand il fut paruenue aux lieux aſpres & roides, il laiſſa le char: & dans iceluy ſa coutelaſſe, ſon eſcu & ſon arc: & montant à cheual gaigna pays à la courſe, euitant par ce moyen, & auſſi que la nuit ſuruint, la furie des ennemis. Alexandre aiant pris le char de Daire auec ſa coutelaſſe & ſes autres armes, ſ'en retourna vers ſon armee. Il ne ſe meit toutefois à ſuiure Daire, iuſques à ce qu'il eut apperceu, que les eſtrangers qui eſtoient à la ſoulde de l'ennemy, & la caualerie Perſienne, par l'effort deſquels ſon infanterie auoit eſté peu au parauant aſſaillie eſtant en deſordre, auoient eſté repouſſez bien loin de la ri-

L'armee de
Daire des-
faicte.

Cent mil
hommes de
pied morts
de la part de
Daire.

La mere, la
femme (qui
estoit aussi
sœur) & les
enfans de
Daire pri-
sonniers.

* dix-huit
cēs mil escus.

uiere. De la part des Perſes moururēt Arſaces, Rheomithres & Atizyes, qui auoient eſté chefs de la caualerie à la bataille donnee au Granic: enſemble Sabaces lieutenant general en Ægypte, & Bubaces homme grandement eſtimé entre les Perſes: & outre ceux-là, vn grand nombre d'hommes, & tel, que de gens de pied ſeulement on eſtima en eſtre demeurez cent mil morts ſur le chāp. Ptolomee fils de Lage, qui accompaigna à ceſte chaſſe Alexandre, eſcrit, que ceux qui pourſuiuoient Daire quand il ſenfuit, auoient beaucoup de peine à trouuer chemin & paſſage, pour la multitude des corps morts des ennemis qui giſoient eſtendus ſur la terre. Le lieu meſmes que Daire auoit fortifié pour ſon camp fut pris du premier aſſaut, & là furent trouuees la mere, la femme (qui eſtoit auffi ſœur) de Daire: & auecques elles ſon fils qui eſtoit fort petit, & deux ſiēes filles accōpaignees des femmes des plus grands ſeigneurs de Perſe, toutes leſquelles furent faiçtes priſonnieres. Quant aux femmes des autres Perſes, ils les auoient enuoyees auec le bagage à Damas: où pareillement Daire auoit faiçt mener la plus part de ſes finances, & beaucoup d'autres meubles de pris, tels que les puiſſans Roys ont accouſtumé de mener auecques eux pour monſtrer leur grandeur. qui fūt cauſe qu'on ne trouua pas plus de trois mil talents * au camp. Tout le ſurplus des deniers fut bien toſt apres deliuré à Parmenion, qui eut la commiſſion d'aller à Damas. Telle fut l'iſſuē de ceſte bataille, qui fut donnee au temps que Nicoſtrat eſtoit ſouuerain magiſtrat à Athenes. Le iour d'apres, Alexandre, encores qu'il ſe trouuaſt mal, à cauſe d'vn coup qu'il auoit receu en la cuiſſe, alla viſiter les naurez: & apres auoir fait cercher diligēment par tout le chāp de la bataille, les corps de ceux des ſiēs qui y auoiēt eſté tuez, il les fait honorablemēt enterrer en la preſence de toute l'armee qui eſtoit alentour en armes, cōme preſte à cōbatre: haut-loūant chaſcun de ceux qu'il auoit veu ou entendu d'autre, auoir beaucoup faiçt de deuoir à la meſſee. Il fait auffi departir à chaſque ſoldat bonne ſomme de deniers, ſelon leur merite, ou le rang qu'ils tenoient

noient. Apres cela, il institua son lieutenant general en la Cilicie Balacre fils de Nicanor, qui estoit vn des gardes du corps, & subrogea en son lieu Menetes fils de Denis : & de la place de Ptolomee fils de Seleuc, qui auoit esté tué à la bataille, il en pourueut Polyperchon fils de Simee. Il quitta & remeit aux Solenſes cinquante talents de tailles, & leur rendit leurs hostages. Quant à la mere, la femme & enfans de Daire, il ne se monstra pas peu songneux d'eux. Quelsques vns ont laissé par escript que Alexandre estât retourné de la chasse de Daire, quand il fut entré en la tente qui estoit auparauant à Daire, il entendit non gueres loin de là des complainctes & lamentations de femmes, & qu'il demanda qui elles estoient : & apres que ceux qui se trouuerēt à l'entour de luy, luy eurent respondu, que c'estoient la mere, la femme & les enfans de Daire, lesquels estimoient que Daire fust mort : par ce qu'ils auoient ouy dire que Alexandre ayant obtenu la victoire, rapportoit l'arc d'iceluy, sa coutelasse & son escu : qu'il fut émeu de pitié & compassion, & enuoya vers eux Leonnat vn de ses plus familiers, pour leur faire entendre que Daire estoit encores en vie, & qu'il auoit laissé ses armes, sa coutelasse & son escu dans son char, pour se sauuer. Et que de sa part il vouloit & entendoit qu'elles retinſſent l'estat royal, la suite & l'accoustremēt : mesmes qu'elles fussent appellees Roynes. Que ce qu'il faisoit la guerre à Daire n'estoit pour aucune haine ou mauuais vouloir qu'il luy portast : mais pour l'honneur, & à qui demeure-roit seigneur del'Asie. Voila ce qu'en racontent Ptolomee & Aristobule. Mais l'on tient que le lendemain qu'Alexandre eut gaigné ceste bataille, il alla vers ces Princeſſes accompagnē seulement d'vn de ses plus familiers & amis nommé Ephestion : & que la mere de Daire qui ne cognoissoit pas lequel des deux estoit le Roy (d'autant qu'ils se ressembloient assez bien de corps, de port, & d'accoustrement) elle feit la reuerence à Ephestion par ce qu'il estoit de plus belle representation : lequel Ephestion se retira vn peu en arriere : & que quel-qu'vn qui estoit aupres d'elle luy monstra Alexandre : dont

*Courtoisie
d'Alexandre
enuers les
Princeſſes
captiues.*

Alexandre
dict Ephe-
stion son amy
estre vn autre
luy-mesme.

elle fut toute honteuse d'auoir failly, prenant l'vn pour l'autre, & pourtant se retira. Mais Alexandre luy dict, qu'elle ne festoit point abusee, par ce que Ephestion estoit vn autre luy mesme. I'ay escrit cecy non pas comme chose vraye, aussi ne l'ay-ie pas voulu taire, comme si c'estoit chose controuuee & faicte à plaisir. Tant y a que si cela est veritable, Alexandre fest acquis vne heureuse & eternellement louable reputation entre les plus vertueux, d'auoir vsé d'vne telle gracieuseté enuers des Princesses, & d'auoir tant honoré son amy. Et encores que cela fust feinct & controuué, si iugeroy-ie pourtant Alexandre digne de louange, d'auoir esté estimé tel que cela luy peust estre aduenü : & que ceux qui l'ont ainsi escrit, ont iugé qu'il y auoit apparence, que les choses se fussent ainsi portees. Daire ce temps pendant gaignoit pays de nuit tant qu'il pouuoit à la course, avec bien peu de compagnie : & tout le iour il demouroit caché en quelque lieu destourné. Il trouua moyen de r'allier iusques à quatre mil, que Perses que autres qui estoient à son seruice, qui festoient sauuez à la fuitte : & avec ce peu de gens il marcha en la plus grande diligence qu'il peut vers la ville de Thapsacon, & la riuere d'Euphrate à fin d'auoir ce fleuve entre luy & Alexandre. D'autre costé Amyntas fils d'Antioch, Thymondas fils de Mentor, Aristomedes Pherean, & Bianor Acarnanien, qui auoient tourné leur robbe, s'enfuirent avec enuiron huit mil hommes, par les montaignes & lieux couuerts & escartez, & allerent rendre à Tripoly, ville de la Phenicie : où ils trouuerent encores les nauires, dans lesquelles ils estoient venus de Lesbos : & visitants celles qui estoient les plus entieres, & prestes à faire voile, en prindrent autant qu'il leur en falloit pour tenir leurs soldats : & en ceste sorte s'enfuirent en Cypre : ayans auant que partir mis le feu à tous les autres vaisseaux, à fin d'oster le moyen à l'ennemy de les suiure. De Cypre ils prindrent la routte d'Ægypte : où Amyntas apres s'estre essayé de faire beaucoup de choses, fut tué par ceux du plat pays. Pendant ce temps Pharnabaze & Autophradates estoient

Amyntas,
Thymondas
& autres de-
ferreurs se
retirent en
Ægypte.

Amyntas tué
en Ægypte.

estoyent demeurez en l'Isle de Chios avec bonne garnison: qui apres auoir enuoié quelques vaisseaux en Co & Alicarnasse, feirent voile en Siphne avec cent vaisseaux de bonne defense. Auquel lieu les alla trouuer Agis Roy des Lacedemoniens dans vne galere à trois rames pour banc: lequel Agis venoit là pour recouurer deniers pour la guerre, & à fin d'auoir quelque nombre de vaisseaux: & aussi pour demander qu'on enuoyast vne armee pour guerroyer par terre en la Moree. Mais pendant qu'ils estoient en ces termes vindrent les nouuelles de la bataille perdue à Issé, dont ils furent grandement estonnez. Et Pharnabaze en la plus grande diligence qu'il peut reprit le routte de l'Isle de Chios, avec quinze cens soldats: pour empescher que ceux du pays ne feissent quelque nouuelle entreprise, quand ils entendoient ces mauuaises nouuelles. Agis ayant receu de Autophradates trente talents & dix galeres à trois rames pour banc, les enuoit incontinent par Hippias à Agesilas son frere qui estoit à Tenare: avec mandement de payer entieremēt ce qui estoit deu aux compagnons de la marine: cela fait, tirer en Candie le plus tost qu'il pourroit, pour donner ordre aux affaires qui se presenteroient. Et luy apres sejourner quelque temps es Isles, partit pour aller trouuer Autophradates à Alicarnasse. Cependant Alexādre auoit estably son lieutenant general & gouverneur au pays de la Syrie, qui est autrement appelé Celé, Menon fils de Cerdimas, luy laissant de la gendarmerie des allies, pour la defense de la contree, puis s'en estoit allé en Phenicie. Sur le chemin vint au deuant de luy Straton fils de Gerostrates Roy des Aradiens: lequel Gerostrates, ainsi que les autres Roys des Pheniciens & des Cypriēs, tenoit le party de Daire, & pour lors estoit avec Autophradates au fait de la marine. Si tost que Straton fut arriué au lieu où estoit Alexandre, il luy meit vne couronne d'or sur la teste, & meit en son obeissancel'Isle d'Arade, & Marathon ville grande & opulente, situee en terre ferme vis à vis d'Arade: ensemble la cité de Mariammé, & tout le surplus de leurs pays, terres

Agis Roy
des Lacede-
moniens al-
lié des
Perfes.

Agis reçoit
des Perfes
dixhuit mil
escus & dix
galeres.

Royaume
des Aradiens
mis en l'o-
beissance
d'Alexādre.

k

Lettres de
Daire à Ale-
xandre.

& seigneuries. Alexandre feit quelque sejour à Marathon, pendant lequel vindrent vers luy des Ambassadeurs de la part de Daire, avec lettres de creance, requerants qu'il pleust à Alexandre leur deliurer les mere, femme & enfans d'iceluy. Par ces mesmes lettres Daire luy remettoit en memoire l'amitié & cōfederation que le feu Roy Philippe son pere auoit contractee avec Artaxerxes, laquelle alliance auoit esté depuis rompue par le Roy Philippe du viuant du Roy Arses fils d'Artaxerxes: auquel le Roy Philippe festoit attaché, sans qu'il eust receu de luy aucune offense ou iniure. Et depuis qu'il estoit paruenue à la couronne, qu'Alexandre ne festoit mis en aucun deuoir d'enuoyer vers luy: ce que toutefois il deuoit faire, pour confirmer les anciennes alliances & confederations. Que la cause pourquoy il auoit pris les armes, n'auoit esté autre que pour se defendre & conseruer le Royaume que ses ancestres luy auoiēt laissé. Que l'issue de la bataille auoit esté telle que quelqu'un des dieux l'auoit voulu: Et que ores luy estant Roy, il faisoit vne requeste à vn Roy, de luy rendre sa femme, sa mere & ses enfans, qu'il tenoit captifs. Qu'il desiroit contracter alliance avec luy: & que pour traicter de ceste affaire, il le prioit d'enuoyer vers luy gens de sa part avec Menisque & Arsima ses Ambassadeurs, pour receuoir & prester le serment pour cest effect. Alexandre ayant fait responce aux Ambassadeurs, les renuoya: & avecques eux feit partir Thersippe pour aller vers Daire, & luy porter lettres de sa part, sans conferer avec luy de chose quelconque: desquelles lettres la teneur estoit telle. Vos

Respōse par
lettres d'A-
lexandre à
Daire.

ancestres sans qu'ils eussent receu aucun dommage ou iniure des Grecs passerent iadis en la Macedoine & en toute la Grece, où ils feirent le degast & outrage que chacun scait. Et quāt à moy, i'ay esté esleu chef de l'armee des Grecs, pour prendre vengeance des torts qui leur ont esté faicts: & à ceste occasion suis passé en Asie. Vous auez enuoyé secours aux Perinthiens qui estoient ennemis iurez du Roy Philippe mon pere. Par Oche a esté enuoyee vne armee en la Thrace, qui

„ qui estoit nostre. D'aduantage le Roy Philippe mon pere a
„ esté meschamment tué par ceux que vous auez praticquez &
„ corrompus par argent, & attiltrez pour le faire mourir. Du-
„ quel faiët si detestable vous osez encores vous vâter par les let-
„ tres que vous enuoyez de costé & d'autre. Outre cela vous
„ qui auez faiët mourir Arses & Bagoas, dont le Royaume est
„ tombé en vos mains: commandez maintenant aux Perfes
„ comme leur Roy, contre tout droiët, voire contre leurs loix
„ mesmes. Vous auez escript aux Grecs des lettres par lesquelles
„ auez assez monsté le peu de bien que vous me voulez; les in-
„ citant de tout vostre pouuoir, à s'esleuer & prendre les armes
„ contre moy. Pour à quoy paruenir vous auez enuoyé deniers
„ aux Lacedemoniens, & encor à quelsques autres de la Grece:
„ lesquels toutefois pas vn des Grecs n'a voulu toucher, fors
„ les Lacedemoniens: & en cela auez mis tous vos efforts de
„ distraire de mon party mes amis & alliez, & de les animer cō-
„ tre moy. Pour ces causes ie suis venu avec mes forces vous
„ trouuer, & vous ay liuré bataille. Or puis que ie suis demeuré
„ victorieux, premierement de vos lieutenans & gouuerneurs
„ de vos prouinces: & depuis de fraiche memoire de vous & de
„ vos forces en bataille rangee: & que i'ay conquis par la faueur
„ des dieux l'Empire & seigneurie de l'Asie: puis que aussi vos
„ gens de guerre, qui se sont sauuez de la bataille & retirez vers
„ moy suiuent maintenât de leur propre & franche volôté mon
„ party (chose qui assez euidément me declare Seigneur de l'A-
„ sie) venez vous en vers moy. Et si vous auez crainte de quelque
„ chose, enuoiez qui vous voudrez des vostres pour prédre de
„ moy la foy & vn sauf cōduiët, par le moië duquel vous pourrez
„ faire le voiage en toute seureté. Quand vous serez avec moy,
„ vous aurez vostre mere, vostre femme & vos enfans, & toute
„ autre chose que vous me voudrez demander. Au reste, quâd
„ vous m'escrirez cy apres, souuienne vous que vous escriuez au
„ Roy de l'Asie: & non point cōme à vostre pareil & egal, mais
„ cōme à celuy qui est maistre & seigneur de vos terres & païs. Si
„ autrement vous le faiëtis, ie me gouverneray enuers vous,

k ij

„ comme enuers celuy qui aura commis felonnie contre moy.
 „ Et si vous voulez debatre le droict de la couronne, ne bou-
 „ gez, & combatez vaillamment pour le defendre, sans mettre
 „ vostre esperance en la fuitte. Car soiez assurez que ie vous sui-
 „ uray de pres, quelque part que puissiez aller. Voyla ce qu'il es-
 „ criuit à Daire. Or aiant entendu que les finances que Daire
 auoit enuoyees à Damas, & dont il auoit donné la garde à
 Cophenes fils d'Artabaze, auoient esté enleuees par ses gens
 avec tous les Perles qui estoient commis pour la garde d'icel-
 les, & les bagues & ioyaux precieux, qui estoient ensemble: il
 donna charge à Parmenion de les faire remener à Damas, &
 là les faire garder soigneusement. Puis se souuenant des Am-
 bassadeurs que les Grecs auant la bataille auoiēt enuoyez vers
 Daire, & estoient detenus prisonniers par ses gens, il les feit
 venir deuant luy. Ceux-cy estoient Euthycles Lacedemonien,
 Thessalique fils de Ismenie, & Dionysidore Olympionicien,
 tous deux Thebains: Iphicrate fils de cestuy Iphicrate Athe-
 nien, qui auoit esté General de l'armee des Atheniens. Les-
 quels estans venus en la presence d'Alexandre, il donna congé
 sur le champ à Thessalique & Dionysidore: tant pour la pitié
 & compassion qu'il auoit de la ville de Thebes, qu'il auoit faict
 razer, que pour ce qu'ils luy semblerēt excusables, & qui me-
 ritoient qu'on leur pardonnast, si leur pays aiant esté reduict
 en seruitude par les Macedoniens, ils auoiēt recours aux Per-
 ses, pour auoir secours pour eux, & pour leur patrie. Et enco-
 res pour l'honneur de ceux dont estoit issu Thessalique il le
 deliura, d'autant qu'il estoit d'une des plus nobles & plus an-
 ciennes maisons de Thebes: & Dionysidore, pour la victoire
 qu'il auoit emportee es Jeux Olympiques. Et Iphicrate à cau-
 se de la ville d'Athenes, & de son pere: mesmes luy feit hon-
 neur toute sa vie, le tenant pres de sa personne: & quand il fut
 mort, il donna charge de reporter ses os à ses parens & amis à
 Athenes. Quant à Euthycles, par ce qu'il estoit d'une ville qui
 festoit manifestemēt declaree son ennemie, & n'auoit iamais
 cogneu chose en luy qui meritaist qu'il luy feist quelque grace:
 l'enuoya

Deliurance
 des Ambassa-
 deurs Grecs
 qui auoient
 esté enuoyez
 vers Daire.

l'enuoya du commencement en prison (sans toutefois le faire
 lier ou enchaîner) puis allans les choses tousiours de mieux
 en mieux, il le licentia aussi. Apres cela il feit partir son camp
 de Marathon: & tost apres ceux de Byblon se rendirent eux
 & leur ville à son obeïssance. Autant en firent les Sidoniens
 d'eux & de leur ville de Sidon, incitans mesmes Alexandre à y
 aller pour la haine qu'ils portoient à Daire, & aux Perses. Puis
 aiant pris son chemin à Tyr, il rencontra les ambassadeurs des
 Tyriens, qui venoient au deuant de luy, lesquels luy declaire-
 rent leur charge, qui estoit: De l'asseurer que les Tyriens luy
 estoient tresaffectionnez seruiteurs, & tous prests à executer
 tel commandement qu'il luy plairoit leur faire. Alexandre les
 receut fort honorablemēt, & leur feit vn recueil tel qu'ils me-
 ritoient (parce qu'ils estoient des premiers de la Cité, entre
 lesquels estoit le fils du roy de Tyr: car le Roy Azelmic estoit
 à la guerre avec Autophradates, tenant le party des Perses, &
 auoit ioinct son armee sur mer avec ceux de Autophradates)
 puis leur dōna cōgé avec charge de dire aux Tyriens qu'il les
 vouloit aller voir, & entrer en leur ville, pour faire sacrifice &
 oraison à Hercule. Il y auoit en ceste ville vn tēple d'Hercule
 bien fort ancien, & dōt on faisoit grand cas: non pas de cestuy
 Hercule Argien qui fut fils d'Alcmene: Car Hercule estoit re-
 ueré & tenu pour dieu à Tyr, long tēps auparauant que Cad-
 me partist de la Phenicie, & qu'il s'emparast de Thebes: & lōg
 temps auant que Semelé fille de Cadme fust nee: de laquelle
 Semelé est issu Bacche fils de Iupiter. Car Bacche fut le troi-
 sième apres Cadme: par ce que Polydore fut fils de Cadme,
 & de Polydore Labdac: du temps duquel Bacche estoit en
 bruiēt & en honneur. Or Hercule l'Argien estoit du temps
 de Edipe Laïen. Les Égyptiens aussi adorent Hercule, mais
 cest vn autre encores que celuy des Tyriens, ou des Grecs.
 Mesmes Herodote escrit, que les Égyptiens mettent Hercu-
 le au nombre des douze dieux: comme en pareil les Atheniēs
 adorent vn Bacche fils de Iupiter & de Proserpine, autre que
 le susdict Bacche: & que à cestuy Bacche on chante l'hymne

Byblon &
 Sidō réducs
 à Alexandre.

Ambassa-
 deurs des
 Tyriens
 vers Ale-
 xādre.

Azelmic roy
 de Tyr.

Plusieurs ont
 esté portants
 le nom de
 Hercule.

Colonnes
d'Hercule.

Diversité
d'opinions sur
l'histoire de
Hercule &
Geryon.

sacré Iacchique & Dionysional, non point au Thebain. Qui me fait estimer que cest Hercule qui est adoré en Espagne par les Tartesiens, & qui a donné le nom aux Colonnes, n'est autre que le Tyrien : pour autant que la ville de Tartesie a esté bastie par les Tyriens : & que le temple qui là est dédié à Hercule est fait à la façon de bastir des Pheniciens. Et quant à ce qu'on dict de Geryon, cõtre lequel fut enuoyé par Eurysthee, Hercule l'Argien, pour enleuer par force ses bœufs, le romât d'Hecatee porte que cela ne touche en rien l'Espagne, & qu'il n'y a aucune isle en toute la mer Oceane du nom d'Erythie, à laquelle Hercule ait esté enuoyé : ains que le Royaume de Geryõ estoit en terre ferme, vers Ambracie & Amphiloques : & que de là Hercule emmena les bœufs, estimant faire vn acte de proïesse, & tel qu'il pouuoit bien estre mis au reng des auentures estranges qu'il auoit mises à fin. Je sçay aussi que encores pour le iourd'huy, il y a en ce pays-là de fort beaux pasturages, esquels on nourrit des bœufs gras à merueilles : & que Eurysthee a esté renommé pour auoir eu des bœufs de ceste marche. Et n'est pas impossible que en ceste contree y ait eu vn Roy portant le nom de Geryon. Mais ie croy qu'il n'y a Espagnol au monde, qui sceust dire que aucun Roy de son pays ait esté iamais ainsi appellé : ou que en Espagne on trouue des bœufs si gras : n'estoit d'aduenture qu'on voulsist feindre cela de Iunon, cõme si elle l'auoit cõmandé à Hercule par la bouche de Eurysthee : & que par des contes faits à plaisir, on pensast faire accroire vne chose qui est si fort esloignée de toute apparence de verité. Alexandre donc dict, qu'il vouloit sacrifier à cest Hercule Tyrien. Ce qu'estant rapporté aux Tyriens, ils dirent qu'ils feroient toute autre chose qu'il plairoit à Alexandre leur commander : mais de laisser entrer aucun fust Macedonien ou Perse dans la ville, qu'ils ne l'endureroient iamais. Voila la resolution qu'ils prindrent comme la plus conuenable au temps, & la plus seure pour l'incertitude de l'issue de la guerre. Aucc ceste resolution furent enuoyez de rechef leurs Ambassadeurs vers Alexandre : qui en fut

en fut tellement courroucé, qu'il ne leur daigna faire aucune
 responce : ains les feit retourner sur l'heure à Tyr. Puis sur le
 champ feit assembler ses plus familiers, les Princes & Capi-
 taines de son armee, & leur vſa de ces propos: Je ne puis com-
 ment iuger, mes compagnons & amis, ny que le voyage d'Æ-
 gypte puisse estre ſeur pour nous tenans les Perſes ceſte coſte
 de mer : ny qu'il nous ſoit proufitable de pourſuiure Daire ſi
 nous laissons derriere nous la ville de Tyr, n'eſtans pas meſ-
 mes aſſeurez du vouloir des Tyriens enuers nous : autant en
 eſt-il de l'Ægypte & de Cypre, que nous ſçauons bien fauori-
 ſer en tout & par tout les Perſes. l'eſtime cela fort dangereux,
 pour beaucoup de raiſons, mais principalement à cauſe des
 Grecs : de peur que ſi les Perſes ſe font de rechef maiſtres de la
 mer, apres qu'ils ſe ſeront emparez des villes & places fortes
 prochaines de la mer: voians que nous ſerôs entrez bien auât
 en païs contre les Babylonienſ, & contre Daire, ils mettent ſus
 vne puiſſante armee ſur mer, & qu'ils retirent la guerre en
 Grece : conſideré meſmes que les Lacedemonienſ ſe ſont de-
 clarez eſtre contre nous, & ont pris les armes pour nos enne-
 mis : & que les Athenienſ, quelque bonne mine qu'ils facent,
 voyans comme les choſes ſe portent, ſe tiennent coy plus par
 crainte, que de leur propre & franche volonteé, ou pour bien
 qu'ils nous veuillent. Que ſi nous prenons Tyr, toute la Phe-
 nicie eſt noſtre, & toutes les forces ſur mer des Pheniciës (qui
 ſont grandes, & dont les Perſes ſe ſçauent fort bien aider con-
 tre nous) comme il eſt à preſumer, ſeront en noſtre puiſſance:
 Car on ſçait bien que les Pheniciens, quand leurs villes ſeront
 noſtres, ne ſouffriront iamais que leurs citoyens, qui ſont ſur
 mer bataillent pour les Perſes, ny que les forſats & cōpagnons
 de la marine facent aucune choſe contre nous, pour le party
 contraire. Avec cela, ou Cypre ſe rendra de noſtre party ſans
 force, ou bien en vn voyage que nous pourrons faire là avec
 noſtre armee de mer, nous l'emporterons aiſément. Puis, aiās
 mis ſus vne armee de mer des parties de Macedoine & Pheni-
 cie avec le ſecours des Cyprienſ, ſans difficulté nous nous fe-

Harangue
 d'Alexandre
 aux chefs de
 ſon armee
 touchant la
 guerre de
 Tyr.

„ rons maistres de la mer : & par ce moyen nostre voyage d'Æ-
 „ gypte avec nostre armee en sera beaucoup plus court & plus
 „ seur. Et quand nous aurons mis l'Ægypte en nostre pouuoir,
 „ il ne nous faudra plus douter ne de la Grece, ne de nos biens
 „ & affaires domestiques : & si avec plus grand los & reputa-
 „ tion nous continuerôs le voyage de Babylone : mesmes aians
 „ laissé nostre pays en seureté, apres que nous aurons osté de la
 „ puissance des Perses toute la mer, & ceste contree entierement
 „ qui est sur la riuere d'Euphrate. Par ceste harâgue il feit trou-
 uer bon à ceux de l'assistance d'assiéger la ville de Tyr. Et ce
 qui meut encores bien fort les soldats, fut ce qu'il leur dict qu'il
 auoit songé. Car la nuit precedente il luy estoit aduis qu'il
 approchoit des murs de la ville de Tyr, & que luy prestant
 Hercule la main il estoit entré dans la ville. Ce qu'interpreta
 Aristâder, que Tyr seroit prise: mais au reste que l'on trauaille-
 roit beaucoup pour l'auoir: par ce que les auentures que Her-
 cule auoit mises à fin, auoient esté de penible & perilleuse exe-
 cution. On s'attendoit bien qu'avec grande difficulté pren-
 droit-on Tyr: d'autant que c'estoit vne ville, laquelle outre ce
 qu'elle estoit située sur vne isle & enuironnée de la mer de tou-
 tes parts, estoit fortifiée de hautes murailles. Et pour autant
 qu'il la faudroit battre par mer, cela sembloit estre aduantage
 pour les Tyriens, estans encores pour lors les Perses les plus
 forts sur la mer : & mesmes que ceux de Tyr auoient grande
 quantité de vaisseaux sur mer. Nonobstant toutes ces difficul-
 tez, chacun fut d'opinion qu'il falloit tenter la fortune. Pre-
 mierement fut arresté de conduire & continuer vne chaussée
 ou leuee de terre depuis la terre ferme iusques à la ville. Le
 port estoit limonneux, & la mer vers le riuage du continêt va-
 seuse : & du costé de la ville l'eau la plus creuse n'auoit pas plus
 de trois brassées de profondeur. Mais, qui venoit bien à pro-
 pos, il y auoit force pierres, & autres matieres principalement
 de bois pour entremesler parmy les pierres qu'on y ietteroit,
 & n'y auoit pas beaucoup de difficulté d'asseurer les pieces de
 bois par ce que la terre estoit grasse & tenâte : & si d'autre part
 elle ser-

Aristander
interprete
vn songe
d'Alexan-
dre.

Description
du siege de
Tyr.

elle seruoit de chaux pour tenir & assembler les pierres avec le bois qu'on y asseoit. Ioint avec tout cela le courage dōt y procedoiēt les Macedoniēs, & la presence d'Alexādre qui dōnoit ordre à tout ce qui estoit à faire, encourageāt de paroles ceux qui laschemēt mettoiēt la main à l'ouurage, & donnāt louāge à ceux qui alloient de bon cueur en besongne. Du commācement, & tant que lon besongna à ceste chauffee ioignant la terre ferme, cen'estoit que plaisir : par ce que la mer n'y estoit pas encores profonde : & partant les Macedoniens y massonnoient à leur aise : aussi que personne ne leur pouuoit donner empeschement. Mais quand on fut paruenue où il y auoit beaucoup d'eau, & que lon commença à approcher de la ville : pour autant que ceux de dedans tiroient sur ceux qui estoient empeschez à l'ouurage, lesquels estoient mieux en point pour besongner que pour se defendre : & que les Tyriens venoient de plusieurs costez de la leuee dessus des petits gallions assaillir ceux qui y trauailloient : le moien de continuer ceste entreprise fut trouué plus difficile & hazardeux. Quoy voians les Macedoniens incontinent vont dresser deux tours de bois au bout de la chauffee vers la mer, & les munissent de bastons & engins de guerre. Puis ils couurent tout à l'entour ces tours de cuir de cheuaux creu, de sorte que les pots & lances à feu ne les eussent peu brusler : & si ceux qui besongnoiēt estoient couuerts, & hors de danger des nauires & des coups de treēt des Tyriens. Voyants cela les Tyriens, se vont aduiser d'une ruse, qui fut telle. Ils emplissent un nauire à porter cheuaux de ramilles seiches & d'autres telles matieres, puis attachent deux mals de nauire si longs que le vaisseau le peut porter à la prouë, enuironnez de ceste mesme matiere : parmy tout cela ils entremeslent force paille avec de la poix & du soufre, & d'autres semblables choses qui s'enflamment facilement. En apres ils pendent à chacun des mals deux antennes de trauers, ausquelles pendoient des pots pleins de poix & de soufre : & à fin que la prouë fust plus esleuee, ils chargent fort la poupe. Ces choses estants ainsi

preparées, après qu'ils eurent attendu le vent qui singloit vers la chauffe, ils attachèrent ce nauires à quelques autres vaisseaux à trois rames pour banc, & à force de rame l'attirèrent. Quand ils furent auprès de l'attelier des Macedoniens, ils mirent incontinent le feu à la matiere, & poulserent de toute leur force le nauires contre le bout de la chauffe: & quand & quand estants les antennes rompues, & le soufre & la poix iettants la flamme çà & là, le feu se prit aux tours & aux bois. Et qui estoit le pis, on ne pouuoit seurement approcher du feu pour l'esteindre, à cause des nauires des Tyriens qui estoient venuz iusques à la chauffe, & ne bougeoient de là. D'aduantage plusieurs des habitans de la ville aians apperceu que les tours estoient bruslees, se mettoient dans des fregates & se venoient rendre de toutes parts vers la chauffe: & rompsans les retenues que les Macedoniens auoient faictes au deuant de la chauffe, sans aucune resistance acheuerent de brusler tout ce à quoy le feu premier n'auoit point touché. Alexandre se delibera de faire refaire la chauffe: & commanda aux soldats de porter des matieres: & à fin qu'il y peust tenir dauantage de tours il fait faire la chauffe plus large: fait aussi refaire & remonter les engins où le feu auoit esté mis. Apres auoir soigneusement pourueu à cela, il s'en alla vers Sidon, ayant avec luy le regiment des Argyraspides & les Agrians, en intention d'assembler & dresser vne flotte de toutes les galleres qu'il y auoit: par ce qu'il voyoit bien que tant que les Tyriens seroient les plus puissans sur mer, bien difficilement pourroit-il prendre la ville. En ces entrefaictes Gerostrate Roy des Aradiens, & Enyle Roy des Bybliens, qui auoient receu certaines nouuelles que leurs villes estoient au pouuoir d'Alexandre, abandonnans Autophradates (qui auoit la charge que dict est) vindrent se rendre à Alexandre avec leurs forces sur mer, & celles des Sidoniens. Au moien de quoy Alexandre se veit en vn instant, & quasi sans qu'il y pensast auoir quatre vingts vaisseaux en sa puissance. Au mesme temps vindrent aussi à Alexandre dix galleres à trois rames

Les Roys des
Aradiens &
des Bybliens
se rendent à
Alexandre.

Alexandre
dresse vne ar-
mee sur mer.

rames pour banc de la part des Rhodiens, entre lesquelles y en auoit vne qu'ils appelloient la guette ou descourante, & avec elle les neuf autres: puis trois de Soles & Malles, & dix autres de la Lycie. De la Macedoine aussi arriua vne galere à cinquante rames avec Protee, qui fut fils d'Andronique, Capitaine d'icelle. Et peu de temps apres les Roys de Cypre, si tost qu'ils eurent ouy les nouuelles de la desfaiete & fuite de Daire à Issé vindrent surgir au port de Sidon, avec six vingts vaisseaux: qui furent bien estonnez quand ils entendirent que la Phenicie estoit conquise: & se rendirent à Alexandre. Lequel leur pardonna volontiers, d'autant qu'ils auoient suiuy le party des Perses en ceste guerre plus par force & contraincte, que de leur volonté. Pendant le temps que lon refaisoit ce qui auoit esté démoly & brulé, & que les bandes de la marine s'exercoient, Alexandre prit avec luy quelques cornettes de caualerie, les Agrians, les gens de trect & les soldats garnis de boucliers, & tira vers le mont Antiliban, qui est vne contree de l'Arabie. Tous les habitans de là, les vns par armes les autres de leur bon gré se rendirent à son obeissance & le vnzième iour d'apres qu'il fut party pour y aller il retourna à Sidon. Auquel lieu il trouua Alexandre fils de Polemocrate de retour de la Moree, qui luy auoit amené quatre mil hommes de guerre. Quand la flotte fut prestée à faire voile, il mōta sur mer pour tirer à la ville de Tyr, ayant seulement avec luy le regiment des Argyraspides, lesquels luy semblerent suffisire pour la guerre nauale, si l'aduenoit qu'il fausist attaquer l'ennemy. Il prit la conduicte de la partie de l'armee qui estoit à main droicte, laquelle il auoit faict esté de bien loin en mer: & estoit suiuy des Roys Cypriens & Pheniciens fors de Pnytagore, lequel il auoit ordonné avec Cratere pour conduire l'autre partie de l'armee. Les Tyriens, qui iusques alors estoient tousiours senty forts sur mer, auoient delibéré d'y combattre. Mais quand ils apperceurent si grand nombre de vaisseaux bien armez & prests à combattre tirer droit à eux (or n'auoient-ils point ouy parler, que les Roys de Phenicie

Les Rois de Cypre se rendent à Alexandre.

Alexandre fils de Polemocrate de retour du Pelloponnese avec quatre mil homes.

& de Cypre eussent ioinct les forces qu'ils auoient sur mer avec celles d'Alexandre) & que l'armee estoit en si bel equippage (ce qu'ils auoient peu voir à leur aise, par ce que auant que la flotte approchast de la ville, Alexandre l'auoit fait arrester en haute mer : puis l'ayant mise en bonne ordonnance, voyant que les ennemis ne se presentoient point, la fait tirer vers eux le plus hastiement qu'il peut) ils changerent d'opinion & furent d'aduis de ne point combattre sur mer : ains qu'il seroit plus expedient d'attacher ensemble leurs galleres & en boucher l'entree du port. Quand Alexandre veit qu'il ne sortoit pas vn vaisseau des Tyriens, il s'approcha plus pres de la ville. Oū, comme il auoit quasi perdu toute esperance de pouuoir prendre le port qui estoit du costé de Sidon, à cause que l'embouscheure estoit estroicte, laquelle encores estoit fermee des vaisseaux des Tyriens, qui auoient tourné les prouës vers l'ennemy : les Pheniciens allerent charger trois d'iceux qui faisoient le premier front, & les meirent en fond incontinent. Les Tyriens qui estoient dedans, par ce que la villen'estoit pas loin, se sauuerent à nage. Apres cela Alexandre fait retirer sa flotte à costé de la chaussee pres du riuage : & luy sembla ce lieu bien commode pour la retraicte de ses nauires contre l'impetuosité des vents. Le lendemain il enuoya Andromach Amiral de l'armee de mer des Cypriens donner l'assault à la ville du costé de Sidon : cependant il fait tenir les Pheniciens de l'autre part de la chaussee vers l'Ægypte, où il fait mesmes dresser son pauillon. Et ja par le moyen des charpentiers & autres ouuriers qu'il auoit fait venir de Cypre & de la Phenicie estoit faite grande quantité d'engins de batterie : les vns desquels il braqua sur la chaussee, il dressa les autres sur des nauires à porter cheuaux, qu'il auoit fait venir quād & luy de Sidon, & sur des galleres grosses & pesantes. Apres qu'il eut tout mis en bon equippage, il fait quād & quād battre la muraille de la ville du costé de la chaussee, & de la part des nauires tout ensemble. Contre ces engins de batterie, les Tyriens auoient fait dresser des tours de
bois

bois sur le haut de la muraille vers la chauffee, dont ils donnoient effroy à ceux qui approchoient, avec pots & lances à feu, quand on pensoit faire iouer les pieces. La muraille la part qui regardoit la chauffee estoit de cent cinquante pieds de haut, & d'espeueur respondante à la hauteur, & bastie de grosses pierres bien ioinctes & massonnees. Outre cela les Tyriens auoient ietté force pierres en la mer, pour empescher que les nauires des ennemis approchassent de la muraille. Au moyen dequoy il n'estoit pas possible ny seur à Alexādre d'aller avec ses nauires iusques contre la ville. Quoy voyant Alexandre, il cercha les moyens de rompre ce que les Tyriens auoient fait dans la mer, & d'en tirer les pierres: ce qui estoit malaisé à faire de dedans les nauires. Et d'auantage les Tyriens venoient dans des nauires qu'ils auoient fait couvrir pour empescher que les ennemis les offensassent, & couppoient les chables qui tenoient les ancrés: tellement que les vaisseaux des Macedoniens ne se pouuoient tenir arrestez. Dequoy fessant apperceu Alexādre, il équippa plusieurs galeres à trente rames, & les arma & munit tout à l'entour, dont il feit ietter les ancrés, & les opposa à l'encontre des vaisseaux des Tyriens. Mais il ne peut iamais par ce moyen empescher les ruses des Tyriens. Car eux estans aduizés & accoustumez à pescher à nage des conches & autres telles choses soubz l'eau iusques au plus profond de la mer, nageoient entre deux eaux, sans qu'on les peust descouurir, & couppoient les ancrés. Ce qu'ayant en fin descouuert, il commanda qu'au lieu des cordages on attachast les ancrés à chaines de fer. Puis ils desfirent ce qui estoit en l'eau, tirans les pierres avec des crocs, & par le moyen de quelques engins qu'ils auoient, les iettoient en vn lieu plus creux, à fin qu'elles ne peussent plus donner d'empeschement. Quand les pierres furent hors de là, les vaisseaux approcherent aisément de la muraille. Adonc les Tyriens se voyans reduits à telle extremité, arresterent entre eux d'aller charger les vaisseaux des Cypriens, qui tenoient assiegee l'embouscheure du port, qui est vers Sidon. Long temps auant qu'exercuter

Stratagemes
notables.

Saillie des
Tyriens par
mer.

ceste entreprinse, ils auoient estendu des voiles à l'entrée du port, à fin qu'on ne sapperceust de ce qu'ils armoient des galeres: & enuiron le midy (que les mariniers des Macedoniens estoient allez chercher des viures & autres necessitez, & que Alexandre aiant laissé sa flotte de l'autre costé de la ville, festoit retiré à son pauillon) trois galeres à cinq rames pour banc, autant d'autres à quatre rames aussi pour banc, & sept à trois, bien armées, & garnies de bon mariniens & de compagnons de la marine & soldats choisis entre tous ceux qui auoient reputation de mieux combattre sur mer, vont du commencement l'une apres l'autre tout doucement, & sans faire bruit s'entresuiuant d'ordre, puis tout à coup tournent vers les Cypriennes. Quand ils commencerent à approcher se donnerent courage les uns aux autres, puis avec grands cris & à force de rames allerent charger les ennemis. De fortune aduint qu'Alexandre ce iour là séjourna en son pauillon moins que de coustume, & retourna à sa flotte plustost que ne pensoient les Tyriens. Lesquels ce pendant chargeans les vaisseaux des Cypriens au despourueu en meirent de premiere rencontre en fond quelques uns qu'ils trouuerent, vuides ceux du Roy Pnytagore qui estoient equippez & armez à la haste, & comme la surprise si soudaine l'auoit peu permettre, & les galeres à cinq rames pour banc d'Androcles fils d'Amathusie, & de Pasistrate fils de Thurie, & contrainquirent les autres de se retirer vers le riuage. Dont estant aduerti Alexandre enuoit quand & quand ces vaisseaux tout ainsi qu'ils estoient equippez, assieger l'embouscheure du port, à fin d'oster le moien aux autres vaisseaux des ennemis de sortir. Luy avec les galeres à cinq rames pour banc qu'il auoit, & cinq à trois rames, tournant à l'entour de la ville, tire droit où estoient les nauires des Tyriens. Ce qu'aperceuant ceux qui estoient sur les murailles, d'autant qu'ils ne pouuoient estre entenduz de leurs gens à cause du bruit que faisoient ceux qui besongnoient à l'attelier, ils monstroient tantost par vn signal tantost par vn autre, que l'enne-

my

my approchoit: lesquels finalement entendans que c'estoit, penserent gagner le port à la fuite, sans attendre la venue d'Alexandre: de fait la plupart se sauuerent: mais aux autres le moien fut osté de fuir: mesmes vne de leurs galeres qui estoit à cinq rames pour banc, & vne autre qui estoit à quatre rames aussi pour banc, furent prises à l'entree du port. Il n'y eut pas grand perte d'hommes: par ce que que si tost que les Tyriens veirent leurs vaisseaux pris, ils se sauuerent aisément à nage au port. Quand les Macedoniens veirēt que les Tyriens ne se pouuoient plus aider de leurs vaisseaux de mer, feirent soudain braquer les pieces de batterie contre la muraille. Les pieces qui battoient de la chaussée ne nuisoient pas beaucoup aux Tyriens pour autant que la muraille estoit fort espesse & de bonne defense de ceste part. Les Macedoniens qui auoient leur cartier du costé de la ville vers Sidon menoiēt leurs pieces sur des galleres, & de là battoient la muraille. Mais par ce qu'on n'aduançoit rien par ceste voye, Alexandre qui ne vouloit laisser eschapper aucun moien de bien faire ses besongnes, feit mener toutes les pieces de batterie du costé de la ville qui estoit tourné au midy & du costé de l'Ægypte: & là fut la muraille premierement quelque peu endommagée & abattue: & tout quand & quand il feit dresser des ponts, par dessus lesquels avec vne grande hardiesse il entra: mais luy & les Macedoniens furent repoussez par les Tyriens. Le troisieme iour d'apres, que la mer estoit calme, ce qu'auoit attendu Alexandre tout expres, apres quelques propos par luy tenuz aux capitaines & chefs de bandes pour leur donner courage, il feit braquer les pieces de batterie plus pres: avec lesquelles estant fait bresche grande & raisonnable, il feit retirer les deux galleres, qui portoient les pieces, & feit approcher les deux, sur lesquelles estoient les ponts. L'une desquelles fut baillee aux Argyraspides sous la conduite d'Admete, l'autre aux soldats qui estoient du regiment de Cene. Luy ce pendant qui se tenoit prest avec vne bande d'Argyraspides pour monter à la bresche, où & quand l'oc-

caſion ſe preſenteroit, enuoit certain nombre de galeres à trois rames pour banc voltiger à l'entour des deux ports, à fin de ſurprendre la ville ſils pouuoient par là, pendant que les Tyriens ſeroient empeſchez à combattre ailleurs. Outre cela il faiſt aller deçà delà à l'enuiron des murailles les galeres qui eſtoient chargées des fers & pointes des engins, & celles qui portoient les gens de treſt a couuert, à fin de les faire approcher quand l'opportunité de l'en aider ſ'offriroit : commandant qu'on les tint à la porree du treſt, ſi on ne les pouuoit approcher plus pres : à celle fin que les Tyriens ſe voyans ainſi aſſregez de toutes parts, ne ſceuffent auſquels entendre. Si toſt que les galeres furent contre la muraille, & que les ponts furent dreſſez, les Argyraſpides & le premier de tous Admete monterēt à la breſche: dont n'eſtoit pas loin Alexandre, qui vouloit auoir part au trauail & au hazard, & eſtre iuge & ſpectateur de la vertu des autres. Eſtans les Tyriens repouſſez, incontinent que les Macedoniens peurent combattre de pied ferme & aſſeuré, la breſche fut gaignee. Là Admete comme il encourageoit les autres à monter, fut percé de part en part d'une picque, dont il mourut. Alexandre aiant gaigné la muraille & quelques tours avec leurs courtines, commença à marcher vers le chateau, qui ſembloit eſtre le plus aiſé chemin pour deſcendre à la ville. Pendant cetemps les Phéniciens qui tenoient le port aſſiegé du coſté d'Égypte ayans rompu les chaines & deſenſes, aſſaillirent les vaiſſeaux des ennemis : dont ils en mirent en pieces les vns au port meſmes, & les autres les aians faiſt donner contre terre. D'autre coſté les Cypriens entrerent de furie & de force dans la ville par le port qui eſt vers Sidon, qui n'eſtoit fortifié à l'entour en façon du monde. Incontinent que ceux de la ville veirent la muraille priſe, ils ſe recullerent, puis ſe rallians enſemble ſe retirerēt tous au lieu qu'ils appellent Agenorion, & là tournerent viſage contre les Macedoniens. Mais Alexandre y accourut avec ſa compagnie d'Argyraſpides, qui en meit en pieces les vns, pourſuiuit tout battant les autres qui tournerent le doz. Il y eut

Mort de Ad-
mete.

Priſe de Tyr.

eut aussi vn grand carnage fait par les soldats de Cene, qui estoient entrez en la ville par le port. Qui rendoit les Macedoniens plus animez & furieux enuers les Tyriens, estoit pour autant qu'ils auoient si longuement soustenu le siege, par ce aussi qu'ils auoient pris prisonniers quelques vns des leurs qui venoient par mer de Sidon, & à fin qu'ils les peussent voir, les auoient menez sur la muraille, où ils les auoient estraglez, puis iettez du haut en bas en la mer. Il y eut des Tyriens enuiron huit mil hommes tuez. De Macedoniens, outre Admete vingt Argyraspides : & en tout le siege en mourut enuiron quatre cens hommes. Quant aux principaux de la ville, & au Roy Azelmic, & aussi aux Ambassadeurs des Carthaginois, qui estoient là venus pour sacrifier à Hercule selon leur ancienne coustume, & festoient retirez dans son temple lors de la prise de la ville, il leur fut pardonné : tous les autres par le commandement d'Alexandre furent vendus comme esclaves, qui estoient bien en nombre trente mil. Apres cela Alexandre pour auoir eu bonne issue de ceste guerre, fait à Hercule le sacrifice qu'il auoit au parauant voué, estant tout son camp & ses vaisseaux de mer en bataille : mesmes il ordonna vn pris à celuy qui veineroit es lieux de la course. Et pour souuenance à iamais de sa victoire, il appendit au temple l'engin de batterie, avec lequel on auoit premierement fait bresche à la muraille de la ville, & vne gallere Tyrienne, qui auoit esté la premiere prise, laquelle estoit consacree à Hercule. Quant au tiltre ou souscription qui y fut mise, soit qu'elle ait esté faite par luy ou par autre, pour autant qu'elle ne m'a semblé meriter qu'on en eust memoire, ie l'ay estimee indigne d'estre icy couchee par escript. Voila donc comme la ville de Tyr fut prise & sacquee : ce qui aduint au temps que Anicet estoit souverain magistrat à Athenes au mois de Iuin. Durant le siege de Tyr vindrent vers Alexandre des Ambassadeurs de la part de Daire avec creance : que Daire promettoit luy donner dix mil talents, pour la rançon de sa mere, sa femme & ses enfans, qu'il tenoit prisonniers entre ses mains : & avec ceste finance tous

Anicet souverain magistrat à Athenes.

Six millions d'escus.

Offres de
Daire à Ale-
xandre pour
paruenir à la
paix.

Responce
d'Alexandre
aux Ambaf-
sadeurs de
Daire.

La Palestine
se rend à Ale-
xandre.

les pays, terres & seigneuries qui sont entre la riuere d'Euphrate & l'Hellepont, & l'vne de ses filles en mariage, pour demeurer de là en auant son amy & allié : Il feit assembler son conseil, voulant auoir surce l'aduis de ses plus feaux amis. Quand on vint aux opinions, on dit que Parmenion luy dit : que s'il estoit Alexandre, il ne refuseroit pas si beau party, & qu'il ne se mettroit point d'auantage au hazard de la guerre : veu que par ce moyen la guerre cessoit. Et que Alexandre luy respondit, que aussi prendroit il certainement ce qu'on luy presentoit, s'il estoit Parmenion : mais qu'il falloit que luy qui estoit Alexâdre feist les choses qu'il appartenoit à Alexandre. Puis il feit responce aux Ambassadeurs : que quant à luy il n'auoit que faire de l'argent de Daire, & qu'il ne vouloit point prendre vne partie d'un pays, dont le tout estoit à luy : d'autant que & l'argent & toutes les terres & possessions qu'il luy presentoit, luy appartenoint. Et que pour le regard de sa fille, il n'auoit que faire d'en demander congé ny consentement à Daire, par ce que s'il en auoit enuie il estoit en luy d'en faire ce qu'il voudroit de sa propre autorité. Que si Daire vouloit quelque chose de luy, il vinst luy mesmes en personne. Ce qu'estant rapporté à Daire par les Ambassadeurs, il iugea bien qu'il n'y auoit plus d'esperance de paix : & partant recommança à leuer gens, & donner ordre au fait de la guerre. Ce pendant Alexandre se delibera de faire un voyage en Égypte, & y mener vne armee : où la fortune luy fut si fauorable que toutes les villes de la Syrie, qu'on appelle autrement Palestine, se meirent volontairement & sans force ou cōtraincte en sa protection & sauuegarde, fors celle de Gaza. où tint bon l'Eunuque Batis gouuerneur d'icelle. Lequel craignant ceste venue, y auoit long temps auparauât mis garnison de soldats Arabes, avec force victuailles & autres munitions de guerre en assez grande quantité pour soustenir le siege bien longuemēt : de sorte que, ioinct aussi l'assiette du lieu qui est fort de nature, il auoit deliberé de tenir bon cōtre Alexâdre s'il y venoit : la ville de Gaze est proche de la mer d'enuirō cinq quarts

quarts de lieuë: & est malaisé de faire les approches, à cause du sable qui y est bien haut. D'avantage la mer vers la ville est marefcageuse: la ville grande & spacieuse, assize sur vne petite montagne: & ceinte d'une forte muraille: & est la dernière & la plus prochaine des deserts à ceux qui vont de la Phenicie en Égypte. Alexandre y estant parvenu assiet son camp au dessoubs de la ville, & fait braquer les pieces de batterie à l'endroi& de la muraille qui luy sembla le plus foible. Et ja soit que aucuns fussent d'opinion qu'il estoit impossible de prendre la ville de force, à cause du rampart qui estoit haut à merueilles: il dict qu'il estoit d'aduis tout contraire: à sçavoir qu'il leur seroit d'autant facile à la prèdre, que la prise en sembloit difficile & hors de route apparence: & que ce faict, pour en estre l'entreprise hardie, estonneroit les ennemis & leur feroit perdre cuer. Et si la laissoit derriere sans estre prise, cela feroit grand tort à l'opinion qu'auoient de luy tant les Grecs, que les ennemis. Si fut d'aduis qu'il falloit en premier lieu faire vne leuee ou terrasse à l'entour de la ville, à fin que les pieces peussent d'assez haut battre la muraille: & fait cōmencer la leuee du costé du midy, par ce qu'il sembloit estre plus aisé de faire bresche de ceste part. Quand la leuee luy sembla estre de bonne & suffisante hauteur, on braqua incontinent les pieces de batterie contre les murailles. Ce temps pendât, ainsi qu'Alexandre sacrifioit, aiant sur la teste vne couronne, & faisoit les effusions accoustumees és sacrifices, vn certain oyseau, de l'espece de ceux qui vivent de proye volant par dessus l'autel, laissa tomber vne pierre qu'il portoit en ses serres, droi& sur la teste d'iceluy. Qui fut vn prodige qu'Alexandre estima ne deuoir estre mis à mespris: ains demanda à Aristander ce qu'il luy en sembloit: lequel luy respondit, que pour seur il prendroit la ville. Au surplus qu'il falloit qu'il se donnast de garde, pour ce qu'il tomberoit en danger. Suiuant lequel aduertissement il se tenoit hors la portee du trect. Mais quand il veit les Arabes faire vne saillie de la ville, & mettre le feu aux pieces & engins de batterie: & qu'ils auoient presque desia chassé de

La ville de
Gaze assie-
gee.

Prodige in-
terprete par
Aristander.

Alexandre
bleffé.

dessus la leuee les Macedoniens, lesquels ils nauoient quasi ainsi qu'il leur plaisoit, d'autant qu'ils combattoient d'enhaut contre les Macedoniens, qui estoient en lieu plus bas : fust ou qu'il ne feist cas de l'aduertissement, que luy auoit donné son deuin, ou que pour estre émeu du peril où il voyoit estre ses gens, il eust pour lors mis en oubly ce qui luy auoit esté predict, il courut le plus viftement qu'il peut accompaigné seulement d'une enseigne d'Argyraspides, la part où il veit que les Macedoniens auoient plus affaire de secours, lesquels il empescha par sa presence de fuir & d'abandonner la terrasse & les pieces. Ainsi qu'il se diligentoit d'aller, il receut vn coup qui perça sa rudache & son corselet, & le blessa en l'espaule. Lors il se souuint de ce qu'auoit predict Aristander, & le cogneut estre veritable : & tout nauré qu'il estoit, si fut-il neantmoins bien ioyeux, par ce qu'il eut esperance qu'il pourroit prendre la ville. Cependant il se fit amener par mer d'autres engins de guerre, qui estoient ceux avec lesquels auoit esté battue & prise la ville de Tyr peu auparauât : & fait continuer la terrasse à l'entour de la ville d'environ deux cens cinquante pas de largeur, & deux cens cinquante pieds de hauteur. Puis on braqua les pieces de batterie sur la terrasse, & commença on à battre la muraille, & à faire des sappes par dessous terre, en tirant la terre le plus couuertemēt qu'il estoit possible, de peur que les ennemis s'en apperceussent. Au moien de quoy fut faicte bresche en beaucoup de lieux, tant par la batterie que par ce que la terre s'affaissoit à cause des sappes & lieux vuides soubsterrains. Et contraignoient les Macedoniens à coups de treç ceux de la ville d'abandonner les tours & courtines dont ils tiroient. Lesquels toutefois soustindrent vaillemēt trois assauts fort aspres & furieux des Macedoniens : dont ils en tuerent & blefferent grand nombre. Mais quand Alexandre eut faict assaillir la ville de toutes parts par son infanterie, qu'il enuoya toute ensemble à l'assault : & que en vn endroit la muraille sappee tomboit, en vn autre se faisoit autre nouuelle bresche, par la violence de la batterie : de sorte qu'il

qu'il sembloit estre aisé aux Macedoniens d'entrer par eschallade en la ville, ils commencerent à perdre cueur. De toutes parts on dresseoit des eschelles contre les murailles, & y auoit debat entre les Macedoniens conuoiteux d'honneur, à qui franchiroit le premier la muraille: quand Neoptoleme qui estoit de l'illustre & ancienne race des Eacides, & estoit de la gendarmerie des amis, monta le premier. Apres luy d'autres, puis d'autres, iusques à ce qu'estans plusieurs entrez en la ville, ils ouurirent les portes aux autres, de façon que toute l'armee y entra. Ne cesserent toutefois pour cela les Gazeans de combattre, quoy qu'ils se veissent en ceste extremité: ains continuans leurs premiers coups, se presentoient eux mesmes au peril, & s'efforçoient encores de repousser les ennemis. Et tant qu'ils estoient (tant ils auoient de courage) au lieu mesme où ils combattoient y laisserent la vie. Les femmes & enfans desquels, estans apres faicts esclaves, Alexandre meit dans la ville ceux du pays circonuoisin: & se seruit de ceste place de là en auant comme d'un arsenal & magasin en ce voyage.

Gaze prise.

FIN DV SECOND LIVRE.

m iij



TROISIESME LIVRE

DES FAICTS ET CON-

QUESTES D'ALEXANDRE

le GRAND, Roy des
Macedoniens.

Alexandre
sachemine
en Ægy-
pte.

Pelusiū ville
d'Ægypte.

Mazaces vi-
ce roy d'Æ-
gypte.

L'Ægypte re-
duicte sous
l'obeissance
d'Alexandre.

Heliopolis
ville.



ALEXANDRE estant party de là pour tirer en Ægypte, dont il auoit entrepris le voyage, arriua à Pelusium le septième iour d'apres qu'il fut party de Gaze: faisant voile, au fur qu'il marchoit en pays, son armee de mer, qui estoit partie de la Phenicie, & tenoit la coste d'Ægypte: de maniere que quand il arriua à Pelusium, il y trouua ses vaisseaux à la rade. Pour lors estoit Viceroy & gouuerneur d'Ægypte vn nommé Mazaces, lequel auoit esté bien aduertty de la desfaiete & fuitte honteuse de Daire à Isse. D'auantage que la Phenicie & la Syrie, & vne bonne partie des villes d'Arabie, estoient desia en l'obeissance d'Alexandre. Quoy considerant, & que les forces qu'il auoit n'estoient bastantes pour faire teste, feit vne ordonnance, qu'il feit publier par tout le pays: Qu'on eust à recevoir amiablement & le plus honnorablement que faire se pourroit, le Roy Alexandre, tant és villes, que au plat pays. Estant Alexandre entré à Pelusium sans coups donner, il y meit garnison: puis feit mener sa flotte contremont la riuere droict à Memphis: & luy prit son chemin vers Heliopolis.

En

En allant il auoit à main droiëte le Nil, & ceux de la contree, à mesure qu'il entroit en pays se rendoient à luy. Il arriua à Heliopolis par les deserts. Et de là passant la riuere, alla à Memphis. Auquel lieu il feit sacrifice aux dieux, spécialement à Apis : & feit iouer des ieux de pris à la luitte, & de musique : ausquels se trouuerent des maistres d'escrime, qui auoient le bruit en la Grece d'estre les premiers. Au partir de Memphis il se meit sur la riuere, & alla descendre à la mer, aiant sur l'eau avec luy les Argyraspides, les Agrians, les gens de treët, & la cornette Royale des amis. Alla descendre à Canope. De là costoyant les marests Marcotides, il arriua au lieu où maintenant la ville d'Alexandrie, portant le nom de son fondateur, est situce. Le plan & assiette de ce lieu luy sembla fort propre & commode pour y bastir vne ville : presagiant en son esprit ceste riche & fameuse cité, qui seroit à l'aduenir. Suuiuant donc l'enuie grande qu'il auoit de ceste entreprise, commença à faire le proieët d'une ville, en quel endroit il bastiroit le palais, en quel endroit les tēples, à quels & combien de dieux Grecs, & à Isis l'Ægyptienne : finalement en quelle part il prendroit la ceinture des murailles. Ainsi qu'il sacrifioit pour cest effect les entrailles des bestes immolees donnerent à entendre quelle en seroit l'issuë : mesmes lon diët (ce qui ne semble pas du tout incroyable) que, comme Alexandre estoit apres pour faire designation & proieët de la ville, & n'auoit rien pour marquer en terre par où lon deuoit dresser l'alignement, il feit par l'aduis d'un certain charpentier les marques de l'enceinte des murs avec de la farine. Et que les deuins, & mesmes Aristander Telmissien tout le premier, (qui auoit predict à Alexandre beaucoup de choses qui luy estoient aduenues) quand ils eurent bien contemplé l'assiette du lieu, dirent que ceste ville là seroit riche & opulente en toutes choses : mais sur tout, qu'elle seroit abondante en bleds. En ces entrefaictes Egiloch arriué de nouveau en Ægypte apporta nouuelles à Alexandre que ceux de l'Isle de Tenedo auoient abandonné les Perfes pour suiure son party : lesquels auoient porté obeis-

Alexandre
arriue à
Memphis.

De l'edifica-
tiō de la vil-
le d'Alexan-
drie en
Ægypte.

Predictions
des deuins
sur la ville
d'Alexan-
drie.

fance par le passé aux Perses par contraincte & non de leur bon gré. Que pareillement ceux de Chio s'estoient affranchis de la domination de ceux que Pharnabaze & Autophradates leur auoient laissez en garnison. Mesmes que Pharnabaze auoit esté fait prisonnier, & mis en bonne & forte garde. Que Aristonic prince Lesbien auoit aussi esté pris, ainsi qu'il se pësoit retirer cōme en sauueté à vn port de Chio avec cinq nauires de corsaires : n'ayāt pas encores esté aduerty, es mains de qui estoit ce port : ains estimant que les vaisseaux qu'il auoit veuz alentour du port fussent ceux de Pharnabaze, & que tous les corsaires auoient esté mis au fil de l'espee. Qu'il auoit amené avec luy Aristonic Apollonides de Chio, Phisin & Megaree, & tous les autres qui auoient esté auteurs de ce que ceux de l'Isle de Chio auoient fuiuy le party des Perses, puis auoient gouuerné les affaires d'iceux à leur plaisir. Outre cela qu'on auoit trouué moyen de retirer la ville de Mitylenes des mains de Chares, qui y commandoit. Et que toutes les autres places des Lesbiens s'estoient rendues de leur plein vouloir. Que Amphotere auoit esté mandé de ceux de l'Isle de Co, où il estoit allé avec soixante vaisseaux : & mesmes qu'il auoit entendu depuis son embarquement pour tirer en Ægypte que Amphotere s'estoit desia fait maistre de ceste Isle. Au reste qu'on luy amenoit tous les prisonniers, fors Pharnabaze, lequel estoit échappé tout seul, s'estant desrobé de ses gardes. Alexandre bien ioyeux de ces nouuelles, licencia les Princes. Et quant à Apollonides & aux autres de Chio, il les feit mener à la ville d'Elephantine, pour estre là detenuz sous bonne garde. Apres cela il prit enuie à Alexandre d'aller visiter le temple de Iupiter Ammon le Libyen, pour en tirer des oracles, lesquels on tenoit pour veritables. C'estoit aussi principalement pour autant que l'on disoit que Persee & Hercule y auoient fait le pelerinage, pour auoir des oracles de ce Dieu, à sçauoir Persee lors que par le commandement de Polydecte il alla cōbattre la Gorgonne : & Hercule, quand il fut enuoyé par Eurysthee en Libye à l'encontre d'Antee, &

en

Les Isles de
Tenedo &
Chio remi-
ses en l'o-
beissance
d'Alexan-
dre.
Pharnabaze
& Aristonic
prisonniers.

La ville de
Mitylenes
reprise par
les Macedo-
niens.
L'Isle de Co
reprise par
Amphotere.

Pharnabaze
eschappé.

Du voyage
d'Alexandre
au temple de
Iupiter Am-
mon en Li-
bye.

De Persee &
Hercule.

en Égypte contre Busyris. Car il y auoit vne certaine ialou-
 sie en Alexandre enuers ces deux, à cause de l'honneur &
 reuerence qu'on leur portoit, & eust bien voulu qu'on eust eu
 opinion, qu'il estoit descendu de mesme lignee. Et qu'ainsi
 soit il disoit que ses ançestres estoient issus de Iupiter : tout
 ainsi que, comme racontent les poëtes, Iupiter fut pere de
 Persee & de Hercule. Il faisoit donc le pelerinage de Iupiter
 Ammon, pour auoir (à ce qu'on en pouuoit iuger) plus gran-
 de verification & assurance de sa genealogie. S'estant mis en
 chemin par les deserts de Libye iusques à Paretonium, co-
 stoyât d'assez loin la mer, il feit enuiron cent lieues qu'il trou-
 uoit encores quelque peu d'eau, ainsi que recite Aristobule :
 puis se reculant, de la mer, il tourna son chemin vers la ville
 de Messogaba, où estoit le temple d'Ammon. Or estoit toute
 ceste contree là deserte & sans aucune habitation, par ce que
 tout y est couuert de sable, & sur tout y a grandement faute
 d'eau. Côme il gaignoit pays tōbavne pluye fort grosse, ce que
 lon refera à ce qu'il estoit de la race des dieux: comme on feit
 pareillement ce qui aduint depuis. Quand le vent de midy
 donne en ces lieux là, il esleue ordinairement & faict voller
 les sables deçà delà, & efface les traces des chemins : qui est
 cause qu'on s'esgare incontinent, & ne sçait on plus où on est:
 tout ainsi que si on cheminoit sur la mer. D'autant qu'il n'y a
 aucune remarque, point de montaignes, pas vn tertre: mes-
 mes n'y a vn seul arbre dont les peletins peussent recognoi-
 stre leur adresse, comme font ceux qui vont sur la mer, qui se
 conduisent seulement par la remarque qu'ils ont des astres.
 Au moien dequoy estants ainsi les chemins tous couuerts de
 sable, l'armee alloit errant çà & là, sans tenir chemin ny sen-
 tier: voire mesme ceux qui les guidoient ne sçauoient plus
 où ils alloient. Comme ils estoient en ceste peine lon va ap-
 perceuoir, ainsi que Ptolomee escrit, deux dragons deuant
 l'armee, comme s'ils se fussent presentez pour seruir de guides
 (lesquels Alexandre voulut qu'on creust estre là enuoyez par
 les dieux & qu'on les suyust) qui monstrerent avec certains

Alexandre ia-
 loux de l'hō-
 neur qu'on
 portoit à
 Persee &
 Hercule.

L'armee d'A-
 lexandre es-
 garée és de-
 serts de Li-
 bye.
 Deux Dra-
 gons se font
 guides de
 l'armee.

cris le chemin à vne riuere: & que autant en feirent-ils au retour. Mais Aristobule, l'opinion duquel est suyue de beaucoup plus de gens, escrit, que c'estoient deux corbeaux qui alloient deuant l'armee, & estoient comme guides des chemins. Quant à moy ie croiray bien que Alexandre auroit esté secouru par quelque prodige: & n'est pas du tout incroyable que cela soit aduenu à ce Roy, qui sembloit n'estre né que pour receuoir le plus grand honneur du monde. Mais d'asseurer comment ny par quel moien il auroit esté secouru & aidé des dieux, ie ne le puis faire, pour la discordance qui est entre ceux qui en ont escript. Le lieu auquel le temple d'Ammon est situé, est enuironné de toutes parts de grands deserts presque tous couverts de sable: avec cela y a grande faute d'eau: & au milieu de ces sables est vn terroir fort petit, comme de deux lieues & demie d'estendue, à l'endroi& encor où il s'estend plus, qui porte des oliuiers, palmiers & autres arbres frui&iers, & est seul en tout le pays qui soit embelly de verdure & de fleurs. Là s'ourd vne fontaine, qui est d'autre nature que toutes les autres: par ce que l'eau d'icelle est tiede au poin& du iour, froide à midy, chaude sur le soir, & bouillante à minui&: puis apres elle commence à se refroidir petit à petit, de sorte que sur le matin elle redeuient tiede. Et ainsi chacun iour & nui& elle se fai& chaude & froide l'un apres l'autre. Le terroir du pays engēdre du sel, duquel les presbtres du temple ont de coustume de porter pour present dans des panniens faicts de palmier aux Roys d'Ægypte, & autres. Ils le tirent par pierres longues aucunes iusques à trois doigts, & plus, qui sont toutes telles que crystal. De ce sel vsent ordinairement en leurs sacrifices les Ægyptiens & autres gēs qui ont les cerimonies de leur religion en reuerence: comme estant ce sel plus pur que celuy de la mer. Apres qu'Alexandre eut bien contemplé avec admiration & reuerence la nature du lieu, il alla vers l'oracle: duquel ayant eu responce à son gré, & comme il disoit, toute telle qu'illa desiroit, ainsi que tesmoigne Aristobule, il sen retourna en Ægypte, par le mesme chemin.

Description
du lieu où est
situé le tem-
ple d'Am-
mon.

Fontaine ad-
mirable.

Sel concreé
en terre.

chemin qu'il auoit tenu à aller. Ptolómee au contraire escrit, qu'il prit vn autre chemin pour retourner, qui estoit plus droit pour aller à Memphis. Auquel lieu estoient arriuees de la Grece plusieurs ambassades, lesquels il licétia avec tout tel contentement & de pesches qu'ils demandoient. Aussi y estoient arriuez des compagnies nouuelles: sçauoir est quatre cens auanturiers Grecs de soult, que Antipater luy enuoyoit sous la conduite de Menete fils de Hegesander: de la Thrace pres de cinq cens, dont Asclepiodore fils d'Eunic estoit chef. Il feit en ce lieu vn sacrifice à Iupiter le Roy avec toute son armee qui estoit ordonnee en bataille, où il feit largeesse: & ordonna des ieux de pris à la luitte & pour la musique. Apres cela il se mit à donner ordre à ses affaires d'Ægypte: & pour commander il establit deux ses lieutenans & gouuerneurs du pays, à sçauoir Doloaspis & Petisis. Entre lesquels aiant diuisé tout le pays d'Ægypte, il aduint que Petisis ne voulut point accepter la moitié qui luy auoit esté attribuee: à raison dequoy il donna le gouuernement entier à Doloaspis. Et pour capitaines des garnisons il choisit entre ceux qui estoient de la gendarmerie des amis Pantaleon de Pydne pour Memphis: pour Pelusium, Polemon fils de Megacles Pellean: & pour la garnison estrangere il establit Lycidas Etolien, avec son secretaire Eugnoste fils de Xenophantes, qui estoit aussi des amis: ausquels il adiousta pour cõtrerolleurs & surintendans Eschyle, & Ehippe de Chalcidonie. Et pour gouverner la Libye qui est voisine de l'Ægypte, il y laissa Apollonie fils de Charin. Et en ceste partie de l'Arabie qui est vers la ville communément appellee la ville des demidieux, il ordõna pour son lieutenant Cleomene Ecnaucratien: avec mandement de laisser gouverner la iustice par les Baillifs & Seneschaux des lieux, selon leurs loix & coustumes anciennes: & tenir la main au recouurement & cueillette des finances, qu'il auoit ordõné estre leuees sur le pays. Sur toutes les compagnies de gens de guerre qu'il laissa en Ægypte il establit ses lieutenans generaux Peucestas fils de Marcarate, & Balacre fils d'Amyntas. Il feit

Alexandre
dõne reigle-
mēt pour le
gouuernement d'Ægypte.

n ij



son admiral sur la mer Polemon fils de Theramenes : & en la place de Balacre, qui estoit parauant vn des gardes de son corps il y pourueut de la personne de Leonnat fils d'Onase. Au lieu de Annub & Antioch capitaines de gens de trect, qui estoient decedez, il donna le regiment entier des gens de trect à Ombrion de Candie. Et quant à l'Infanterie des alliez qu'il estoit delibéré de laisser en Ægypte, desquels auparavant auoit esté colonnel Balacre, il en donna la charge à Caran. Qui fut cause, à ce qu'on dict, qu'il institua tant de chefs & intendans au gouvernement du pais d'Ægypte, fut pour autant que quand il eut bien considéré la nature du pays, & visité les places fortes d'iceluy, il luy sembla bien, qu'il ne seroit pas seur de commettre la charge & gouvernement d'un tel pays à vn homme seul. En quoy les Romains me semblent auoir suiuy l'exemple d'Alexandre au gouvernement de l'Ægypte, pour n'y auoir iamais commis personne du Senat, pour la regir & gouverner : mais seulement quelqu'un de l'ordre des cheualiers. Sur le printemps Alexandre se mit en chemin pour retourner vers la Phenicie : & passa le Nil & les destours d'iceluy à l'endroit de Memphis, y ayant fait dresser vn pont : & s'achemina à Tyr, où il trouua sa flotte : & là il sacrifia de rechef à Hercule, & y ordonna des ieux de pris. En ces entrefaites vindrent vers luy des Ambassadeurs des Atheniens, Diophant & Achille, & avecques eux encor ceux des pays voisins des Atheniens, & en la mesme coste : ausquels il octroya du premier coup ce qu'ils demandoient. Aux Atheniens furent renuoyez sans rançon les prisonniers des leurs, qui auoient esté pris au Granique. Et ayant eu aduertissement qu'il y auoit quelque trouble en la Moree, il se delibera d'enuoyer Amphotere pour secourir ceux de la Moree, qui auoient vaillamment resisté aux Lacedemoniens pendant la guerre de Perse. Il enoignit aux Pheniciens & Cypriens d'equipper cent vaisseaux outre ceux que ja ils auoient. Et apres qu'il eust depesché Amphotere, lequel il establit general de l'armee qu'il enuoyoit à la Moree : il passa outre & entra plus
auant

Pourquoy
Alexandre ordonna plusieurs personnes pour gouverner l'Ægypte.
Les Romains ne commettoient iamais Sénateur au gouvernement d'Ægypte.
Retour d'Alexandre en la Phenicie.

auant en pays, tirant droit vers Tapsach, & la riuere d'Euphrate: ayant laissé en la Phenicie Ceran. de Berree pour son tresorier general: & es parties de l'Asie qui sont vers le mont de Taure, Philoxene. Et quant aux finances qu'il auoit avec soy, il en donna le maniement à Harpale fils de Machates, qui estoit retourné d'exil peu au parauant, & fut subrogé en leur place. Cest Harpale est celuy, lequel pour s'estre monsté trop affectionné au seruice d'Alexandre du viuant du Roy Philippe, auoit esté cōtraint vider le pays de Macedoine: comme aussi & pour la mesme occasion, auoient fait Ptolomee fils de Lage, Nearches fils d'Androtin, Erigye fils de Larich & Laomedon son frere. Car le Roy Philippe commença à auoir souspeçon sur Alexandre si tost qu'il eut laissé Olympias, qui estoit mere d'Alexandre, pour prendre à femme Eurydicé. Et apres le trespas du Roy Philippe ceux cy retournerēt d'exil. D'entre ceux qui auoient de bon cueur pour l'amour de luy endure d'estre bannis, il donna à Ptolomee fils de Lage vne place de garde de son corps: fait intendant de ses finances Harpale, par ce qu'il estoit de petite complexion & foible de corps, & partant mal propre au fait de la guerre. Il institua Erigye colonnel de la gendarmerie des alliez: & à Laomedon son frere, pour autant qu'il entēdoit fort bien les deux langues, & aussi les estrangeres, il luy donna la charge des prisonniers de guerre estrangiers. Quand à Nearch, il le fit son lieutenant general au gouuernement de la Lycie, & de tout le pays bas vers la mer iusques à la montagne de Taure. Quelque temps auant la bataille donnee à Issé, Harpale estant pousé par Taurisque, qui estoit homme malin & caut, & luy auoit mis quelque fantasie en teste, s'en estoit fuy avec luy. Quant à Taurisque, il se retira en Italie vers Alexandre Roy d'Épire, & mourut là. Mais Harpale n'alla pas plus loin que Megare: auquel lieu Alexandre luy manda, qu'il retournaist en seureté vers luy, luy promettant par serment, qu'il ne luy feroit mesfait ne mesdiēt en maniere quelconque, de ce qu'il s'en estoit allé. Avec ce sauf conduict & assurance retourna

Garde du
corps grand
estat.

Alexandre
recompense
ses anciens
seruiteurs.

Harpale. Auquel Alexandre ne pardonna pas seulement, mais le feit, comme diët est, intendant de ses finances. Il enuoya Menander qui estoit des amis pour Satrape en Lydie : & establit Clearch colonnel de l'infanterie estrangere au lieu de Menander. En la place d'Arimmas, il subrogea Asclepiodore fils de Eunice au gouuernement de la Syrie : pour autant que au voyage de la haute Ægypte, Arimmas, qui auoit esté député cômmissaire des viures & autres munitions de camp, s'y estoit porté trop arrogamment, & comme par maniere de dire, s'il eust esté le Roy mesmes. L'arriuee d'Alexandre à Tapfach fut au temps que Aristophane gouuernoit la Republique d'Athenes : auquel lieu Alexandre trouua deux ponts faicts sur la riuiera. Car Mazee auquel Daire auoit commis la garde & defense de la riuiera, luy aiant donné trois mil hommes de cheual, dont y en auoit deux mil Grecs de soult, y auoit esté quelque tēps en garnison. Ces ponts n'estoient pas paracheuez, & ne touchoiēt pas iusques à l'autre bort : toutefois les Macedoniēs eurent quelque crainte que ceux qui estoient avec Mazee de l'autre costé du fleuve, paracheuassent les ponts, & vinssent dōner sur eux au despourueu. Mais si tost que Mazee eut senty le vent que Alexandre approchoit de ce lieu, il gaigna le haut avec toute la garde qu'il auoit. Apres le partement duquel Alexandre feit incontinent parfaire les ponts iusques à l'autre riuage, & feit quand & quand passer toute son armee sans aucun danger. Puis entra en pays, tirant du costé de la Mesopotamie. Il auoit à main gauche l'Euftrate & les montagnes d'Armenie : & ne s'esloignoît gueres de la riuiera avec son armee, ne tenant pas le grand chemin ordinaire pour aller à Babylon, combien que ce fust le plus droit : d'autant que au chemin qu'il prenoit y auoit plus grande abondance de fourrages & autres munitions, & que par là la chaleur ne les molestoit pas tant en cheminant. Comme Alexandre estoit en chemin, furent pris quelsques vns de l'armee de Daire, qui estoient enuoyez pour descouurir : par lesquels il sceut que Daire & toute son armee estoient campez au fleuve du Tigre,

Alexandre
passe l'Euf-
strate.

gre, à fin de luy bouscher & empescher le passage, & que son armee estoit beaucoup plus grosse que celle qu'il auoit à la bataille precedente, qui fut donnee en la Cilicie. Quoy entendu il feit en toute diligence marcher son camp droit à la riuere du Tigre. Mais il n'y trouua ny Daire, ny la garde que Daire y auoit laissée. Parquoy, ja-soit que ce fust avec grande peine, à cause que le cours de l'eau y est roide, il passa la riuere par vn endroit qu'il trouua gueable, sans que personne se presentast pour l'empescher de passer. Et là il donna quelque temps à son armee, qui estoit lassée & trauaillée du chemin, pour se rafraichir. En ces iours-là y eut grande eclipse de Lune, à cause dequoy Alexandre feit vn sacrifice à la Lune, au Soleil, & pareillement à la terre : par le moyen de laquelle on tient que l'eclipse se faict. A quoy aiant bien songneusement pris garde Aristander, dict que ceste eclipse promettoit aux Macedoniens, à Alexandre principalement, toutes choses bonnes ; qu'il seroit bon de donner bataille à Daire pendant ce mois : & que les entrailles des victimes immolees promettoient la victoire à Alexandre. Au partir delà Alexandre marcha au trauers de l'Assyrie, ayant à main gauche les mōtaignes des Sogdiās, à droit le Tigre. Le quatriesme iour d'apres qu'il fut party, les auantcoureurs qu'il auoit enuoyé pour descouurir, luy rapporterent qu'ils auoient descouuert quelques troupes de caualerie : mais qu'ils n'eussent sçeu bonnement iuger en quel nombre ils pouuoient estre. Puis ayant marché plus auant avec son armee, laquelle il tenoit tousiours en armes, & comme fil eust voulu combattre à chasque bout de champ : d'autres auantcoureurs qui s'estoient auancez, retournerent, asseurans qu'il n'y auoit pas plus de mil cheuaux en la troupe qui auoit esté descouuerte. Quoy entendu, il prent tout quand & quand avec luy la cornette Royale, qui estoit bien en conche, & vne autre cornette de celles des amis, avec les auâtcoureurs Peoniens, & marche au grand trot droit là, apres auoir commandé au surplus de l'armee de suiure au petit pas. Ce qu'ayant aperceu ceste caualerie de Perfes, s'enfuirent à bride auallée,

Il passe le
Tigre.

Eclipse de
Lune.

Armée de
Daire à la ba-
taille donnée
à Gangame-
les.

& tant que les cheuaux peurent courre. Apres lesquels allant Alexandre mit en piéces ceux qui demeurerét derriere, pour estre leurs cheuaux recreus, les autres eschapperent sains & saufs. Par le moyen de ceux qu'il ataignit il sceut que Daire n'estoit pas loin de là. Daire auoit en son camp les Indiens voisins des Baëtriās, & les Baëtrians aussi, & les Sogdians: tous lesquels marchoiēt sous la conduicte de Bessé qui estoit Satrape des Baëtrians. Ceux-là estoient suiuis des Saces, qui sont descendus des Scythes, qui habitēt en l'Asie. Ils n'estoient pas du gouuernement de Bessé: toutefois à cause de l'alliance & confederation qui estoit entre Daire & eux, ils estoient venus avec Bessé, & estoit leur colonnel Mabaces. Lesquels tous estoient de cheual, & vsoient d'arcs ordinairement en guerre. Barfaetes Satrape des Arachotiens conduisoit les Arachotiens & les Indiens des montagnes: Satibarzanes gouuerneur des Ariens, les Ariens. Les Parthes, les Hyrcaniens & les Topiriens estoient sous la charge de Phrataphernes. Atrocates estoit colonnel des Medois, avec lesquels marchoiēt ensemble les Cadusiens, les Albaniens, & les Sacésiniens. Ceux qui habitent és enuiron de la mer rouge auoient pour chefs Orontobates, Ariobarzanes & Oxin. Oxantes conduisoit les Vxiens & Susiens: Bupares les Babyloniens. Les Cariens Anaspastiens, c'est à dire, chassés de leur pays, & les Sitacins estoient meslez avec les Babyloniens. Orontes & Mithrausta auoient sous eux les Armeniens: & Ariaces les Capadociens. Tous les Syriens tant ceux de la Cēlesyrie que de toutes les autres contrees de la Syrie, qui est bornée des deux riuieres, estoient sous la cornette & conduicte de Mazée. L'armée entiere de Daire estoit estimée monter à quarante mil hommes de caualerie, & la fanterie à vn million d'hommes. Avec lesquels y auoit deux cens chars armez de lames de fer en maniere de faulx: & quinze Elephans, qui estoient de ceux que lon amène de ceste contree de l'Indie, qui est pardecà la riuere d'Inde. Daire avec ses forces se campa à Gaugameles vers la riuere de Bumade, loin d'Arbeles d'environ

trente

Quarante mil
hommes de
cheual, & vn
million de
pied au cap
de Daire.

trente six lieues, en vne plaine vnue par tout, & toute descouuerte: car les Perses auoient à plein tout ce qui estoit pres de là de tous costez: à fin que la place fust plus propre pour les chars, & pour la caualerie. Et fut fait cela par l'aduis de quelsques vns qui dirent à Daire, que autre chose n'auoit esté cause de la desfaiete de son armee à Isse, que ce que le lieu estoit par trop ferré & estroit: ce que Daire se persuada aisément. Ayant esté Alexandre bien informé de toutes ces choses par le moien des auatcours des Perses qui auoient esté pris, il feit incontinent faire des trenchées tout à l'entour du lieu où il entendit ces nouuelles: & donna quatre iours de repos à ses gens pour se raffraichir. Apres lequel temps il fut d'opinion de laisser tout le bagage entierement, & les soldards malades & autres qui n'estoient pour lors en estat pour combattre, en son camp: & ne mener avec luy à la bataille, que ceux qui pouuoient faire deuoir, lesquels ne porteroient que leurs armes. Donc par nuit ayant fait sortir ses gens en équipage, les feit partir enuiron la seconde veille, en intention de donner vne camifade à l'ennemy le prenant au despourueu. Mais aussi tost Daire eut nouuelles qu'Alexandre approchoit, & ordonna quand & quand ses gens en bataille prests à combattre. Autant en feit Alexandre de sa part. Le camp des vns estoit esloigné de celuy des autres de quatre lieues ou enuiron. Quand Alexandre fut si fort approché, qu'il estoit en veüe des ennemis, il feit faire alte à l'Infanterie, & feit assembler en conseil les plus grands d'aupres de sa personne, les capitaines generaux de l'armee, les chefs de bandes, & les collonnels des alliez, & des autres estrangers qui estoient à son seruice, pour aduiser s'il estoit bon de faire marcher de ce pas l'Infanterie (ce que plusieurs trouuoient bon) droit à l'ennemy: ou bien (& qui estoit l'aduis de Parmenion) de faire alte encorcs pour quelque peu de temps: à fin de descouvrir cependant, s'il y auoit point d'embuscade, si les ennemis auoient point pourueu à vn huis de derriere: s'il y auoit point de fosses couuertes par dessus, ou des clous &

Conseil tenu par Alexandre.

crocs de fer cachez soubz terre: mesmes de recognoistre l'armee de l'ennemy, pour sçauoir quel ordre il tenoit pour disposer les gens en bataille. L'opinion de Parmenion fut suivie: & demeura là l'armee en bataille rangee, ne plus ne moins que si sur l'heure il eust fallu combattre. Alexâdre prenât avec luy quelques soldats legerement armez, & vne cornette des Amis recogneut diligemment de tous costez & es enuironz, le lieu où il deuoit donner bataille. Quand il fut retourné, il feit de rechef assembler les capitaines & chefs de bandes, & leur dict: Qu'il n'estoit ja besoin d'vser de long discours enuers eux, pour les animer au cōbat: qu'ils estoient assez incitez de faire deuoir par leur vaillance, & les beaux faicts d'armes qu'ils auoient executez par le patsé. Què d'vne chose les vouloit-il prier, qui estoit, que chascun d'eux remonstrast à ceux ausquels ils commandoient, combien grande seroit la recompense de ceste bataille, & quels biens leur en pourroient aduenir. Que le pris & loyer de la victoire n'estoit point la Celefyrie, ny la Phenicie; ny l'Égypte seulement, comme aux batailles precedentes, mais toute l'Asie entierement. Que lon cognoistroit à veuë d'œil en vne seule bataille, lesquels deueroient dominer en l'Asie. Qu'il ne falloit point les inciter de parolles pour faire de beaux & louables exploits de guerre, veu que d'eux mesmes ils estoient assez encouragez & incitez à ce faire. Mais qu'il falloit seulement que chacun prist garde à ce qui estoit de son deuoir, quand on viendroit à la meslee. Qu'il falloit se tenir coy, & ne mener point de bruiet, sinon quand il en seroit besoin: qu'il falloit aussi faire cris & hucses quand l'occasion le requerroit. Outre cela que chascun d'eux quand il seroit donné quelque aduertissement, le receust le plustost qu'il pourroit, pour en aduertir en diligence les soldats de rang en rang. Qu'ils considerassent bien quetout ainsi, que par la faute & negligence des capitaines bien souuent les choses vont en desarray: aussi que ordinairement, quand ils veulent vser de diligence & bonne conduite tout se porte bien. Il les admonnesta aussi, que la part où

Propos d'Alexandre aux capitaines de son armee.

La victoire depend des Capitaines principalement.

où ils verroient leurs gens branler ou reculer, ou à ceux qu'ils scauroient estre lassez & trauaillez de combattre, ils enuoyassent du secours le plus vistement qu'ils pourroient. Apres auoir donné couraige aux capitaines par tels & semblables propos, s'asseurant de leur prouesse, il commanda que les soldats prissent leur refection, puis allassent reposer. La nuit ensuiuant, comme l'on dict, Parmenion entra en son pavillon, & luy conseilla de donner la charge de nuit à ses ennemis, pour autant que la nuit apporteroit estonnement & effroy: auquel Alexādre respōdit si haut que ceux qui estoient à l'entour le peurent entendre, Qu'il n'estoit pas honneste de desrober la victoire: que Alexādre auoit accoustumé de vaincre en veüe de tous & sans cautelle. Ceste parolle graue fut estimee venir plustost d'une hardiesse & assurance, que d'outrecuidance qui fust en luy. Et me semble qu'en cela il se gouerna fort sagement: d'autant qu'il peut suruenir beaucoup de choses de nuit, par le moyen dequoy il aduient quelquefois que les plus vaillans y demeurent, & les plus foibles emportent la victoire, laquelle ils n'auoient iamais esperee. Tant y a que à Alexandre la nuit sembloit estre hazardeuse en matiere de cōbats. Ioinct qu'il craignoit que fil desfaisoit Daire pour la seconde fois, ceste bataille donnee de nuit ostant l'occasion à Daire de le tenir & confesser pour sage capitaine & bien aduisé au faict de la guerre: & de l'estimer & les Macedoniens aussi plus vaillā & aguerris que luy & les siens. Au contraire il consideroit, que si d'adventure la fortune luy diuisoit mal, tous les lieux d'alentour estoient fauorables aux ennemis, à eux contraires & dangereux: aussi que ceux là scauoient les lieux & adresses du pays, qui estoient à luy & aux siens inconnus: mesmes qu'il y auoit beaucoup de prisonniers en son camp, lesquels pourroient bien par nuit iouer vn mauvais tour, non pas seulement s'ils estoient vaincus, mais aussi s'ils n'auoient entierement emporté la victoire. Pour raison dequoy & d'autres semblables considerations, mesmemēt pour l'assurance & hardiesse qui estoit en Alexandre, qui l'induisit

Alexandre ne veut desrober la victoire en surprenant de nuit son ennemy.

Beaucoup d'inconnues peuuent suruenir en donnant bataille de nuit.

Ordonnãce
de l'armee
des Perſes
pour com-
battre, ef-
cripte en
regiſtres.

à vouloir combattre en veuë d'un chascun, ie l'estime digne de grande louange. Quant à l'armee de Daire, depuis qu'ils eurent apperceu Alexandre, ils demurerent, meſme toute la nuit, en armes : tant par ce que leur camp leur sembloit assez mal fortifié, que par le doute qu'ils auoient que l'ennemy les vouliſt aller charger. Et à vray dire, si oncques chose feit tort aux Perſes, ce fut le long temps qu'ils furent attendans, ſans prendre repos, aiãſ toujours le harnois ſur le dos : & la crainte non point ſoudaine, mais venuë de longue main, en auoit faiſi & entierement matté pluſieurs. Daire auoit ordonné ſon armee pour combattre en ceſte ſorte : (ce qui fut deſcouuert apres la bataille, ainſi que recite Ariſtobule, par le moyen de quelsques regiſtres, eſquels toute l'ordonnance & diſpoſition d'icelle eſtoit couchee par eſcript.) La gendarmerie Baëtrienne faiſoit la poincte gauche, accôpaignee des Daïens & Arachotiens : apres eux les Perſes tant de cheual que de pied, meſlez les vns parmy les autres. Ceux d'apres eſtoient les Suſiens, qui eſtoient ſuiuis des Caduſiens. Telle eſtoit l'ordonnance de la poincte gauche. Quant à la poincte droite, elle eſtoit compoſee des Celeſyriens & des Syriens qui habitent entre les deux fleuues : avec leſquels eſtoient ioincts les Medois : apres eux eſtoient les Parthes & Saces, ſuiuis des Topiriens & Hyrcaniens, apres leſquels marchoient les Albaniens avec les Sacſiniens. Tous ceux-cy feſtendoient iuſques au milieu du bataillon de l'Infanterie. Le milieu de l'armee eſtoit conduict par Daire & les Princes de ſon ſang. Et là auoient eſté ordonnez les Perſes Melophores, les Indiens, les Cariens refugiez, & les gens de treſt Mar-diens. Les Vxiens, les Babylo-niens, & ceux qui eſtoient venus de vers la mer rouge, avec les Sitacins, eſtoient ordonnez apres le premier front de l'armee. A la poincte gauche, qui faiſoit teſte à la poincte droite d'Alexandre, auoient eſté mis deuant tous les autres enuiron mil hommes de cheual tant Scythes que Baëtrians, & cent chars armez de lames de fer. Les Elephants eſtoient au bataillon du Roy avec cinquante chars

chars. A la poincte droiçte les caualiers Armeniens & les Cappadociens estoient en front, au deuant de l'armee avec cinquante chars armez. Pour le regard des Grecs qui estoient au seruice de Daire, ils estoient disposez en forme de ceinture alentour du Roy & des Perles qui l'accôpaignoient: & estoient ainsi ordonnez pour faire teste à l'Infanterie Macedonienne: comme ceux qu'ils reputoient esgaux à l'Infanterie Macedonienne en prouesse & vertu. Quant à Alexandre, il ordonna ainsi ses gës en bataille. La poincte droiçte de son armee estoit defendue par la gendarmerie des Amis, dont les premiers estoient ceux de la cornette Royale, que conduisoit Clite fils de Dropide. A icelle estoit ioinct le regiment de Glaucias, puis celuy d'Ariston: en apres celuy de Sopolides, qui fut fils de Hermodore: apres lequel estoit celuy d'Heraclite fils d'Antioch: puis celuy de Demetrie fils d'Althemenes: lequel estoit suiuy de la cornette de Meleager: le dernier de ceux du Roy estoit celuy là dôt estoit chef Egeloch fils d'Hippostrat. De toute la gendarmerie des Amis Philotas fils de Parmenion estoit Colonel. Quant à la Phalange Macedoniëne, qui marchoit ioignant la caualerie, les premiers rangs estoient d'Argyraspidés, qui estoient sous la conduite de Nicanor fils de Parmenion: les autres d'apres furent dōnez au regiment de Cene fils de Polemocrates: & à celuy de Perdiccās fils d'Orontes: puis apres marchoit celuy qui estoit sous la charge de Meleager fils de Neoptoleme: puis le regiment de Polyperchon fils de Simmias: aux derniers rangs estoit celuy d'Amyntas fils de Philippe, lequel pour lors estoit conduit par Simmias, à cause que Amyntas auoit esté enuoyé en Macedoine, pour leuer des nouuelles compagnies. La phalange Macedonienne à main gauche estoit defendue par Cratere fils d'Alexandre, qui estoit Colonel de l'Infanterie qui estoit à la poincte gauche. La gendarmerie des alliez estoit ioincte avec luy, dont estoit chef Erigye fils de Larich: laquelle estoit suiue de la caualerie Thessalienne, qui marchoit sous la charge de Philippe fils de Menelas. La conduite de toute la poincte gauche de l'armee

Disposition
de l'armee
d'Alexan-
dre.

fut donnée à Parmenion fils de Philotas : sur les ailes de laquelle furent ordonnez les gens de cheual Pharfaliens , qui estoient en bon nombre, & auoient esté choisis parmy toute la caualerie Theffalienne. Voila la disposition dont vſa Alexandre pour mettre le front de ceste armee en bataille. Auec laquelle il dressa encore vn autre bataillon, mais de telle sorte, que la phalange pouuoit tourner où lon voudroit. Et donna charge aux chefs d'iceluy bataillon, que fils voyoient, que les Perses, sefforçassent d'environner son armee, ils tournassent incontinent visàge pour soustenir l'effort des Barbares. Et que tournans deçà, delà, ils estendissent ou serrassent leur bataillon comme ils verroient estre de besoin. Pour le regard de la poincte droiſte, tout ioignant la cornette du Roy, marchoit vne partie des Agrians sous la charge d'Attale, & auecques eux les gens de treſt Macedoniens, dont Brison estoit chef. A ces gens de treſt estoient ioincts les auanturiers, qu'on appelloit les vieilles bandes estrangeres, desquels Cleander auoit la cōduite. Les susdicts Agrians & gens de treſt estoient defendus de quelque gendarmerie qui marchoit deuant, auec les Peoniens, sous la conduite d'Aretes & Ariston. Deuant toute l'armee estoit partie de la caualerie estrangere qui estoit au seruice d'Alexandre, qui estoit conduite par Menidas : & deuant la cornette du Roy & les autres amis, auoient esté ordonnez pour enfans perdus, l'autre partie des Agrians & des gens de treſt, & les soldats de Balacre, qui portoient des dards & iauelots : lesquels estoient ainsi ordonnez contre les chars armez de Daire. Il fut enchargé à Menidas & à ceux qui estoient aupres de luy, que fils voyoiēt la caualerie des ennemis environner leur poincte, ils ne faillissent à les charger en flanc, lors qu'ils verroient qu'il en seroit temps. En ceste sorte furent les choses disposees par Alexādre en la poincte droiſte. Pour le regard de la poincte gauche, les Thraces aussi y furent ordonnez, ausquels Sitalces commandoit : & auecques eux la caualerie des allies, dont estoit chef Ceran : outre la gendarmerie d'Odryse, dont Agathon fils de Tyrimmus estoit capitaine.

tain. Au deuant de tous ceux de ce costé estoit vne autre partie de la caualerie estrangere qui estoit à la soulde d'Alexandre : à laquelle auoit esté donné pour Colonel Andromach fils de Hieron. Pour la garde du bagaige fut laissée l'infanterie Thracienne. Toute l'armée d'Alexandre pouuoit estre de sept mil hommes de cheual, & enuiron quarante mil de pied cōbattans. Quand les deux armées furent approchées l'vne de l'autre, on iugea bien que Daire & les Perles Melophores, les Indiens, Albaniens, Cariens Anaspastiens, & les gens de trests Mardiens qui estoient à l'entour de Daire, estoient ordonnez pour luy faire teste, & à la cornette Royale. Alexandre pour cela ne laisse de marcher droit à la poincte droite de Daire. Les Perles s'aduācent pour les receuoir, taschant neantmoins d'enuironner de leur fanterie la poincte gauche des Macedoniens. De sorte que la caualerie des Scythes touchoit presque à ceux qui estoient ordonnez au deuant du bataillon d'Alexandre : & neantmoins Alexandre faisoit tousiours marcher ses troupes alencontre de la poincte droite. Et desia peu s'en falloit qu'il ne passast outre la place, que les Perles auoient fait aplanir, quand Daire craignant que les Macedoniens marchassent iusques aux lieux aspres & mōtueux, & partant ses chars, ausquels il auoit beaucoup d'esperance, ne luy seruissent de rien : fait partir vistement ceux qui estoient deuant la poincte gauche pour les enuironner, à fin d'oster le moyen à Alexandre d'estendre plus loin sa poincte. Ce qu'ayant apperceu Alexandre, il manda à la caualerie qui estoit à sa soulde sous la conduite de Menidas de les aller charger. Mais les gens de cheual Scythes feirent teste si vaillamment que Menidas & sa troupe ne peurent soustenir leur effort. Contre ceux là ayant Alexandre fait marcher le regiment de gens de cheual d'Arctes, les Peoniens & les autres gensdarmes estrangers, les Barbares reculerent. Toutefois n'allerent gueres loin, par ce qu'ils furent arrestez par les Bactriens & autres qu'ils rencontrerent qui les feirent rallier, & tous ensemble retournerent à la char-

L'armée d'Alexandre de sept mil hommes de cheual & quarante mil de pied.

ge, & lors y eut grand conflict de gens de cheual, où il tomboit beaucoup des gens d'Alexandre : tant au moyen de ce que les Barbares estoient plus forts pour le grand nombre d'hommes qu'ils estoient, que pour autant que les Scythes & leurs cheuaux estoient beaucoup mieux armez. Mais les Macedoniens renforcez de quelsques vns de la cornette du Roy les soustindrent brauement : voire les chargerent si furieusement, qu'ils les meirent en desarroy. Qui fut cause, que les Barbares chasserent incontinent leurs chars armez contre Alexandre, pensant bien par ce moyen rompre les rangs des gens de pied. En quoy ils furent trompez. Car vne grande partie de ceux qui les conduisoient & des cheuaux aussi, quand les chars approcherent, furent tuez à coups de traits & de dards par les Agrians & les gens de treçt du regiment de Balacre, qui auoient esté disposez deuant la gendarmerie des Amis. On arrestoit les autres en retenant les cheuaux par la bride, lesquels on enuironnoit vistement, & leur couppoit-on les iarrets. Quelsques vns passerent au trauers de l'armee sans auoir ny faire aucun mal. Car on fouuroit & leur faisoit-on passage, ainsi qu'Alexandre auoit commandé, à fin qu'ils ne blessassent personne. Et partant ceux la passerent au trauers de leurs ennemis sans estre offensez & sans offenser ceux contre lesquels ils estoient menez. Mais estans passez outre, les vallets des gensdarmes de l'armee d'Alexandre & des Argyraspides en prindrent la pluspart. Et ainsi que Daire faisoit approcher le gros bataillon de son infanterie pour inuestir la poincte droiçte d'Alexandre, Alexandre enuoya Aretes la charger : luy ce pendant conduisoit ses gens en poincte. Mais quand il veit de loing que les gens de cheual des Barbares qui estoient venuz secourir leurs cōpagnons, qui fuioient, auoient mis en desordre les premiers rangs de ses gens de pied, il tourna là quand & quand : & passant par où il veit les rangs laschez, conduisant ceux de sa troupe, qui estoit la gendarmerie des Amis, en esquadron, avec grandes huees accourut hastiuement comme pour aller attaquer Daire. Là fut combatu

combattu quelque temps. Mais quant Alexādre avec sa troupe eust commencé à presser de plus pres les ennemis, les frappant au visage avec des parthifannes lôgues & fort poinctues, & que la phalange Macedonienne, qui estoit fort serree, furieuse & effroyable pour les iauelines que portoiēt les soldats, donna dedans: toutes choses succedans mal à Daire, qui estoit dès long temps auparauant assez estonné, luy Daire fut le premier qui commença à fuir. Et n'estoient moins estonnez ceux qui auoient enuironné la poincte d'Alexandre: lesquels auoient esté empeschez de passer plus outre par la caualerie d'Arctes. Partant en ceste part les Peres s'enfuirent à val de route, & furent suiuis par les Macedoniens, qui en taillerent grand nombre en pieces. Simmias contenoit ses gens, & les empeschoit tant qu'il pouuoit de poursuiure les ennemis, & ne bougeoit de la place tousiours en bataille, pour autant quel on auoit r'apporté, que la poincte gauche des Macedoniens auoit beaucoup à souffrir: & que à l'endroiēt par où Alexandre auoit passé, & auoit fait lâcher les rangs, l'armee estoit fort esclaircie, & les Indiens & vne partie de la caualerie des ennemis estoient entrez & auoient passé tout outre iusques au bagage, où la meslee estoit fort grande: car les Peres qui estoient au reste mal armez, se fians sur ce qu'ils auoient encores deux fois autant pour le moins de gens de pied que les ennemis, les assailloient de furie & de force. Mesmes les prisonniers Barbares, si tost qu'ils eurent apperceu les Peres charger les Macedoniens, tout au plus fort de la bataille vindrent aussi donner par derriere sur les Macedoniens. Quant les capitaines des Macedoniens qui auoient esté assis apres la premiere phalange, entendirent ce qui se faisoit là, tournerent quand & quand visàge, comme il leur auoit esté enioinēt & chargerent les Peres à dos, dont ils feirent grand carnage, estans la pluspart d'iceux chargez de bagage: & donnerent la chasse aux autres. Ceux qui combattoient à la poincte droicte de l'armee des Peres, ne sçachans pas encores que Daire auoit esté mis en route, inuestirent la poincte gau-

Fuite de
Daire.

Les prison-
niers Barba-
res prennent
les armes.

the d'Alexandre, & l'assaillirent principalement du costé où estoit Parmenion, lequel doutant du commencement qui auroit du meilleur, enuoya en diligence aduertir Alexandre, que la poincte gauche de son armee branloit fort & estoit en danger. Quoy entendu par Alexandre, il cessa de poursuivre les ennemis: & tournant visage reuint le plus viftement qu'il peut vers l'armee avec le regiment des amis, qu'il auoit avec luy. En y allant il trouua en teste la gendarmerie des Parthes, la pluspart des Indiens, & les plus braues & vaillans hommes qui fussent entre tous les Perses: contre lesquels la meslee recommença plus aspre qu'elle n'auoit point encores esté es autres endroits. Et presserent les Barbares de si pres les Macedoniens, qu'on ne combattoit plus à coups de treçt, ou en tournoyant seulement comme on faict ordinairement en ce pays là en combat de gens de cheual: ains combattoient à coups de main: iusques à se prendre au collet l'un l'autre pour tirer du cheual à bas, comme mettans en cela leur derniere esperance. Ils frapportoient les vns & les autres, & estoient frappez tout ensemble: & y alloient tous de cueur & de courage, comme ceux qui ne combattoient plus pour la victoire, mais pour leur propre vie. En ceste meslee y eut bien soixante des amis tuez: & Ephestion, Cene, & Menidas furent blesez. Mais à la longue ne pouuans plus les ennemis soustenir l'effort d'Alexandre tournerent le dos, & se sauuerent à la fuitte. Et comme Alexandre continuoit son chemin pour aller donner dedans la poincte droicte, il veit que la caualerie Thessalienne la chargea de si grande furie, qu'elle meit Alexandre hors de ceste peine, ayant tout mis en route. Quoy voyant Alexandre, il retourna à la chasse de Daire: où il ne cessa de picquer, iusques à ce que la nuit le surprit. Et apres auoir passé la riuiera de Lyc, sarresta quelque peu de temps pour faire reposer ses gens, & les cheuaux, qui estoient las & trauaillez. Ce pendant Parmenion se saisit du camp des ennemis & prit le bagage, les Elephants & les Chameaux qui y estoient. Quand Alexandre eut faict reposer son armee iusques

Armee des
Perses des-
faicte.

iusques sur le minuiet, il partit & tira vers Arbeles, esperant y surprendre Daire, ensemble ses finances, ses bagues & ses plus precieux meubles. Il y arriua le iour d'apres, ayant fait trent six lieues de chemin. Là il ne trouua pas Daire, pour autant qu'iceluy n'estant asseuré en lieu du monde, n'osoit arrester en place. Mais ses finances, ensemble de rechef son escu & son arc tomberent és mains du vainqueur. De la part d'Alexandre ne mourut pas plus de cent homes en ceste bataille. Mais il y demeura mil cheuaux tant à cause des playes qu'ils y receurent, que du trauail infiny: dont y en auoit quasi la moitié de la gendarmerie des amis. Quant aux Barbares on disoit qu'il y auoit enuiron trois cens mil hommes de morts, & beaucoup plus de prisonniers. Tous les Elephants & les chars qui n'auoient pas esté brisez à la bataille, furent pris. Telle issue prit ceste bataille, laquelle fut donnee pendant que Aristophanes estoit souuerain magistrat à Athenes au mois de Iuillet. Et partant fut trouuee vraye la prognostication d'Aristander, que dans le mois, auquel l'eclipse de Lune auoit esté veüe, Alexandre liureroit bataille, en laquelle il emporteroit la victoire. Daire fuiant vers la Medie, laissant vn peu à costé les montaignes d'Armenie, fut suiuy des Perses qui estoient de son sang, de quelque petit nombre de Melophores, & quelques deux mil auanturiers estrangers, qui estoient à son seruice, dont estoient capitaines Paron Phocean, & Glauc Etolien. Or fuyoit il de ce costé là pour autant qu'il estimoit qu'Alexandre apres la bataille ne faudroit pas de s'acheminer à Suse & à Babylon, par ce que la contree est fort peuplee d'hommes, & que le chemin n'est pas facheux pour le charroy: aussi que Babylon & Suse sembloient estre ce que demandoit Alexandre, comme pour le pris de ceste guerre. Et d'aller vers la Medie: le chemin sembloit fort incommode pour l'armee. En quoy il ne s'abusa pas du tout. Car Alexandre au partir d'Arbeles tira vers Babylon. Quand il commença à approcher de Babylon il feist marcher ses gens en bataille, comme s'il eust eu l'ennemy pres

Trois cens
mil Perses
morts à la
bataille, &
plus de pri-
sonniers.

Babylō ren-
due à Ale-
xandre.

de luy. Mais quand les Babyloniens sçurent qu'il approchoit, ils allerent au deuant de luy (ce qu'il n'esperoit pas toutefois) avec leurs presbtres & les magistrats & gouuerneurs de la ville, luy portans des presens, & promettant de luy liurer la ville avec le chasteau & les finances du Roy. ce qu'ils feirent. Et apres qu'il eut fait son entree en la ville, il donna ordre pour faire refaire les temples que Xerxes auoit fait demolir : entre autres il se delibera de faire rebastir celuy de Bel, lequel les Babyloniens ont en grande reuerence : & voulut qu'on commençast incontinent à descombrer & nettoier la place. Il y laissa pour son Lieutenant & gouuerneur de la ville Mazee, & establit Apollodore Amphipolitain capitaine en chef de la garnison qu'il y ordonna avec Mazee. Pour tresorier general des finances du pays, il y laissa Asclepiodore fils de Philon : & enuoya en Arménie, pour gouuerner ce pays là, Mithrenes, qui est celuy, qui luy auoit liuré le chasteau de Sardis. Il communiqua avec les Chaldeans, & se gouerna pour la restauration des temples tout ainsi qu'ils l'enseignerent, & sacrifia à Bel. Puis il se mit en chemin pour aller à Suse : & en allant il rencontra le fils du satrape des Susiens, & vn messager avec lettres de la part de Philoxene, qu'il auoit enuoyé deuant à Suse. Les lettres de Philoxene cōtenoient, que les Susiens festoient rendus : & que les finances du Roy luy auoient esté deliurees. Il n'arresta que vingt iours à faire le chemin de Babylō à Suse. Quand il fut entré dans la ville, il se saisit des deniers monnoyez, qui montoient à cinquante mil talens d'argent, & de toutes les autres richesses qui estoient au thresor du Roy. Il y trouua plusieurs ioyaux & singularitez que Xerxes auoit emmené du pillage de la Grece : entre autres choses les statues de cuyure des deux Atheniēs Harmodie & Aristogiton, lesquels il renuoya aux Atheniens. Ces statues encores à present se voyent à Athenes au Ceramic vis à vis de l'autel de la mere des dieux, non gueres loin de l'autel d'Eudaneme : lequel autel tout homme qui a fait vœu & profession à Eleusis, sçait assez estre situé sous la galerie. Alexādre, apres auoir sacrifié selon
la maniere

Les statues
de Harmo-
die & Ari-
stogiton
renuoyees à
Athenes.

la maniere du pays les torches ardentes, & faiſt iouer des ieux à la luiſte, eſtablit pour ſon lieutenant & gouuerneur du pays Suſian Abulites Perſan : fait capitaine de la citadelle Mazare, qui eſtoit des amis : & aux compagnies qu'il y laiſſa en garniſon, ordonna pour chef Archelas fils de Theodore. Cela faiſt, il ſe partit ſon camp pour aller apres les Perſes. Il enuoya auſſi Menetès aux pays bas & regions maritimes, pour y eſtre ſon lieutenant general & gouuerneur de la Syrie, Phenicie & Cilicie : & luy ſe deliurer trois mil talents pour en faire tenir par mer à Antipater ce qu'il en falloir pour mener guerre aux Lacedemoniens. En ces entrefaiſtes, Amyntas fils d'Andromene arriua, qui mena avec luy à Alexandre de grandes forces, qu'il auoit leuees en Macedoine. Il donna aux gendarmes des places au regiment des amis : & quant aux gens de pied, il les ſe entra chascun aux bandes qui eſtoient de ſa nation. Puis il eſtablit en chascune cornette de gens de cheual deux lieutenans : ia-ſoit que auparauant n'y en euſt pas vn en toute la gendarmerie. Et pour ce faire, il choiſit des plus vaillans du regiment des amis. Au partir de Suſe, il paſſa la riuere de Paſitigris, & courut le pays des Vxiens. Quant aux Vxiens du plat pays, qui eſtoient ſoubs le gouuernement d'un Satrape de Perſe, ils ſe rendirent à Alexandre. Mais ceux des montaignes qui eſtoient libres, & ne reſſouſſoient aucun ſuperieur, enuoyerent de leurs gens à Alexandre, luy denoncer qu'ils n'endureroient pas qu'il paſſaſt avec ſon armee pour aller contre les Perſes, ſil ne leur donnoit autant, qu'ils auoient accouſtumé d'auoir des Roys de Perſe pour le droit de paſſage : Alexandre les renuoya avec charge de reporter à ceux de leur pays qu'ils allaſſent deuant l'attendre aux deſtroicts par leſquels ils pretendoient l'empêcher de paſſer : à fin de receuoir là la ſomme de deniers qui luy ſeroient par eux impoſez. Puis prenant avec luy ceux de ſa maiſon, les Argyraſpides & autres iuſques à huit mil hommes, il partit de nuit par vn chemin deſtourné, qui eſtoit bien le plus ſecret, mais eſtoit auſſi le plus ſa-

Retour d'Amyntas avec nouvelles forces.

Guerre contre les Vxiens.

Les Vxiens des montaignes demādent argent à Alexandre pour le droit de paſſage.

cheux, auquel quelques Susiens le guidoient: & paruint en vn iour au pays des Vxiens: où fut fait grand butin. Il surprit les vns en leurs maisons qui dormoiēt encores, les autres gagnerent au pied deçà delà par les montagnes prochaines. Lui cependant se hasty de gagner les destroicts, à fin de compter argent aux Vxiens en telle monnoye qu'il leur auoit promis. Et apres auoir enuoyé Cratere pour se camper aux montagnes, auxquelles il esperoit que les Vxiens quād ils seroient desfaicts, se retireroient, il marcha le plus hastiement qu'il peut de sorte, qu'il preuint les Vxiens: & marchant en bataille alloit tousiours par le hault, dont il pouuoit estre apperceu par les Barbares: lesquels s'estonnerent de le voir si tost arriué: tellement que voyant que les lieux desquels ils se preualloient leur estoient ostez, ils s'enfuirent à val de route sans combattre. Quelques vns d'eux furent tuez en fuiant: plusieurs autres se precipiterent du hault en bas des montagnes qui estoient droictes & coupees. Il y en eut aussi beaucoup qui, ainsi effroyez qu'ils estoient, pensans se sauuer aux montagnes que tenoit Cratere, furent taillez en pieces par ses troupes. Ayants esté payez par Alexandre pour leur droit de passage en ceste monnoye: encores obtindrent ils (à grand' peine toutefois) que leurs terres leur demoureroiēt: à la charge de payer par chascun an certain tribut à Alexandre. Cela escrit Ptolomee auoir esté octroyé par Alexandre en faueur & à la requeste de la mere de Daire. Le tribut qui leur fut imposé fut de cent cheuaux de seruice tous les ans, cinq cens cheuaux de somme, & trente mil moutons. Car les Vxiens n'ont point d'argent, ny de terres labourables: & pour ceste cause ne s'addonnent point au labourage: mais sont pour la pluspart pastres, & en bestail est leur richesse. Apres cela Alexandre feit marcher tout le bagage, la caualerie Thessalienne & celle des allies, ensemble les pays estrangers qui estoient à son seruice: & tous les autres qui estoient fort armez, sous la conduicte de Parmenion, leur commandant de tuer vers les Perses, par vn chemin où l'on peust mener le charroy:

Desfaicte
des Vxiens.

Tribut de
cheuaux &
de bestail im-
posé par Ale-
xandre aux
Vxiens.

charroy : luy avec les gens de pied Macedoniens , la gendarmerie des Amis , & les cheuaux legers , pareillement les Agriàs & gens de treët , prit son chemin par les montaignes en la plus grande diligence qu'il peut. Quand il arriua aux Pyles de Perse , il y trouua Ariobarzanes Satrape de Perse avec quarante mil hommes de pied , & enuiron sept cens caualiers , qui tenoient le passage bouché d'un fort de pierres qu'ils auoient fait : & festoient campez aupres de ce fort , en intention d'empescher les ennemis de passer. Si tost qu'il fut arriué il campa : & le lendemain il feit mettre ses gens en armes , & y feit dōner l'assault. Mais quand il veit qu'il trauailloit en vain , & que le fort ne pouuoit estre pris , pour estre le lieu aspre & facheux à approcher : pour autant aussi que les soldats quand ils vouloient aller à l'assaut , estoient rudement receuz & offensez de coups par les ennemis , qui les tiroient d'enhaut , il feit sonner la retraicte. Quelsques vns prisonniers luy promirent de le mener par vn autre chemin par delà les destroits. Et quand il sceut que ce chemin , dont ils parloient , estoit facheux & estroict , il commanda à Cratere , qu'il laissa avec son regiment & celuy de Meleagre , vne partie des gens de treët , & enuiron cinq cens cheuaux : que si tost qu'il l'entendroit approcher du camp des Perses (ce qui luy seroit aisé par le moyen des trompettes & clairons) il ne faillist de donner l'assaut à la muraille. Luy , qui auoit à faire la nuit six lieues , suiuy des Argyraspides & des compagnies de Perdicas , ensemble des gens de treët , & des Agrians armez à la legere , & de la cornette Royale seule de celles des amis , avec vn regiment d'autre cauallerie , commença à marcher vers ces Pyles , par vn chemin d'estourné & tortu , estant guidé par ces prisonniers : faisant conduire par Amyntas , Philotas & Cene le reste des troupes par la plaine : & commanda qu'on feist dresser vn pont sur vne riuere qu'il falloit passer pour aller où estoient les Perses. Quand il eut fait ce chemin si aspre & difficile avec vne celerité incroyable , & qu'il fut paruenu aux sentinelles des ennemis auant le iour , les surprenant il meit en pieces

Pyles de
Perses.

Ariobarza-
nes avec qua-
rante mil
hommes de
pied & sept
cens che-
uaux.

ceux qu'il y trouua. Puis marchant vers d'autres sentinelles, il en tua aussi la pluspart : puis il arriua à vn corps de garde, où il estonna si fort les soldats de la garde, qu'ils tournerent les talons incontinent. Toutefois ils ne se retirerent pas au camp d'Ariobarzanes, mais aux montaignes prochaines çà & là, comme ils peurent eschapper. Au moyen dequoy les ennemis ne sceurent rien de la venue d'Alexandre, iusques à ce que au poinct du iour il alla charger ceux de leur cãp. Si tost qu'il fut parueniu aux trêchees du camp, il feit sonner les trôpettes, pour dõner le signal à Cratere de dõner l'affaut au fort del'autre costé, avec les forces qu'il auoit, ainsi qu'il luy auoit enchargé. Cratere oyant le signal marcha quand & quand droict à la muraille. Les ennemis se voyãts assaillis de tant de parts, qu'ils ne sçauoient à laquelle entendre, s'enfuirent auant qu'on fust yenu au combat. Mais pour autant qu'ils ne sçauoient de quel costé aller, grand nombre d'eux furent contraincts retourner vers le fort. Sur la muraille duquel estoient desia les Macedoniens : car Alexandre se doutant de ce qui aduint, que les ennemis n'abandonnassent leur camp pour s'enfuir, laissant Ptolomee avec trois mil fantassins, pour, sil en estoit besoin, assaillir d'un autre costé le fort, s'en alla assaillir les ennemis d'un autre costé du camp. Les ennemis s'estans mis en fuitte, il en eut telle raison qu'il voulut. Il en fut tué grand nombre, d'autres en courant tomberent dans les fondrieres & precipices, & moururent là. Ariobarzanes avec quelque peu de cavalerie, se sauua aux montaignes. Apres cela Alexandre retourna avec ses enseignes vers la riuiera, laquelle il feit passer à toute son armee par dessus le pont qu'il trouua tout fait. De là il se mit en chemin pour aller trouuer les Perses, & faisoit de grãdes iournees, à fin de preuenir ceux qui eussent peu porter nouuelles de luy, & d'arriuer auant que les finances du Roy fussent pillées & volles par ceux qui en auoient la charge. Aussi trouua-il de grands deniers aux Pasargades * que lon disoit auoir esté autrefois és tresors de Cyr premier. Le gouuernement de la Perse fut par luy donné à Phrasartes fils de

Ariobarzanes des-
fait.

* A present
Chelque-
ta.
Alexandre
trouue de
grands de-
niers aux
Pasarga-
des.

de Reomithres. Il meit en cendres ce tant celebré & ancien palais Royal de Cyr : combien que Parmenion l'en destournaist pour plusieurs raisons qu'il luy allegua : entre autres, que ce ne luy seroit pas honneur de diffomer & demolir les places qu'il conquestoit : ioinct que ceux de l'Asie ne l'aime-roient iamais de bon cuer pour ceste occasion, comme estimans qu'il eust deliberé d'abandonner l'Asie quand il l'au-roit conquise, & s'en retourner en Grece. Alexandre res-pondit qu'il le faisoit en haine & vengeance du dommage que les Grecs auoient receu des Perses : lesquels estans entrez en la Grece avec vne grosse & puissante armee, auoient demoly & rasé la ville d'Athenes, qui estoit la lumiere de la Grece, & bruslé les temples d'icelle. Il ne repute pas cest acte d'Ale-xandre sagement faict : ny que par là aucune vengeance ait esté prise des anciens Perses. Ces choses ainsi aduenues Ale-xandre se meit en chemin pour tirer vers la Medie, où il auoit entendu que Daire estoit. Car l'intention de Daire estoit, que si Alexandre alloit faire la guerre à Babylon & à Suse, de se retirer en la Medie, & seiourner là en attendant fil aduen-droit point quelque mal'adventure à Alexandre. Et si Ale-xandre tournoit vers luy, il auoit deliberé de se retirer en Parthie & en Hyrcanie iusques à Baetres, & de brusler & de-gaster le pays apres soy : à fin d'oster le moyen à Alexandre d'entrer plus auant en pays, & de le suyure. Partant il feit charger son or & son argent, & tous les plus precieux ioyaux & meubles sur des chariots, & les enuoya deuant aux por-tes Caspiennes. Cependant il seiourna à Ecbatanes avec les gens de guerre que le piteux estat où il estoit, luy auoit per-mis s'allier. Ce qu'estant venu à la cognoissance d'Alexandre, il tira son chemin vers la Medie. Et les premiers qu'il subiugua en allant furent les Paritaques, qui auoient pour gouverneur Oxoathrés fils d'Abulettes, peu auparauint Satrape de Suse. Quand il fut party delà, on luy rapporta sur les chemins, que Daire se deliberoit de rêter encores vne fois la fortune par le hazard d'une bataille : & que les Caduciens & les Scythes

Palais de
Cyr demo-
ly par Ale-
xandre.

Alexandre va
apres Daire
en la Medie.

Portes Cas-
piennes.

Les Parita-
ques subiuguez par Ale-
xandre.

estoyent venuz à son secours. A l'occasion de quoy apres qu'il eut donné ordre pour faire suiure le bagage apres luy, feit marcher toutes ses forces tousiours en armes, cōme s'il eust eul l'ennemy en teste prest à combattre : & le douzième iour d'apres qu'il fut parti, arriua en la Medie : où il sceut pour le seur que Daire n'auoit aucunes forces, au moins qui fussent bastantes pour soustenir vne bataille : & aussi que ny les Cadusiens, ny les Scythes estoient venuz à son seruice : ains au contraire que toute l'esperance qu'il auoit estoit en la fuitte. Parquoy il marcha vers luy en plus grande diligence que deuant. Et comme il approchoit enuiron de trois iournees d'Ecbatanes, Bisthanes fils de celuy Och qui auoit esté Roy de Perse auant Daire vint au deuant de luy, & luy dict, qu'il y auoit cinq iours que Daire estoit parti d'Ecbatanes : & auoit fait emmener quand & luy de la Medie les finâces qui pouuoient monter à sept mil talents. Qu'il auoit avec luy trois mil cheuaux, & enuiron six mil hommes de fanterie. Quoy entendu par Alexandre ; il s'achemina à Ecbatanes. Duquel lieu il renuoya vne partie de la caualerie Thessalienne, & de celle des alliez es pays bas, leur faisant don de deux mil talents, outre la paye ordinaire : donnant congé & permission à ceux d'entre eux, qui ne voudroient plus luy faire seruice en guerre, de se retirer chez eux : dont y eut la pluspart qui demanderent estre licenciés. La commission de conduire ceux qui aimerēt mieux retourner à leurs maisons que de suiure la guerre, fut donnée à Epocil fils de Polyides, avec scorte d'autre caualerie. Il enuoya aussi avecques eux Menetes, avec charge de leur faire deliurer, quand ils seroient paruenuz à la mer, des vaisseaux, pour les porter iusques à l'Isle d'Eubee. En apres il ordonna à Parmenion de deliurer à Harpal tout l'or & l'argent qu'il auoit amené de Perse, pour le mettre en coffres au chasteau d'Ecbatanes, avec vne garde de six mil Macedoniens naturels, & quelsques cornettes de caualiers, mesmement des alliez. Et enuoya iceluy Parmenion avec les auanturiers estranges, les Thraces & le sur plus de la gendarmerie.

merie fors celle des amis en Hyrcanie, luy ordonnant son chemin par les frontieres des Cadusiens. Il escriuit à Clite capitaine de la corneite Royale, que quand il viendroît de Suse, où il l'auoit laissé malade, à Ecbatanes, il prit en passant les bandes Macedoniennes, qui y auoient esté laissées pour la garde des deniers qui y estoient: & les menast apres luy en la Parthie où il s'acheminoit. Puis partant de là avec la gendarmerie des amis & quelques auantcoureurs, & la caualerie estrangere qui estoit à sa soulde, dont estoit Colonel Erigye, & la phalange Macedonienne, exceptez ceux qui auoient esté laissez pour la garde des finances: semblablement les gens de trect & les Agrians: marchoit en bataille, tout ainsi que fil eust eu Daire en teste. Et d'autant qu'il faisoit trop grandes iournees, beaucoup de ses soldats demeurèrent derriere, qui estoient las & recreus, & mourut aussi grand nombre de cheuaux. Mais pour cela ne laissa de poursuivre son chemin en pareille diligence: tellement qu'il arriua le dixième iour d'apres à Rhages. Ceste place estoit distante des Portes Caspiennes d'une iournee à cheminer ainsi que faisoit Alexandre. Mais Daire s'estoit aduancé, & auoit ja passé les destroiets: toutefois il ne fut pas iusques là suiuy de tous ceux qui l'auoient accompagné en sa fuitte: d'autant qu'une bõne partie d'eux s'estoiēt retirez en leurs pays, d'autres s'estoiēt venus rendre à Alexandre. Lequel se voyant hors de toute esperance de pouuoir atteindre Daire, quelque diligence qu'il peust faire, seiourna là cinq iours, & y fit rafraichir ses gës las & trauaillez du chemin. Ce pëdant il pourueut du gouuernemēt de la Medie Oxydates Persë, que Daire auoit fait prendre & emprisonner à Suse: cause pour laquelle Alexandre se fioit en luy. Puis il marcha avec son armee vers les Parthes. Et dès le premier iour il falla cāper assez pres des portes Caspiennes. Le lendemain il entra en vn pays, dont il se delibera de tirer des munitions pour aitailler son camp: pour autant qu'il auoit entendu que plus auant le pays estoit desert & sans labour. Parquoy il enuoya Cene avec quelsques gens de che-

Daire prison-
nier par ses
gens mes-
mes.

ual & de pied pour faire amener des grains. En ces entrefaites, Bagisthanes grand seigneur Babylonien, qui auoit iusques là suiuy Daire, & pareillement Antibel l'un des fils de Mazee, se vindrent rendre à luy, luy apportans nouuelles que Daire estoit pris & arresté par Nazarbanes colonnel de mil hommes de cheual, par Braza Satrape des Arachotiens & Drangiens, & par Bessé aussi Satrape des Bactriens. Lesquelles nouuelles ouyes, Alexandre se hesta de marcher plus fort qu'il n'auoit encores fait, n'ayant avec luy que le regiment des amis, vne caualerie d'auantcoureurs, & quelques gens de pied qu'il choisit parmy l'Infanterie pour les plus forts, & qui alloient mieux du pied : sans attēdre Cene, ne ceux qu'il auoit enuoyez aux munitions avec Cene. Et laissant à Cratere la conduicte de ceux qui demouroient derriere, luy enioignit de faire suiure l'armee apres luy à plus petit pas. Quant à ceux qu'il conduisoit avec luy, il leur defendit de porter autre chose que leurs armes, & des viures pour deux iours. De l'heure qu'il fut party il ne cessa d'aller toute la nuict, & le iour ensuiuant iusques à midy, qu'il donna quelque temps à ses gēs pour se reposer. Puis reprenant son chemin, marcha la nuict entiere faisant doubler le pas à ceux qui estoient avec luy, de sorte que sur le poinct du iour il arriua au camp dont Bagisthanes estoit party, où il trouua les ennemis. Au surplus il sceut, que pour vray Daire estoit captif, & qu'on l'emmenoit dans vn chariot, & que Bessé se faisoit appeller chef & Capitaine General par les Bactriens & les autres Barbares, exceptez Artabaze, ses fils, & les Grecs qui estoient à la soulde de Daire : lesquels n'auoient point tourné leur robbe : toutesfois n'auoient peu empescher la trahison commise contre Daire. Que ceux là estoient separez des autres, & tenoient les montaignes sans auoir aucune communication avec Bessé. D'aduantage que ceux qui auoient pris Daire, auoient proposé s'ils entendoient qu'Alexandre les suiuiſt de luy liurer Daire, & de se gouuerner ainsi qu'ils verroient estre à leur aduantage. S'ils estoient aduertiz qu'il tournast d'autre costé,

costé, ils mettroiēt sus la plus grosse armee qu'ils pourroient, pour maintenir d'un commun accord la domination & administration du Royaume comme commun entre eux. Quant à present, que Bessé auoit esté nommé chef de l'armee à l'occasion de la proximité de lignaige, qui estoit entre Daire & luy : pour autant aussi que Daire auoit esté pris dans les confins de son gouvernement. Alexādre entendant ces nouvelles, pensa qu'il auoit plus de besoin de se haster que iamais : Mais & les hommes & les cheuaux estoient si las & harassés du chemin qu'ils auoient fait, qu'ils nen pouuoient quasi plus. Si ne laissa il pour cela de faire marcher sa troupe, la pressant d'aller toute la nuit, & le iour ensuiuant iusques à midy : qu'il arriua à un bourg, auquel auoient logé le iour precedent les troupes de ceux qui emmenoiēt Daire. Là il eust certaines nouvelles que les Barbares auoient delibéré de cheminer toute la nuit : au moien dequoy il s'enquit de ceux du pays s'ils sçauoient quelque autre chemin plus court par lequel il peust deuaner les fuyarts : lesquels luy feirent responce qu'ils en sçauoient bien un. Mais que c'estoit par un pays desert & inhabité, & où y auoit sur tout faute d'eau. Il se feit guider par eux par ce chemin là. Et combien qu'il veist bien que allant à si grandes traictes qu'il faisoit, les gens de pied ne le pouuoient suiure, si feit il mettre à pied cinq cens caualiers : & leur feit prendre des armes & armures de gens de pied : & & commanda à Nicanor General des Argyraspides, & Attale Colonel des Agrians de les conduire avec le surplus, qui estoit de fanterie legeremēt armez, & tirer droit là part où lon disoit que Bessé s'acheminoit. Et quant aux autres compagnies de gens de pied, il leur commanda de suiure marchants tousiours en bataille. Luy se mettant en chemin sur la vespre pressa si bien ses gens, qu'il leur feit faire vingt cinq lieues auant le iour : de sorte que auant soleil leuë il atteignit les Barbares, qui s'en alloient tous desarmez, & sans tenir aucun ordre. Quelsques uns d'eux, mais bien peu, tournerēt visage, les autres s'enfuirent à val de route, sans coup donner, si

q iij

Mort de
Daire.

Alexandre
fait hono-
rablement
inhumer
Daire.

Discours sur
la vie & estat
de Daire.

Pertes fai-
tes par Dai-
re depuis le
commence-
ment de son
regne.

toſt qu'ils eurent apperceu Alexādre. Ceux qui eſtoient de-
meurez ſouſtindrent le premier choc : mais toſt apres ſ'enfui-
rent apres les autres, ayans perdu quelques vns de leurs com-
pagnons. Quant à Beſſe, & à ceux qui eſtoient ſes complices
& compagnons de ſa deſloyauté, & de ſa ſuitte, ils n'eurent
plus toſt ſenti le vent de la venue d'Alexandre, qu'ils eu-
rent recours à leurs eſperons, avec enuiron ſix cens caualiers,
laiſſans là Daire à demy mort des coups que Satibarzanes &
Barnazetes luy auoient donné: dont Daire trespasſa peu de
temps apres, auant qu'Alexandre le peuſt voir en vie. Ale-
xandre ayant rencontré ſon corps, le ſeit mener en Perſe: &
pour la memoire & reuerence de ſa grādeur & fortune paſſee
le ſeit honorablement inhumer aux tombeaux Royaux auſ-
quels on auoit accouſtumé de mettre les Roys de Perſe apres
leurs trespas, iuſques à Daire. Apres cela il eſtablit Ammy-
napes de Parthe (lequel avec Mazee auoit eſté cauſe de luy
faire rendre l'Ægypte) Satrape & gouuerneur des pays des
Parthes & Hyrcaniens: & luy dōna pour compaignon Tlepo-
leme ſils de Pythophanes qui eſtoit du regiment des amis,
pour regir & gouuerner enſemble d'vn cōmun aduis & con-
ſentement les affaires d'eſtat des Parthes & des Hyrcaniens.
Telle fut la fin & trespas de Daire: qui aduint pendant qu'A-
riſtophon gouuernoit la Republique des Atheniens, au mois
de Iuin. Il fut homme ſi vous regardez au faiſt de la guerre,
moins né au maniement des armes, qu'à toutes autres cho-
ſes: mais qui au ſurplus ne ſeit iamais acte derogeant à la
maieſté d'vn Roy tel qu'il eſtoit: & n'eũſt ſceu faire à la veri-
té. Car ſi toſt qu'il fut paruenu à la couronne, il commença à
eſtre aſſailly des Grecs & des Macedoniens. Tellement que
encores qu'il euſt eu enuie de trauailler ſes ſuiects, il n'eũſt eu
loisir de ce faire. Il luy aduint de ſon viuant beaucoup d'ad-
uerſitez l'vne ſur l'autre: & ne fut iamais en paix & repos de-
puis qu'il eut commencé à regner: parce que dès le commen-
cement de ſon regne, il eut vne grande perte de caualerie à la
riuiere du Granic. Apres cela il perdit l'Eolie & l'Ionie, &
toutes

toutes les deux Phrygies. Semblablement tout le pays des Lydiens & des Cariens, fors les Alicarnassiens. Et non gueres de temps apres Alicarnasse aussi luy fut enleuee : puis toute ceste coste de mer iusques aux Ciliciens. Enapres il fut defaict en champ de bataille à Issé : en laquelle sa mere, sa femme & ses enfans furent faicts prisonniers : & la Phenicie & l'Égypte furent desmembrees de son Empire. Estant veincu à Arbeles, où il perdit vne grosse & puissante armee, qu'il auoit leuee de toutes sortes de nations Barbares, il s'enfuit honteusement tout le premier. Apres tout cela, il fut chassé de son Royaume, pauvre, vagabond & ne scachant où se retirer : en fin trahy par les siens, en mesme temps Roy & prisonnier lié & garrotté tout ensemble : & finit ses iours par la trahison & meschanceté de ceux desquels il deuoit esperer tout support & seruice. Toutes ces miseres & calamitez aduindrent à Daire pendant qu'il fut en vie. Apres sa mort tout le contraire. Les obseques & funerailles luy furent faictes telles qu'il appartient à la grandeur d'un Roy : ses enfans hautement nourris & esleuez : (car ils furent nourriz & instruits comme pendant le regne du pere) Alexandre prit alliance en sa maison, prenant à femme vne de ses filles. De sorte qu'il semble auoir esté mieux fortuné apres sa mort qu'il n'auoit esté en sa vie. Il trespassa en l'age de cinquante ans. Alexandre prit de là son chemin vers Hyrcanie, estans arriuees les troupes qu'il auoit laisses derriere, lors qu'il partit pour aller apres Bessé. L'Hyrcanie est située à main gauche en allant vers le pays des Bactriens, & est bornée de ceste part de montaignes hautes & couuertes de bois. Quant à la pleine, elle s'estend iusques à vne grande mer. Et tiroit Alexandre vers là, pour autant qu'il auoit eu aduertissement que les estrangers qui auoient esté au seruice de Daire, s'estoient retirez aux montaignes des Pagriās : & auoit intétion de subiuguer les Pagriās par mesme moyen. Et apres auoir separé son armee en trois, il prit son chemin par des petits sentiers estroicts & aspres au possible, ayant avec luy ceux qu'il auoit choisis pour les plus dispos & les mieux en-

Daire plus
heureux a-
pres sa mort
que deuant.

Du pays
d'Hyrcanie.

gambez. Cratere avec son regiment, celui d'Amyntas, quelques compagnies des gens de treſt & bien peu de caualerie, fut enuoyé contre les Tapuriens. A Erigye fut donnee la charge de conduire le charroy & le bagage, avec le ſurplus du camp, par vn beau & droit chemin: mais le plus long de beaucoup avec ſcorce de ſoldats eſtrangers, & du ſurplus de la gendarmerie. Quant il eut paſſé les premieres montaignes qu'il trouua, il ſarreſta. Puis avec les Argyraſpides, & les plus forts & plus alegres de la phalange Macedoniene, & quelque petit nombre de gens de treſt, il entra en vn chemin fort falcheux & peu battu, laiſſant de ſes gens derriere, ou il penſoit y auoir du danger: auſſi de peur que les Barbares des montaignes vinſent donner ſur la queue de ceux qui le ſuiuoient. Ayant paſſé les deſtroicts & malaiſez paſſages, il alla deſcendre à vne petite ruiere, dont le nom eſt aſſez peu cogneu, & ſe campa en vne pleine. Là ſe vindrent rendre à luy Nabarzaneſ qui auoit eſté l'vn des chefs de l'armee de Daire, Phradaphernes Satrape des Hyrcaniens & des Parthes, & quelsques autres Perſes qui auoient eſté en credit & autorité enuers Daire. Il demeura en ce lieu-là campé l'eſpace de quatre iours, en attendant que ceux qu'il auoit laiſſé derriere, qui ne pouuoient ſuiure, fuſſent arriuez. Quelsques vns deſquels paſſerent en ſeureté. Mais les Agriâs qu'il auoit laiſſé expreſ derriere pour faire ſcorce, furent aſſaillis par ceux des montaignes, leſquels furent ſi furieuſement par eux repouſſez à coups de iauelines & de partiſannes, qu'il leur fut tout doulz de ſonner la retraite. Puis il partit de là pour tirer en Hyrcanie, & prit le chemin d'vne ville des Hyrcaniens appelee Zadracarta. Où Cratere & ceux de ſa troupe l'allerent trouuer, ſans que les vns ny les autres euſſent peu rencontrer les eſtrangers qui auoient eſté au ſeruice de Daire: trop bien qu'ils auoient tant faiſt, que toute la cõtree qu'ils auoient trauerſee pour faire ceſte queſte, c'eſtoit rendue à eux, partie par force d'armes, partie de leur volonte. Là auſſi arriua Erigye avec le charroy & tout le bagage. Et peu de temps apres Artabaze avec Cophenes, Ariobarzanes

Ariobarzanes & Arfames ses fils, & avecques eux des deleguez de la part des soldats estrangers qui auoient esté à la soulde de Daire : & pareillemēt Autophradates Satrape des Tapuriens. Il reſtablit Autophradates en ſa Satrapie & gouuernement. Et quant à Artabaze & ſes fils, il les retint en honneur & authorité aupres de ſa perſonne : tant au moyen de ce qu'ils eſtoient des premiers & plus grands d'entre les Perſes : que pour autant qu'ils feſtoient monſtrez conſtans & fideles au ſeruice de Daire leur Roy. Il ſeit reſponſe à ceux qui eſtoient venus vers luy de la part des auanturiers Grecs, qui auoient esté au ſeruicé de Daire, & demandoient à eſtre receuz d'Alexandre, & ſe rendre à luy : qu'il ne feroit aucun appoinctement avecques eux, ſils ne ſe ſoubmettoient entierement à ſa mercy : & les reprit aigrement d'auoir ſuiuy le party des Barbares contre la Grece : & d'auoir en ce contreuenu aux decrets & ordonnances faiçts & arreſtez en l'aſſemblee generale des eſtats de la Grece. Eux voyans qu'ils n'auoient autre moyen de ſauuer leurs vies, ſe rendirent à ſa diſcretion & miſericorde : requerrans qu'il luy pleuſt enuoyer quelqu'un des ſiens avecques eux, ſoubs l'authorité & aſſurance duquel eux & leurs compagnons peuſſent en ſeureté aller vers luy. Lon diſoit qu'ils pouuoient eſtre enuiron quinze cens. Il enuoya vers eux avec leurs deleguez Andronique fils d'Agerre, & Artabaze : puis il ſe meit en chemin pour aller contre les Mardiens, aiant avec luy le regiment des Argyraſpides, les gens de treçt, les Agrians, les regiments de caualerie qui eſtoient ſoubs la charge de Cene & d'Amyntas, la moitié de la gendarmerie des amis, & les archers à cheual. Car deſia auoit il inſtitué ces nouvelles compagnies, comme auſſi les compagnies de gens de cheual, qui portoient des iauelines. Quand il eut paſſé vne grâde partie du pays des Mardiens, il en trouua qui fuyoiēt, dont il en meit en pieces grand nôbre : autāt en feit-il d'autres qui feirent teſte. Il y en eut auſſi pluſieurs faiçts priſonniers. Iamais homme n'auoit entré par force d'armes dans ceſte contree : parce que ces lieux là ſont de difficile acces, & ceux

Alexandre
fait bon re-
cueil aux
Princes &
Capitaines
qui auoient
eſté fideles à
Daire.

Conqueste
du pays des
Mardiens.

Les Grecs
qui auoient
esté au serui-
ce de Daire
se rendent à
Alexandre.

Zadracarta
grande ville
en Hyrcanie.

du pays sont fort pauvres, & pour ceste raison ils se tenoient tous asseurez. Qui fut cause aussi qu'ils ne festonnerent en rien, quand on leur dict qu'Alexandre les deuoit aller assaillir: ioinct qu'ils auoient eu aduertissement qu'il estoitjà passé outre. Au moien dequoy se tindrent moins sur leur garde, & partant fut aisé de les desfaire. Beaucoup d'entre eux auoient gagné les montaignes (qui sont fort haultes & droictes) comme si Alexandre n'eust sceu aller iusques à eux. Mais quand ils apperceurent qu'Alexandre y alloit, ils enuoyerent versluy aucuns d'entre eux, pour mettre & eux & tout ce qu'ils auoient en son obeissance. Les ayant ouiz il les renuoya, & laissa Autophradates pour Satrape de ceste nation, cōme il auoit fait de celle des Tapuriens. Cela fait, il s'en retourna au lieu où estoit son camp: auquel il trouua les Grecs qui auoient esté au seruice de Daire, qui estoient arriuez. Il y trouua aussi des Ambassadeurs des Lacedemoniens, qui estoient partis de leur pays pour aller vers Daire. Ceux cy estoient Callistratidas, Pausippe, Monime, Anomante: & Dropides des Atheniens, lesquels il feit arrester prisonniers. Il donna congé aux Ambassadeurs des Sinopiens de s'en retourner: parce que les Sinopiens, veu qu'ils n'estoient pas sous la domination des Grecs, ains sous l'empire de Daire, sembloient n'auoir en rien offensé d'auoir enuoyé vers leur Prince. Il laissa aller les Grecs, qui auoient tenu le parti des Perses en la guerre, & receu paye d'eux dès au parauant le traité de paix & alliance faite entre eux & les Macedoniens: & pareillement Heraclides Ambassadeur des Carthaginois. Quant aux autres Grecs il leur commanda de demeurer à son seruice, avec pareils appoinctemens & paye qu'ils auoient eu sous Daire: & leur donna pour Capitaine Andronique qui les auoit amenez, lequel fut iugé n'auoir en rien offensé en ce qu'il auoit cherché les moyens de leur sauuer la vie. Apres auoir donné ordre à ces affaires, il partit avec son armee pour aller à Zadracarta ville des Hyrcaniens fort grande, en laquelle y auoit vn palais Royal: & y seiourna enuiron quinze iours: pendant

pendant lesquels il feit sacrifice aux dieux : & feit iouer des ieux de pris à la course : puis il se meit en chemin pour aller au pays des Parthes. Et de là il alla gagner les montaignes d'Arie & Susie ville des Ariens. Auquel lieu Satibarzanes Satrape des Ariens le vint trouuer, & se rendit à sa mercy. Lequel aiant esté non seulement receu, mais aussi continué & cōfirmé gouuerneur de son pays, fut renuoyé en seureté avec Anaxippe qui estoit du regimēt des amis, à qui furent donnez quarâte archers à cheual pour la garde du pays : à fin d'empescher que les soldats qui passoïēt par ce pays là feissent quelque outrage aux Ariens. En ces entrefaictes vindrent vers luy des Perses, qui luy feirent recit, que Bessé portoit publicquement la robe Persique royale, & la Tiare droicte, qui est vn accoustrement de Roy, & qu'il se faisoit appeller non plus Bessé, mais Artaxerxes & Roy de l'Asie. Qu'il auoit r'allié grand nombre de Perses, qui s'en estoient fuis à Baëtres, & des Baëtrians mesmes : & que outre cela il attendoit du secours de la part des Scythes, desquels il festoit allié. Suiuant lequel aduertissement, Alexandre, apres auoir r'assemblé toutes ses forces, se meit en chemin pour aller à Baëtres, où l'alla trouuer Philippe fils de Menelas, qui venoit de la Medie avec la caualerie estrāgere qui estoit à son seruice, dont ledict Philippe estoit colonnel : & les Thessaliens qui estoient volontairement demeurez au camp : & oultre ceux là les auanturiers estrangers, desquels estoit chef Andromach. Quant à Nicanor fils de Parmenion, qui estoit Colonnel des Argyraspides, il estoit decedé par maladie. Comme Alexādre estoit en chemin pour tirer à Baëtres, il fut aduertty que Satibarzanes Satrape des Ariens duquel nous auons n'a gueres parlé, ayāt mis en pieces Anaxippe & les archers à cheual qu'il auoit mené avec luy, auoit faict assembler les estats d'Arie à la ville d'Artacoane, qui est la capitale du pays, & en laquelle estoit le palais Royal : où il auoit conclud & arresté, quand il eut ouy dire qu'Alexandre estoit passé outre, de se retirer vers Bessé, & ioindre ses forces avec celles d'iceluy. Quoy enten-

Satibarzanes
se rend à
Alexandre.

Bessé prend
estat de Roy,
& se faict ap-
peller Roy
d'Asie.

Nicanor de-
cedé par ma-
ladie.

du par Alexandre, il laissa le chemin de Bactres, & tourna court, menant avec luy la gendarmerie des amis, & de ceux qui portoient des iavelines, les gens de treſt & les Agrians: ensemble les regiments d'Amyntas & de Cene: laissant là les compagnies estrangeres sous la conduite de Cratere: & tira droit vers Satibarzanes & les Ariens. Et apres auoir cheminé environ trente six lieues en deux iours, il arriua à Artacoane. Mais quand Satibarzanes ſçeut qu'Alexandre venoit, & estoit desia bien pres, il fut grandemēt estonné de le voir si soudainement arriué: & craignant n'estre pas assez fort, il s'enfuit avec quelque peu de caualerie: car beaucoup de ses gēs entendant qu'Alexandre n'estoit pas loin l'abandonnerent. Alexandre le poursuiuit par le mesme chemin, & autant qu'il rencontra de ceux qui estoient complices de ceste rebellion, & qui estoient hors de leur pays & de leurs maisons, il en tailla en pieces les vns, fit serfs & esclaués les autres. Et apres auoir estably gouuerneur du pais Arsaces Perse, il feit approcher les compagnies qu'il auoit laissees avec Cratere: puis partit pour aller contre les Zarangiens: & arriua au lieu où estoit le palais Royal de la contree. Barzaentes, qui pour lors commandoit sur les Zarangiens, & qui estoit l'un de ceux qui auoient mis à mort Daire comme il estoit en fuite, quand il sentit le vent qu'Alexandre approchoit, gaigna au pied, & se retira au pays des Indiens, qui habitent par dela la riuere d'Inde, où il fut arresté par les Indiens, & par eux enuoyé pieds & poings liez à Alexandre. Lequel pour la trahison & felonnie par luy commise alencontre de Daire le feit executer à mort. Comme il estoit campé en ce lieu là il eut aduertissement que Philotas fils de Parmenion auoit machiné de le faire mourir, & en cherchoit par chascun iour les moyens. Ptolomee & Aristobule escriuent, qu'il en auoit esté aduerty des lors qu'il estoit en Égypte: mais qu'il n'en auoit voulu rien croire, pour l'amitié ancienne & longue conuersation qu'ils auoient eu ensemble: & pour l'honneur qu'il portoit à Parmenion son pere. Ptolomee dict, que Philotas fut amené en pleine assemblée des

Pays des Zarangiens.

Barzaentes executé à mort.

Coniuration de Philotas cōtre la personne du Roy decouuerte.

des Macedoniens, alencontre duquel propofa Alexandre fon accusation deuant tous : & que Philotas allegant tout ce qu'il peut pour fe iuftifier, fut en fin conuaincu par indices preignans. Mefmement parce qu'il confeffa qu'il auoit bien entendu qu'on braffoit quelque trahifon cõtre la perfonne d'Alexandre : laquelle neantmoins il auoit teüe & celee, luy qui auoit entree en la chambre d'Alexandre, quand bon luy fembloit, & mefmes y alloit ordinaiemēt deux fois le iour. Et que Philotas ne fe pouuāt purger du crime dõt il eftoit accusé, fut fur le champ mis à mort par les Macedoniēs à coups de piques & iauelines, avec les autres cõplices. *Que* puis apres fut enuoyé par Alexandre vers Parmenion, qui eftoit abfent, Polydamas, qui eftoit du regiment des amis, avec lettres aux Capitaines & chefs de bandes de l'armee qui eftoit en la Medie, aufquels il les deliura. Ceux-là eftoient Cleander, Sitalces, & Menidas, fur lefquels Parmenion auoit cõmandement. *Que* par ceux-là Parmenion fut tué : foit ou pour autant que Philotas ayant conspiré la mort d'Alexandre, il n'eftoit pas vray-femblable que Parmenion, qui eftoit fon pere, ne fçeust bien quelque chofe de fon entreprife : ou bien que ia foit qu'il ne fust point participant du crime, il eftoit toutefois à craindre qu'il fe vouluft reffentir de la mort de fon fils. Veu mefmemēt qu'il eftoit en credit & autorité, non feulemēt enuers Alexandre, mais auffi enuers les foldats tant Macedoniens, que eſtrangers : aufquels il auoit fouuentefois commandé & ſeparément & à tous en general. On diſt auffi que au mefme temps y eut adiournemēt perſonnel cõtre Amyntas fils d'Andromene, & contre Polemon, Attale & Simmias freres d'Amyntas, pour ce qu'ils eftoient tenus pour complices & compagnons de la trahifon qu'on auoit voulu faire à Alexandre, à caufe de l'amitié qui eftoit entre eux & Philotas. Ce qui eſtoit d'autant plus aifé à perſuader, que Philemon l'vn des freres, quand Philotas fut arreſté priſonnier, ſ'eſtoit allé rendre au camp des ennemis. Mais qu'Amyntas eſtant demeuré avec les autres freres, & ayant luy mefmes en perſonne plaidé

Philotas ex-
ccuté à mort

Mort de Par-
menion.

Amyntas &
ſes freres te-
nus pour cõ-
plices de Phi-
lotas : mais
en fin ab-
ſouls.

la cause avec vne assurance grande, & sans qu'il monstrest iamais aucun signe d'auoir peur, il fut enuoyé absous par sentence de ses iuges: & que auant que la cōpagnie fust leuee, il feit requeste à ce qu'il luy fust permis d'aller chercher son frere, pour le faire retourner. Ce que luy estât oſtroyé par les Macedoniës, le mesmes iour il ramena Polemon son frere, dont l'innocence d'Amyntas apparut plus claiement. Que luy mesmes bien peu de temps apres, ainsi qu'il donnoit l'assault à vn certain bourg des ennemis, fut tué d'vn coup de fiesche. Et que partant la sentence par luy obtenue declaratiue de son innocence, ne luy seruit de rien, sinon qu'il mourut en reputation d'homme de bien. Ces choses ainsi passees, Alexandre ordonna chefs de la gendarmerie des amis, Ephestion fils d'Amyntas, & Clite fils de Dropides. Puis apres auoir diuisé en deux les troupes des alliez (car il ne vouloit pas que Philotas eust seul la cōduite de tāt de cornetes qui estoient biē des plus belles & plus guerrieres troupes de toute la caualerie) il alla descendre au pays de ceux, qu'on appelloit le temps passé Agriaspes, & depuis Euergetes, quasi, secourables: à cause que iadis ils donnerent confort & aide à Cyr fils de Cambyses, au voyage qu'il feit contre les Scythes. Il se gouerna enuers eux avec vne grande honnesteté, à raison de ce qu'ils estoient gens de bien & de iustice: & qu'ils gouernoient & eux & leur Republique avec aussi grande equité, qu'eussent peu faire les mieux auisez & instituez de tous les Grecs. Il voulut qu'ils demeuraissent francs & libres: & leur donna des terres & possessions de leurs voisins, tant qu'ils en voulurent demander: mais ils se contēterent à bien peu. Apres cela, & aussi qu'il eut sacrifié à Apollō, il feit arrester prisonnier Demetrie vn des gardes de son corps, lequel il soupçonnoit auoir esté des cōplices de l'entreprise de Philotas, & en son lieu subrogea Ptolomee fils de Lage. Cela fait, il partit pour aller à Baëtres apres Bessē. Et aiāt reduit à son obeissance les Drangiës & Dragogiës & les Arachotiës, il leur dōna Memnō pour gouuerneur. Puis apres il alla courir le pays des Indiës voisins des Arachotiens: lequel

Republique
des Agrias-
pes, ou Euer-
getes, bien
institutee.

Demetrie
prisonnier.

Ptolomee
faict garde
du corps
d'Alexandre.

Les Dran-
giens, Dra-
gogiens, &
Arachotiens
reduits sous
l'obeissance
d'Alexandre.

lequel il cōquit avec grāde peine & trauail, par ce que l'armee auoit faute de viures & autres choses necessaires, dōt la cōtree estoit tresmal garnie, pour estre presque sterile, au moien de ce qu'elle est quasi toute couuerte de neige la pluspart de l'annee. Et ayant eu nouuelles que les Ariens auoient repris les armes, & que Satibarzanes avec deux mil cheuaux faisoit souuēt des courses par le pays, bruslāt & gastant tout, il depescha incontīnēt pour y aller Artabaze Persan, & avec luy Erigye & Caran, qui estoit des amis, avec mādement s'adressant à Phrathernes Satrape des Parthes d'aller avec eux. Quand ils eurent attaincts les ennemis, il y eut de la meslee bien asprement: & ne tournerent iamais le dos les ennemis, iusques à ce que Satibarzanes eut receu vn coup de iaueline de Erigye au visage, dont il tomba & mourut sur le champ. Duquel inconuenient les ennemis bien estonnez se meirent à fuir à val de route. Pēdant ce temps Alexandre tira son chemin vers le mont de Caucase: où il edifia vne ville, qu'il appella de son nom Alexandrie. Apres auoir faict sacrifice à tous les dieux ausquels ordinairement il sacrifioit, & auoir estably gouuerneur du pays Proexes Persan, & laissē Niloxene fils de Satyre de la gēdarmerie des amis avec vne armee, pour auoir esgard au pays, à ce que rien ne branlast, il se meit à trauerser le mont. Le mont de Caucase (qui de fortune en la saison de l'annee qu'il estoit, estoit descouuert de ce costé là) n'est second en hauteur à autre mont qui soit en Asie, & est de bien fort longue estendue. Car on tient que mesmes le mont de Taure, qui faict la separation de la Cilicie & de la Pamphylic, faict partie du mont de Caucase: & encores beaucoup d'autres grandes montaignes, qui sont diuersement appelees selon la diuersité des nations qui y habitent. Aristobule aussi recite que en iceluy ne prouient rien qui soit que du Terminthe & du Silphium: neantmoins qu'il y a beaucoup de gens demeurans, & bien grāde quantité de bestial tant blanc que à cornes & autre. Que le bestial blanc aime si fort le Silphium, que d'aussi loin qu'il le peut fleurir & sentir, il y court tant qu'il

Satibarzanes desfaict & tué.

Alexandrie bastie par Alexandre au mōt de Caucase.

Du mont de Caucase.

peut, & en mange la fleur, & pareillement la racine qu'il arrache à grater & fouiller: & que à cause de cela les Cyreneans reculent leurs troupeaux de là le plus loing qu'il leur est possible: d'autres font des hayes au deuant, à ce que le bestial n'en puisse approcher: d'autât que ceste herbe est beaucoupe estimée au pays. Cependant Bessé avec les Perses cōplices du lasche tour dont ils auoient vsé enuers Daire, & enuiron sept mille Baétrians, & quelsques troupes de Daiens qui habitent par delà la riuere de Tanais, couroit & gastoit tout le plat pays d'aupres du Caucaïse: afin que à l'occasion du pays desert & abādonné qui seroit entre deux, & par faute de viures & autres munitiōs necessaires, Alexandre fust cōtrainct de demeurer, luy estant retransché le moyen d'entrer plus auant en pays. Toutefois cela ne peut retenir Alexandre qu'il ne poursuiuist son voyage: combien que le chemin fust fort fascheux à cause des neiges dont la terre estoit toute couuerte. Quand Bessé sçeut qu'Alexandre n'estoit pas loin de là, il passa la riuere d'Oxe, puis mit le feu aux bateaux dans lesquels il auoit fait passer son armee: & de là il se retira à Nautaca ville de la Sogdiāne. Il estoit accōpaigné de Spitamenes & Oxyarte avec vne caualerie de Sogdiās & Daiens venus de vers la riuere de Tanais. Mais les caualiers Baétrians voyans bien que toute l'esperance qu'auoit Bessé estoit de se sauuer à la fuitte, se desroberent l'vn deçà l'autre delà, & s'en retournerent en leurs maisons. Alexandre estant arriué à Drapfaca y seiourna quelque peu de temps pour faire rafraichir son armee: puis tira avec ses forces vers Aornes & Baêtres, qui sont deux des plus grandes villes des Baétrians: desquelles faisans approcher ses gens les prit du premier assault. Puis aiant estably Capitaine du chasteau d'Aornes Archelas fils d'Androetes de la gendarmerie des amis, avec vne forte garnison, il alla courir le pays des Baétrians, lequel il soubmit tout à son obeissance, & y raisa pour son Lieutenant general Artabaze Persan. Cela fait il prit son chemin vers la riuere d'Oxe. Laquelle prend sa source au mont de Caucaïse, & estime lon que c'est la plus grosse de

Alexandre
poursuit
Bessé.

Nautaca vil-
le de la Sog-
diāne.

Pays des Ba-
étrians con-
quis par Ale-
xandre.

De la riuere
d'Oxe.

de toutes les riuieres & fleuues de l'Asie, au moins de ceux que passa Alexandre avec ses forces : fors toutefois les fleuues des Indiens. Elle va tomber à la mer au pays des Hyrcaniens. Voulant Alexandre trauffer à gué ceste riuere, il ne trouua aucun moien de ce faire, d'autant qu'elle a de largeur pres de demie lieuë : & si la largeur n'est pas encores correspondante à la profondeur, parce qu'elle est plus profonde. Elle est aussi fort roide, & est au fond tout sablon mouuant : tellement qu'on n'y sçauoit rien maçonner ou autrement bastir qui peust tenir ferme. D'auantage le pays de costé & d'autre est tout nud & descouuert : & n'est possible d'y recouurer des matieres pour dresser vn pont. Avec toutes ces choses, il sembloit qu'on perdrait beaucoup de temps, si falloit amener des matieres de loin pour ce faire. Parquoy il commanda qu'on arrachast les peaux de cuir qui estoient aux tentes, & qu'on les emplist de ramilles fort seiches : puis les fait coudre bien ferré, à fin que l'eau n'y peust entrer : & la-dessus passerent la riuere luy & toute son armee en cinq iours. Auant que passer il considera que beaucoup de ses gendarmes & soldats estoient desormais bien caduques, tant à cause de leur vieillesse, que pour ceste longue guerre : & non seulement les Macedoniens, mais aussi les Thessaliens, qui estoient demeurez de leur volonté à son seruice. Partant il réuoya tous ceux de ceste qualité en leurs maisons. Il depescha pour aller au pays d'Arie Stasanor, qui estoit des amis, pour arrester prisonnier Arfaces Satrape des Ariens, pourautât qu'il faisoit des menées secretes qui sembloient tendre à quelque mutation : & le subrogea au lieu d'Arfaces. La riuere passée il tira la part, où il entendit que Bessé estoit avec ses troupes. Mais côme il estoit en chemin, vindrent se presenter à luy quelques vns, là enuoiez par Spitamenes & Dataphernes : lesquels luy faisoient offre, que si luy plaisoit enuoyer quelque capitaine des siens avec quelques legeres forces, ils luy liureroient Bessé entre ses mains : qui toutefois n'estoit encores prisonnier : mais qu'ils l'auoient en leur pouuoir. Suiuant lesquelles nouvelles

Alexandre
fait passer
l'Oxe à son
armee sur
des flottés
de cuir.

Alexandre
licencie les
vieux soldats
de se retirer.

Ptolomee de
pesché pour
aller prendre
Besse.

il enuoya deuant Ptolomee fils de Lage, avec trois cōpagnies de la gendarmerie des alliez, & toute la caualerie de ceux qui portoient des iauelines, le regiment d'infanterie de Philotas, mil Argyraspides, tous les Agriās & moitié des gens de trest, avec commandement de se rendre en diligence vers Spitamenes & Dataphernes. Luy conduisoit l'armee à plus petit pas que deuant. Ptolomee aiant fait en quatre iours autant de chemin que vaudroient dix traittes ordinaires d'un camp, arriua au lieu, auquel les troupes de Spitamenes auoient logé le iour precedât. Là il eut plus certaines nouuelles de ce qu'on auoit rapporté del'entreprise de Spitamenes & Dataphernes à l'endroiēt de Besse, & que ce n'estoit pas chose bien assuree. Au moyen dequoy laissant ses gens de pied derriere pour venir apres luy, il marcha deuant avec sa gendarmerie, & arriua à vn bourg, où il sceut que Besse estoit logé, avec bien peu de gens de guerre. Car ceux qui estoient avec Spitamenes estoient desia retirez, ne se voulans pas trouuer à la prise de Besse. Ptolomee ayant fait enuironner le bourg avec sa gendarmerie (ce bourg estoit fermé de portes & de murailles) feit sommer les habitans de dedans à l'endroiēt des portes, & denoncer qu'on ne leur feroit aucun dommage s'ils vouloient luy liurer Besse. Lequel propos entendu, tout quand & quand les portes furent ouuertes à Ptolomee, qui entra : & là Besse fut pris. Ptolomee rebroussant chemin enuoya deuant vers Alexandre, pour sçauoir de luy comment & en quel estat il luy plaisoit, qu'on luy menast Besse. A quoy Alexandre respondit, qu'il vouloit qu'on le luy amenast la corde au col & en chemise: & qu'on le tint à costé droiēt du chemin, par lequel il deuoit passer avec son armee. Ptolomee fait ainsi qu'il luy estoit mandé. Quand Alexandre fut à l'endroiēt de Besse, il luy demanda, Pourquoi il auoit arresté prisonnier, puis fait mourir Daire son Prince & Seigneur naturel, & son parent, & duquel il auoit receu tant de faueurs. A quoy Besse respondit, que ce qu'il en auoit fait, ne venoit point de son seul aduis, ains de tous ceux qui pour lors estoient avec Daire, qui auoient

Besse pris
par Ptolomee &
presenté à
Alexandre.

auoient esperance que en le liurant és mains de luy qui estoit victorieux, ils pourroient asseurer leurs vies. Alexandre commanda que sur le champ il fust fouetté de verges : & fait prononcer à haute voix par vn trompette toutes les parolles qu'il luy auoit dictes touchât la trahison qu'il auoit commise enuers son Prince. Puis apres auoir esté fustigé, il ordonna qu'on le menast à Bactres, pour y estre executé à mort. Voila ce que recite Ptolomee touchant Bessé. Mais Aristobule escrit que Bessé fut amené à Ptolomee par ceux qui estoient avec Spitamenes & Dataphernes, & qu'il fut liuré nud, la corde au col, à Alexandre. Apres cela, & qu'Alexandre eut fait remonter, des cheuaux qu'il trouua là, plusieurs de sa gendarmerie (car beaucoup de cheuaux estoient demeurez les vns las & recreuz, les autres morts par les chemins, tant à passer le Caucaze, que sur le chemin pour aller à la riuere d'Oxe) tira vers Maracandes, en laquelle ville est le chasteau & palais Royal de toute la Sogdianne. De là il alla descêdre à la riuere de Tanais. Ceste riuere (que Aristobule dict estre appelee par les Barbares du pays par vn autre nom, qui est Orxâtes) prend sa source du mont de Caucaze, & va rôber à la mer Hyrcanienne. Il y a vn autre Tanais, que Herodote dict estre le huitième fleuve de la Scythie, & prendre son origine d'un grand lac, & tomber aux Marests Meotides. Et y en a qui dient que ce Tanais borne l'Asie contre l'Europe. Car au pont Euxin les marests Meotides, & le Tanais qui rôbe dedans iceux, font la separation de l'Asie & de l'Europe : tout ainsi que le bras de mer qui passe entre les Gadiens & les Numidiens, separe là l'Afrique d'avec l'Europe : ne plus ne moins que la mesme Africque est diuisee de l'Asie par la riuere du Nil. En celieu aduint que quelques Macedoniens qui estoient allez à la picoree de costé & d'autre, furêt mis en pieces par les Barbares du pays gens ramassez : lesquels apres ce carnage fait se retirerent à des montaignes aspres & droictes de toutes parts. Ils pouuoient estre iusques au nombre de trente mil : contre lesquels Alexandre se delibera d'aller, ayant avec

Bessé fustigé,
puis enuoyé
au gibet.

Maracandes
ville de la
Sogdianne.

Tanais riuere descende
du Caucaze.

Autre Tanais en Scythie.

Marests Meotides.
Separatiō de l'Asie & de l'Europe : & de l'Europe & de l'Afrique : & encores de l'Afrique & de l'Asie.

Alexandre
bleffé.

Trente mil
Barbares de-
faits.

luy les plus forts & disposés de toute son armée : mais cōme ils sefforçoient de grimper par vn costau il y en eut beaucoup de bleffez, pour estre le lieu facheux & malailé pour eux : & repouffoient les Barbares courageusement les Macedoniens. Mesmes Alexandre, ainsi qu'il se fourroit la teste baissée parmy les ennemis, fut bleffé d'un coup de treçt, qui luy perça la cuisse. Toutefois il feit tant qu'il feit quitter la place aux ennemis : les vns desquels furent taillez en pieces par les Macedoniens, les autres se iertans du haut des rochers en bas, se tuerent eux mesmes. De sorte que de si grande multitude de gens qu'ils estoient, à peine en peut-il eschapper huiët mil hommes.

FIN DV TROISIEME LIVRE.





QUATRIEME LIVRE

DES FAICTS ET CON-

QUESTES D'ALEXANDRE

le GRAND, Roy des

Macedoniens.



Ev de temps apres vindrent vers Alexandre des Ambassadeurs de la part des Scythes, qu'on appelle Abiens, lesquels Homere louë grandement cōme iustes & gens de bien. Ils habitent en Asie, & vivent en toute franchise & liberté: au moyen, peut estre, de leur pauureté conioincte avec l'equité & droicture dont ils vsent enuers vn chacun. Au mesme lieu arriua l'Ambassade des Scythes habitans en Europe. Car il y a vne grande contree en Europe habitee par les Scythes: Ayant Alexandre depesché & licencié ces Ambassadeurs, il enuoya avecques eux quelsques vns des siens sous couleur de traicter de confederation & alliance avec les Scythes, mais c'estoit à la verité pour remarquer la situation des lieux, le nombre de combattans qu'on y pourroit leuer, leurs manieres de faire, & de quelle sorte d'armes ils vsoiēt. Il auoit en fâtasie de cōstruire vne ville qui portast son nom sur la riuere de Tanais: par ce qu'il trouua vne assiette fort propre pour y edifier vne grande cité: & outre cela bien cōmode pour luy, quand il voudroit faire la guerre aux Scythes de delà la riuere. Et conceuoit en-

Abiens Scythes louez par Homere cōme iustes.

Scythes habitans en Europe.

f iij

Alexandrie
bastie sur le
Tanais.

Reuolte des
Barbares.

Gaze.

Cyropoli.

son esprit le renom & grandeur de la ville qui y seroit bastie, tant à cause du nom du fondateur d'icelle, que pour la multitude & affluence des habitans, qui y aborderoient de toutes parts. Pendant qu'il seiournoit à faire iecter les fondemens de ceste cité, les Barbares voisins de la riuere taillent en pieces ceux qui auoient esté enuoyez en garnison dans leurs villes, & fortifient leurs villes en la plus grande diligence qu'il leur est possible. La rebellion desquels estant diuulguée, la pluspart des Sogdians prattiquez par ceux qui auparauant auoient arresté Bessé, se ioignirent aueques eux & attirerent à leur ligue facilement quelques vns des Bactrians, soit ou pour la crainte qu'ils auoient d'Alexandre, ou pour le bruiet qui couroit que Alexandre à l'occasion de ceste reuolte auoit deliberé de tenir conseil & assemblée generale à Zariaspa ville puissante des Sogdians, où il seroit appeller les principaux & plus grands seigneurs du pays: & que cela n'apporterait rien de bon aux Sogdians. Quand Alexandre eut entendu ces nouuelles il commanda aux soldats de faire prouision d'eschelles: puis partit pour aller à la ville de Gaze premierement, laquelle estoit la premiere qu'il rencontreroit en son chemin. Et disoit on que les Barbares s'estoient emparez de sept villes, dans lesquelles ils s'estoient retirez. Il enuoya Cratere à Cyropoli qui est la ville de plus grande estendue de toute ceste contrée, où s'estoient retirees plusieurs compagnies des Barbares: avec charge que apres qu'il auroit fait cāper son armee bien pres, & assis les pieces de batterie aux lieux où il verroit estre necessaire, il tirast vne trenchée renforcee d'un rampart alentour de la ville: à fin que ceux de dedans estans ainsi enfermez n'eussent le moyen de secourir les autres. Luy, si tost qu'il fut arriué à Gaze, pour estonner d'auantage ceux de la ville, commanda que sans s'arrester on allast droit tout d'une traite donner l'assault à la ville: & fait dresser des eschelles en plusieurs & diuers endroiets de la muraille. Les soldats qui vsoient de fondes, les gens de treict, & autres portans dards se meslans parmy les autres fantassins, commencerent à assaillir ceux qui estoient

estoyent à la defense de la muraille & à tirer sur eux viuement. On commença pareillement à tirer force dards & autres treçts, avec engins de guerre. De sorte qu'en peu de temps la muraille fut denuee de defense, & partant fut aisé de dresser les eschelles. Au moyen dequoy les Macedoniens sans aucune resistance monterent sur les murailles: ce qui leur fut facile à faire, n'estant la muraille bastie que de terre & gazons, & encores fort basse. La muraille gaignee les Macedoniens entrent de furie dans la ville, & par le commandement d'Alexandre font passer tous les hommes par le trenchant de l'espee: les femmes enfans & biens des Gaziens abandonnez au pillage. Cela fait, il tourna court avec son armee à vne autre ville, approchant en richesses de Gaze, & bastie de la mesme façon, laquelle il prit le iour mesmes: & apres auoir fait tuer tous les hommes, il abandonna le pillage aux soldats. Puis il alla à la troisieme, laquelle il prit le lendemain, du premier assault. Pendant qu'il barroit ces villes là avec son Infanterie, il enuoya sa gendarmerie aux deux autres villes prochaines, pour empescher que ceux de dedans peussent sçauoir les nouvelles de la prise des autres voisines, par ceux qui en eschapperoient, à raison dequoy ils se meissent en fuitte: & que partant il n'eust la peine de courir apres eux pour les poursuiure: ce qui fut fait bien à poinct. Par ce que ceux de ces deux villes aduertis tant par le moyen de la fumee de la ville plus prochaine d'eux qui brusloit, que par ceux qui s'enfuyoient, de ce qui estoit adueni, ils gaignerent les champs: & ainsi qu'ils fuyoient par bandes, vont tomber dans la caualerie, où ils furent la pluspart taillez en pieces. Ces cinq villes prises & saccagees il feit marcher son camp à Cyropoli, ville plus riche que n'est vne des autres, & fortifiee d'une muraille beaucoup plus haute: comme celle qui auoit esté cõstruite par Cyr, & où auoit esté son palais & seiour plus ordinaire. Dans laquelle estoit entree la pluspart des Barbares des plus vaillans & mieux aguerris de toute la contree. Et pour autant qu'elle sembloit telle, que les Macedoniens ne

Gaze prise.

Cyropoli bastie par Cyr premier.

l'eussent sceu prendre par force d'armes du premier assault, Alexandre fauifa de la faire battre d'un costé avec ses engins de batterie, & de tascher à la surprendre d'un autre par vne entree secrette, & dont les ennemis ne se doutoient point, ayant avec luy les gardes du corps, les gens de trect & les Agrians. Pendant que les assiegez estoient empeschez à combattre du costé de la batterie, & à se defendre alencontre des assaillans, il entra premierement avec peu de compagnie secretemēt par vn endroiēt qui se rend à vn canal d'un ruisseau qui passe ioignant la ville, lequel pour lors estoit sec & principalement contre la ville : puis abbatant vne porte qui estoit là aupres, il donna entree aux autres soldats. Quand les Barbares entendirent le bruiēt & les hucses de leurs ennemis entrez, ils tournerent visaię vers eux, & y eut vn aspre & rude conflict. Auquel Alexandre fut blessē d'une pierre par la teste, & sur le col : Cratere d'un coup de fiesche, & encores d'autres chefs de bandes. Ce nonobstant les Barbares furent contrainēts par les Macedoniens d'abandonner la place où l'on combattoit. Ce temps pendant ceux qui donnoient l'assault à la ville par l'autre costé, voyans que ceux qui festoient presentez pour defendre la muraille festoient retirez, monterent viftement. A ce premier conflict qui fut fait à la ville, y mourut enuiron huit mil hommes de ceux de dedās par les mains des Macedoniens : les autres, qui estoient encores iusques à dixhuiēt mil hommes, se retirerent au chasteau : lequel fut aussi tost assiegē. Mais d'autant que par faute d'eau ils n'eussent peu endurer longuement le siege, ils se rendirent des le lendemain. Puis il alla contre la septième ville, laquelle ne peut soustenir le premier assault. Ptolomee escrit que la ville fut rendue par ceux de dedans sans coup donner. Aristobule au contraire : que ceste place aussi bien que les autres fut prise par force d'armes, faisans les assiegez tout ce qu'ils peurent pour la defendre : & que les hommes qui y furent trouuez furent tous pris, & passez par le fil de l'espee : lesquels Ptolomee diēt auoir esté departis par les compagnies par ordonnance d'Alexandre,

Alexandre
blessē.

Prise de Cy-
sopoli.

xandre pour y estre seurement gardez, iusques à ce que luy & toute son armee fussent sortis de ceste contree : à fin qu'il ne demeurast au pays personne de ceux qui festoient reuoltez. Pendant le temps que ces choses se faisoient l'armee des Scythes qui estoit en Asie, apres auoir entendu que quelsques vns des Barbares qui habitent outre la riuere, festoient reuoltez contre Alexandre, s'approcha pres du riuage de Tanais, en intention que si les choses se changeoient en ces lieux-là, de faire quelque entreprise contre les Macedoniens. Au mesmes temps vindrent nouuelles que Spitamenes avec ses troupes tenoit assiegez ceux qui auoient esté laissez en garnison à Maracandes. Parquoy quand & quand Alexandre enuoya pour combattre Spitamenes, Andromach, Menedeme & Caran, & avecques eux soixante hommes de la gendarmerie des amis, & huit cens caualiers estrangers de sa souldie sous la cōduicte de Caran : quinze cens hommes de la fanterie estrangere. Et enuoya avec eux Pharnuches pour trucheman, lequel estoit Lycien de nation, mais qui entendoit & parloit fort bien la langue de ce pays-là, & qui sembloit homme pour faire quelque bon exploict en ceste affaire. Quant à la ville qu'Alexandre auoit commencé à faire construire, l'enceinte des murailles fut faicte & parfaicte en vingt iours : & y feit habituer quelsques Grecs qui auoient esté à son seruice, & des Barbares des enuiron, qui furent bien contens de laisser leurs maisons pour aller demeurer dans ceste ville : pareillement les Macedoniens, qui à cause de leur vieillesse ne pouuoient plus porter le travail des armes. Apres auoir sacrifié aux dieux, comme il auoit de coustume, & ordonné des lieux de pris à la course à pied & à cheual, voyant que les Scythes ne se retiroient point de la riuie du fleue : ains tiroient de l'autre costé de la riuere (qui n'estoit pas fort large en cest endroict) sur les gēs : & le brauoient iertans des brocarts contre luy & contre ceux de son camp : Qu'il n'eust osé aller assaillir les Scythes, par ce qu'il cognoistroit en peu de temps quelle difference y auoit entre les Scythes & les Barbares d'Asie : il monta en cholere

L'armee des
Scythes s'ap-
proche du
Tanaïs.

Les Scythes
se moquent
d'Alexandre.

pour ces parolles. Et de fait se delibera de passer la riuere: parquoy commanda à ceux de son camp de faire prouision de peaux de cuir à faire flottes & radeaux pour faire passer l'armee. Apres auoir fait sacrifice pour auoir leur passage, il veit que les dieux ne luy promettoient rien de bon, & que les entrailles des bestes immolees luy presagioient qu'il auroit quelque aduersité à ce voyage. Qui fut cause, que combien qu'il fust bien fort animé pour ces brauades, il s'abstint pour ceste fois de donner bataille. Mais quand il veit que les Scythes continuoient à se mocquer de luy & des siens, les appellans lasches & couards: ja soit que à vn autre sacrifice qu'il auoit fait Aristander luy eust dict, que de rechef il luy estoit presagié quelque malheur: il estoit toutefois si emeu & en si grande cholere, qu'il se prit à dire: Il vault mieux se hazarder au peril, que apres auoir conquis tantost toutel'Asie, endurer d'estre mesprizez & brauez des Scythes: ainsi qu'il aduint iadis à Daire pere de Xerxes. A ceste cause Aristander commença à regarder le Roy, & luy dict: Le sçay bien, Sire, que ce que ie vous dy ne vous est pas beaucoup agreable: toutefois ce sont choses par lesquelles les dieux semblent vous aduertir de ce qui vous doit aduenir. Ce nonobstant Alexandre, estans les flottes de cuir toutes prestes pour passer, comme son armee estoit sur le bord pour entrer, feit lascher quelques volles d'engins de guerre sur les Scythes, qui faisoient bondir & pener leurs cheuaux sur l'autre bord, dont y en eut plusieurs blesez: mesmement vn, duquel l'Esku & corps de cuirasse furent faulsez d'vn coup, & luy porté par terre. Qui estonna les Scythes de veoir tirer sur eux de si loing: & aussi qu'ils virent cestuy la mort, qui estoit tenu pour vaillant homme de sa personne: de sorte qu'ils abandonnerent le riuage. Les voyant Alexandre estonnez des dards & autres trects qui leur auoient esté tirez, il se mit sur l'eau, & fut fuiuy de son armee avec vn bruiet & retentissement de trompettes & clairons: faisant aller deuant ceux qui portöient des fondes & les gens de trect, pour faire tousiours reculer les ennemis de la riuere: à ce qu'ils ne vin-

scent

Aristander
predict à A-
lexandre qu'il
tombera en
danger de sa
personne.

sent charger la Phalange au sortir, auant que le surplus de l'armée fust passé. Quand ils furent tous passez, il enuoya premierement vne cornette de la caualerie qui estoit à sa soulede, & quatre compagnies de gens de treict à cheual, attaquer les Scythes, lesquels les soustindrent, & pour estre en plus grand nombre les enuironnoient & chargeoient de grande furie : puis ainsi bien montez qu'ils estoient, & peu armez, faisoient aisément retraicte. Quoy voyant Alexandre, il y enuoya du renfort les gens de treict, les Agrians & les autres legerement armez, dōt Balacre estoit chef. Et pendant que ceux là estoient au conflict il enuoya trois cornettes de gens d'armes des amis, & toute la caualerie de ceux qui portoient des iauelines donner dedans. Luy par vn autre costé avec ce qui restoit de caualerie sen va à la charge. Quoy faisant il osta le moyen aux Scythes d'approcher & refuir ainsi à leur mode. Par ce qu'ils auoient tousiours la caualerie à leurs talons : puis les soldats armez à la legere, qui marchoient pelle mesle avec les caualiers, les empeschoient bien d'vser de leurs ruses. Adoncles Scythes tournerent le dos, & s'enfuirent à mal de routte, en estant demeuré mil morts sur la place, du nombre desquels estoit vn de leurs chefs, nommé Sarraces : & enuiron cent cinquante faicts prisonniers. Il y auoit en ceste contree vne eau fort pestilencieuse, de laquelle Alexandre, aiant desia longuement poursuiuy les Scythes, beut, estant tout couuert de pouldre & de sueur procedant du trauail qu'il auoit pris : & incontinent apres vn violent flux de ventre le saisit qui fut cause de faire cesser la poursuite, que les Macedoniens faisoient des ennemis. Et si cela ne fust aduenu, ils eussent esté tous tuez ou pris, cōme i'estime. Alexandre estant tombé en danger de sa vie fut reporté au camp dont il estoit party. Et par là fut à l'effect trouué veritable ce qu'auoit predit Aristander, que le Roy tomberoit au peril de la vie. Peu apres vindrent vers Alexandre des Ambassadeurs de la part du Roy des Scythes, s'excusant de ce qui auoit esté fait : & que ce n'auoit point esté du commun consentement des Scy-

Bataille donnée par Alexandre aux Scythes.

Les Scythes desfaicts.

Eau pestilencieuse de laquelle Alexandre aiant beu tombe en maladie.

Ambassadeurs du roy des Scythes vers Alexandre.

thes qu'on l'auoit assailli. Que ceux qui festoient attachez à luy & aux siens l'auoient fait soubz esperance de gaigner quelque butin. Que le Roy estoit prest de faire tout ce qu'il plairoit à Alexandre. Ausquels Alexandre feit vne response fort doulce & gracieuse: & telle que requeroit l'estat où il estoit reduit. Par ce qu'il voyoit que ce ne luy seroit pas honneur, sil monstroit qu'il fust autrement que bien affectionné enuers luy, & toutefois qu'il ne sortist point en campagne pour aller combattre luy & les Scythes: ce qu'il cognoissoit bien pour lors ne pouuoir faire, obstant l'indisposition de sa personne. Quant aux Macedoniens qui estoient assiegez au chasteau de Maracandes, ainsi que Spitamenes avec les forces qu'il auoit, donnoit l'assault à la place, ils firent vne saillie sur les ennemis: dont ils tuerent quelques vns, & repousserent les autres: puis se retirerent sans perte d'hommes dans la forteresse. Mais quand Spitamenes ouit dire que les Macedoniens qu'auoit enuoyé Alexandre à Maracandes, pour secourir ceux qui y estoient assiegez, approchoient, il leua le siege: & prit son chemin vers vne autre forteresse & palais Royal des Sogdians. Lequel marchant en la plus grande diligence qu'il pouuoit, fut suiuy par Pharnuches & les autres qui estoient avec luy, qui esperoient le rattraindre & combattre à la sortie de la Sogdianne. Mais comme ils poursuiuoient leur poincte, ils se treuuent sans y penser au pays des Scythes Nomades. Dequoy aduertit Spitamenes, prit avec luy iusques au nombre de six cens cheuaux Scythes: bien deliberé d'attendre les Macedoniens avec le secours qu'il auoit. De fait il se mit en bataille en vne plaine deserte, n'ayant intention de venir charger l'ennemy ny de l'attendre: ains seulement venoit costoyer la Phalange des Macedoniens avec sa caualerie, & en passant escarmouchoit à coup de treç. Et quand les Macedoniens pensoient l'attaquer, il gaignoit le hault. Car il auoit des cheuaux fort legers à la course, & tous fraiz: où au contraire ceux d'Andromach estoient trauaillez & recreuz, à cause du long chemin qu'ils auoient fait sans reposer, & par faute de repaistre.

Spitamenes
léue le siege
de deuant
Maracādes.

stre. Et partât fust ou qu'ils feissent teste ou qu'ils se retirassent, ils estoient tousiours offensez par les Scythes. Au moyen dequoy les Macedoniens ayans beaucoup de leurs gens blesez, aucuns tuez, se rengerent en vn esquadron, & marchans en ceste maniere taschoient à gaigner peu à peu vne riuere qui n'estoit pas loin de là, qu'on appelle Polytimete: en intentiõ de se retirer dans vne forest assez pres de la riuere: à fin d'oster par ce moien le pouuoir aux Barbares de les offenser si facilement, & à fin de se pouuoir aider de leur infanterie. Caran le premier avec sa caualerie, sans attendre Andromach, se meit à passer la riuere, esperant mettre sa caualerie en lieu de plus grande seureté. Et comme il passoit, les gens de pied allerent apres sans charge ou commandement ny conduicte de personne, mais comme gens surpris de frayeur: & pesse mesle & sans aucun ordre entrerēt dans la riuere par des endroiets fort hauts & droiets. Les Barbares voyants la faute commise par les Macedoniens font passer vne partie de leurs troupes la riuere en diuers lieux: qui se meirent à charger ceux qui estoient passez, puis se retiroient arriere des coups: d'autres se mettoient au deuant de ceux qui passoient encores, & les tuoient en l'eau. D'autres tiroient de loing en flanc coups de fiesches: vne partie estoit à dos de ceux qui entroient encores en la riuere. Desquels dangers se voyans les Macedoniens enuironnez, n'eurent autre recours que de se retirer à vne Isle assez petite situee dans ceste riuere. Où encores ils furent assailliz de tous costez par les ennemis avec leur caualerie, & tous tuez à coups de treēt fors bien peu qui furēt pris par eux, puis taillez en pieces. Aristobule escrit, que la pluspart de ces Grecs furent defaictz par le moyen d'une embuscade qui leur fut dressee par les Scythes: lesquels festans cachez dans quelsques iardins pres du chemin, sortirent au despourueu sur eux. Que les Macedoniens qui estoient avec Pharnuches vouloient qu'il cedast la charge & conduicte des troupes à vn autre, comme n'entendant pas bien le faict de la guerre: & qu'il auoit esté là enuoyé plustost pour ce qu'il entendoit la

Desfaicte de
Macedoniēs
par Spitame-
nes.

langue du pays, à fin de gaigner & entretenir ceux de la contrée, que pour estre leur Capitaine en chef. Que quant à eux ils estoient & Macedoniens & des amis & seruiteurs du Roy. Et que ainsi qu'ils estoient en debat & contention à qui demeureroit la cōduite de l'armee, & ne la voulant pas prendre Andromach, ny Caran ny Menedeme, en partie de peur qu'on ne dist qu'ils eussent entrepris d'aduantage, que le Roy ne leur auoit cōmandé: en partie aussi pour ce que s'il bastoit mal pour eux, ils craignoient non seulement le peril où ils tomberoient, mais aussi qu'il leur fust reproché, que par leur faute l'armee eust esté desfaite: les Scythes furuindrent, qui les taillerent en pieces. De sorte que de toute la caualerie ne s'en sauua pas plus de quarâte, & de l'Infanterie'environ trois cens. Les nouuelles en estans venues à Alexandre, il fut extrêmement fâché de la perte de tant de gens de bien & vail-lans hommes: & se delibera de partir quand & quand, pour aller combattre Spitamenes & les Barbares. Et menant avec luy vne partie de la gendarmerie des amis & les Argyraspides, les gens de trect & les Agriās, avec les plus allegres & disposés de la Phalange, tira vers Maracandes, où il auoit entendu que Spitamenes estoit retourné & auoit mis le siege deuant le chasteau. Il marcha à si grandes iournees, que en trois iours il feit mil cinq cens stades, * & le quatrième iour au leuer du soleil il arriua bien pres de la ville. Dequoy estant Spitamenes aduertty, sans attendre son arriuee, leua le camp & s'en alla. Alexandre le suyuit. Et quand il fut arriué au lieu où la bataille auoit esté donnee, il feit enterrer les morts le plus honnorablement qu'il peut, selon la commodité du lieu: puis il poursuiuit sa poincte, iusques aux deserts de Scythie. Et voyant qu'il ne pouuoit atteindre les ennemis rebroussa chemin, pillant & gastant leur pays, & faisant mourir tous ceux qu'il peut attraper, qui auoient esté à la desfaite des Macedoniens, & festoient retirez dans des chasteaux & autres fortes places: & courut tout le pays par où passe la riuere de Polytimete. Car passé le lieu où il se perd sous terre penetrant au trauers du sable

Alexandre
part pour aller
cōbattre
Spitamenes.

* Qui valent
enuiro quatre
vingts &
dix lieues
Françoises.

fable, tout le pays qui est par delà est desert & non habité. Et est chose vraye, qu'il se perd & arreste son cours tout court, combien qu'il y ait de l'eau beaucoup. Et non seulement le Polytime, mais aussi plusieurs autres gros & longs fleuves, comme l'Epard, qui passe par le pays des Mardiens: Arcs dont les Ariens sont nommez: Erymandre, qui traaverse le pays des Euergetes, desquels il n'y a pas un qui ne soit aussi gros pour le moins que le Penée de Thessalie, à prendre depuis le lieu nommé Tempé, iusques à la mer. Quant au Polytime, il est beaucoup plus gros que n'est le Penée. Ces choses ainsi aduenues, Alexandre s'en alla à la ville de Zariaspa, qu'on estoit desia en l'hyuer: & là son armée hyuerna. Pendant ce temps retournerent vers Alexandre, Phrataphernes satrape des Parthes, & Stasanor qui auoit esté enuoyé au pays des Ariens, pour arrester prisonnier Arsaces: lequel il auoit pris, & avec luy Barzanes, que Bessé auoit pourueu de l'estat de Satrape des Parthes: qu'ils amenerent avec d'autres qui festoièrent reuoltez, pour suivre le party de Bessé: & les presenterent au Roy. En ce mesme temps aussi retournerent des pais bas vers la mer Epocille, Melanidas & Ptolomee colonnel des Thraces: lesquels y auoient esté enuoyez pour la conduite des deniers deliurez à Menetes, & des soldats des allies. Arriuerent aussi Asandre & Nearch avec des nouvelles bandes de Grecs qui venoient au seruice d'Alexandre. Aussi arriua Bessé Satrape de la Syrie, & Asclepiodore Amiral sur la mer, avec des compagnies nouvelles. En ce lieu Alexandre fait assembler ceux de son armée: & apres leur auoir fait quelsques remonstrances, fait venir Bessé: lequel il reprit asprement de la desloyauté & felonnie dont il auoit usé enuers Daire: puis luy fait couper le nez & les oreilles. Apres cela il l'enuoya sous bonne & seure garde à Ecbatanes, à fin que là par sentence & iugement des Medois & des Perses, desquels il auoit fait meschamment mourir le Roy, il fust executé à mort. Je ne puis certainement approuuer ce supplice de Bessé: ains plustost me semble ceste mutilation de membres du tout brutale & barbaresque. Et penseroy

Le Polytime
et plusieurs
autres fleu-
ues se perdēt
sous terre.

Supplice de
Bessé.

Les Roys de
Perse mole-
stes & info-
lens ennens
leurs suiets.
Alexandre re-
pris de fha-
biller à la mo-
de des estrā-
gers.

Modestie ne
cessaire à vn
Prince.

Discours de
la mort du
grand Clite.

bien que Alexādre auroit esté incité à ce faire par vne certai-
ne enuie qu'il auoit de monstrier qu'il tenoit quelque chose de
la presumption & arrogance Medoise & Persique : & à l'imi-
tation de la licence & pouuoir desmesuré que se donnoient
insolemment les Roys de ceste part enuers leurs subiects, la-
quelle n'estoit point equitable, & moins honneste. Ce n'est
aussi gueres plus d'honneur à luy d'auoir laissé l'habit de son
pays pour prendre l'accoustrement des Medois & le chapeau
Royal de ceux qu'il auoit vaincus : veu mesmes qu'il se disoit
estre issu de la lignee d'Hercule. Au reste les mœurs d'Alexan-
dre, plus que d'autre quelconque, m'ont appris, qu'un homme
quel qu'il soit, fust il vaillant de sa personne tant qu'on voudra,
d'illustre & ancienne maison, & qu'il eust la fortune encores
plus à commandement que n'eut iamais Alexandre: eust il an-
nexé l'Afrique à l'Asie par luy conquise par force d'armes (ce
qu'Alexandre auoit en fantasie de faire) & y eut il encores
ioinct l'Europe : fil n'est accompagné de modestie & attrem-
pance, ne doit estre estimé heureux. Il ne sera pas hors de
propos de reciter en cest endroict l'inconuenient qui aduint
de la mort de Clite fils de Dropides (ja-soit que cela aduint
quelque temps apres) laquelle a causé vn grand blasme à Ale-
xandre. On dict que les Macedoniens ont vn certain iour so-
lennel dédié à Bacchus, qu'ils appellent Denis : auquel iour
Alexandre auoit de coustume de faire sacrifice avec vn grand
appareil à Bacchus. Que ce iour là estant venu, Ale-
xandre auoit sacrifié à Castor & Pollux, & non point
à Denis. Et que apres cela fut fait vn banquet, qui
dura longuement à la mode des Barbares : sur la fin du-
quel (estants desia & des auparauant les comportements
& manieres de faire d'Alexandre tout changez) & lors tous
ceux du banquet bien eschauffez de vin, on tomba en pro-
pos de Castor & Pollux: comment on auoit referé, laissant
Tyndare derriere, leur genealogie & descende à Iupiter: ac-
comparans mesmes aucuns de ceux qui estoient là Alexandre,
pour luy gratifier, à Castor & Pollux: comme il y a des hom-

mes

Flaterie rui-
ne & perdi-
tiō des Roys

mes assez & trop addonnez à flaterie, vraye ruine & perdition des Roys. Mesmement y en eut qui dirent iusques là, qu'à bon droit on le pourroit accompagner à Hercule: mais que l'enuie donne empeschement, qu'on face à ceux qui sont encores viuants l'honneur qu'ils ont bien meritè. (Il estoit aisé à iuger combien aigrement portoit Clite le changement des mœurs & façons de faire d'Alexandre en celles des Barbares: & pareillement combien il estoit marry d'ouir les parolles de ceux qui flatoïent ainsi le Roy en sa presence). Alors Clite plus hardy au moyen du vin qu'il auoit pris, ne peut endurer qu'on feist iniure ou deshonneur aux dieux, & qu'on abbaïst ainsi les beaux exploits d'armes des demy-dieux, pour en chatouiller les oreilles d'Alexandre. Et se prit à dire, que les faicts d'Alexandre n'estoient si grâds ne si merueilleux, comme ceux là les magnifioient par leur babil: & que encores les Macedoniens auoient-ils bone part à ce qu'il auoit faict. Desquelles parolles Alexandre ne fut pas content: & non sans cause. Et à mon iugement eust il esté mieux scant à Clite apres vin beu de se taire, & monstrier seulement qu'il n'estoit pas flateur, comme ces autres. Mais quand on fut entré plus auant en matiere, il aduint qu'on tomba en propos du feu Roy Philippe, faïsans quelsques vns bien peu de cas de ses faicts, pour d'autant faire paroistre ceux d'Alexandre, & par là acquerir sa bonne grace. Clite lors se meit en furie, surhaussant iusques au tiers ciel les faicts du Roy Philippe, & amoindrissant ceux d'Alexandre. Apres commença à mettre au deuant à Alexandre, que en la bataille donnee à la riuierre du Granic il l'auoit garanti de mort. Et quand & quand haussant le bras: Voila, dict-il, Sire, la main qui lors vous sauua la vie. Dequoy Alexandre s'eueit grandement, & impatient en sa cholere, se leua pour aller à luy: mais ceux qui estoient aupres de luy le retindrent. Clite pour cela ne cessoit point de luy dire des parolles aduantageuses & tendantes à sedition. Et combien qu'Alexandre appellast les Argyraspides à haute voix, toute fois personne ne venoit: au moien dequoy il com-

Temerité de
Clite.

mança à fescrier, Qu'il estoit reduict en captiuité, comme auoit esté Daire par Bessé, & que rien plus ne luy restoit que le nom de Roy. A l'occasion dequoy on le laissa aller. Lors il arracha vne iaueline, ou (comme disent les autres) vne hallebarde, des poings du premier des gardes qu'il rencôtra, dont il donna à Clite à trauers le corps, & le tua. Aristobule ne declaire point dont proceda ceste cholere, toutefois il remet toute la faute sur Clite seul: lequel estant sorti secrettemēt par vne poterne hors les murs & fossés du chasteau, par le moyen de Ptolomee fils de Lage, il retourna encores, & fallà presenter deuant Alexandre, qui le cerchoit par tout, & l'appelloit tant qu'il pouuoit par son nom: Le voila, diēt-il, Sire, ce Clite que vous cherchez tant: & que lors il receut le coup de hallebarde. Quant à moy il me semble que ainsi que Clite eut tort d'vser de termes si temeraires à l'endroiēt du Roy: aussi Alexandre peut-il à bon droiēt estre blasmé, pour festre laissé surmonter à deux vices, la cholere, & l'yron-gnerie, qui apportent tant de deshonneur & diffame, fust-ce au plus petit du monde. Je louē aussi au contraire grandement Alexandre en ce, que les fumees & force du vin passees, il eut en horreur, & se repentit de ce qu'il auoit fait. Car il y en a qui recitent, que quand il cogneut le fait qu'il auoit commis, il se voulut tuer de la mesme hallebarde, de laquelle il auoit fait mourir Clite: comme fil se fust senty indigne de plus viure parmy les hommes, pour auoir estant surpris de vin, osté la vie à vn homme, qui luy estoit tant amy & seruiteur. Mais qu'il fut retenu par les Princes ses plus familiers qui estoient aupres de luy. La pluspart des Historiographes qui en ont escrit, n'en font aucune mention. Ils escriuent bien, que quand il fut retourné à luy, & eut repris ses bons esprits, il se iecta sur vn liēt, fondāt quasi en larmes, ayant tousiours en la bouche le nom de Clite, & de Lanicé, fille de Dropides, seur de Clite, qui auoit esté sa nourrice: disant, qu'il rendoit vne piteuse recōpense, lors qu'il estoit deuenu hōme, à elle qui l'auoit nourry de son lait, apres luy auoir fait voir ses

La cholere
& l'yron-
gnerie des-
honestes fust
ce au plus
petit du
monde.

Alexandre
se repēt d'a-
voir tué
Clite.

ses enfans morts pour luy au combat, d'auoir nouuellement tué de sa propre main son frere, qu'elle tenoit si cher: s'appellant le meurtrier de ses amis. Et qu'il tomba en vne si grande repentance & indignation contre soy mesmes, qu'il fut l'espace de trois iours sans boire ny manger, ny auoir aucunement soin de sa personne: & eust encores perseueré en ceste maniere de faire, si ceux qui estoient plus priuez de luy, qui l'alloient consoler, & reiectoient toute la faute sur Clite, ne l'eussent destourné du vouloir qu'il auoit de se faire mourir. Suiuant le conseil desquels, & à leurs grandes & instantes prieres il commença à manger: & sacrifia à Bacchus, par l'ire duquel, ainsi que disoient les deuns, icela estoit aduenue: pour autant qu'il n'auoit tenu conte de luy sacrifier au iour accoustumé. En quoy on luy fait plaisir, à sçauoir de reiecter la faute aduenue sur l'ire de Bacchus. Quant au fait en soy, ie ne puis que ie ne le blasme: mais aussi la recognoissance & confession qu'il fait de sa faute, & la repentance qu'il en eut, au lieu de s'en venter ou enorgueillir, ou, qui eust esté encores pis, le vouloir faire trouuer bon, me semblent dignes de louange & honneur. Il y en a qui ont escrit, que les principaux de sa cour feirent aller vers luy pour le consoler le Sophiste Anaxarch, lequel à son arriuee le trouua couché & estendu sur vn liât, qui souspiroit profondément: dont il commença à soubrire & dire, qu'il ne sçauoit pas encores pourquoy les sages ont feint la iustice estre assise à costé de Iupiter. Ce qui auoit esté inuenté par eux, à celle fin que tout ce qui est fait & arresté par Iupiter, fust estimé iuste & equitable. Qu'il falloit aussi que tout ce qui se faisoit par vn grand Roy, fust tenu pour chose bõne & iuste, premierement du Roy mesmes, puis apres des autres. Au moyen duquel propos Alexandre se remit vn peu, & cõmança à passer sa fascherie. Mais cela fut cause qu'Alexandre tomba en vn grand erreur, & de trop plus grande importance que celuy auquel il estoit tombé parauant: fil est possible qu'il ait tenu ceste propositiõ pour l'opinion d'un hõme sage & bien auisé: c'est à sçauoir, qu'il n'est point de besoin à vn Roy de

Recognoissance de fau-
te, louable.

Flaterie du
sophiste A-
anaxarch.

Insolence
payenne.

Agis Argien
poete.
Callisthene
philosophe
disciple d'A-
ristote.

Presumptio
de philoso-
phe.

Les Tyrans
haïs à Athe-
nes.

faire tout par conseil, ou de regarder de si pres aux choses qu'il luy plaisât de faire : ains que tout ce qu'il faisoit & ordonne, soit que soit, on le doit tenir pour bon & equitable. Mesmes on dict, qu'Alexandre voulut estre tenu & réputé pour vn Dieu, & reueré pour tel, comme celuy qui croyoit, ou pour le moins vouloit qu'on creust, que Ammon estoit son pere, plustost que Philippe. Et apres qu'il eut delaisé la maniere de viure de son pays, pour prendre celle des Medois & des Perses, & qu'il eut pris l'accoustrement Perlique, il luy fut bien aduis qu'il n'auoit eu que faire pour estre réputé tel qu'il desiroit, de telle maniere de flateurs : ny mesmes de Sophistes, fust Anaxarch où le poëte Agis Argien. Ce que Callisthene d'Olynthe, auditeur & disciple d'Aristote, homme seuer & austere en sa maniere de viure, ne pouuoit bien gouter. Aussi ne pourroy-je pas moy mesme : mais aussi ne trouue ie pas auoir esté modesteinét escript par Callisthene, si ainsi est qu'il l'ait escript, que & Alexandre, & les faicts d'Alexandre estoient inferieurs à luy & à ses escripts. Et qu'il n'estoit pas venu vers Alexandre pour s'acquerir honneur : mais pour faire que Alexandre fust renommé & honoré parmy les hommes. Que ce qui estoit cause qu'Alexandre presumoit tant de foy, iusques à auoir opinion d'estre vn dieu, n'auoit point esté ce qu'il auoit autrefois entendu d'Olympias sa mere touchât sa naissance : mais plustost les choses qu'il auoit escriptes & faict cognoistre aux hommes de luy. Il y en a aussi qui escriuent, que luy estant vne fois interrogé par Philotas, à qui à son aduis les Atheniens portoient plus d'honneur & de reuerence? il respondit, que c'estoit à Harmodie & Aristogiton, pour autant qu'ils auoient osté la tyrannie, & tué l'un des tyrans. Luy demandant de rechef Philotas, en quel lieu de la Grece y auoit seure retraite pour celuy qui auroit faict mourir vn tyran? Il feit response, que encores qu'il n'y en eust en autre lieu du monde, pour le moins y en auoit-il chez les Atheniens. Lesquels autrefois auoient soustenu la guerre pour les fils d'Hercule alencontre de Eurysthee, qui tyrânisoit la Grece. Quant à l'adoration, & comment

comment Callisthene y résista, voicy ce qu'on en raconte. Il auoit esté arresté entre Alexandre & les Sophistes, & les plus grands d'entre les Perses & Medois qui estoient au pres de sa personne, que au iour conuenu entre eux pendant qu'ils seroient à table, de propos delibéré on tomberoit en deuisant sur ceste matiere. Et de faict le iour venu Anaxarch, qui auoit

" à parler le premier, commença à dire: Qu'il y auoit beaucoup

" plus de raison que Alexandre fust tenu & réputé pour vn

" dieu, qu'il n'y auoit à Hercule, ou à Bacchus : non seulement

" pour la multiplicité & grandeur des faicts & conquestes: mais

" aussi pour autant que Bacchus estoit de l'hebes, qui est vne

" nation qui n'est à comparer ny en prouesse ny en renommee

" aux Macedoniens. Et quant à Hercule, qu'il estoit Argien, &

" qu'on n'en deuoit non plus faire comparaison, sinon d'autant

" qu'il touchoit de sang à Alexandre. Qu'il estoit bien plus raisonnable que les Macedoniens reuerassent Alexādre comme

" dieu, que ceux-là. Et qu'il ne falloit point auoir de doute,

" qu'Alexādre ne seroit plustost decedé, que eux le tiédroient

" pour vn dieu. Et si ainsi estoit, qu'il estoit plus raisonnable de

" l'adorer pendant sa vie : d'autant qu'apres sa mort il ne receuroit aucun fruit des honneurs qu'on luy pourroit faire.

Quand Anaxarch eut dict ces parolles & autres semblables sur ce subiect, les Barbares qui estoient de l'entreprise approuuerent ce qu'il auoit proposé, & dirent qu'ils estoient bien contents de commencer à adorer Alexandre : mais les Macedoniens qui estoient à l'entour ne trouuerent pas bon le propos d'Anaxarch : & demurerent tous picquez, bien marris, sans dire vn seul mot. Mais Callisthene, qui estoit plus libre en

" parolles : Quant à moy, dict-il, Anaxarch, ie suis d'opinion

" qu'il n'y a honneur mondain, dont les hommes se peussent

" aduiser, que le Roy n'ait tresbien merité. Au reste on sçait

" bien, que les honneurs diuins & mondains sont differēts. Aux

" dieux appartiennent les temples, les simulachres, les bois sacrez, les sacrifices, les effusions. Encores les hymnes sont aux

" dieux: les louanges aux hommes. Quand les hommes veulent

Anaxarch continue ses propos de flatteur.

Callisthene reprend Anaxarch sur l'adoration d'Alexādre.

„ saluër quelqu'un, ils ont accoustumé de l'embrasser & baiser:
 „ mais la diuinité, pour autant qu'elle a son siege là haut, & n'est
 „ p̄mis aux humains de l'attoucher: à ceste cause on la reuere en
 „ adorât. Pareillemēt en l'honneur des dieux se font les chœurs &
 „ dâses de chantres & musiciens, & se pronôcent & châtent des
 „ cantiques à leur louange. Et n'est de merueille si aux dieux on
 „ porte autre reuerence que aux hommes: veu mesmes que cel-
 „ le qu'on porte aux demi-dieux est differente à celle qu'on por-
 „ te aux dieux. Il ne faut donc pas confondre ces choses, ny
 „ qu'un homme mortel s'exalte si fort par dessus les autres par
 „ attribution d'honneurs, & abbaïsser indignement la hauteſſe
 „ & majesté des dieux: ce qui aduiendra, si lon porte autant
 „ d'honneur & reuerence aux hommes que aux dieux. Lon
 „ ſçait bien que le Roy ne souffriroit iamais, qu'une personne
 „ pure priuee pratiquast par voyes indirectes & brigues illicites
 „ les tiltres & honneurs à luy deuz. A plus forte raison peuuent
 „ les dieux se courroucer, ſil y a hōme si mal aduiſé de ſattri-
 „ buer les hōneurs diuins, ou de les receuoir, si autre les luy de-
 „ fere. Il ne faut point douter, que le Roy Alexandre n'ap-
 „ proche bien pres de la perfection de l'homme, & qu'il ne ſoit
 „ entre les bons le meilleur, entre les Roys le premier, & que
 „ entre les capitaines & chefs d'armee il ne ſe pourroit trouuer
 „ homme si digne de commander. C'estoit à vous Anaxarch
 „ qu'il conuenoit, ſil conuient à perſonne, de dire ces parolles
 „ & autres ſemblables aux oreilles du Roy, & les luy imprimer
 „ au cerueau: & le deſtourner de faire le contraire par voſtre
 „ harangue: veu que vous luy eſtes si familier à cause de voſtre
 „ prudēce & erudition, qu'il ne ſçauroit eſtre vn iour ſans vous.
 „ Ce ne vous eſt pas honneur d'auoir vſé de tel langage. Vous
 „ deuiez plus toſt conſiderer, que ce n'eſtoit point à Cambyſes
 „ ou à Xerxes, que vous vouliez perſuader cela: mais à Ale-
 „ xandre ſils de Philippe, deſcendu de la race d'Achille & de
 „ Hercule: les anceſtres duquel eſtans venuz d'Argos en la Ma-
 „ cedoine ont gouuerné le Royaulme, non point par force,
 „ mais en toute iuſtice & droicture, ſelon les loix & ſtatuts du
 pays.

„ pays. Que mesmes les Grecs ne feirent iamais à Hercule les
 „ honneurs diuins de son viuant : ny mesmes apres sa mort , fi-
 „ non depuis qu'Apollon Delphique eut commandé qu'on le
 „ tint pour vn dieu. Que sil est question de prendre vne nou-
 „ uelle maniere de viure, & vne religion Barbaresque, à l'occa-
 „ sion de ce que nous sommes parmy les Barbares : ie vous sup-
 „ plie treshumblement, Sire, d'auoir memoire de la Grece, en
 „ faueur de laquelle vous auez entrepris ce voiage : à fin d'an-
 „ nexer l'Asie à la Grece. Et des à present faut penser si quand
 „ vous serez de retour en Grece, vous auez arresté en vous mes-
 „ mes de contraindre les Grecs (qui est vn peuple de tout temps
 „ & ancienneté fort libre) à vous adorer : ou si eux estans ex-
 „ empts de ce faire, vous chargerez les Macedoniens seuls de
 „ ceste honte : ou bien, si faisant distinction d'honneurs selon
 „ la diuersité des pays, vous voudrez estre reueré, à sçauoir par
 „ les Grecs & Macedoniens à leur mode, & par les Barbares
 „ à la Barbaresque. Si lon veut dire que Cyr fils de Cam-
 „ byse, qui fut bien le premier entre tous les hommes, se
 „ feit adorer en sa vie par les Perles & Medois : aussi faut il
 „ auoir esgard que le mesme Cyr en fut bien chastié par les Scy-
 „ thes, qui sont pauures gens mais libres. Daire premier par au-
 „ tres Scythes. Xerxes par les Atheniens & Lacedemoniens.
 „ Artaxerxes par Clearch, & Xenophon avec dix mil hom-
 „ mes seulement : & ce dernier Daire par Alexandre, lors qu'il
 „ se contentoit encores des honneurs mondains. Les Macedo-
 „ niens presterét volontiers l'oreille à ce discours & autres sem-
 „ blables que feit Callisthene avec vne grande eloquence & li-
 „ berté de parler. Alexandre le prit de mauuaise part, & enuoya
 „ incontînét gens sous main parmy les Macedoniens, pour leur
 „ persuader de l'adorer. Et comme apres ce propos chascun
 „ estoit attentif à ce qui aduiendroit, les plus anciens & plus
 „ grands seigneurs d'entre les Perles se leuerent, & commence-
 „ rent à adorer le Roy, chascun à son reng selon les ceremonies
 „ Perliques. Leonnat qui estoit des premiers d'aupres de sa per-
 „ sonne, ainsi qu'il regardoit faire les Perles, en veit vn, qui ado-

Cyr & au-
 tres Roys de
 Perse cha-
 stiez par les
 Scythes &
 autres de les-
 tre faict ado-
 rer.

roit avec vne abiecte & sotte contenance, dont il ne se peut tenir de rire. Dequoy Alexandre fut fâché: mais il s'appaisa peu apres. Aucunes s'criuent, que Alexandre feit vn festin, où l'on beuuoit de reng l'un apres l'autre dans vne coupe d'or: auquel Alexandre beut premierement à ceux qui estoient de l'entreprise pour l'adorer: lesquels apres auoir beu, l'allerent adorer & baiser l'un apres l'autre. Et que quand se vint au reng de Callisthene, il se leua & beut, & sans auoir adoré falla presenter pour baiser Alexandre. De fortune Alexandre deuisoit alors avec Ephestion, & ne prenoit pas garde à ce que Callisthene faisoit. Tellement qu'il eust peu tromper le Roy, sans que Demetrie fils de Pythonax l'un des plus familiers d'Alexandre l'aduertit, qu'il n'auoit pas fait le deuoir de l'adorer. Qui fut cause qu'Alexandre le reiecta, comme il s'aduançoit pour le baiser. Dont Callisthene fut aucunement emeu: & dict-on qu'il respondit, Et bien, ie me retireray ayât perdu vn baiser, & rien plus. Je ne sçauroy, quant à moy, approuuer en façon du monde ces manieres de faire, qui ne causent que blâme à Alexandre: aussi ne sçauroy-je louer les comportements trop seueres de Callisthene. Mais suis d'opinion, que tout homme qui veut suyure la cour d'un Prince, doit luy porter honneur, & ne faire chose qui ne tourne à sa gloire & louange. Au moyen dequoy ie ne trouue pas estrange si Alexandre monta en cholere contre Callisthene, pour festre monsté enuers luy si contredisant & importun. Et penseroiy bien que de là proceda, qu'on adiousta facilement foy à ceux qui l'accuserent d'estre complice de la cōspiration, que quelsques ieunes gentilshommes auoient machiné alencontre de la personne d'Alexandre. La cōspiration fut telle. Des le viuant du Roy Philippe auoit commencé vne coustume, que les fils des Princes & autres des plus grands seigneurs de la Macedoine, quand ils estoient deuenus grands, estoient appelez au seruice du Roy, pour le seruir à table & en chambre, pour faire le guet à l'entour de sa personne, & luy estre comme gardes de son corps quand il dormoit: luy seruoient d'escuiers

Callisthene
ne veut adorer.

Cōspiration
contre Alexandre.

d'escuiers d'escuirie, & le montoient à cheual à la mode des Perſes. Quand il alloit à la chaſſe l'accompagnoient & ſuyuoient. Entre ceux-là eſtoit vn nommé Hermolas fils de Soplide, qui eſtoit fort addonné à la Philoſophie, & pour ceſte caute portoit bonne affection à Calliſthene. On diſt, que ceſt Hermolas, ainſi qu'un iour Alexandre eſtoit à l'aſſemblée, preuint Alexandre à enſerrer vn ſanglier, & tomba mort le ſanglier ſur le champ : le Roy indigné de ce que le moyen de donner le coup au ſanglier luy auoit eſté oſté, cōmanda tout quand & quand de fouëtter ce ieune gentilhomme en la preſence des autres qui eſtoient là, & de luy oſter ſon cheual. Que de ceſte iniure ſe reſſentant Hermolas ſ'en alla plaindre à Soſtrate fils d'Amyntas qui eſtoit de ſon aage, & eſtoit fort amoureux de luy : auquel il diſt, qu'il eſtoit deliberé de ſe venger du tort qu'Alexandre luy auoit faiſt, ou qu'il mourroit en la peine : & qu'il perſuada aiſémēt à Soſtrate, qui luy eſtoit amy tant affectionné, de luy ayder en ceſte entrepriſe de ſi grande importāce. Lequel Soſtrate attira à leur ligue pour eſtre cōpagnōs de ce faiſt, Antipater fils d'Asclepiodore Satrape de Syrie, Epimene d'Arſee, Anticlee de Theocrite, Philotas fils de Carſis de Thrace. Qui apres auoir faiſt ſermēt l'un à l'autre de ſy employer à leur pouoir, prindrēt aſſignation pour exccuter leur entrepriſe à la nuit que Antipater ſeroit de garde : & de tuer le Roy en ſon liſt. Il aduint, ainſi que quelques vns diſent, qu'Alexandre paſſa toute ceſte nuit là en banquets & feſtins ſans dormir, iuſques ſur le iour. Mais Ariſtobule eſcrit, qu'une certaine femme du pays de Syrie, qui eſtoit par ſoys eſpriſe de fureur Pythonique, & diſoit les choſes à venir, eſtoit à la ſuite d'Alexandre : de laquelle du commencement on ne faiſoit cas, & la tenoit on pour femme legere de cerueau, & donneuſe de beaux iours : mais quand on eut cogneu par experience ſon ſçauoir en l'art de deuiner, on commença à en tenir conte : & luy fut donné congé & permiſſion d'entrer, quand bon luy ſembleroit, fuſt de iour ou de nuit, au lieu où ſeroit Alexandre. Meſmes que ſouuent elle ſe tenoit aupres d'Alexandre

Vne femme
deuinerreſſe
empeſche
l'effect de la
coniuration.

pendant qu'il reposoit. Que lors elle esprise de sa fureur fallâ presenter deuant Alexâdre, ainsi qu'il se retiroit apres soupper: & le pria de retourner avec les autres conuiez, & passer là la reste de la nuit. Alexâdre estimât que c'estoit quelque aduertissement des dieux, s'en retourna tout court avec la compagnie, & fut le festin continué iusques au iour. Et ainsi l'entreprise de ces ieunes gentilshommes ne reussit aucunement. Epimene fils d'Arsee, l'un des conspirateurs descourrit le lendemain tout leur dessein à Charicle fils de Menandre, qui auoit autrefois esté bié amoureux de luy: Charicle à Euryloch frere d'Epimene. Et quelque temps apres Euryloch allant expres au paillon d'Alexandre, le rapporta à Ptolomee fils de Laage garde du corps, & Ptolomee soudainement en aduertit le Roy. Lequel tout quand & quand feir prendre les coniurez: qui, estants mis à la question, confessèrent le faict, & en chargerent encores d'autres. Aristobule escrit, que Callisthene en fut l'un, qui fut accusé de leur auoir donné ce mauuais conseil: ce qu'en pareil confirme Ptolomee. Il y en a d'autres qui n'en font aucunement mention. Mais bien qu'Alexandre creut aisémēt que Callisthene estoit des complices de la conspiration pour la haine qu'il luy portoit, l'ayant des auparauant à contrecueur & aussi pour la familiarité qui estoit entre luy & Hermolas. Aucuns escriuent que Hermolas fut amené en pleine assemblee des Macedoniens, où il confessa de bouche deuant tout le monde le mauuais tour qu'il auoit voulu faire au Roy: & dict qu'il ne falloit point que le Roy estimast, qu'un homme de libre condition peust endurer des molestes & oppressions, dont il auoit vsé par le passé. Et qu'il feir vn discours de plusieurs choses qu'il disoit auoir esté par le Roy cruellemēt & tyranniquement faictes iusques là: cōme l'iniuste execution à mort de Philotas, & plus iniuste encores de Parmeniō son pere: & la poursuite de ceux qu'on vouloit ores faire mourir: le meurtre de Clite cōmis par yurōgnerie, le changemēt des manieres de viure de son pays: puis l'adoration par luy tant desirée.

La coniuration descouverte.

Callisthene accusé d'auoir esté auteur de la cōspiration.

ree. Avec tout cela, les banquets, le dormir desreiglé, les excesses & dissolutions. Lesquelles choses ne pouuant plus endurer, il auoit voulu affranchir luy & les autres Macedoniens d'une seruitude si griesue & si facheuse. Et que apres cela, Hermolas & ses complices, au moins ceux qui peuvent estre apprehendez, furent pierrez, fors Callisthene: lequel Aristobule escrit auoir esté fait prisonnier à la suite, les fers aux pieds, & depuis estre decedé par maladie. Ptolomee dict qu'il fut mis à la gehenne, puis apres pendu & estranglé. De sorte que ces deux auteurs, qui sont bien receus & approuuez, & qui estoient alors tous deux avec Alexandre, ne sont de mesme accord en vne chose toute notoire. Qui fait, qu'on se doit moins esmerueiller, si les autres qui en ont escript, recitent quelquefois les choses l'un d'une sorte, l'autre d'une autre. Mais c'est assez parlé de ces choses là: lesquelles veritablement aduindrent quelque temps apres: toutefois, puis que nous estions tombez sur le discours de la mort de Clite, j'ay estimé qu'il ne seroit pas trop mal conuenable de les reciter en cest endroit. Ces choses estans ainsi aduenues, vindrent de rechef des Ambassadeurs des Scythes qui habitent en Europe, avec ceux qu'Alexandre auoit enuoyez vers eux. Et venoient ces Ambassadeurs de la part du frere de celuy qui auoit enuoyé auparauant vers Alexandre, par ce que celuy qui estoit Roy parauant, pendant le voyage que ses Ambassadeurs firent vers Alexandre, estoit decedé. La teneur de leur Ambassade fut: Que les Scythes estoient au commandement d'Alexandre, tous prests de faire ce qu'il luy plairoit ordonner: & le prioient de receuoir les presents qu'ils luy enuoyoient par eux. Oultre cela, que leur Roy, pour gage & assurance de l'alliance & amitié qu'il desiroit auoir avec Alexādre, luy promettoit sa fille en mariage: laquelle ne luy estant agreable pour la prēdre à femme, qu'il estoit prest d'accorder les alliances par mariage des filles des Princes & autres des plus grands de son Royaume, avec les Seigneurs & gentilshommes qu'Alexandre aimoit le mieux. Voire mesmes que, fil plaisoit à

Mort de
Callisthene.

Historiens
discordans.

Les Scythes
renuoyent
vers Alexā-
dre.

Le Roy des
Scythes pre-
sente sa fille
en mariage à
Alexandre.

Pharemane
roy des Choro-
rasmeniens,
arriue au cap
d'Alexandre.
Amazones.

Alexandre il viendroit luy mesmes en personne, pour agreer & ratifier ce qu'il promettoit par eux les Ambassadeurs. Au mesme temps arriua au camp d'Alexandre Pharemane Roy des Chorasmeniens, qui se disoit estre voisin des Colches & des Amazones, avec quinze cens cheuaux: lequel luy promit, que s'il luy plaisoit aller en ce pays là, & soubmettre à son obeissance les natiōs qui habitent au Pōt Euxin, il luy seruiroit de guide pour l'y cōduire, & fourniroit de viures & autres munitiōs son armee. Alexandre depescha premieremēt l'Ambassade des Scythes, vsant enuers eux de parolles douces, & telles que le tēps le requeroit. Entre autres choses il leur dict: Qu'il ne luy estoit point de besoin de prendre femme de Scythie. Apres il fait responce à Pharemane, parlant à luy en parolles d'honneur: & luy dict, que tres-voulontiers il receuoit son amitié & alliance: au reste qu'il ne pouuoit encores tirer au Pont Euxin. Puis le tirant à part avec Artabaze Persan (auquel il auoit baillé le gouuernement du pays des Bactrians & des autres pays circonuoisins) leur descouurit l'intention qu'il auoit d'aller conquerir les Indes. Que ce voyage fait, toute l'Asie entierement seroit à luy: & lors il retourneroit en Grece: dont il partiroit tost apres avec vne armee sur mer, & vne autre par terre, pour la conqueste du Pont Euxin, tenant son chemin par l'Hellespont & la Propontide: iusques auquel temps il prioit Pharemane de reseruer ses offres. Puis le licencia. Apres cela, il se meit en chemin pour retourner à la riuere d'Oxe, pour autant qu'il auoit intention de passer par la Sogdianne: par ce qu'il auoit eu aduertissement, que grand nombre de Sogdians s'estoient retirez dans des places fortes, & ne vouloient point obeir au gouuerneur qu'il leur auoit baillé. Quand il fut paruenue à la riuere d'Oxe, peu apres qu'il se fut campé, assez pres de son pauillon sourdirent deux fontaines iettants l'vne de l'eau, l'autre de l'huile. Quoy venu à la cognoissance d'Alexandre par le moien de Ptolomee, il fait sacrifice aux dieux: & voulut sur ce auoir l'opiniō des deuins. L'vn desquels, à sçauoir Aristandre, dict, que la fontaine d'huile

Deux fontaines l'vne d'eau, l'autre d'huile, sourdent au cap d'Alexandre.

d'huile signifioit qu'il auroit pour le leur beaucoup à souffrir: mais qu'il emporteroit en fin la victoire. Doncques laissant à Baëtres Polyperchon, Attale, Gorgias, & Meleagre, pour empêcher qu'il s'y feist quelque changement par les vns, & ren-ger à la raison les autres, qui faisoient encores resistance: il se mit en chemin avec le surplus de son armee, pour aller contre les Sogdians. Et diuisant ces forces en cinq, il donna la charge de trois à Ephestion, & pour la conduite de la quatrième, il ordonna Cene & Artabaze: & luy avec ce qui restoit prit son chemin à Maracandes. Ceux là estans paruenus aux lieux, ainsi que la fortune les auoit guidez, meirent le siege deuant les places de defense, ausquelles les Sogdians s'estoient fortifiez: dont ils receurent à composition ceux qui se voulurent rendre: & contrainquirent ceux qui voulurent tenir bon, à se rendre, par force d'armes. Apres que toute l'armee, aiant trauerse la plus part de la Sogdiâne, fut arriuee à Maracandes, où estoit le rendez-vous, il donna la charge à Ephestion de mener des colonies aux villes des Sogdians, qui estoient vuides & depeuplees. Et enuoya vne armee sous la conduite de Cene & Artabaze à l'encontre des Scythes: d'autant qu'il auoit esté aduerty, que Spitamenès s'estoit retiré chez eux. Cependant avec le reste de ses forces il alla mettre le camp deuant les autres villes de la Sogdianne qui tenoient encores, & les prit sans grande difficulté. Durant le temps que ces choses se faisoient, Spitamenès & avec luy quelques fuitifs Sogdians de ceux qui s'estoient retirez vers les Scythes, lesquels auoient attiré à leur parti six cens hommes de cheual Massagetes, font vne course au pays des Bactrians: & emmeinent prisonnier Phrurarch capitaine de la garnison de Baëtrès, qui ne pensoit à rien moins qu'à cela: & mettent au fil de l'espee tous les soldats de la garnison. Pour auoir ainsi bien fait leurs besoignes, ils deuiendrent plus hardis que deuant: tellement que peu de temps apres ils allerent à Zariaspa, laquelle toutefois ils n'oserent assaillir: mais se tenans vn peu arriere couroient & gastoient le plat pays, puis

Alexandre
fait repeu-
pler les villes
de la Sog-
dianne.

Spitamenès
allié des Mas-
sagetes court
le pays des
Bactrians.

se retiroient tous chargez de butin. Il y auoit en ceste ville là quelques gēdarmes de la cornette des amis, qu'Alexādre y auoit laissez en garnison, & à cause de l'indispositiō de leurs personnes: & aueques eux estoit Pithō fils de Soficles qui leur auoit esté laissé pour chef, & vn certain Aristonic ioueur de harpe. Lesquels estants aduertis de si soudaines incursiōs des Scythes (or estoient ils releuez de maladie, & pouuoient desia monter à cheual & porter les armes) auec enuiron quatre-vingts cheuaux de ceux qui estoient à soulde, & quelque nombre de ieunes gentilshommes de la maison du Roy, allerent vn iour charger les ennemis, ausquels ils feirent lascher le butin qu'ils emmenoiēt, & en taillerent en pieces vne bonne partie. Et ainsi qu'ils retournoient auec ce butin pesle mesle & sans ordre (comme il aduiēt assez souuent) des Scythes que Spirtamenes auoit mis en embuscade, les vindrent assaillir, eux qui ne s'en donnoient de garde, & tuerent sept des amis, & bien soixante hommes de cheual des estrangers, qui estoient à soulde. Pareillement le harpeur Aristonic, (qui à ceste rencōtre ne se porta point en sonneur d'instrumens, mais en vaillant homme & bon guerrier) estant Pithon fait prisonnier, fut si chamailé de coups, qu'il y mourut. Quand Cratere en eut entendu les nouuelles, il y courut auec ses troupes le plus diligemment qu'il peut. Mais si tost que les Massagetes furent aduertis qu'il approchoit ils s'enfuirent. Cratere les suiuit, qui les rattraignit nō gueres loin des deserts. Là y eut vne furieuse meslee: ou en fin les Scythes tournerent le dos, ayans perdu cent cinquante caualiers: les autres se sauuerent sans grande difficulté dans les deserts, où il n'estoit possible aux Macedoniens de les suyure. Ce pendant Artabaze à sa priere & requeste fut par Alexandre déposé de son gouuernement du pays des Bactrians, pour sa grande vieillesse: & fut subrogé en son lieu Amyntas fils de Nicolas. Alexandre laissa en ce pays-là Cene auec son regiment & celuy de Meleagre, & enuiron quatre cens cheuaux de la gendarmerie des amis, & les gens de cheual portans iauelines: & outre ceux-là les Bactrians, & Sogdians

Saillie des
Macedoniens
de la garni-
son de Zari-
aspa sur Spi-
tamenes.

Ioueur d'in-
strumens vail-
lant hōme.

Les Scythes
mis en route
par Cratere.

Sogdians qui auoient esté sous la charge d'Amyntas : leur enjoignant de porter obeissance à Cene comme à leur general, & d'hyuerner en la Sogdianne, tant pour la defense du pays, que pour tascher à surprendre Spitamenes, si pendant l'hyuer il s'aduançoit pour courir le pays. Lequel Spitamenes & les siens aduertis que toutes les places de la contree estoient gardees pour la garnison des Macedoniens, & que partant leur seroit malaisé de passer, ils tirerent droit au lieu où estoit Cene, esperans passer plus facilement par cest endroit. Et marcherent droit à Gabes ville des Sogdians, forte d'assiete & situee fort commodément sur les confins des Massagetes & des Scythes: où il attira à son party, sans grande peine, trois mil hommes de cheual Scythes. Ces Scythes sont pauvres à merueilles, & vivent contents de bien peu de chose. Et au moyen de ce qu'ils n'ont point de villes ne certaines demeurances, & ne possèdent aucuns heritages, où ils puissent pretendre droit de propriété qui les peust retenir, ils sont aisés à pratiquer pour aller à la guerre au seruice d'autrui de costé & d'autre. Cene entendant les nouuelles que Spitamenes approchoit, marcha au deuant avec toutes les forces, & liura la bataille fort aspre aux Barbares: lesquels il desfeut, & meit en routte, en estans demeurez morts sur le champ huit cens: & ne perdit pas des siens plus de vingt cinq hommes de cheual, & douze de pied. Apres ceste desfaiete, les Sogdians & les Bactriens qui estoient eschappez de la bataille avec Spitamenes l'abandonnerent en la fuitte: puis se retirerent par deuers Cene, & se rendirent à luy. Quant aux Massagetes qui sont Scythes, qui s'estoient sauuez de la bataille, où ils auoient mal fait leurs besoignes: apres auoir pillé tout le meilleur du bagaige des Bactriens & des Sogdians, se meirent en chemin pour gaigner à course de cheuaux avec Spitamenes les deserts. Mais ayants entendu qu'Alexandre tiroit là, bien delibéré de passer iusques au fond des deserts, ils tuerent Spitamenes, & enuoyerent sa teste à Alexandre esperants par ce moyen le diuertir d'aller apres eux. Cependant

Scythes ne
possedās au-
cun heritage

Spitamenes
& les Scy-
thes desfaits
par Cene.

Spitamenes
tue par les
Scythes &
Massagetes,
& sa teste en-
uoyee par
eux à Ale-
xandre.

Cene & Cratere retournerent vers Alexandre, & le rencontrerent à Nautaca: auffi feirent Phrataphernes & Stasanor Satrapes, celuy-là des Parthes, cestuy-cy des Ariens, avec les forces qui leur auoient esté baillées, ayants executé ce qu'Alexandre leur auoit commandé. Pendant le temps que Alexandre faisoit rafraichir son armee à Nautaca, qui estoit en temps d'hyuer, il depescha Phrataphernes pour aller au pays des Mardiens & des Tapiriens, avec commission de luy amener le Satrape Phradates, lequel n'auoit tenu conte de venir vers luy, ia-soit que par plusieurs fois luy eust esté mandé. Il enuoya Stasanor pour son Lieutenant general au pays des Drangiens: & en la Medie Atropates: par ce qu'il sembloit que Exodates Satrape de ceste contree n'estoit pas bien affectionné enuers luy. Depescha auffi Stamenes pour aller à Babylon, à cause que Mazee gouuerneur de Babylon estoit decedé, à ce qu'on auoit rapporté: & Sopolis, Epocille & Menidas en Macedoine, pour faire nouvelle leuee de soldats, & les luy mener. Sur le printemps il partit avec son armee pour aller à vne roche, qui est en la Sogdianne, où il auoit entendu que grád nombre de Sogdians festoiét retirez: & entre autres la femme & les filles d'Oxyarte Bactrian (qui festoit reuolté contre luy) pour autant que ceste roche, qui est forte de situation, sembloit imprenable par forces d'armes, quelsques grandes qu'elles fussent. Laquelle forteresse estant prise, il ne restoit plus rien aux Sogdians, qui les peust induire à se reuolter. Quand il y fut arriué il sceut pour tout seur, que les Barbares qui estoient dedans auoient auitaillé & munitionné la place, pour endurer longuement le siege. Ceste roche estoit droite & couppee en precipices de toutes parts: & les neiges y estoient haultes, qui empeschoient les Macedoniens d'en approcher, & furnissoient d'eau les Barbares. Et combien qu'elle semblast imprenable à toutes puissances humaines, & que tout ce qu'on y pourroit faire ne seruiroit de rien: Alexandre toutefois incité par l'arrogante responce qu'auoient fait les Barbares, & poulse d'un desir d'acquérir honneur, fil aduenoit,

aduenoit, que par forces d'armes il prist vne place que la nature sembloit auoir munie & fortifiée contre toute la puissance des hômes: se delibera de sy essaier a son pouuoir, & d'y employer toutes ses forces. La réponse qu'ils auoient faicte quand il les enuoya sommer, & leur promettre que s'ils se vouloient rendre, il les laisseroit aller leurs vies sauues, fut, Qu'il falloit qu'il allast chercher des soldats ailez, s'il vouloit prendre la roche: d'autant qu'ils n'en craignoient point d'autres. Dont Alexandre montant en cholere feit crier par vn heraut, qu'il donneroit à celuy qui monteroit le premier au hault de de la roche, douze talents*: au second & au troisieme, & ainsi des autres apres, à chacun vne bonne somme de deniers, & au dernier trois cens Dariques. Au moien de quoy les Macedoniens (qui estoient aussi d'eux mesmes assez incitez) furent prouocquez encores d'auantage. Alexandre en choisit trois cens d'entre eux, qui estoient agiles, & tousiours des premiers s'il falloit grimper au haut d'une muraille. Lesquels ayas fait provision des crâpons & agrafes de fer qui seruoient à tendre les paillons, pour ficher dans la neige où elle se trouueroit gelee & endurcie, & aux autres lieux où il n'y auroit point de neige: & à icelles attaché des cordes pour se guinder en l'air: ils commencerent la nuit à grimper à mont la roche par l'endroit où elle estoit plus droicte & coupee, & pourtât moins s'en donnoit-on de garde, fichas leurs crampons de fer aux lieux plus commodes: & avec grand travail rampans plustost, à vray dire, que môtans, font tant que sur le point du iour ils gaignent la cime de la roche, aians perdu trente soldats de leur bande, dont les corps furent depuis trouuez morts dans les neiges, qui estoient fort hautes: mais pour l'heure ne peurent estre trouuez pour estre mis en sepulture. Pour faire scauoir à ceux du camp qu'ils auoient gaigné le haut de la roche, ils commencerent à tourner des mouchoirs à l'entour de leurs testes, pour signal, comme il leur auoit esté enioinct de faire. Ce signal apperceu par Alexandre, il enuoit quand & quand sommer ceux de la roche de se rendre, & qu'il n'estoit plus temps

La roche
d'Oxyarte
assiégée.

Brocard des
assiégés.

Alexandre
propose des
prix à ceux
qui premiers
monteront
à la roche.
* Sept mil
deux cens
écus.

La roche
rendue.
Beauté de
Roxané fille
d'Oxyarte,
& de la fem-
me de Daire.

Contenance
recommen-
dable d'Ale-
xandre.

de dilayer : qu'on auoit trouué des soldats ailez , comme ils auoient dict, lesquels tenoient desia le haut de la roche. Les Barbares les voyans là, ce qu'ils n'eussent iamais pensé, furent bien estonnez : & de fait, pensans qu'il y en eut plus grand nombre, & qu'ils fussent armez, se rendirent & quitterent la place. Là furent pris la femme & les enfans d'Oxyarte. Entre lesquels y auoit vne des filles d'Oxyarte nommee Roxané, la plus belle, au iugement de tous ceux qui estoient avec Alexandre, qui fust en toute l'Asie, apres la femme de Daire. De laquelle ja-soit qu'Alexandre fust deuenue bien amoureux, & qu'elle fust sa captiue : toutesfois il ne la voulut oncques toucher, iusques à ce qu'il fut cōioinct par legitime mariage avec-ques elle. Il trouue cest acte d'Alexandre digne de grande louange. Il ne fut aussi iamais espris de l'amour de la femme de Daire, combien qu'elle surpassast toutes les autres en beauté : ou bien il faut dire, qu'il modera si bien ses affections qu'il se vainquit soy mesmes, & se voulut cōtenir pour le desir qu'il auoit d'acquerir reputation d'homme vertueux. Et toutefois il estoit en la fleur de son aage, & en plein cours de sa felicité : laquelle communément destourne les esprits de ceux qui sont victorieux, du vray chemin d'honnesteré & de iustice, pour honnir & corrompre la chasteté de celles qu'ils trouuent belles à leur gré, sans auoir esgard qu'elles ne leur appartiennent en rien. A raison dequoy, encores à present dict-on, que peu apres la bataille qui fut donnee à Issé, vn des Eunuches de la femme de Daire, ayant trouué moyen d'eschapper des mains des gardes, s'enfuit vers Daire. Lequel le voyant, la premiere chose qu'il luy demanda, fut, Si ses enfans, sa femme & sa mere estoient encores en vie? Et ayant entédu que tous se portoient bien, & qu'on appelloit comme deuant sa femme & sa mere Roynes : & qu'elles estoient tenues en tel hōneur & reuerence qu'auparauant : il luy demanda de rechef, si Alexandre n'auoit rien attenté contre la pudicité de sa femme : l'Eunuche luy afferma par serment que non, louant & exaltant iusques au tiers ciel la preudhommie & continence d'Alexandre. Et

que

que lors Daire leuant les mains au ciel, se prit à dire : O Roy Jupiter, qui es la sauuegarde & la protection des Roys, & qui entretiens leur estat en sa grandeur, ie te prie & supplie tres-humblement, conseruer l'Empire des Medois & des Perses, que tu m'as donné. Et fil te plaist disposer autrement de mon Empire, & tu y veux establir vn autre pour le gouuerner : ie te supplie de tout mon cœur, que tu en faces Alexandre possesseur, plustost qu'autre hōme qui viue. Voyla cōment la vertu & honnesteté d'une personne est recogneuë & estimée, mesmes de ses ennemis. Quant Oxyarte entendit les nouuelles que ses enfans estoient pris : mais qu'Alexandre prenoit sa fille Roxané en mariage, il fassura du tout, & quand & quand partit pour l'aller trouuer : où il fut le bien venu, ainsi que la raison le vouloit : & luy feit Alexandre beaucoup d'honneur, à cause de la nouuelle alliance qui estoit entre eux. Ces choses ayans pristelle fin en la Sogdianne, Alexandre entra plus auāt en pays pour aller contre les Parataques : pour autant qu'on disoit qu'en ce pays là y auoit vne autre roche tres-forte de nature : dans laquelle la plupart des Barbares du pays, estoient refugiez, se confians en l'assiette du lieu. Elle s'appelloit la roche de Chorienes : & sy estoient retirez Chorienes & la plus part de ses vassaux & suiects. De hauteur elle auoit cinq quarts de lieuë, & pres de quatre lieues de tour : & estoit de tous costez droiſte & couppee, & sembloit par endroiſts estre quasi pendue en lair : sans qu'il y eut autre chemin pour y mōter, qu'un seul sentier, encores estoit il fort estroict, & faiſt à la main : de sorte que à grand peine y pouuoit on aller l'un apres l'autre. Encore estoit elle rendue plus forte au moyen des grandes fondrieres & precipices qui l'environnoient. Lesquelles il falloit réplire de terre & fascines auant qu'on peust faire approcher le camp. Nonobstant toutes ces difficultez & empeschemens, Alexandre se delibera de poursuiure son entreprise, n'estimant rien inaccessible ou imprenable : tant luy auoit causé de hardiesse & d'assurance le bon heur, qui iusques là l'auoit accompagné. Ayant dōcques faiſt abbatre des

Daire faiſt
prière qu'autre
ne luy succede à son
Empire que
Alexandre.

La vertu & hon-
nesteté d'une
personne est
recogneuë, mes-
mes des en-
nemis.

Oxyarte va
trouuer Ale-
xandre.

Les Parata-
ques.

Description
de la roche
de Chorie-
nes.

Alexandre
n'estimoit
rien inacces-
sible ou im-
prenable.

Siege de la
roche de
Chorignes.

matieres (qui estoient de hauts & droicts sapins, dont y auoit fort grande quantité à l'entour de la roche) il feit faire des eschelles pour faire passer vn goufre à son armee: par ce qu'il n'y auoit autre passage que cestuy-là pour approcher de la roche. Tout le iour Alexandre estoit ententif à faire besongner à cest ouurage, estrange à la verité, avec la moitié de son armee. La nuit venue eüst le surplus de l'armee diuisé en trois, Perdiccas, Leonnat & Ptolomee en auoient la charge l'vn apres l'autre: & ne faisoit-on pas le iour de l'ouurage plus de vingt couldees, & quelque peu moins la nuit, ja-soit que tout le camp y fust à trauailler: tant estoit le lieu aspre & fascheux, & la besongne penible. A mesure qu'ils alloient auant, ils fichoient de costé & d'autre du goufre des pieux distants l'vn de l'autre autant qu'il en estoit de besoing pour soustenir le faix qu'on y assieroit. Cela faiët on mettoit des clayes dessus, lesquelles estans bien liees ensemble & asseurees on les couuroit de gazons en forme de pont qui allast iusques à la roche, pour y faire marcher l'armee comme en vne plaine. Du commencement les Barbares se mocquoient de l'entreprise de leurs ennemis, comme de chose inutile, & qui n'eust sceu les aduancer en rien. Mais quand on commença à les saluër à coups de fleches, & qu'ils veirent qu'ils ne pouuoient plus offenser d'enhault les ouuriers, à cause des defenses qu'on auoit faictes au deuant pour euitter les coups de treët: Chorienes estonné de voir cest ouurage, enuoya incontinant vers Alexandre, le prier de permettre qu'Oxyarte allast iusques-là. Ce que luy estant accordé, Oxyarte s'en alla vers luy, & commença à luy suader de se rendre, luy remonstrant qu'il n'y auoit place au monde inaccessible à la prouesse & vaillantise d'Alexandre & des Macedoniens. Puis il entra en discours de la bonté & douceur du Roy, dont luy mesme pouuoit estre suffisant tesmoignage. Par lesquelles parolles Chorienes persuadé s'en alla rendre à Alexandre, & avec luy quelsques vns de ses plus proches parens & amis. Il luy fut fait bon recueil par Alexandre, qui le receut en alliance & amitié, & les autres

Chorienes se
rend & la ro-
che aussi à
Alexandre.

tres semblablement. Puis luy estant cōmandé d'enuoyer quel-
qu'un de ses gens à ceux de dedās pour les faire sortir, il les feit
sortir sur l'heure. Cela fait, Alexandre prenant avec luy cinq
cens Argyraspides monta à la roche, & la recogneut & vi-
sita de bout en bout. Et tant s'en fallut qu'il mēseist en façon
du monde à Chorienes, qu'il luy remeit la roche entre ses
mains avec ses autres terres pour les garder sous son nom.
Pendāt le temps que le camp estoit deuant ceste roche, à cause
que la neige durant l'hyuer auoit couuert toute la terre bien
haut, il y eut au camp grande disette de viures & fouraiges :
dont plusieurs hommes & cheuaux se trouuerent fort mal.
Chorienes, pour recognoistre aucunement la liberalité dont
on auoit vŕe enuers luy, fournit de bled & de vin toute l'armee
pour deux mois: enuoyant outre cela en chacune tente des
chairs salées: encores disoit-il, que ce n'estoit pas la dixiē-
me partie des viures qu'il auoit fait mener à sa roche, pour
endurer le siege longuement. Qui fut cause de l'insinuer en-
cores d'aduantaige en la grace d'Alexandre, & qu'il receut
beaucoup d'honneur de luy: par ce qu'il sembloit qu'il se fust
rendu plustost de son bon gré, que par contraincte. Ces choi-
ses executees, Alexandre partit pour aller à Baetres: ayant
enuoyé Cratere avec six cens cheuaux de la gendarmerie des
amis avec son infanterie, & celle de Polyperchon, Attale &
Alcetas, contre Catanes, & Austanes, lesquels estoient seuls
de tous les Paritaques qui estoient encores en armes. Quand
on vint à ioindre, ces Paritaques furent desfaiets, Catanes
tué, & Austanes pris & mené vif à Alexandre. Il y eut de la part
des Barbares six vingts hommes de cheual tuez, & pres de
quinze cens de pied. Cela fait, Cratere tourna avec son in-
fanterie à Baetres trouuer le Roy. Auquel lieu fut descouuer-
te la coniuration faite contre la personne d'Alexandre par
les ieunes gentils hommes & Callisthene, ainsi qu'a esté reci-
té cy dessus. De Baetres Alexandre partit sur le printemps,
ayant fait assembler toutes ses forces pour tirer aux Indes:
laissant là Amyntas avec trois mil cinq cens hommes de ca-

La roche re-
mise entre
les mains de
Chorienes.

Desfaiete de
Paritaques
par Cratere.

Alexandre
part de Ba-
etres pour
tirer en
Indie.

Alexandrie
au mont de
Caucaſe
peuplee.

Taxiles Prin
ce Indien &
autres vien
nent trou
uer Alexan
dre.

ualerie, & dix mil hommes de pied. Et au dixieſme iour d'après, ayant trauerſé le mont de Caucaſe, il arriua à la ville d'Alexandrie, qu'il auoit faiſt conſtruire en la contree des Parapamiſades au premier voyage qu'il auoit faiſt au pays des Baſtriens: & oſta le gouuernement à celuy qui l'auoit, par ce qu'il ſ'y gouuernoit mal. Pour peupler la ville il y feit entrer des colonies tirees des pays prochains, & des Macedoniens qui n'eſtoient plus propres au faiſt de la guerre: & pour gouuerneur y laiſſa Nicanor, qui eſtoit des amis. Pareillement il eſtablit Tyriaſpes Satrape de tout le pays des Parapamiſades, & de toute ceſte contree iuſques à la riuere de Cophene. Puis il partit pour aller à la ville de Nicee, où il ſacrifia à Pallas: de là alla deſcendre à la riuere de Cophene: ayant enuoyé par deuers Taxiles & les autres Roys & Princes qui habitent par dela le fleuue, pour le venir trouuer. Dont Taxiles & autres Seigneurs partirent incontinent, & vindrent au deuant de luy, luy faiſans de grands & riches preſens: & outre cela promirent luy fournir iuſques à vingt cinq elephants que de bonne fortune ils auoient lors. Separant en ce lieu là ſon armee, il enuoya Epheſtion & Perdiccas à la region Peucelaotide, avec les regimens de Gorgias, Clite & Meleagre, & vne partie de la gendarmerie des amis, & toute la caualerie eſtrangere, pour aller deuant vers la riuere d'Inde: avec mandement expreſ de contraindre tous ceux par le pays deſquels ils paſſeroient de ſe rendre, fuſt de leur bon gré, où par force d'armes. Et que quand ils ſeroient paruenus à la riuere d'Inde, ils feiſſent prouiſion de ce qui eſtoit neceſſaire pour faire paſſer l'armee. Auecques eux furent auſſi enuoyez Taxiles & tous les autres de ces pays. Quand ils furent paruenus à la riuere, ils donnerent incontinent ordre à tout ce qu'Alexandre leur auoit enchargé. Il y auoit en la contree des Peucelaotiens vn Satrape appellé Aſtes, lequel auoit delibéré de faire quelque remuement: & de faiſt ſeſtoit retiré dans vne ville, où il fut aſſiegé par Epheſtion l'eſpace de trente iours: & fut en fin la ville priſe d'aſſault, & luy tué. La garde
& de-

& defense de la ville fut baillée à Sangee, qui auparauant auoit laissé le party d'Astes & festoit allé volontairement rendre à Taxiles : à raison dequoy le Roy auoit plus de fiance en luy. Quant à Alexandre, il prit avec luy le regiment des Argyrafpides, & le surplus de la gendarmerie des Amis, les Agrians gens de trect, & les gens de cheual portans iauelines : & se mit en chemin, pour aller guerroyer les Aspiens, Thureens & Arafaciens. Et quant il fut arriué à vne riuere qu'on appelle Choës, & icelle passé, voyât qu'il luy falloit passer par des pays bossus, aspres & penibles, il commanda à l'infanterie de suivre : & faisant marcher avec luy sa caualerie, & enuiron huit cens hommes de pied Macedoniens, qu'il feit monter à cheual, & porter avecques eux leurs pauois de gens de pied, il gaignoit pays au plus grandes traiçtes qu'il pouuoit : par ce qu'il auoit esté aduertty que les Barbares du pays en intention de tenir bon, festoient retirez aux montaignes prochaines, & aux villes & places, qu'ils pensoient estre de meilleure defense. Estant paruenue à la premiere ville, il veit les habitans d'icelle en bataille tout ioignant leurs murailles : lesquels il chargea si furieusement, que du premier choc il les repoussa battant iusques dans les portes. Mais en combattant il receut vn coup de iaueline en l'espaule, qui perça la cuirasse : mais ce fut peu de chose, parce que l'espeffeur de la cuirasse empescha le fer d'entrer auant. Aussi furent bleffez à ce conflict Ptolomee fils de Lage, & Leonnat. Apres cela, Alexandre fallà camper au pres de la ville, à vn endroiçt ou la muraille sembloit estre moins forte. Le lendemain dès le poinçt du iour les Macedoniens donnerent l'assault à la ville, & gagnerent sans grande difficulté la muraille de dehors, car elle estoit double. Quand on vint à donner l'assault à la muraille de dedans, les Barbares tindrent bon quelque temps. Mais quand les eschelles furent dressées contre la muraille, & qu'on commença à tirer sur eux coups de trect, ils ne peurent plus soustenir : ains abandonnerent la ville, & se retirerent aux montaignes prochaines. La pluspart d'eux furent rattachés & taillez en pieces : & ne fut

Guerre contre les Aspiens, Thureens, & Arafaciens.

Alexandre bleffé au combat.

pas mesmes pardonné à ceux qui furent pris vifs, tant estoit grande la furie des vainqueurs, pour la playe que le Roy auoit receuë. Ceste ville prise & rasée, il feit marcher son armee vers vne autre ville appelée Andace: laquelle s'estant rendue sans combattre, Cratere y fut laissé avec quelsques compaignies de gens de pied, pour contraindre les autres places à se rendre: & se comporter au gouuernement du pays, ainsi qu'il verroit que les affaires le requerroient. Luy avec les Argyraspides, les Agrians, les regiments de Cene & Attale, & iusques à quatre cornettes des amis, & vne partie des archers à cheual sen alla descendre à vne riuiera qu'on appelle Euaspoles: où estoit le chef des Aspiens: & marchant à grandes traictes arriua en deux iournees à vne ville. Les Barbares le sentans approcher meirent le feu à la ville, & se retirerent à des montaignes assez proches de là. Les Macedoniens allerent apres, qui en desfeirent vne grande partie, avant qu'ils fussent paruenus en lieu de seureté. Ptolomee qui auoit veu leur chef se retirer à vn costau de montaigne, encores qu'il eust beaucoup moins de gents que luy, picqua droit à luy. Mais pour autant que le lieu estoit si droit, qu'il estoit malaisé d'y monter, il se mit à pied, & tout à pied qu'il estoit alla assaillir l'Indien. Lequel le voiant approcher marcha droit à l'encontre, & luy rua vn grand coup de partifanne: mais la cuirasse qui estoit bonne soustint le coup: de sorte que l'Indien ne l'offensa point. Ptolomee au contraire luy tira vn coup qui luy perça la cuisse, dont il tomba par terre & rendit les armes. Les Barbares qui estoient à l'entour voians leur chef qui tiroit à la mort, gaignerent au pied. Les autres qui estoient retirez aux autres montaignes là aupres aduertis de la mort de leur chef, accourants de toutes parts, pour recouurer son corps, qui gisoit estendu par terre, r'appellerent ceux qui fuyoient, & recommencerent la meslee. Mais Alexandre estoit desia bien pres avec les soldats qui estoient mis à pied. Et encores les Barbares ne reculoient ils point pourtant: (tant ils estoient animez au combat, pour auoir perdu leur chef) ains se r'alliās & se

Guerre contre les Aspiens.

Chef des Aspiens tué par Ptolomee.

& se serrans l'un contre l'autre soustenoient l'effort de Ptolomee & d'Alexandre aussi. En fin, mais ce fut à toute force, apres auoir esté bien frottez, furent chassez bartans iusques dans les montaignes. Cela fait Alexandre alla descendre à la ville d'Arigee. Laquelle il trouua bruslee & abandonnee des habitans. En ces entrefaites Cratere ayant executé la commission qu'Alexandre luy auoit donnee, s'en retourna vers luy. Et par ce que la ville susdicté luy sembla estre bien assize pour contenir les Barbares en obeissance, il donna charge à Cratere de la faire rebastir, & de persuader aux Barbares circonuoisins d'y aller demeurer : & pareillement à ceux de son armee, qui pour leur vieillesse ne pouuoient plus suiure la guerre. Luy ce temps pendant se mit en chemin pour aller aux lieux où il auoit entendu qu'une grande partie des Barbares s'en estoient fuis : & y estant paruenue, se campa au pied d'une montaigne, au haut de laquelle ils estoient : & enuoya Ptolomee courir le pais. Lequel ne fut gueres loin du camp, qu'il enuoya aduertir Alexandre, qu'il auoit descouuert des feux des Barbares en plus grande quantité qu'il n'y en auoit à son camp. Alexandre ne fit pas cas de ce raport, pour auoir esté descouverts beaucoup de feux : mais quand il sceut pour le seur que les Barbares de ceste contree s'estoient retirez là, laissant une partie de son armee au camp, partit avec le surplus des compagnies, & tira droit à eux. Estant paruenue au lieu dont on voyoit les feux, il separa ses gens en trois troupes : dont il en donna une à Leonnat où estoient les regiments d'Attale & de Balacre : une autre à Ptolomee, qui estoit d'Argyraspides, & des soldats de Philippe & de Philotas, avec deux mil hommes de treft, les Agrians & une partie de la gendarmerie : & luy avec la troisième marcha droit au lieu où il voyoit plus gros flot de Barbares. Lesquels le sentans monter (car ils tenoient le haut des montaignes, & outre cela se floyent au grand nombre de combattans qu'ils estoient) n'estimans rien les Macedoniens qui n'estoient qu'une poignée de gens au regard d'eux, laisserent la montaigne, & descendās

Les Aspiens
desfaits.

en la plaine commencerent à donner dedans. De ce costé-là fut longuement & courageusement combattu : en fin les Macedoniens feirent tant d'armes qu'ils veinquirent leurs ennemis, & les contraignirent de prendre la fuitte. La part où estoit Ptolomee, ne fut pas combattu en vne plaine : mais pour autant qu'une partie des Barbares estoient campez sur vn terre, & auoient ordonné leur bataille en long, Ptolomee regarda par quel endroit on les pourroit plus commodément assailir, & par là les alla charger : ayant laissé tout expres vn passage, par lequel les Barbares peussent fuir. Il y eut aussi là vne aspre & sanglante meslee, tant à cause de la situation du lieu, que par ce que les Indiens de ceste cōtree sont les plus vaillants & les mieux aguerris de tous les Indiens : toutefois en fin ils furent aussi contraincts de quitter la place. Leonnat eut pareille fortune de sa part, ayant mis en routte les Barbares, auxquels il eut affaire. Dont y en eut quarante mil pris, ainsi que tetmoigne Ptolomee, & deux cens trente mil bœufs. Desquels Alexandre choisit tous les plus beaux pour enuoier en Macedoine, par ce qu'ils estoient plus beaux & plus puissants que les bœufs de la Grece. De là Alexandre feit marcher son armee vers les Affaceniens, que l'on disoit s'apprestier pour donner bataille, & auoir en leur camp deux mil hommes de cheual, & trente mil de pied combattans, & outre cela trente elephants. Cependant arriva Cratere avec ses forces, apres auoir executé ce qu'Alexandre luy auoit enchargé : qui amena avec luy ses soldats bien couverts de fortes & puissantes armures. Il auoit aussi fait venir des pieces & engins de batterie, à fin d'en user si d'adventure on en auoit affaire, quand on viendroit à assailir des places fortes. Alexandre poursuivant son chemin vers les Affaceniens avec la gendarmerie des amis, qui portoient des iaclines, & les regiments de Cene & Polyperchon, mil Agrians & les gens de trect, passa par le pays des Guriens, estoiant vne riuere de mesme nom. Ceste riuere donna de la peine à passer, tant à raison de la profondeur & roideur de l'eau, que des cailloux & pierres rondes qu'elle roule avec son

eau

Grande multitude d'Indiens des faicts

Alexandre enuoit des bœufs des Indes en Macedoine.

Alexandre part pour aller combattre les Affaceniens.

eau (car le fond n'est pas sablonneux, comme presque en toutes les autres) sur lesquelles pierres il n'est possible qu'un homme ny cheual puisse assurer ses pas. Quand les Barbares cogneurent qu'Alexandre auoit passé la riuiere, & n'estoit pas loin d'eux, ils s'estonnerent: & diuisans leur armee penserent à se sauuer les vns deçà, les autres delà, par les villes. Alexandre marcha droit à Massaga, qui est la plus riche ville de toute la cõtre: où il ne fut plus tost arriué, que les habitans hardis au moie des auanturiers Indiens (qui pouuoient estre iusques à sept mil) qu'ils auoient à leur soule, feirent vne saillie sur l'armee des Macedoniens. Quoy voyant Alexandre à fin de les tirer loin de leurs murailles, à ce que fils estoient renuersez, comme il esperoit, il eust plus longue prise sur eux, fait reculer ses gens de demie lieue, iusques à vn costau de montaigne, qui estoit vn peu esloigné de la riuiere, auquel il auoit delibéré d'assoir son camp. Ceux de la ville estimans qu'ils fussent & recullassent par crainte qu'ils eussent d'eux, doublerent le pas pour leur courir sus, comme fils les eussent desia tenuz à leur mercy. Quand ils furent approchez de la portee du treict, Alexandre au signal qu'il donna fait tourner visaiqe vers eux. Les gens de cheual portans iauelines feirent la premiere charge avec les Agrians & gens de treict: luy avec la Phalange bien ordonnee en baraille suiuiot. Lors les Indiens estonnez de voir le contraire de ce qu'ils pensoient rebrousserent chemin à val de route vers la ville: & ayants perdu deux cens hommes, se retirerent tous effroyez, plus viste que le pas, dās leurs murailles. Et ainsi qu'Alexandre conduisoit sa Phalange droit à la muraille pour donner l'assault, il fut vn peu blessé d'un coup de fleche à la plante du pied. Le lendemain il fait battre la ville avec ses engins de batterie: & estant mis par terre vn pan de muraille, les Macedoniens voulurent monter à la bresche, mais ils furent repoussez par les Indiens, qui s'y monstrerent gens de bien: au moyen dequoy Alexandre fait sonner la retraite. Le iour d'apres de grand matin les Macedoniens donnerent vn autre assault à la ville beaucoup plus furieux que

Massaga ville des Assaceniens.

Alexandre blessé à la plante du pied. Massaga assiegee.

Pont fondu
soubz les
soldars.

deuant, aians approché iusques contre la muraille vne tour de bois, dont ils battoient ceux de la ville à coups de fleches & de dards. Mais les barbares feirent tel deuoir de resister, que quelque chose qu'on y peust faire, la ville ne peut estre prise pour ce iour là. Le troisieme iour il feit presenter l'Infanterie à la bresche & ietter vn pōt de la tour de bois sur icelle: par dessus lequel il enuoya à l'assault les Argyraspides, par lesquels auparauant la ville de Tyr auoit esté prise par ce moyen. Et ainsi qu'ils se hastoient & pressoient l'un l'autre à passer par dessus ce pont, tant à cause du Roy là present, que pour le desir qu'ils auoient d'acquérir honneur, le pont succomba soubz le faix, & tomberent en bas tous ceux qui estoient dessus l'un sur l'autre. Adonc les Barbares se prirent à faire de grands cris & huees, leurs tirans coups de fleches & de pierres, & de toutes autres choses dont ils les pouuoient offenser. D'autres sortirent soudainement à couuert par des poternes, qui estoient entre les tours, & chargerent sur eux, qui auoient beaucoup de peine à se releuer. Ce que voyant Alexandre, il enuoya en dilligence Alcetas avec ses cōpaignes pour secourir ceux qui estoient en ce danger: & pour, après auoir mis en sauueté les naurez, faire retirer ceux qui combattoient encores. Puis au quatrieme iour braqua d'autres pieces de batterie en vn autre endroiēt de la muraille, où fut fait bresche & fut dressé vn pont: puis fut donné encores vn assault à la ville: auquel du commencement les Indiens qui estoient à soulde, se monstrerent gens de cueur & resisterent vaillamment. Mais quand ils veirent leur Colonel mort d'un coup qu'il auoit eu, & que grand nōbre de leurs gēs auoient esté tuez & autre grand nombre si fort naurez, qu'il ne leur estoit pas possible de plus combattre, ils enuoyerent vers Alexandre pour parlementer: luy promettās que s'il leur vouloit permettre sortir de la ville leurs vies sauues, ils se rendroient & quitteroient la place. Alexandre qui les tenoit pour braues hommes leur respondit, qu'il vouloit bien leur accorder cest appoinctement, moyennant qu'ils voussissent demeurer à

rer à son seruice. Ce qu'ils promirent. Et au moien de cela sortirent de la ville avec leurs armes : & s'allerent camper sur vn tertre à l'escart & arriere du camp des Macedoniës, en intention de s'enfuir par nuit, & se retirer chascun en sa maison : d'autant qu'ils ne vouloient porter les armes contre les Indiens. Le Roy estant aduertie de leur dessein, la nuit mesme fait enuironner de soldats le tertre où ils estoient, & les tailla tous en pieces : puis il marcha droict à la ville, laquelle estant demeuree sans defense, fut prise incontinent : où il trouua la femme, la mere, & la fille du Roy des Affaceniens. Il ne perdit pas en tout ce siege plus de vingt-cinq hommes des siens. Apres cela il enuoya Cene à Bazira, estimant que ceux de la ville estonnez de la prise & desfaiete des Affaceniens, se rendroient à la premiere sommation. A la ville d'Ora il enuoya Artale, Alcetas & Demetrie pour faire tirer vne trenchee tout à lentour de la ville, en attédant qu'il y arriuaft. Lesquels ainsi qu'ils approchoient de la ville, furent chargez par les habitans, qui feirent vne saillie fort chaude sur eux : mais ils les rechasserent battant iusques dans leurs portes. Quant aux Baziriens, hardis à cause de la situation & forteresse naturelle de leur ville, tindrent bon contre Cene, contre l'esperance toutefois d'Alexandre. Lequel en estant aduertie delibera de se mettre en chemin pour y aller. Mais aiant eu nouuelles, d'autre costé, qu'Abissare enuoyoit secours de quelsques Barbares d'assez pres de là aux Orains, pour tenir bon avecques eux dans la ville : il changea d'opinion, & marcha premieremēt à Ora : mandant à Cene de fortifier son camp, & y laisser des gens assez pour empescher que ceux de là ville ne fortifissent libremēt aux champs : & qu'il le vinst trouuer avec le surplus de ses forces. Si tost que les Baziriens veirent que Cene estoit party, aiant emmené, quant & luy la pluspart de ses compagnies, esperans aisément venir à chef de si peu de gens qui estoient demeurez, feirent vne saillie sur ceux du camp. Là y eut vn aspre conflict, & qui dura longuement : où il y eut bien pres de cinq cens Barbares tuez sur le champ, & soixante & dix pour le

Prise de
Massaga.

Des villes de
Bazira &
d'Ora.

moins, prisonniers: les autres furent repoussez dans leur ville dont ils n'osèrent jamais sortir depuis qu'ils eurent esté si bien frottez. Alexandre estant arriué, feit assaillir la ville, laquelle fut prise du premier assault. Il y trouua des elephas, qu'il prit. Quand les Baziriens entendirēt les nouuelles de la prise d'Ora, ils perdirent cuer, & iugerent bien qu'ils n'auoient forces bastantes pour resister. Parquoy sur le minuit ils abandonnerent la ville, & s'enfuirent à vne roche qu'ils appelloient Aorne : où pareillement s'estoient retirez d'autres Barbares leurs voisins. Ceste roche, pour estre forte de nature, estoit par les Barbares estimee imprenable, quand tout le monde eust esté deuant. Et a on tenu pour chose veritable que mesmes Hercule, quelque fils de Iupiter qu'il fust, nela sçeut oncques prēdre: combien qu'il fust si vaillant que rien ne sembloit inuincible ny imprenable deuant luy. Mais qu'il y ait oncques eu Hercule, fust Thebain, Tyriē ou Ægyptiē, qui ait passé iusques aux Indiens, certainement ie ne le voudroy pas asseurer. Ains seroy plustost d'opiniō, qu'il n'y eut iamais aucun d'eux, qui soit allé iusques là. Au reste, on sçait bien, que toutes choses difficiles & de penible execution, ont accoustumé d'estre si fort amplifiees, qu'on diēt, que mesmes Hercule ne les a sceu mettre à fin. Je pēseroy bien, qu'autāt en seroit aduenue touchāt ceste roche, à cause qu'il est difficile de la prēdre: tellemēt que quand on venoit anciēnement à parler si & cōme on la pourroit prendre, on souloit mettre Hercule en ieu. On tient qu'elle a douze lieues & demie de tour: de hauteur, sans la prendre encores au plus haut, pres de trois quarts de lieue: & qu'on n'y sçauroit monter que par vne petite sente faicte à la main, & fort aspre & roide. Qu'il y a au sommet abondance d'eau fort claire, dont sourd vne fontaine. Qu'il y a aussi vne forest: & autant de terroir de labeur à l'entour du fort, comme il en peut falloir pour la nourriture de mil personnes. Alexandre ayant entendu cela eut fort grande enuie de la prendre: mesmement pour les contes qu'on en faisoit d'Hercule. Apres auoir mis bonne garnison dans les villes d'Ora & de

La roche de
Aorne.

Hercule ne
fut iamais
aux Indes.

Description
de la roche
d'Aorne.

de Massaga, il feit desmanteler Bazira. Ephestion & Perdiccas ayants fait fortifier la ville de Orobates par ordonnance d'Alexandre, & en icelle laissé garnison, festoient acheminez à la riuere d'Inde : où ils auoient desia preparé toutes les matieres necessaires pour le passage de la riuere, suivant la commission qu'ils auoient d'Alexandre de ce faire. Il ordonna pour son Lieutenant general & gouuerneur du pays qu'il auoit conquis pres de l'Inde, Nicanor, qui estoit l'un de ceux à qui plus il se fioit il s'empara de la ville de Peuceliotis, qui n'est pas loin de la riuere, par le moyen de la redditiõ que luy en feirēt les habitans d'icelle. Puis y aiant mis bonne garnison, & Philippe pour gouuerneur, continuant sa victoire, il prit les autres villes qui estoient sur l'Inde estant fuiuy de Cophee & Asfages Princes & grands seigneurs en ceste contree. Quand il fut paruenue à Embolima, qui est vne ville qui n'est pas loin d'Aorne, il y laissa Cratere avec vne partie de son armee, avec charge de faire mener au camp des grains & autres munitiõs necessaires pour vn long siege : en intētiõ que sil ne pouuoit prendre du premier coup la roche par force d'armes, ou par quelque ruze de guerre, il peust contraindre par vn long siege & par famine ceux qui estoient dedans de venir à cõposition. Et prenant avec luy les Agrians, les compagnies de Cene, & quelque nombre de fantassins armez à la legere, qu'il auoit choisis parmy toute l'Infanterie, comme les plus allaires & les mieux armez : deux cens caualiers des allies, & cent archers à cheual, il se mit en chemin pour tirer droit à la roche. Estant le lendemain arriué assez pres d'icelle, & s'estant campé là, quelsques Barbares de là auprès allerent vers luy, qui luy monstrent par quel costé, à leur aduis, on pourroit plus facilement monter à la roche : & s'offrrent de luy seruir de guides pour y aller. Alexandre apres leur auoir fait reueil, enuoya Ptolomee fils de Lage avec les Agrians, & d'autres gens de pied armez à la legere, & quelsques Argyraspides gens d'elite, & leur commanda de suivre ces guides : & que quand ils seroient au sommet, ils ne faillissent à le donner à

La ville de
Bazira des-
mantelée.

Nicanor
fait gouuer-
neur des pais
Indiens nou-
uellement
conquis.

Peuceliotis
ville rendue.

Cophee &
Asfages Prin-
ces Indiens
au camp de
Alexandre.

Assault donné
à la roche.

Combat entre
les Barbares
& Ptolomee.

cognoistre par vn certain signal. Ptolomee marchant avec ses guides, avec grand peine & trauail des soldats, par des endrois roides & coupez paruint en fin au lieu qui luy auoit esté montré, sans estre descouuert des Barbares : ayant lequel fortifié de legers ramparts & de trenchees, il leua haut en l'air vn flambeau ardent, qui estoit le signal, qui leur auoit esté baillé. Lequel estant apperceu du camp, Alexandre feit approcher ses soldats, & donner l'assault à la roche. Mais les Barbares firent telle resistance, ioinct que le lieu estoit fort à leur aduantage, que tout son effort ne luy seruit de rien. Et quand les Barbares veirent qu'Alexandre s'efforçoit en vain de monter par l'endroit où il estoit, ils trounerent visàge, & allerēt charger ceux qu'ils entendirent estre montez avec Ptolomee : où il y eut vn aspre combat, s'efforceants d'vn costé les Indiens de rompre & abattre le rāpart, & les Macedoniens de garder & defendre la place. En fin les Barbares repoussez à coups de treēt par les Macedoniens, ioinct aussi que la nuit approchoit se retirerēt. La nuit venue, Alexandre enuoya vn Indien, qui s'estoit venu rendre à luy, & qui sçauoit fort bien les chemins & destours de la roche, vers Ptolomee, avec lettres, par lesquelles il luy mandoit, que quand il verroit le lendemain donner l'assault à la roche, il ne faillist quand & quand de sa part d'assaillir d'en-hault où il estoit, les ennemis : à fin que eux estans assaillis de deux costez, ne sçeuissent ausquels entendre. Le iour d'apres de grand matin, il feit mettre ses gents en armes, & marcha droict au lieu auquel estoit monté Ptolomee, sans estre apperceu des ennemis, estimant que s'il se pouuoit vne fois ioindre avec Ptolomee, il luy seroit aisé de venir à bout de son entreprise. Et ne s'en fallut rien qu'il n'aduint ainsi qu'il esperoit. Et le lendemain allant à mont par ce costé là, il eut beaucoup de peine à monter, par ce qu'il rencontra les ennemis en teste. Et lors il fallut combattre, & dura la meslee iusques à midy : toutesfois pour autant que les Macedoniens, qui ne se monstroient point recreus, ne cessoient point, ains faidoient les vns aux autres, & rafraichissoit-on ceux des premiers rangs :
ils

ils gaignerent en fin le haut de la roche : vray est que ce fut à grand peine : encores ne peurent ils, qu'il ne fust toute nuict. Estans montez au sommet de la môtaigne, Alexandre les mena droict vers la forteresse : mais ils ne peurent rien faire pour ce iour là, tant estoit difficile & penible le chemin , par lequel il falloit aller. Sur le iour il commanda aux soldats de couper chascun cent pieux , aians matiere à suffisance, au moyen de la forest qui estoit alentour. Auec lesquels il feit faire vne chauffee en tirant depuis le coupeau de la montaigne , iusques au fort de la roche : à fin de contraindre les Barbares à coups de trect d'abandonner leurs defences . Et luy ne bougeoit d'au pres de ceux qui trauailloient à cest ouuraige, louant ceux qui alloient couraigeufemēt en besongne, reprenant & encourageant les autres qui y besongnoient laschement. De sorte que la premiere iournee, combien que les Barbares feissent tout ce qu'ils pouuoient pour les empêcher, ils feirēt bien six vingts pas de long de ceste chauffee: puis on r'enforça le nombre des ouuriers, & pour leur faire sorce furent ordōnez des foldats auec des fondes, pour repousser l'effort des Indiēs. Au moyen dequoy la chauffee fut faicte & parfaicte dans le troisieme iour . Le quatrieme d'apres quelques Macedoniens aians gaigné vn coupeau de montaigne vis à vis de la forteresse, & de la mesme haulteur d'icelle : Alexandre y courut en diligence, & se delibera de faire faire vn pont pour aller de l'vn à l'autre. Et ainsi qu'il faisoit commencer à y besongner, & que l'œuvre se continuoit de fort bonne façon : il n'en fut pas plus-tost faict vne partie que les Barbares estonnez & perdants presque cuer de voir ce coupeau de montaigne pris, lequel ils pensoient estre imprenable : estimans que c'estoit follic à eux de se plus fier à la forteresse de la roche, enuoyerent gens pour parlementer auec Alexandre : lesquels offrirent de rendre la place, moiennant qu'il leur fust permis de s'en aller leurs vies & bagues sauues. Toutefois leur intention estoit de passer toute la iournee entiere à parlementer, & la nuict venue se retirer en leurs maisons. Ce qu'ayant descouuert Alexandre, leur

A

Reddition
de la roche
d'Aorne.

donna du temps suffisamment pour s'en aller. Et feit retirer arriere les soldats qui estoient a l'entour. Puis prenant avec luy les gardes de son corps, & enuiron sept cens Argyraspides, il marcha tout le premier à la roche abandonnee des ennemis. Les Macedoniens pareillement l'un d'un costé, l'autre d'un autre, faidans l'un l'autre à grimper, feirent tant qu'à la fin ils y monterent. Et autant de Barbares qu'ils rencontroient fuyants, les mettoient en pieces. Il y en eut aussi beaucoup, lesquels pensants se sauuer à la fuitte, tomberent en bas par des precipices, & se tuerent. Quand Alexandre eut gagné ceste roche, que l'on disoit n'auoir peu estre prise par Hercule; il y sacrifia. Puis après y auoir ordonné pour capitaine Sificopte, lequel aiant abandonné le party des Indiens, festoit mis de celuy de Bessé, & depuis l'auoit abandonné pour se venir rendre avec ses troupes à Alexandre, apres la conqueste du pays des Bactrians, & luy auoit fait beaucoup de grands & fideles seruiues: il partit pour aller courir les pays des Assaceniens. Car il auoit eu aduertissement que le frere du Roy des Assaceniens tenoit les montaignes, avec quelques elephants: & festoit retiré avec luy un grand nombre de Barbares d'alentour. Quand il fut arriué à la ville de Dyrta, il la trouua toute vuide de gens, & tout le plat pays circonuoy sin desert & abandonné de ceux de là, pour la craincte qu'ils auoient d'Alexandre. Le lendemain il enuoya Nearch & Antioch, qui auoyent chargé chascun de mil Argyraspides, adroustant au regiment de Nearch les Agrians legerement armez: & à celuy d'Antioch, autres deux mil Argyraspides: pour aller battre l'estrade & prendre quelques Barbares de ceste contree, pour tirer d'eux quelles estoient les manieres de faire de ceux du pays, & comment ils se gouuernoient au fait de la guerre, & mesmes touchant les elephants. Luy cependant prit son chemin vers la riuere d'Inde ayant enuoyé deuât des gens de guerre & autres pour essarter & nettoier les chemins: par ce qu'on disoit que les lieux

lieux , par où il falloit passer , estoient fort fascheux & pleins de buissons & hailliers. Estant en chemin il sceut par le moien d'aucuns Barbares qui furent pris , que tous ceux de ceste contree festoient retirez vers vn nommé Barisades, ayants laissé leurs elephans aux pastis pres la riuere d'Inde. Quoy entendu, il se fait conduire par ces prisonniers droit au lieu où estoient les elephants. Or sont les Indiens fort aspres à la chasse, principalement de ces bestes : & pour ceste cause Alexandre les aimoit & en auoit tousiours aupres de sa personne. Estant paruenue où estoient ces elephans , il comença à leur donner la chasse. Il y en eut deux qui s'enfuirent en des lieux fort haults, dont ils tomberent & se tuerent. D'autres furent pris, ausquels des Indiens apprindrēt depuis à souffrir les cheuaucheurs, & à s'appriuoiser parmy le camp. Il trouua aussi pres de là vne forest, où il fait abattre des arbres par ses soldats : & fait faire en diligence des batteaux pour descendre avec son armee au pont que Ephestion & Perdicas auoient jà fait faire.

Les Indiens
aiment la
chasse, prin-
cipalement
des elephas.

FIN DV QUATRIEME LIVRE.



A ij




CINQVIEME LIVRE

DES FAICTS ET CON-

QUESTES D'ALEXANDRE

le GRAND, Roy des
Macedoniens.

De la ville
de Nyffe.
De Denis ou
Bacchus.



Il ne faut ad-
iouster foy à
toutes histo-
res anciēnes.

N tient que au pays qui est entre les ri-
uieres de Cophene & Inde est située la
ville de Nyffe, construite par Denis ou
Bacchus, lors qu'il conquist par force
d'armes ceste contree, au voyage qu'il
fit en Indie. Mais ie ne puis bonnemēt
estimer qui fut ce Bacchus, en quel tēps,
ny de quelle part il partit pour aller en
Indie. Je ne sçay si ce fut le Thebain, qui partit de la ville de
Thebes, ou celuy qui de Timole, qui est vne montaigne de
Lydie, pour tirer avec vne armee vers Indie. Auquel voyage
il passa par tant de belliqueuses nations, & dont les Grecs n'a-
uoient iamais ouy parler, & toutefois ne soubmit à sa puissan-
ce que les Indiens. Je n'en ay encores rien trouué de certain.
Au reste, il me semble qu'il n'est point de besoing de recer-
cher si auant les choses, principalement touchant les dieux,
dont nous n'auons aucune cognoissance, que par les contes &
fictions fabuleuses des anciens. Car tout homme qui voudra
songneusemēt esplucher l'estat & nature des choses, trouuera
qu'en telles histoires faictes à plaisir, n'y a bien souuent aucune
apparence de verité. Et pour les autoriser & faire receuoir
du peuple, on a ceste coustume de les coulorer de quelque di-
uinité

uinité qu'on y entremesse. De sorte, que bien souuent à raison de cela elles sont receuës & tenues sinon pour vrayes, au moins non du tout incroyables. Comme Alexandre estoit en chemin pour aller à Nyffe avec son armee, les Nyffiens enuoyerent vers luy vn nommé Acuphis, qui estoit gouuerneur & chef de la ville, & avec luy trente autres des principaux & plus apparens, pour requerir Alexandre, qu'il luy pleust, à tout le moins en faueur de leur dieu, laisser leur ville franche & libre. Lesquels estans conduits vers Alexandre dans son pauillon comme il ne faisoit que d'arriuer, le trouuerent assis en vne chaire encores tout armé, & tout couuert de poudre, aiant en sa main vne partifanne & l'armet en teste. Ils demurerent comme gens esperdus de le voir : & se iettans à ses genoux, furent long temps sans sonner vn seul mot. Apres qu'Alexandre les eut fait leuer, & les eut vn peu asseurez, Acuphis

» commença sa harangue en ceste façon: Les Nyffiens vous sup-
 » plient, Sire, de permettre que leur ville demeure libre, &
 » iouisse de ses anciës droits & priuileges, pour l'honneur de leur
 » dieu Bacchus : lequel l'edifia apres qu'il eut veincu les Indiens,
 » estant en chemin pour retourner en Grece, pour memoire
 » de son voyage, & de la victoire par luy obtenue : & la peupla
 » de ses soldats, qui à cause de leur vieillesse ou maladie ne pou-
 » uoiët plus suyure la guerre : tout ainsi que vous, Sire, auez cõ-
 » struit Alexâdrie au mont de Caucase, & vne autre en Égypte,
 » & encores plusieurs autres ailleurs de mesme nom : & pourrez
 » cõstruire cy apres, cõme celuy qui auez desia mis à fin de plus
 » grandes & plus hautes entreprises qu'il ne fait oncques. Il
 » voulut que ceste ville fust appelée Nyffe, pour l'amour de
 » celle qui l'auoit nourry de lait : & toute ceste contree, Nyffee :
 » & ceste montaigne que vous voyez la plus prochaine de la
 » ville, Cuiffe : à cause que (cõme il est porté par ce qu'on a
 » escrit deluy) il nasquit de la cuiffe de Iupiter. Depuis ce temps
 » là nous n'auons esté suieës à personne : ains nous sommes
 » gouuernez selon nos vs & coustumes, maintenans nostre
 » Republicque en estat, par vne tres-bonne forme de gouuer-

Harangue
des Nyffiens
à Alexandre.

Nyffe bastie
par Bacchus.

La montai-
gne de Cuif-
fe.

A iij

nement & police. Et qu'ainsi soit que ceste ville ait esté bastie
 par Bacchus, beaucoup de choses en donnent bon tescmoi-
 gnage : entre autres celle cy, qu'il n'y a lieu en toute l'Indie
 que cestui cy, où croisse le lierre : lequel, comme pouuez sça-
 uoir, est plaisant & agreable à ce dieu. Alexandre escouta
 tres-volontiers Acuphis ainsi parler: car il auoit grande en-
 uie de sçauoir la verité de ce qu'on disoit de Bacchus: &
 qu'on creust que ceste ville là auoit esté construite par luy.
 D'autant qu'il auoit desia esté aussi loin que Bacchus, & espe-
 roit bien encores aller plus auant qu'il n'auoit esté. Qui le fai-
 soit penser que les Macedoniens seroient bien contents de sui-
 ure encores la guerre, & ne refuseroient pas de supporter le
 trauail des armes, pour l'esperance qu'ils auoient d'acquiescer au-
 tant d'honneur par leurs beaux exploits d'armes, que Bac-
 chus en auoit acquis par les siens. Qui fut cause qu'il permit
 aux Nyssiens de viure libres comme deuant, & leur octroya
 de iouir de leurs priuileges & franchises. Puis quand il eut en-
 tendu de quelles loix ils vsoient, & comme leur Republique
 estoit regie & gouvernee par gens choisis & eleuz parmy le
 peuple : il les estima plus que deuant, & leur dict, qu'ils luy
 enuoyassent trois cens hommes de cheual, dont y en eust
 cent du nombre de ceux qui auoient surintendence des affai-
 res publiques, qui estoient trois cens. Et confirma Acuphis
 au gouuernement de la prouince. On dict, qu'à ce comman-
 dement Acuphis se print à foubrire: & qu'Alexandre luy de-
 manda dequoy il rioit? Aquoy il respondit: Comment esti-
 mez vous, Sire, qu'une cité peust estre bien conduite, de la-
 quelle on auroit tiré cent des meilleurs citoyens, par l'aduis
 desquels principalement elle estoit gouvernee? Si vous auez
 quelque soin des Nyssiens, & il vous plaist en auoir trois cens
 hommes de cheual: permettez qu'on vous en enuoye deux
 cens, pour les cent que voulez estre pris du nombre des ma-
 gistrats & gouverneurs: à fin que quand vous retournerez,
 vous trouuiez la ville en tel estat & dignité qu'elle est mainte-
 nant. Acuphis par sa harangue sceut si bien gaigner Alexan-
 dre,

dre, (par ce qu'il luy sembla auoir parlé en homme sage & bien aduisé) qu'il se contenta de demander quelque nombre de caualiers, sans faire mention desdicts cent ny d'autres au lieu d'eux : & avecques eux son fils, & vn sien nepueu fils de sa seur, lesquels Alexandre auoit nommément demandé pour aller avec luy a la guerre. Apres cela il prit enuie à Alexâdre d'aller, accompagné de la gendarmerie des amis & d'un regiment de gens de pied, voir la ville, où les Nyssiens disoient estre encores des marques & enseignes du voyage de Bacchus : & la montaigne de Cuisse, laquelle ils contorent estre toute couuerte & reuestue de lierre & de laurier : & qu'il y auoit des bois les plus plaisans & ombrageux du monde, garniz de toute sorte de bestes de chasse. Si tost que les Macedoniens y furent arriuez, ils cōmencerent à s'elgayer voyans du lierre, dont ils n'auoiēt point veu lon tēps auoit : & faisoient des chapeaux de laurier, qu'ils nettoient sur leurs testes, chantans d'allegresse des hymnes & cantiques à la louange de Bacchus, l'inoquans tantost par vn nom, tantost par vn autre. Apres vn sacrifice qu'il y feit, il y voulut faire vn festin avec ses plus fauoris. Mesmes quelsques vns ont escrit (il les croira qui voudra) que plusieurs des plus grands seigneurs d'entre les Macedoniens qui estoient avec le Roy à ce festin couronnez de lierre, furent espris de la fureur du dieu Bacchus, & alloient courans & rageans çà & là, comme ceux qui font le seruice de ce dieu. Si ces choses sont vrayes ou non, chascun en iugera à par- soy. Quant à moy, ie seroy bien de l'opinion d'Erato- sthenes Cyrenean, qui dict, que tout ce que firent onques les Macedoniens pour ce regard, ils le firent entierement en fa- ueur d'Alexandre, & pour luy gratifier. Autant en est- il des contes qu'ils faisoient, comme de la cauerne, qu'ils racontoient auoir veu au pays des Parapamisadiens, qui est vne fable, que les habitans du pays ont ouy dire, ou bien eux mesmes l'ont controuuee : à sçauoir, que c'est la cauerne & fosse sous terre, où iadis Promethee fut attaché : des entrailles duquel se passoit vn aigle, qui y voloit ordinairement : lequel aigle fut tué

Les Macedoniens se-
batent à la
montaigne
de Cuisse.

Les Macedo-
niens faisoient
& contoient
les choses à
l'aduantage
d'Alexâdre.

Fiction de Promethee. par Hercule, qui y alla, & deliura Promethee. Les mesmes Macedoniens faisoient de beaux contes du mont de Caucaſe, appellans Caucaſe le Parapamiſe. Et cela faisoient ils pour accroistre tousiours l'honneur & gloire d'Alexandre, à ſçauoir d'auoir paſſé le Caucaſe. Tout ainſi que quand ils veirent chez les Indiens des bœufs marquez d'une figure de maſſue, ils diſoient qu'ils croyoient bien, que Hercule auoit eſté autrefois en ce pays là, par ce qu'il auoit accouſtumé de ſaider pour armes d'une maſſue. Le ſuſdict Eratoſthenes eſt d'opinion, qu'on en auoit mis en auant tout autant du voyage de Bacchus. Ie me ſuis contenté quant à moy de reciter ce que j'en ay trouué par eſcript. Arriuant Alexandre à la riuere d'Inde, trouua le pont paracheué ainſi qu'il auoit donné charge à Epheſtion, & grand nombre de moyens batteaux, avec deux à trente rames, & des preſens que Taxiles Indien luy auoit enuoyez : qui eſtoient la ſomme de deux cens talens d'argēt : trois mil cheſ de beſtes à cornes, dix mil beſtes blanches & plus, & trente elephans. Il auoit auſſi enuoyé ſept cens hommes de cheual, avec offre de luy liürer quand il luy plairoit Taxila, qui eſtoit la plus grande ville, qui fuſt entre la riuere d'Inde & celle d'Hydaſpes. Là Alexandre ſacrifia aux dieux, auſquels il auoit couſtume de ſacrifier: puis ordonna vn ieu de pris ſur la grêue de la riuere, pour celuy qui le gaigneroit à la courſe à cheual. En ce ſacrifice les entrailles des beſtes immolees luy ſignifierent qu'il auroit bonne iſſuë de ceſte guerre. L'Inde eſt eſtimé le plus gros de tous les fleuues qui ſont en Aſie & en Europe, apres le Gange qui eſt auſſi fleuue d'Indie. Il prend ſa ſource en la mōtaine du Parapamiſe, ou (comme les Macedoniens l'appelloient) Caucaſe: & va tomber en la grande mer Indienne du coſté du midy: où il y a deux bouches, qui ſont fort marescageuſes en pluſieurs endroiçs, tout ainſi que le Danube en a cinq. Il faiçt de ſon cours vne iſle en forme d'un delta, toute ſemblable à celle d'Ægypte: laquelle eſt appellee en langage du païs Patala. Voila ce que ie puis eſcrire de la riuere d'Inde eſtant de ma cognoiſſance. Quant à l'Hydaſpes & Aceſines

&c

& encores Hydraotes, & Hyphasis qui s'ont riuieres des Indiens, elles sont beaucoup plus grosses que n'est vne des autres riuieres de l'Asie: & neanmoins elles sont d'autant moindres que l'Inde, que l'Inde est plus petit que le Gange. Et tout fois Ctesias (on l'en rapportera à luy si on veut) assure que l'Inde a deux lieues & demie de largeur, à l'endroit où il est plus estroit: & où il est au plus large, pres de six lieues. Alexandre des le point du iour comença à faire passer la riuiere à son armee tirant à vne contree des Indiens: desquels il n'est pas temps de parler en cest endroit: à sçauoir comment ils viuēt, & de quelles loix ils vsent, quels monstres & bestes estranges sont en ce pays-là: quels poissons & de quelle grandeur se treuuent es riuieres d'Inde, Hydaspes, Gange, & autres fleuues des Indiens: & pareillement combien sont grands les fourmis qui tirent l'or de terre: ou les Gryphons qui se tiennent assiduelement au pres de l'or, quand il est defouy: & beaucoup d'autres choses de pareille estoffe, qui ont esté inuentees plustost à plaisir, que deduictes selon la verité. Ce qui est aduenu pour autant que quelque chose tant absurde soit elle, qu'on escriue de l'Indie, il n'y a personne qui puisse contredire. Mesmement Alexandre & ceux qui feirent le voyage d'Indie avec luy ont descouuert beaucoup de choses qui auoient esté escrites faulxement touchant icelle. Car ils ont descouuert & cogneu par experience que les Indiens n'ont point d'or, au moins ceux par le pays desquels passa Alexandre. Il trauersa beaucoup de regions des Indiens, dont il n'en trouua oncques qui fussent addonnées aux delices: ny de plus petits que sont ceux des autres nations de l'Asie, aians les membres puissans à merueilles, & plus que tous les autres Asiatiques: dont y en a beaucoup qui ont cinq coudées de hauteur, ou bien peu moins: & sont plus noirs & bazannez que gens qui soient au monde, fors les Ethiopiens. Quant au faict de la guerre ce sont les plus vaillans & adroits aux armes, qui soient en toute l'Asie. Je ne voudroy pas toutefois faire comparaison des Perses, par la prouesse desquels Cyr fils de Cambyse conquist l'Empire & seigneurie de l'Asie

L'armee d'Alexandre passe l'Inde.

On raconte beaucoup de choses faulces du pays des Indiens.

les Indiens sont grands, noirs, vaillans en guerre.

B

Arrian pro-
met de trai-
ter des In-
des à part.

Du mont de
Taur.

sur les Medois, avec les Indiens. Par ce qu'en ce temps-là les Perses estoient pauvres, leur pays aspre & de peu de rapport : & se gouvernoient par loix & manieres de viure bien fort approchantes de la discipline des Lacedemoniens. Il est vray que grande boucherie fut faicte d'eux par les Scythes : mais ie ne sçay si elle aduint point pour auoir esté les lieux à leurs desauantage, ou par quelque autre faute en laquelle Cyr se fust oublié : ou bien si les Perses estoient en ce qui concerne le faict de la guerre, inferieurs & moins gens de faict que les Scythes par lesquels ils furent desfaicts. Mais nous reseruerons à parler à vn autre traicté à part des singularitez & maniere de viure des Indiens, suiuant ce qu'en ont escrit Nearch, Megasthene, & Eratosthene, qui sont auteurs bien approuuez. Vn desquels, sçauoir est Nearch, a en personne nauigé la mer Indienne. Là ie discoureray amplement des loix & statuts des Indiens : & si l'on y trouue quelques animaux monstrueux, & quels, & toute la nauigation de l'Ocean en ceste coste. Pour le present nous nous contenterons de toucher seulement ce qui semble appartenir à la deduction de l'histoire d'Alexandre.

Le mont de Taur est de fort grande estendue, & si grande, qu'il contient depuis vn bout de l'Asie iusques à l'autre. Il commence des la montaigne de Mycalé, qui regarde de front l'Isle de Samos : & faisant la separation de la Pamphilie & de la Cilicie, s'estend iusques en Armenie : & de là passant outre vers la Medie, non gueres loin des Parthes & Charasmiens, se va, enuiron la Baëtrienne ioindre au Parapamise : que les Macedoniens qui suyurent Alexâdre appellerēt Caucase, pour rendre tousiours la gloire d'Alexandre plus grande : comme d'auoir penetré avec son armee iusques par delà le Caucase, aiant par tout esté victorieux. Et peut bien estre que ce mont se continue avec l'autre Caucase Scythique, ainsi que le Taur avec celui-cy : qui a esté cause que ie l'ay quelquefois appellé cy deuant Caucase, & encores cy apres l'appelleray ie ainsi. Ce Caucase donc s'estend sans estre aucunement interrompu, iusques à l'Ocean Indien du costé de Leuant. Et tou-

ics

tes les riuieres de nom qui passent par l'Asie, prennent leur source & origine du Taur, ou du Caucaſe: dont les vnes tirent vers le Septentrion, & y en a d'icelles qui vont tomber dans les mareſſs Meotides: d'autres dans la mer d'Hyrkanie, qui n'est qu'un gouſſe de l'Ocean: les autres vers le Midy, du nombre deſquels ſont l'Euphrate, le Tygre, l'Inde, Hydaspes, Aceſines, Hydraotes, Hyphaſis, & tous les autres ſemblablement qui ſont entre ceux-là & le Gange, vont tomber en l'Ocean: fors quelques vns qui regorgent & arreſtent leur cours, du nombre deſquels eſt l'Euphrate, & ſe perdent ſoubs terre par quelques creux qu'on ne peut voir. Au moyen de quoy le pays d'Asie eſt compoſé & ſitué en ceſte ſorte: Ce qui eſt de coſté & d'autre du Taur & du Caucaſe en tirant du Leuant au Ponent, ſe partit en deux: & ſont les deux parties de l'Asie, que faiſt le Taur, qui ſont de merueilleuſe eſtendue: dont l'une regarde le Midy, & eſt fermee par le moyen du Taur. L'autre eſt tournée vers le Septentrion & vent de Biſe. Et des quatre parties eſquelles ſe diuiſe l'Asie qui eſt du coſté du Midy, l'Indie eſt la plus grande de toutes, ainſi que le recitent Eratoſthene & Megathene auſſi, lequel diſt que pendant le temps qu'il demouroit avec Sibyrtie Satrape des Arachotiens, il alla par pluſieurs fois à la cour de Sandracor Roy des Indiens. La plus petite partie eſt celle qui comprend depuis l'Euphrate iuſques à la mer de deçà. Et quant aux deux autres, qui ſont entre l'Euphrate & l'Indie, ſi elles eſtoient miſes enſemble, encores ne ſeroient elles pas de ſi grande eſtendue, qu'eſt l'Indie ſeulle. Laquelle Indie eſt bornee des coſtez de Leuant & Solaire iuſques au Midy de la mer Oceanne: du coſté du Septentrion du mont de Caucaſe, iuſques aux confins de Taur: deuers le Ponent & le vent Iapygien, iuſques à la mer Oceanne, de la riuere d'Inde. Duquel coſté la pluſpart du pays eſt vny & champeſtre. Et eſtime on que ceſt aplaniffement de terroir a eſté faiſt par le moien des riuieres, ainſi qu'il eſt aduenü en beaucoup d'autres pays proches de la mer: la pluſpart deſquels ont eſté faiſts plains

La mer Hyrcanienne eſt vn gouſſe de l'Ocean.

L'Euphrate ſe perd ſoubs terre.

Diuiſion de l'Asie.

Megathene hiftorien.

Plusieurs
pays ont pris
les noms des
rivières.

& vnīs par la terre & limon que la force de l'eau des fleuves a amassé: de sorte qu'il y a des contrées qui ont pris les noms des rivières: comme on dict la plaine de Herme: qui est vne riuere, qui vient de l'Asie, ayant sa source à la montaigne de la mere Dindymene, & va descendre à la mer, non gueres loing de Smyrne ville d'Eolie, & aussi la plaine de Cayster de Lydie, à cause de la riuere nommee Lyde. Pareillement la campagne de Caic, qui est en la Mysie, à cause du fleuve Caic: & la plaine de Meandre en la Carie, aupres de Milet ville Ionique, ainsi nommee à cause de la riuere de Meandre. Mesmes les historiens Herodote & Hecatee (si d'aduenture on ne veut dire que les œuures qu'on luy attribue touchant le pays d'Ægypte sont de quelque autre) escriuent que l'Ægypte a esté ainsi appelée à cause de la riuere qui y passe, qui luy a donné son nom. Ce que preuue tresbien Herodote par aucunes raisons assez euidentes qu'il ameine. Et qu'ainsi soit, que ceste riuere, que les Ægyptiens & toutes autres nations appellēt maintenant Nil, ait esté appelée Ægypte par les anciens, on en peut tirer vn grand argument d'vn vers d'Homere, qui dict, Que Menelas feit arrester à l'ancre sa flotte à la bouche d'vne riuere appelée Ægypte. S'il est dōques ainsi que chascque riuere ait ceste propriété de reduire le limō & sable qu'elle amasse en terre ferme, entendu qu'elle ameine le limon des lieux hauts: on en peut certainement bien autant croire des champs & plaines de l'Indie. Et ne faut pas penser que ny Herme ou Cayster, ny pareillement Caic ny Meandre, ny tant d'autres rivières de l'Asie, qui tombēt en la mer Mediterranee, encores qu'elles fussent toutes ensemble, se peussent comparer à vne de celles de l'Indie, tant s'en faut qu'elles le peussent au Gange, qui est le plus gros fleuve de tous: avec lequel on ne peut faire aucune comparaison ny du Nil, ny du Danube. Voire mesmes que si toutes ces rivières estoient ioinctes avec celle d'Inde, encores ne se scauroient elles egalier au Gange. Lequel dès les sources & fontaines où il prend son commencement est fort gros: puis, apres auoir receu en son

Ægypte ain-
si appelée à
cause du Nil
qui se nom-
moit Ægy-
pte ancien-
nement.

De la riuere
de Gange.

son canal quinze grosses riuieres, sans perdre toutefois son nom, va tomber dans la mer Oceane. Il suffira, quant à present, d'auoir touché ce mot de l'Indie: Nous deduirons le surplus au discours que nous ferôs à part des choses appartenantes à l'Indie & aux Indiens. Or de reciter comment Alexandre peut dresser vn pont sur la riuierre d'Inde, il me seroit difficile: d'autât que ie ne l'ay iamais peu apprendre, ny d'Aristobule, ny pareillement de Ptolomee, ausquels i'adiouste beaucoup de foy. Et ne puis asseurer pour certain, ny mesmes coniecturer, sil passa par dessus des batteaux, ainsi que feit iadis Xerxes l'Hellespont, & Daire le Bosphore & le Danube: ou par dessus vn pont fait expres. Toutefois ie seroy plustost d'opinion, qu'il feit passer son armee par dessus des batteaux attachez l'vn à l'autre, que par dessus vn pont. Pour autant que l'eau de la riuierre d'Inde est si profonde qu'on n'y scauroit bastir vn pont: & d'auantage n'eust pas esté possible de paracheuer vn tel ouuraige en si peu de temps. Où ce luy estoit assez pour passer d'vn bort à l'autre, d'attacher des bateaux avec de gros chables, & les arranger en forme de muraille, à l'imitation de Xerxes: & ainsi que nous auons entendu que les Romains, qui estoient Seigneurs quasi de tout le monde, auoient accoustumé de faire pour passer le Danube & le Rhin. Mais ie n'ay pas encores bonnement entendu comment ils ont passé le Tygre & l'Euphrate, toutes & quantes fois qu'ils en ont eu besoing. Je sçay fort bien que les Romains faisoient des pôts avec des bateaux. Et me semble, qu'il ne sera pas trop hors de propos de reciter en cest endroit, comment ils les faisoient: considéré mesmes que c'est vne chose qui merite bien qu'on en parle. A vn certain signal qui estoit donné, ils laschoient des batteaux: lesquels, comme il est à croire, s'en alloient à val l'eau: mais à force de rames on rompoit la roideur de l'eau, & les ramenoit-on la prouë deuant, au lieu qui auoit esté pris pour ce faire. Puis on emplissoit de pierres des caisses faites expres de verges ou menues perches de boys, qu'on iettoit en fond au deuant des prouës, l'vne

Ponts de bateaux sur la mer, & sur des riuieres.

Comment les Romains faisoient des ponts de bateaux.

B. iij.

sur l'autre, en forme de Pyramides, pour rompre la roideur de l'eau. Cela faict on en agençoit apres vn autre. On laissoit quelque peu d'interualle entre deux, & couchoit on des fortes soliuues dessus, qui alloient de l'vn à l'autre, sur lesquelles on couchoit de trauers des planches avec des clous: & les agençants ainsi de reng alloient continuans d'une riuée à l'autre. Apres cela ils faisoient des larges entrées à chascun bout, à fin que les cheuaux & le charroy entrassent & sortissent plus aisément. En ce faisant vn pont estoit bien tost dressé, & sans confusion, ja soit que l'ouurage semblast se faire tumultuairement. Par ce que en chascun vaisseau on mettoit vn esgard ou chasle-auant qui faisoit traualler chascun en son endroict, & avec peu de bruiet: à fin que les ouuriers peussent entendre ce qu'on leur commandoit. Et estoit l'ouurage bien tost paracheué. Voila quelle estoit la maniere à ce que nous auons peu entendre, dont vsoient les Romains, pour ioindre & passer les riuieres. Mais d'asseurer que de ceste façon Alexādre trauersal'Inde, comme j'ay desia dict, ie ne le vouldroy pas faire: par ce que ceux qui estoient avec luy à ce voyage, ont obmis à escrire de cela, cōme chose dont la cognoissance n'estoit pas beaucoup necessaire. Toutefois à ce que ie puis estimer, il le passa en la sorte que j'ay descripte. S'il y a aucun qui puisse monstrier par quelsques bonnes raisons, qu'il soit autrement, ie n'empesche pas que son opinion soit receüe. Apres qu'Alexandre eut passé l'Inde, il sacrifia de rechef aux dieux ausquels il auoit accoustumé de sacrifier. Puis partant de là il alla à la ville de Taxila: laquelle estoit vne fameuse & puissante cité, & la plus grosse de toutes celles qui sont entre Inde & Hydaspes. A son arriuee il fut receu en grand honneur par Taxiles, qui estoit souuerain magistrat de la ville, & par tous les manans & habitans de la contree. Araison dequoy il leur oſtroya des terres de leurs voisins, tant qu'ils luy en demanderent. En ces entrefaictes vindrent vers luy des Ambassadeurs de la part d'Ambisare Roy des Indiens des montaignes: qui estoient, le frere d'ice-luy

Alexandre
arriue à Ta-
xila.

Ambassa-
deurs des In-
diens vers
Alexandre.

luy Ambifare, & quelques gentilshommes avec luy. Il y en vint aussi de la part de Doxaree gouverneur de certain pays en ceste marche avec des presents. Apres cela Alexandre ayant fait de rechef à Taxila des sacrifices, & fait iouer des jeux de pris, à la course à pied & à cheual, il pourueut au gouvernement de ceste contree de la personne de Philippe Machates avec garnison. Il y laissa aussi les soldats qui estoient malades: puis il tira outre pour aller descendre à la riuere d'Hydaspes: ou l'on disoit que Por l'attendoit avec vne grosse & puissante armee, bien deliberé de l'empescher de passer: ou de le combattre quand il seroit passé. Quoy entendu Alexandre fait retourner Cene fils de Polemocrates à la riuere d'Inde: & là tirer de l'eau & mettre par pieces les bateaux qu'il y auoit laissez, avec lesquels il auoit fait passer son armee, & les luy amener dessus des charriots. Cene y estant retourné mit les grands bateaux en trois pieces, & les autres plus petits en deux, à fin de les charier plus commodement: & ainsi furent menez par charroy iusques sur la riuere d'Hydaspes. Lesquels estans rassemblez & refaits, il equippa vne flotte, & la fit tenir à l'ancre aupres de la riuere. Puis avec vne partie de ses compagnies s'en alla à Taxila, où il prit cinq mil hommes Indiens de Taxiles, & des autres Satrapes de la contree: & avecques eux reprit le chemin pour retourner à la riuere d'Hydaspes: & là assit son camp. Por estoit avec toute son armee & des elephans en bataille sur l'autre bort droit vis à vis, qui consideroit attentifvement la contenance, allees & venues d'Alexandre, craignant qu'il passast l'eau avec ses vaisseaux sans qu'il en veist rien. Et non content encores, il enuoya gens es autres endroits de la riuere, par lesquels on pouuoit passer, à fin d'empescher & defendre le passage aux Macedoniens. Ce qu'ayant descouvert Alexandre, il se delibera en semblable d'enuoyer gens en diuers lieux, pour tromper Por, & faire qu'il ne sceust plus qu'il auroit à faire. Parquoy apres auoir diuisé son armee en plusieurs troupes, & enuoyé les vns d'un costé, les autres d'un autre: il commença à courir le pays

Bateaux menez par charroy.

Discours de la guerre d'entre Alexandre & Por.

auec ce qu'il luy reſtoit de ſes compagnies, coſtoyant la riuere, ſondant la hauteur de l'eau: mettant tout à feu & à ſang par où il paſſoit, fors les grains, qu'il ſeit mener de toute ceſte contrée voiſine d'Hydaſpes à ſon camp: à fin que Por penſaſt qu'il euſt delibéré de demeurer la campé en attédant la ſaiſon de l'année que la riuere ſ'abbaiſſoit: qui eſtoit, à ce qu'on ſceut de ceux du pays, en temps d'hyuer. Il faiſoit auſſi garrer ſes bateaux en pluſieurs & diuers endroiçts de la riuée, auec des flottés de peaux de cuir, qu'il auoit faiçt emplir d'eſtrain & paille: y diſpoſant auſſi des gens de pied & de cheual. De ſorte qu'il donnoit bien à penſer à Por, & l'empeschoit bien de dormir à ſon aïſe: & luy oſtoit tout moyen de donner ordre à ſes affaires, & de iuger ce qu'il eſtoit beſoïn de faire en chaſcun lieu. En la ſaiſon qu'il eſtoit (qui eſtoit au plus fort de l'eſté) les riuieres de l'Indie ſont groſſes & enſlees, troubles & roïdes au poſſible: à cauſe que en ce temps là il tombe de groſſes pluies au pays: & puis les neiges du Caucaſe ſe fondent au moyen de la chaleur, qui ſont ainſi croiſtre les riuieres. Tout le contraire aduient l'hyuer. Car les riuieres ſont baſſes & plus claires, & n'y en a point qu'on ne peuſt paſſer à gué, fors l'Indie & le Gange, & peut eſtre encor quelque autre. Meſmes l'Hydaſpes en telle ſaiſon eſt gueable. Alexandre auoit faiçt courir le bruiçt qu'il attendoit à paſſer iuſques à ce temps là, ſi lors il eſtoit empesché de ce faire. Il eſtoit apres touteſois & cerchoit tous moyens de paſſer, ſans que les ennemis le peuſſent deſcouvrir. Et conſiderant que à l'endroiçt où Por eſtoit campé, il eſtoit fort difficile de paſſer, à cauſe du grand nombre de combatans qu'il auoit, & des elephants qui eſtoient ſur la riuée, qui donneroient grand eſtonnement & effroy aux cheuaux à la deſcente, tant pour n'auoir accouſtumé de les voir, que pour leurs cris & barriffe-mens: ioinçt qu'il craignoît que les cheuaux ne peuſſent pas tenir fermes ſur ſes flottés de cuir, ains quand on viendroit au combat ils reculaffent & tombaſſent dans l'eau: il ſe delibera de paſſer, ſ'il pouuoit, ſans eſtre deſcouuert des ennemis. Parquoy la nuit venuë il

en-

Les riuieres
Indiennes
groſſes en
eſté.

enuoya des gens de cheual en diuers lieux sur la riue : auxquels il commanda de parler hault, & faire tel remuement & tintamarre, comme s'ils eussent voulu passer. Du commencement en quelque endroict que Por entendist le bruiet des Macedoniens, il y couroit avec ses elephans, & se presentoit sur le bord. Mais quand il veit que les ennemis ne s'efforçoient de faire autre chose, que du bruiet, il ne s'en donna plus de peine : seulement enuoya gens en plusieurs endroicts de la riuere pour descourir, à ce qu'il ne fust surpris. Quand Alexandre veit que Por ne se donnoit plus de peine de ses courses nocturnes, il luy va donner d'une telle ruze. Il y auoit vn rocher en vn endroict du bort de la riuere couuert au possible de toutes sortes d'arbres, qui estoit situé fort à propos : & deuant lequel la riuere faisoit vn grand tour. Assez pres de là, quelque peu de distance entre deux, y auoit vne Isle peuplée de bois & non habitée, & propre à merueilles pour y dresser vne embuscade. Au moien dequoy voyant que en vn lieu & en l'autre les gens de cheual & de pied pouuoient estre couuers au passer, il se delibera de faire passer son armee par là. Ce rocher, & pareillement l'Isle, estoient loing du camp d'environ huit ou neuf lieues. Apres qu'il eut premierement assis des corps de garde, du long de la riue, aussi loin l'un de l'autre, comme il falloit d'interualle pour se voir & entendre la voix : & donné ordre en plusieurs endroicts de faire des feux & grand bruit par nuit : il disposa du passage, faisant faire vne grande monstre d'appareil au camp. Auquel il laissa Cratere avec son regiment de caualerie & celle des Arachotiens, & Parapamisadiens : & de la phalange Macedonienne, les regimens d'Alcetas & Polyperchon : & les gouuerneurs de l'Indie de deça avec leurs cinq mil Indiens, & luy defendit expressément de se mettre à passer, iusques à ce qu'il eust veu Por le charger, & luy ou desfaict ou mis en routte. Mesmement au cas que Por laissast à son camp vne partie de son armee, & de ses elephans, il se tint en armes sans abandonner la place où il estoit. Et où il presenteroit ses elephans au combat, il luy

C

enchargea, ce cas aduenant, de passer avec toutes ses forces, sans redouter en rien les ennemis : pour autant qu'il n'y auoit que les elephans qui peussent dōner empeschement aux cheuaux de gagner l'autre riue. Voila la charge qui fut donnee à Cratere. Quant à Meleager, Attale & Gorgias, qui auoient leur carrier entre l'Isle & le gros camp, avec la caualerie & infanterie estrangeres, il les aduertit, que quand ils verroient les Indiens empeschez au combat, ils departissent leurs compaignies & passassent. Luy avec la gendarmerie des amis, les regimens d'Ephestion, Perdiccas, Demetrie, Clite & Cene : la caualerie des Bactrians, Sogdians, Scythes & Daans : & les gens de trecht, les Argyraspides & les Agriās, marchoit vn peu arriere du bort, sans qu'il peust estre descouuert des ennemis, à fin qu'ils ne se doutassent qu'il alloit pour gagner le rocher & l'Isle. La nuit venue il feit coudre & fermer les flottes de peaux de cuir, qu'il auoit fait emplir de legeré matiere. Il se leua ceste nuit-là vn orage entremeslé de tonnerres, vents & pluyes qui leur seruit de beaucoup : par ce qu'il empeschoit qu'on peust ouir en sorte du monde le bruit & voix de ceux qui s'apprestoient pour passer, ny pareillemēt le son & cliquetis des harnois. Les batteaux aussi, que nous auons dict auoir esté amenez en pieces par charroy, furent tirez des bois où ils auoient esté refaits & equippez : sans que les ennemis en veussent iamais rien, au moien de la hauteur & grande quantité d'arbres qui empeschoient de voir ce qu'on y faisoit. La tempeste estant cessée enuiron la quatrième veille de la nuit, il feit monter la caualerie sur ces flottes de peaux, & l'Infanterie dans les bateaux, tant qu'il y en peut tenir : & les feit tirer sans faire bruiet droit à l'Isle : laquelle ils passerent sans estre descouverts par ceux que Por auoit mis au guet, qu'ils ne fussent tous prests de prendre terre. Alexandre dās vn basteau à trente rames accompagné de Ptolomee, Perdiccas & Lyfimach, qui estoient garde de son corps : & de Seleuc, qui estoit de ses plus familiers & fauoris (auquel depuis la fortune fauorisa tant, qu'il fut Roy) & vne partie des Argyraspides, gaigna

gaigna la riuë. Les autres Argyraspides passerent dans des autres bateaux à trente rames. Quand les sentinelles des ennemis, qui estoient assises sur l'autre riuë, apperceurent les gens d'Alexandre dans des bateaux tendre à bort, coururent le plus hastiuement qu'ils peurent en aduertir Por. Alexandre estant descendu le premier en terre auant que personne se presentast pour l'empescher, commençoit à mettre en bataille les gens de cheual à mesure qu'ils prenoient terre: quand il fut aduertý, que pour n'entendre pas bien la situation des lieux, il estoit descendu en vn mauuais endroit: & qu'il n'auoit encores passé entierement la riuere: ains estoit sur vne Isle de moyenne grandeur. Laquelle ne sembloit estre vne Isle, à cause qu'elle n'estoit esloignée de la riuë que bien peu: toutefois il y auoit beaucoup d'eau entre deux, à cause de la pluye qui estoit tombee la nuit. Et ne trouuans point de passage à sec, eurent peur qu'il ne leur faulist auoir encore autant de peine, qu'ils en auoient desia eu à passer iusques là. En fin aians trouué lieu pour passer à gué, bien dangereux toutefois, l'armee se meit à passer. A l'endroit où y auoit le moins d'eau, les gens de pied y estoient iusques aux aisselles, & les cheuaux iusques au col. L'armee estant passée, il meit ses gens en bataille. Sur la poincte droidte il ordonna vne troupe de caualiers des premiers & plus renommez Capitaines de l'armee: & fait marcher deuant toute la caualerie les gens de trect à cheual. Quant à l'Infanterie il ordonna les premiers en bataille les Argyraspides qui estoient sous la conduite de Seleuc, & les fait marcher incontinant apres la caualerie. A costé d'eux le regiment du Roy. Puis apres le surplus des Argyraspides ainsy qu'ils se estoient rencótrez sous chascun Capitaine. Les ailes de l'Infanterie estoient defendues par les archers à pied, les Agrians & autres gens de trect, qui estoient de costé & d'autre vn peu à l'escart du corps de la bataille. Apres qu'il eut ainsy ordonné ses gens, il restoit encores six mil hommes de pied, auxquels il commanda de suiure tout doucement, marchans tousiours en bataille. Luy qui festimoit

estre plus fort de caualerie , prenant avec luy cinq mil hōmes de cheual , commança à marcher au trot , cōmandant à Tauron colonnel des gens de trect, de suiure avec ses compagnies le plus vistement qu'il pouroit. Il fasseroit que s'il rencontroit en chemin Por, & eust il toute son armee, il le desferoit avec sa gendarmerie seule : ou pour le moins qu'il feroit teste, iusques à ce que l'Infanterie fust arriuee. Et s'il aduenoit que les Indiens effroyez de les voir passez contre leur esperance, tournassent le dos, il esperoit les suyure de pres & en desfaire grand nombre: de sorte qu'il auroit moins de peine à desfaire ce qui resteroit. Aristobule escrit, que le fils de Por arriua là avec soixante chars armez , auant qu'Alexandre eust passé avec son armee la plus grande Isle: & qu'il luy eust esté bien aisé d'empescher Alexandre de descendre en terre (veu mesmes qu'il eut assez à faire à y descendre, encores qu'il n'eust aucune resistance) si les Indiens eussent voulu se mettre à pied, & aller charger de furie les premiers qui se presenterent pour gagner la riue. Mais qu'ils passerent outre : tellement que Alexandre fit passer son armee en seureté. Et estant passé il enuoya pour les combatre les archers : lesquels les meirent en routte, & en desfeirent assez bon nombre. Il y en a d'autres qui recitēt que ce fils de Por eut bataille contre Alexandre: & sa caualerie au sortir de l'eau : que ce fils de Por, qui auoit le plus grand nōbre de cōbatans y blessa Alexandre, & blessa sousluy d'vn coup de iaueline son cheual Bucephal: qui estoit admirable, tant pour la forme estrāge dont il estoit, que pour le grand cueur qu'il auoit : & aussi le tenoit il bien cher. Mais Ptolomee, que ie suy plus volontiers, dict autrement: à sçauoir que Por aduertiy par ceux qu'il auoit ordonnez pour descouurir, qu'Alexandre auoit passé la riuere, enuoya son fils l'escarmoucher & rompre la premiere furie: Mais non pas avec si petit nombre de chars : (aussi n'est il pas vraysemblable, & n'y a aucune apparence) lesquels eussent esté assez à la verité, s'ils eussent esté enuoyez seulement pour descouurir: mais aussi estoient ils trop peu pour empescher le passage aux ennemis,

De Bucephal
cheual d'Alexandre.

nemis, ou pour les combattre, voire vne petite partie d'iceux aians pris terre. Ains dict, qu'il partit avec deux mil hommes de cheual, & six vingts chars. Mais qu'Alexandre auoit desia passé le dernier canal de la riuere. Aristobule recite que Alexandre enuoya à l'encontre de luy les gens de treict à cheual: marchant apres avec sa caualerie, estimât que Por vinst apres avec toutes ses forces, & que ceux-là auoient esté enuoyez comme auantcoureurs. Mais quand il eut descouuert quel nombre d'Indiens y auoit, & qu'on ne voyoit point d'autres compagnies sur les champs, il alla furieusement avec sa gendarmerie charger les ennemis: lesquels ne peurent soustenir l'effort, ains s'enfuirent à val de route, aians perdu trois cens hommes de cheual, du nombre desquels estoit le fils de Por: & tous leurs chars, qui se trouuerent trop pesants pour fuir, & peu propres pour cōbattre, pour autant que la terre estoit trempee d'eau, & si glissante, qu'il estoit quasi impossible à homme ny cheual d'y asseurer le pied. Les nouvelles en estās venues à Por par le moyen de ceux qui s'en estoient fuis, il demeura estōné, & ne sçauoit à quoy se resouldre: mesmemēt voyant que ceux qu'Alexandre auoit laissé de l'autre costé de la riuere avec Cratere, faisoient contenance de vouloir passer: finalement il resolut de donner bataille à Alexandre, & de charger de toute sa puissance les Macedoniens, cōme la plus forte partie de l'armee. Parquoy laissant quelque nombre d'elephans au lieu où il estoit, avec vne partie de son armee pour tenir forme de camp, à fin de tenir en doute Cratere & ses troupes fils vouloient passer: luy avec le surplus de ses forces, dont y auoit iusques à quatre mil hommes de cheual, trois cens chars, deux cens elephans, & enuiron trente mil hommes de pied gens de fait, marcha droict à Alexandre. Et quand il fut paruenue à vn champ sablonneux (qui luy sembla bien propre & aduantageux pour luy pour le manie- ment & conduicte tant des cheuaux que des chars) il mit ses forces en bataille en ceste maniere. Il mit de front deuant son armee les elephans esloignez l'un de l'autre d'environ

Le fils de
Por tué.

Bataille en-
tre Alexan-
dre & Por.

Armee de
Por.

cent pieds: pour, ainsi disposez qu'ils estoient deuant son infanterie, donner effroy de tous costez à la caualerie d'Alexandre. Et n'estimoit pas qu'il y eust homme, fust de cheual ou de pied, si hardy qui oüst passer entre deux elephans, veu qu'il sembloit qu'ils estonneroient tout du premier coup les cheuaux, tant à cause de l'odeur, que aussi pour autant qu'ils n'auoient point accoustumé d'en voir: & que pour la corpulence & force dont ils estoient, ils auroient incontinant rompu toute l'infanterie. Apres les elephans, enuiron demy arpent de distance entre deux, il ordonna ses gens de pied. Outre cela il garnit de soldats les chastellets des elephants, & meit sur les ailes du bataillon des gens de pied: sa caualerie de chascun costé: & ses chars armez deuant la caualerie. Telle fut l'ordonnance en bataille de l'armee de Por. Quand Alexandre veit que les Indiens estoient en bataille & tous prests à combattre, il feit faire alte à sa gendarmerie, & defendit d'aller plus auant, iusques à ce que l'Infanterie, qui suiuoit, fust arriuee. Laquelle estant venue, il ne la meit pas incontinct en bataille, de peur de les opposer tous las & trauaillez qu'ils estoient du chemin & hors d'haleine (car ils estoient venus à la plus grande diligence qu'ils auoient peu) aux Barbares, qui estoient tous frais & reposez: ains marchant au pas à l'entour, leur donna loisir de reprendre haleine, & reposer vn peu. Apres qu'il eut bien veu & consideré l'ordre que tenoient les Indiens, il delibera d'aller, avec vne partie de sa caualerie en quoy il estoit plus fort, charger, non point le front de la bataille, pour autant que les elephants y estoient disposez, craignant ce qui auoit meü Por à ce faire: mais la poincte gauche de Por. Et commanda à Cene d'aller avec son regiment & celuy de Demetrie à la poincte droicte, à fin de donner en queue aux Barbares fils tiroient vers sa poincte: & defendit à Seleuc, Antigene & Tauron, qui conduisoient la phalange, d'aller à la charge qu'ils ne veissent l'Infanterie & caualerie des ennemis mises en desordre par sa caualerie. Les deux armées estans approchées l'vne de l'autre à la portee

la portee du treſt, il enuoya enuiron mil archers à cheual dōner ſur la poincte gauche des ennemis, & les ſuiuit de pres avec la gendarmerie des amis, en eſperance d'afſaillir les ennemis quand ils auroient rompu leurs rengs, auant que leurs gens de cheual euſſent loifir de venir charger ſa phalange. Quoy voyans les ennemis marchent au grand traiſt pour le receuoir. Mais quand ils apperceurent Cene avec les compaignies qu'il auoit, derriere eux, ils furent contraincts de tenir deux fronts à leur bataille: tellement qu'vne partie & la plus forte ſeit teſte à Alexandre, & l'autre à Cene: à l'occaſion de quoy commança la conſuſion entre les Indiens, & le deſordre entre leurs rengs. Alors Alexandre voyant ſon opportunité, donna de teſte & de poincte dedans ceux qui ſeſtoient preſentez à luy: leſquels ne pouuans ſouſtenir ſon effort, ſe retirerent parmy les elephans, comme en lieu de ſauueté. Ceux qui eſtoient deſſus les elephans les feirēt marcher droit alencontre de la caualerie d'Alexandre: mais la Phalange Macedonienne ſuruint, qui afſaillit vaillamment à coups de treſt & les elephans & ceux qui eſtoient deſſus. Ceſte maniere de combattre eſtoit toute autre que és batailles precedentes: car de quelque coſté que ſe tournasſent ces beſtes, rompoient les rengs de la phalange Macedonienne, encores qu'elle fuſt bien fort ſerree. Et quand les gens de cheual Indiens voyoient que le plus fort de la meſlee tournoit vers l'Infanterie, ils reprenoient courage, & venoient de rechef charger la caualerie des Macedoniens. Et ſe ſentans repouſſez par ceux qui eſtoient à l'entour d'Alexandre, leſquels à la verité eſtoient mieux agueris & plus forts, ils faiſoient retraiſte parmy les elephans. Cependant toute la caualerie des Macedoniens, non pas par le commandement d'Alexandre, mais de cas d'aduenture ſe rencontra enſemble, & quelque part qu'elle donnasſt, mettoit les Indiens en deſarroy avec vn grand carnage. Les elephans eſtans reduicts en vn lieu eſtroict, combattoient peſle meſle, & faiſoient autant de mal à ceux de leur party, qu'à leurs ennemis: & feirent mourir ſoubs eux beaucoup des leurs qui les

pensoient frapper pour les inciter à combattre. Il se faisoit aussi vne tuerie grande des gens de cheual, qui estoient enserrez parmy les elephans : & plusieurs de ceux qui gouernoient & menoient les elephans, tomboient morts des coups de treçs, que leur tiroient leurs ennemis. Et les elephans mesmes de la douleur qu'ils sentoient à cause des playes qu'ils receuoient, & pour autāt aussi que personne ne les gouernoit plus, estoient à demy enragez, & en telle furie qu'ils poursuiuoient indifferēment & tuoient leurs gēs & leurs ennemis aussi. Mais les Macedoniens se trouuans plus au large, qui estoit ce qu'ils desiroient, s'aduiserent de ceste ruse. Quand ces bestes venoient à eux, ils se retiroient dextrement à costé : quand les elephans se retiroient, ils les enfermoient à coups de treçs. Les elephans ayans longuement combattu, monstrent contenance d'estre lassez, comme ils estoient, tant à cause du trauail de la bataille, qui auoit desia beaucoup duré, que pour les blessures qu'ils auoient : & commencerent à courir çà & là, & à braire, sans faire autre chose : puis à reculer à bien grande peine, leuans les pieds de deuant en l'air. Lors Alexandre ayant avec sa gendarmerie enuironné les ennemis, manda aux gens de pied d'aller à la charge, le plus hastiuement qu'ils pourroient, se tenans ioinctz & leurs pavois serrez l'un contre l'autre : au moyen dequoy la caualerie des Indiens estant ainsi inuestie, fut à ce conflict quasi toute taillee en pieces. La fortune ne fut pas plus gracieuse aux gens de pied : lesquels se voyans pressezz de toutes parts par les Macedoniens, & hors de toute esperance, s'enfuirent tous à val de routte, fors ceux que la gendarmerie d'Alexandre auoit enclos. Ce qu'apperceuaux Cratere & les autres capitaines qu'Alexandre auoit laissé sur le bort de l'autre costé de la riuere, suyuaux ce qu'Alexandre leur auoit enioinct, passerent vistemēt la riuere avec les forces qu'ils auoient : & comme gens qui estoient tous frais, feirent vne boucherie des Indiens, qui ne fut gueres moindre que l'autre. Il y eut pres de vingt mil hommes de pied tuez de la part des Indiens, & enuiron trois mil de cheual. Les chars aussi

Desfaicte de
l'armée de
Por.

aussi furent tous brisez. Outre cela deux des fils de Pory moururent, & Spitarches gouuerneur de ceste contree d'Indie: pareillement ceux qui menoiẽt les elephans & les chars, & quasi tous les chefs de bandes: tous les elephans pris vifs fors ceux qui auoient esté tuez à la bataille. De l'Infanterie d'Alexandre, à sçauoir, des six mil hommes, qui furent à la premiere charge, on trouua faute de quatre vingts. De la caualerie des gens de treẽt, de dix hommes: & pas plus de vingt de celle des amis: du surplus de la gendarmerie enuiron deux cens. En ceste bataille se monstra Por non seulement vaillant capitaine, mais aussi bon soldat & hardy combattant. Et combien qu'il eust vëu ses gens de cheual desfaiẽts, & les vns de ses elephans tuez, les autres pris, & la plus part de son Infanterie taillee en pieces: & qu'au moyen de cela la bataille estoit perdue pour luy, sans esperance quelconque: si ne feit il pas comme ce puissant Roy Daire, qui commença le premier de toute son armee à fuir honteusement: ains au contraire tant qu'il veit quelque partie de ses gens combattre, ja-soit qu'il fust nauré en l'espaule droiẽte, laquelle il portoit nue en guerre, aiant le surplus couuert d'un fort harnois, il ne cessa iamais de faire deuoir, & de sy porter en homme de bien. En fin voyant ses gens de toutes parts tourner le dos, il tourna bride à l'elephant qu'il cheuauchoit, & tascha à se sauuer. Sçachant Alexandre qu'il s'en alloit, d'autant qu'il craignoit qu'il luy mesaduint, l'ayant desia pris en affection, à cause des beaux exploiẽts d'armes, que luy mesmes luy auoit veu faire à la bataille: il enuoya apres luy, premierement Taxiles Indien, pour le prier d'arrester son elephãt, & n'aller point plus loin. Cestuy cy courut apres à bride abbattue. L'ayant r'attainẽt, il s'approcha de luy autant qu'il pensoit estre seur pour luy, redoutant l'elephant, & le pria de vouloir prester l'oreille à ce qu'Alexandre luy mandoit. Por entendant parler Taxiles, auquel dès long tẽps auparauant il vouloit mal de mort, il se retourna vers luy, & sans luy sonner mot, vint pour le pinser d'une partifanne qu'il tenoit. Quoy voyant Taxiles, il tourna vistemẽt

Deux des fils
de Por tuez

Por bon ca-
pitaine.

Por por-
toit l'espaule
droiẽte—nue
en guerre.

Alexandre
aime Por
pour sa
prouẽsse.

D

Por viét vers
Alexandre.

Por auoit
cinq coul-
dees de hau-
teur.

Magnani-
mité de Por.

bride, & réuint vers Alexandre. Alexādre y en r'enuoya d'au-
tres, puis entores d'autres, du nôbre desquels fut vn nommé
Meroé Indien, qu'il entendit luy estre amy de long temps, &
pourtant luy sembla bien propre pour cest affaire. Por par les
remonstrances de cestui-cy, aussi qu'il pasmoit quasi de soif,
arresta son elephant, & meit pied à terre. Puis apres auoir
beu de l'eau qu'on luy apporta, il sen alla avec Meroé vers
Alexandre. Lequel entendant sa venue, saduança deuant
toute son armee, & l'alla receuoir accompagné de quels-
ques vns des principaux d'aupres de sa personne. Quand il le
veit, il farresta tout court, bien esbahy de le voir si haut & si
puissant: car il auoit cinq couldees de haut, & estoit bien pro-
portionné en toutes les parties de son corps: tenant vne con-
tenance, qui monstroit bien la grandeur de son couraige: &
encores qu'il eust esté vaincu, qu'il n'auoit point le cueur
faily: mais comme celuy qui estant Roy auoit pris les ar-
mes pour la defense & tuiton de son Royaume, à l'encontre
d'un autre Roy, & luy auoit liuré bataille. Estant approché
d'Alexandre, Alexandre le receut fort honnorablement avec
vn bon visaige, le consolant le mieux qu'il peut, & luy dict
" qu'il luy demādast ce qu'il vouloit de luy. Tout ce que ie vous
" demande, respondit-il, est que vous me traittiez en Roy.
Alexandre se soubriant luy repliqua: Vrayement cela veux-
ie bien faire, mais ce sera à cause de moy. Mais demandez
moy ce que vous auez enuie que ie face en faueur de vous.
Por respondit, que tout ce qu'il demandoit estoit compris
soubz ce qu'il auoit dict: Alexandre encores plus ioyeux que
deuant de ceste response, le remit non seulement en liberté,
& en ses pays, terres & prouinces: mais augmenta encores
son Royaume de beaucoup de pays qu'il luy donna: & de-
puis ce temps là le tint tousiours pour l'un de ses plus loiaux
& fideles amis. Ceste bataille pres la riuierē d'Hydaspes fut
donnee au temps que Hegemon estoit souuerain magistrat
à Athenes, au mois de Mars. Apres cela Alexandre pour me-
moire à jamais de luy & de ses faicts, feit bastir deux villes,
l'une

l'une par delà Hydaspes, au lieu mesmes où auoit esté la bataille donnée: l'autre deçà l'Hydaspes, en la place dont il estoit party pour passer: & appella celle là Nicee, à cause de la victoire par luy obtenue: & celle de deçà Bucephale du nom de son cheual qui mourut en ce lieu. Duquel il ne se faisoit pas importunement de toucher icy quelque mot. Il estoit d'une forme & naturel estrange par dessus tous les autres cheuaux, de haulteur vn peu plus que moicenne, de grandeur, & grandeur: auoit la teste comme celle d'un taureau: à raison dequoy ce nom luy fut baillé: ou bien (comme d'autres disent) pour ce que luy qui estoit au reste noir par tout le corps, auoit en la teste vne marque blanche, qui representoit fort bien la teste d'un taureau. Il ne voulut oncques ceder, qu'on ne le chassast hors qu'Alexandre. Lequel l'auoit vne fois perdu au pays des Vixiens il le fit chercher par tous les environs des Vixiens, de les faire tous mourir, s'ils ne le luy ramenoient bien tost, & luy fut ramené. Tant estoit le cheual aimé d'Alexandre, & Alexandre redoublé des Barbares. Il mit le Roy de maints dangers es batailles qu'il eut, & luy seruit beaucoup pour paruenir à ceste gloire, qu'il a acquis: son finie de vie malade ayant bien trente ans, au lieu dont parut Alexandre pour passer l'Hydaspes, non pour blessure qu'il eust, mais de maladie de travail, & mourut là. Cela font dire de Bucephale en faveur d'Alexandre. Lequel ayant fait chercher les corps de ceux qui auoient esté tuez à la bataille, les fit inhumer d'une honorable maniere, ainsi qu'on hastoit ceux de son royaume puis d'offrir pour la victoire qu'il auoit eue, & ordonna des lieux depris à la célérité à pied & à cheual sur la riuée d'Hydaspes, dont il estoit party, quand il le passa pour aller combattre Pour Apres cela, & qu'il eut passé Grateq re, avec vne partie de son armée pour l'aire edifier les villes susdites, il se mit en chemin pour aller conquérir & conuerter des Indes voisins du Royaume de Por. Ceux là appelloient Glaucaniciens, ainsi que dit Aristobule, ou comme dit Ptolomee Glauciens: ie ne me donne pas peine comme ils s'appelloient: Il auoit avec luy des gens de pied, d'elire, & tous les

D ij

Les Glaucaniciens ou Glauciens se rendent à Alexandre, & luy liurent trête sept villes.

Alexandre fait don du pais des Glaucaniciens au Roy Por.

Abissaresroy en Indie.

Autre Por.

Revolte des Assaceniens.

De la riuere d'Accènes.

gens detreût à cheual, les Agrians, les Archers, & vne partie de la gendarmerie des Amis. Mais les Glaucaniciens, qui le redoubterent tousiours depuis qu'ils eurent entendu que Por auoit esté desfaict par luy, se rendirent volontairement à son obeissance, luy lurans trente sept villes: en la moindre desquelles y auoit pour le moins cinq mil habitâs, & en beaucoup d'icelles plus de dix mil. Il y auoit aussi grand nôbre de bourgs & villages en ceste contree, laquelle il annexa au Royaume de Por. Il feit tant qu'il meit d'accord Taxiles & Por: puis il licencia Taxiles de retourner chez luy quand bon luy sembleroit. En ces entrefaictes vindrêt vers Alexandre des Ambassadeurs de la part d'Abissares, pour l'asseurer que luy & tout ce qu'il auoit, estoit à son commandement. Cest Abissares auant la desfaicte de Por, auoit deliberé de se ioindre avec Por, pour faire ensemble la guerre à Alexandre. Mais les affaires de Por aians pris fin telle que dict est, le contraignirent de changer d'aduis. Et à fin de s'insinuer plustost en la grace d'Alexandre, enuoya vn sien frere avec les Ambassadeurs, & avecques eux quelsques finances & quarante elephans. Il y vint encores des Ambassades d'autres nations de l'Indie, qui sont libres: & semblablement de Por (autre que celui dont est fait mention cy dessus) qui commandoit sur certain pays des Indiens. Alexandre refusa de prendre les presens: mais voulut qu'Abissares vinst vers luy en personne: le menaçant que où il ne viendroit il l'iroit trouuer à son dommaige. Ces choses estans en tel estat, Phrataphernes Satrape des Parthes & des Hyrcaniés vint trouuer Alexandre avec les Thraces, qui estoient sous sa charge. Et comme certaines nouuelles fussent venues de la part de Sisice Satrape des Assaceniens, Que les Assaceniens apres auoir tué celui qui leur auoit esté ordonné pour le gouuernement & administration du pays, auoient pris les armes: il depescha sur le champ Philippe & Tyriespis avec vne partie des compagnies, pour aller appaiser ces troubles: & demeurer la pour gouverner la contree. Luy avec le surplus de son armee tira droit à la riuere d'Accènes. De tous les fleues de l'Indie

de l'Indie il n'y en a pas vn dôt Ptolomee descriue la grosseur horl-mis cestui-cy: lequel il dit estre large presque d'une lieue, & y auoir beaucoup d'eau, le cours fort roide & impetueux: & par endroits des rochers & escueils, contre lesquels vont battre les ondes, qui font de la concussion & reuerberation de grandes vagues & bouillons: au moien dequoy les nauigans y tombent souuent en grand peril: mesmes à l'endroit par où Alexandre feit trauerser son armee. Laquelle passa tant par bateaux, que sur des flottes & radeaux. Ceux qui passerent sur ces flottes, passerent plus seuremēt: les autres qui estoient dans des bateaux tomberent en grands dangers de leurs vies se brisant grande partie de leurs bateaux contre les rochers: & y en eut beaucoup de ceux qui estoient dedans noyez. De là peut-on iuger n'estre pas fort esloigné de la verité, ce que quelques vns escriuent touchant la largeur de la riuere d'Inde: à sçauoir que à l'endroit où elle est au plus large, elle a deux lieues & demie de largeur: & où elle est plus estroite, pres d'une lieue: & qu'on a pris garde à cela en beaucoup d'endroits d'icelle. Et penseroiy bien quant à moy, qu'Alexandre auroit voulu faire passer son armee par où elle est au plus large, pour autant que là elle est moins roide & moins facheuse, que es autres lieux. Estant Alexandre passé, ayant laissé de l'autre costé de la riuere Cene avec ses compagnies, pour donner ordre à faire passer les autres, qu'il auoit enuoyez aux pays des Indiens par luy ja subiuguez, pour faire amener au camp des grains & autres viures & munitions: il licencia Por de retourner à son Royaume si bon luy sembloit, le priant de retourner vers luy avec vn regiment de bons combattans de son pays, gens d'elite, & des elephans si en auoit d'appriuoisez. Or auoit il deliberé de poursuiure l'autre Por, avec les plus agiles & disposés soldats de tout son ost: par ce qu'il auoit reputation d'estre homme malin: & disoit on qu'il auoit abandonné la prouince où il commandoit, & s'en estoit fuy. Cestui-cy pendant qu'Alexandre faisoit la guerre au Roy Por, plus pour la haine qu'il portoit à

Por avec licence d'Alexandre s'en retourne en ses pays.

Por, que pour bien qu'il voulist à Alexandre, luy auoit enuoyé des Ambassadeurs, pour offrir de mettre sa personne & tout ce qu'il possédoit entre ses mains. Mais quand il entendit que le Roy Por estoit en grace & crédit enuers Alexandre, & non seulement remis en son Royaume patrimonial & hereditaire, mais aussi que beaucoup de terres & seigneuries y auoient esté annexées, non tant pour crainte d'Alexandre que de Por, il prit avec luy quelques gens qui luy semblerent les mieux aguerris, & vuida le pays. Et pour aller apres luy Alexandre prit son chemin vers la riuiere d'Hydraotes, qui est egale en largeur à celle d'Acésines, mais n'a pas son cours si roide à beaucoup pres. Et par tout où il passoit, au moins où il voyoit en estre de besoing, il laissoit gens en garnison, pour faire scorce à ceux qu'il auoit laissé derrière avec Cratere & Cene: à fin qu'en seureté ils le peussent aller trouuer. Il enuoya Ephestion avec deux regimens de gens de pied, son regimēt de gens de cheual, & celuy de Demetrie, & moitié des gens de trect, pour mettre en l'obeissance du Roy Por les villes, terres & seigneuries que l'autre Por auoit abandonnées: & luy bailler le gouuernement des pays des Indiens habitans sur la riuiere d'Hydraotes, qu'il trouueroit libres & vñs de leurs loix. Luy apres auoir passé la riuiere, non à beaucoup pres avec telle peine qu'il auoit eu à passer celle d'Acésines, il se met à courir le pays, qui estonna bien fort les habitans de là: la plupart desquels se rendirent à luy. Il y en eut quelques vñs qui prindrent les armes pour faire teste: d'autres se penserent sauuer à la fuitte: toutefois en fin Alexandre les subiugua tous. En ces entrefaictes Alexandre eut aduertissement que aucunes des nations libres des Indiens, principalement ceux qu'on appelle Catheïens, estoient en campagne, & prests à luy donner bataille, s'il tiroit de ce costé-là. Et qu'ils estoient apres pour practiquer d'autres Indiens leurs voisins pour se ioindre avecques eux, & les poursuioient fort instamment de ce faire. Qu'il y auoit vñe ville forte d'assiere, qui s'appelloit Sangala, où ils s'estoient campez, & auoient là delibéré entre eux de le combattre.

Alexandre
passé la ri-
uiere d'Hy-
draotes.

Les Cathe-
ïens & autres
Indiens de-
liberez de
combattre Ale-
xandre.

combattre. Que les Catheiens estoient vaillants hommes, & plus martiaux & mieux entendus au faict de la guerre, que voisins qu'ils eussent : & qu'auecques eux s'entendoient les Oxydraciens & les Malliens, qui sont aussi Indiens, & sont semblablement gens bien aguerris : contre lesquels peu auparavant Abissare & Por, qui festoient encores alliez de plusieurs autres Indiens, auoient faict la guerre, mais ils auoient esté contraincts de s'en retourner avec leur courte honte sans rien faire. Quoy entendu par Alexandre, il tira droit vers eux : & le lendemain il arriva non gueres loing d'une ville nommee Pimprama. Les habitans de ceste contree s'appellent Adraistes, lesquels incontinēt & sans force aucune se rendirēt à la mercy d'Alexandre. Là il donna deux iours à son armee pour les rafraichir : puis il se mit en chemin pour aller à Sangala, où l'armee des Catheiens & de leurs alliez estoit cāpee en vn costau de mōtagne, au dessoubz de la ville. Et d'autant que ce costau leur sembloit n'estre pas assez fort de nature, ny bien seur, par ce qu'on y pouuoit monter assez à l'aise par vn costē, ils auoient fortifié leur camp de trois rangs de chariots. Quand Alexandre fut arriué, il recogneut premierement la place, & quel nombre de Barbares ils pouuoient estre : puis se campa au lieu, qui luy sembla le plus propre, enuoyant cependant deuant des gens de trect à cheual pour escarmoucher les ennemis, & faire teste s'ils vouloient venir charger son armee auant qu'il l'eust mise en bataille : à fin aussi de leur donner effroy les allants assaillir iusques dans leur fort. Puis il ordonna son armee en bataille en ceste maniere : A la pointe droite il y mit vne bonne troupe de caualerie, entre autres le regimēt de Clite : apres eux les Argyraspides, puis les Agrians. A la gauche, dont il donna la conduicte à Perdicas, il fit marcher le regiment d'iceluy Perdicas & les troupes de ceux qu'on appelle Asseteriens, & separa les gens de trect en deux bandes, dont il mit l'une à vne des ailes, & l'autre à l'autre. Cependant arriuerent les gens de cheual & de pied qui estoient derriere, faisant scorce à la queue de l'armee.

Les Oxydraciens & les Malliens li-guez avec les Catheiens.

Les Adraistes se rendent à Alexandre.

Bataille entre Alexandre & les Catheiens.

Dont il disposa ceux de cheual en chascune poincte, & feit marcher ceux de pied avec la Phalange, à fin de la rendre plus forte & plus serree. Cela fait, avec la caualerie qu'il auoit mise à la poincte droicte, il marcha droict vers les chariots des Indiens qui estoient à main gauche, par le lieu qui estoit le plus aisé à monter: aussi que les chariots n'estoient si serrez en cest endroit. Mais voyant que les Indiens se tenoient clos dans leur camp, sans faire contenance de sortir, & montoient seulement sur leurs chariots, dont ils tiroient coups de trecht: il iugea bien que les gens de cheual, n'y pouuoient rien, & que cest affaire estoit propre aux gens de pied. Parquoy il se mit soudainement à pied, & y mena droict la Phalange. Quant au premier rang des chariots, les Macedoniens en dechasserent sans grande peine les Indiens: mais quand on vint aux autres defenses, qui n'estoient a beaucoup pres si longues, ils se ferroient l'un contre l'autre, de sorte que plus facilement ils pouuoient defendre le lieu: où les Macedoniens n'auoient plus si grande espace pour les assaillir. Ce pendant toutefois ils destournèrent les chariots du premier rang, & entrants l'un par un costé, l'autre par un autre, ainsi qu'ils pouuoient peller mesle & sans aucun ordre, alloient assaillir les ennemis. Le conflict y fut grand, s'efforçants les Macedoniens de tout leur pouuoir d'entrer sur eux: & de telle sorte, que les Indiens furent dechassez de leurs chariots & barrieres. Et quand les Macedoniens (lesquels poursuiuant leur poincte entrerent dedans) commencerent à les charger ils ne peurent soustenir l'effort, ains incontinent tournerent le dos: & abandonnans le costau de montaigne, se retirerent dans la ville. Alexandre apres auoir gaigné leur camp, passa outre, & alla assieger la ville, l'environnant avec ses gens de pied, tant qu'il peut: car de l'assieger tout à l'entour il n'estoit pas possible, à cause que l'enceinte de la muraille estoit fort longue. Et aux lieux où ne s'estendoit pas l'infanterie, comme à l'endroit d'un estang, qui n'estoit pas loing de la muraille, il y mit la caualerie, estimant que les Indiens

Sangala
assiegee.

diens effroyez encore de la desfaiete, pourroïent bien par nuit abandonner la ville, & s'enfuir par cest estang, qui n'estoit pas profond. Ce qui aduint, tout ainsi que il l'auoit pourpensé. Car enuiron la seconde veille de la nuit, vne bonne partie d'entre eux sortirēt avec le moins de bruit qu'ils peurent, dont la pluspart tomba es mains de ceux qui auoient la garde de ce lieu, & furent taillez en pieces. Les autres se sentans enuironnez de toutes parts, de façon qu'il n'y auoit aucun moien d'eschapper, s'en refuirent soudain dans la ville. Ce que voyant Alexandre, feit commencer des trenchees doubles tout autour de la ville, fors à l'endroit de l'estang : à l'entour duquel il renforça la garde. Et comme il cerchoit les moiens comme il pourroit avec des engins de batterie faire bresche à la muraille, il entendit de quelques vns qui festoient venus rendre à luy, que les Indiens auoient proposé de sortir la nuit, & gagner les champs par les endroiets qui n'estoient point encores trenchez. Parquoy il enuoya quant & quant aux lieux par lesquels, à son aduis, les Barbares s'efforceroient d'eschapper, Ptolomee fils de Lage, avec trois mil Argyraspides, tous les Agrians, & vn regiment de gens de treçt : avec charge que si tost, qu'il sentiroit, qu'ils s'efforceroient de sortir, ils feist sonner l'alarme, pour les faire arrester : en attendant que les autres capitaines, lesquels il auoit aduertis de se tenir prests pour y aller, le plus vîstement qu'ils pourroient, y arriuaissent. Et quant à luy, il ne faudroit pas de sy trouuer. Ptolomee y estant paruenue, feit mettre au trauers des chemins & passaiges quantité des chariots qui auoient esté pris à la premiere fuitte, pour leur bouscher l'issuë, quand ils penseroient sortir par l'obscurité de la nuit. Il feit aussi ceste mesme nuit, avec vn trauail extrême des soldats, releuer la trenchee d'entre la ville & l'estang, qui auoit esté rompuë. Enuiron la quatrième veille de la nuit les Barbares ouurirent les portes du costé de l'estang, & meirent peine à se sauuer. Quoy sentans les Macedoniens, mesmemēt Ptolomee & ses troupes, oyans la trompette sonner, se trouuerent incontinent là. Il y auoit pour em-

E

Por retour-
ne au camp
d'Alexandre
avec secours
de ses pays.

Prise de San-
gala.
Grand nom-
bre d'Indi-
ens que morts
que prison-
niers.

Eumenes se-
cretaire d'A-
lexandre.

pescher les Indiens de passer la trenchee, les chariots, & vne partie de leurs ennemis: parquoy se voyans de tous costez arrestez par ces empeschemens, se reietterent de rechef dans la ville, apres qu'ils eurent perdu pres de cinq cens hommes des leurs, qui pensoient se desrober parmy les chariots. Ces choses estans en tel estat, Por arriua au camp d'Alexandre, avec enuiron cinq mil combattans de son pays, & quelsques elephans qui luy restoient. Desia estoient acheuez les engins de batterie, lesquels on braqua contre la muraille. Mais auant qu'il y eust bresche faicte de ceste part, les Macedoniens sapperent en vn autre lieu vn pan de muraille, qui estoit faicte de brique, par où, & avec l'escalade qui fut dōnee de toutes parts, ils prindrent la ville d'affault. Il fut si couraigeusement combattu en ce siege & prise, que de la part des Barbares y eut dix-sept mil hommes tuez, plus de soixante & dix mil prisonniers, trois cens chariots pris, & cinq cens cheuaux. De l'armee d'Alexandre n'y demeura pas en tout le siege & la prise plus de cent hommes, mais il y en eut plus de quinze cens de naurez: du nombre desquels fut Lyfimach qui estoit garde du corps, & encores d'autres chefs de compagnies. Apres cela Alexandre, aiant faict enterrer, ainsi qu'il auoit de coustume, ceux qui estoient morts à ce siege: il enuoya Eumenes, qui estoit vn de ses secretaires, à deux autres villes, qui estoient de l'alliance des Sangalesiens, luy donnant trois cens hommes de cheual: pour denoncer à ceux de dedans la prise de la ville de Sangala: toutefois qu'il ne lairroit pour cela de les tenir pour ses amis, s'ils vouloiēt receuoir amiablement la garnison qu'il leur enuoyoit. Et que les autres villes des peuples libres de l'Indie, qui volōtairement festoiēt rendues à luy n'auoiēt souffert aucun dōmage ou moleste de sa part. Mais ils auoiēt esté desia aduertis de la prise de Sangala: qui les auoit estōnez: & de faict ils auoient abandonné leurs villes, & s'en estoient fuis. Ce qu'estant rapporté à Alexandre il partit sur le champ pour aller apres eux: & donna en queue aux derniers, qui estoient la pluspart malades, & partant n'auoient peu se sauuer, & en fait passer

passer cinq cens par le fil de l'espee. Les autres eurent tout loisir de se sauuer, par ce qu'il y auoit long temps qu'ils estoient partis quand Alexandre partit pour les suyure. Voyant qu'il n'y auoit aucun moyen de les atteindre, il s'en retourna à Sangala, & la feit razer : & donna les terres des Sangaleziens aux autres nations libres des Indiens, qui de leur propre volonté festoient soubmis à luy. Il enuoya Por avec les forces qu'il auoit amenees aux villes par luy conquises, pour y mettre des garnisons : & luy avec son armee se meit en chemin pour aller descendre à la riuere d'Hyphasis, pour contraindre les Indiens qui habitoient au delà de la riuere de se rendre à luy. Car il pensoit bien que tant qu'il demeureroit en toute l'Indie quelque ennemy, il n'y auroit moyen de mettre fin à ceste guerre. Il auoit ouy dire à quelques Indiens voisins, que toute ceste contree qui est par delà la riuere, estoit fertile & riche à merueilles : que ceux qui y habitoient estoient fort addonnez au labourage, & neantmoins bons hommes de guerres. Que leur maniere de viure en particulier estoit fort bien reiglee : & quant aux Republiques elles estoient gouuernees par les principaux d'icelles, lesquels n'enioignoient ny ordonnoient aucune chose au peuple qui ne fust raisonnable & honneste. Qu'il y auoit plus grande quantité d'elephans, qu'en nul autre pays d'alentour : & que ces elephans estoient plus puissans & plus forts que les autres. Alexandre à cause de cela auoit encores plus d'enuie (luy qui estoit homme fort conuoiteux de los & honneur) de passer plus auant en pays. Mais les Macedoniens n'en vouloient plus manger : ains se fachoient de voir que le Roy accumuloit tousiours trauail sur trauail, & danger sur danger, sans y mettre aucune fin. Des assemblees se faisoient par le camp : ceux qui estoient plus modestes depleuroient leur fortune : les autres iuroient qu'ils ne suyuroient ja le Roy, si les vouloit mener plus auant. Dequoy aduertiy Alexandre, feit, auant que ceste sedition fust plus emeue, assembler les capitaines & chefs de bandes, & parla à eux en ceste maniere : Aiant entendu, que vous autres Macedoniens, &

Sangala raze.
zcc.

Alexandre
conuoiteux
d'honneur.

Les Macedoniens
lassés
de la guerre.

Mutinerie
au camp d'Alexandre.

Alexandre
aux Macedoniens.

E ij

Pays cōquis
par Alexan-
dre.

„ vous aussi mes alliez, n'avez plus ce bon vouloir & courage
 „ qu'avez cy devant de courir mesme fortune que moy, ie vous
 „ ay fait icy appeller, à fin ou de tant gagner sur vous, que ie
 „ vous puisse mener plus avant en pays : ou bien que estant per-
 „ suadé par vous, ie reprenne le chemin par où ie suis venu. Car
 „ si les travaux que nous avons endurez iusques icy, si les dan-
 „ gers où nous nous sommes trouvez, font honte à vous & à
 „ moy, qui ay esté vostre Capitaine, il n'est point de besoin
 „ que ie vous en die d'avantage. Que si aussi par le moien de ces
 „ travaux vous avez en vostre puissance l'Ionie, l'Hellepont,
 „ l'Ivne & l'autre Phrygie, la Cappadoce, Paphlagonie, Lydie,
 „ Carie, Lycie, Paphylie, Phenicie: si l'Égypte avec la Libye
 „ Greque, une partie de l'Arabie, la Celseyrie, Mesopotamie,
 „ Babylone, Suses, les Perses, les Medois, la Parthie, & tout
 „ cela entierement qui fut onques sous la puissance des Perses :
 „ si nous avons esté du nostre Empire outre les portes Caspien-
 „ nes, le Caucase, & la riviere de Tanais, & iusques aux Bactri-
 „ es & Hyrcaniens: si nous avons repoussé les Scythes iusques
 „ dans leurs deserts: si finalement nous avons soubmis à no-
 „ stre obeissance l'Inde, l'Hydaspes, Acesines, Hydraotes, qui
 „ sont fleuves tant renommez: Vous sachez vous maintenant
 „ de joindre à l'Empire & gloire des Macedoniens, l'Hyphasis,
 „ & les nations qui sont par delà l'Hyphasis? Doutez vous que
 „ ces Barbares là ne puissent aussi bien estre veincuz par nous,
 „ que les autres? dont les uns se rendent volontairement à nous:
 „ les autres sont pris & arrestez en fuyant: & la pluspart nous
 „ abandonnent leur pays & leurs villes vuides & sans coup don-
 „ ner: quelsques uns se joignent à leurs voisins & à ceux qui se
 „ sont renduz à nous. Quant à moy, ie n'estime point qu'un
 „ homme genereux & de bon cueur se propose autre but de ses
 „ travaux, que les travaux mesmes, qui luy causent tout hon-
 „ neur & reputation. Si toutefois quelqu'un veut sçavoir
 „ de moy quand prendra fin ceste guerre, sache qu'il ne nous
 „ reste pas beaucoup de pays d'icy à la riviere de Gange, & à
 „ l'Ocean Oriental. Lequel Ocean (car il environne toute la
 „ terre

„ terre) quand vous aurez veu comme il se ioinct avec la mer
 „ Hyrcanienne: ie vous monstreyray que la coste de mer de l'In-
 „ die se continue avec celle de Perse, & comme l'Hyrcanie
 „ aboutit au goulfe Persique. Du goulfe Persique nous ferons
 „ voile en Libye par les colonnes d'Hercules: & rengéròs sous
 „ nostre obeissance toute la Libye. Et partant toute l'Asie en-
 „ tierement sera nostre, & n'y aura autres bornes de nostre Em-
 „ pire & domination, que celles que Dieu a posees à la terre vni-
 „ uerselle. Que si nous nous en retournons maintenant, nous
 „ laisserons derriere nous par delà l'Hyphasis beaucoup de na-
 „ tions fort belliqueuses, & encores prou d'autres du costé de
 „ la mer Hyrcanienne & du Septentrion: dont les Scythes ne
 „ sont pas beaucoup esloignez. Dont est à craindre, que en
 „ nous en retournant nous perdions en bref temps tout ce que
 „ nous auons conquis avec tant de peine & hazard de nos per-
 „ sonnes, pour n'estre guerres asseuré, au moien des choses
 „ que nous laissons encores entieres derriere nous. Car ceux
 „ que nous auons subiuguez iusques à present, ne faudront pas,
 „ se voyans secouruz par ceux qui nous restent, à prendre les
 „ armes & à se rebeller contre nous. Au moien de quoy toutes
 „ les peines & trauaux que nous auons endurez par si long
 „ temps, seront perduz: ou bien nous tomberons en nouuelles
 „ peines & dangers. Continuez donc, ie vous prie, Macedo-
 „ niens, & vous mes alliez & amis. Ceux-là reçoient vn mer-
 „ ueilleux contentement d'esprit toute leur vie, qui ont entre-
 „ pris & executé des aduentures penibles & perilleuses: & vne
 „ grande consolation à leur mort, estans bien asseurez qu'ils
 „ laissent vne memoire & renommee immortelle d'eux à la
 „ posterité. Estimez vous que Hercule, duquel nous sommes
 „ attraiçts & issus, se fust iamais acquis cest honneur d'estre
 „ d'homme fait Dieu, ou tel tenu & reputé par le monde, fil
 „ eust esté casannier, & fust demeuré aux cendres à Tirynthe,
 „ ou Argos, ou Thebes, ou au Peloponnese? Il est tout notoi-
 „ re que les trauaux de Bacchus, que l'on tient pour vn plus
 „ grand dieu encores que Hercule, ne furent point petits ny

„ en petit nombre. Quand à nous, nous auons passé Nyse, &
 „ si auons pris par force d'armes la roche d'Aorne, laquelle
 „ Hercule ne peut oncques prendre. le vous prie donc ioignez
 „ ce qui reste encores de l'Asie, qui est peu de chose, à si grand
 „ pays que nous tenons: si d'aventure vous n'estes marris &
 „ auez honte d'acquérir honneur & reputation. Mais, à vostre
 „ aduis, qu'eussions nous iamais faict de grand & digne de me-
 „ moire en nostre vie, si nous nous fussions contentez de la
 „ Macedoine, fujants le trauail, & eussions estimé estre assez
 „ faict à nous de garder & defendre nostre pays, & d'en
 „ auoir seulement dechassé les Thraces, Esclauons, & Tribal-
 „ les: & contenu en deuoir les Grecs, qui nous estoient enne-
 „ mis, ou pour le moins ne nous vouloient point de bien? Que
 „ si encores vous voyez que ie, qui suis vostre chef & capitaine,
 „ m'exemptasse des perils & trauaux; & n'en endurasse ma part,
 „ comme vous, vous auriez quelque raison de vous refroidir &
 „ aneantir ainsi, & comme venant la peine de vostre part, & en
 „ demeurant l'honneur & le proufit de la mienne. Mais vous
 „ voyez que les peines & dangers sont communs aussi bien à
 „ moy, que à vous: & que de tout le proufit qui se faict en ceste
 „ guerre, ie ne m'en referue rien en particulier: chascun de vous
 „ y a sa part. Tout & tant de pays que nous auons conquis est
 „ vostre, vous y commandez, il est en vostre possession. Vne
 „ bonne partie de l'or & argent, & de toutes les richesses de l'A-
 „ sie, est entre vos mains. Et quand nous aurons toute l'Asie en-
 „ tierement sous nostre domination, j'espere lors, moiennant
 „ la grace & faueur de Iupiter, de non seulement contenter &
 „ assouuir vos desirs, mais de vous faire plus grands, que ne
 „ pourriez souhaitter. La guerre finie ie licencieray ceux qui
 „ s'en voudront retourner en leurs maisons: ou plustost moy-
 „ mesmes les y reconduiray: & s'il y en a qui veulent demeurer,
 „ ie feray tant, que ceux qui se seront tetirez leur porteront enuie.
 Quand il eut dict cela, ils demurerent tous pensifs, & furent
 long temps sans respoñdre vn seul mot: d'autant qu'ils n'osoient
 pas contredire tout ouuertemēt au vouloir du Roy en sa pre-
 sence:

sonce : aussi n'y vouloient-ils pas consentir. Il leur commanda de dire ce qu'ils en pensoient : toutefois ils demeurèrent tous en même estat, sans mot sonner. En fin Cene fils de Polemocrates voyant que personne ne respondoit rien, com-

Cene respōd
à Alexādre.

„ mença à dire : Pour autant, Sire, que vous avez dict, que vous
 „ ne voulez pas contraindre les Macedoniens : mais que si vous
 „ les pouvez gagner, vous les menerez plus auant, autrement
 „ ne les ferez point marcher outre leur gré : ie vous respōdray,
 „ non point seulement pour nous autres capitaines & chefs de
 „ bandes : (qui auons receut tant de bien & d'honneur de vous
 „ pour auoir commandé aux autres : que nous nous deuons te-
 „ nir pour bien recompensez des travaux qu'auons soufferts, &
 „ pour ceste cause sommes prests de faire ce qu'il vous plaira)
 „ mais pour toute l'armee en general : & ne diray point ce que
 „ ie pense leur estre agreable, à fin de leur gratifier : mais ce que
 „ i'estime vous estre proufitable à present, & qui vous pourra
 „ apporter seureté à l'aduenir. Par ce que ie n'estime point estre
 „ raisonnable de celer les choses qui me semblent deuoir estre
 „ faictes : cela ne me permet point ny mon aage, ny le rang que
 „ ie tiens. Et qui me donne encores plus de hardiesse de parler
 „ librement, sont les travaux & dangers ausquels ie me suis ex-
 „ posé franchement pour vostre seruice. Car d'autant que plus
 „ sont en nombre & plus laborieuses les aduentures, que sous
 „ vostre conduite nous autres, qui vous auons suivi en ce pe-
 „ nible voyage, auons mises à fin : d'autant plus estime-ie rai-
 „ sonnable mettre quelque fin à nos peines & dangers. Vous
 „ voyez vous mesmes, Sire, comment de si grand nombre de
 „ Macedoniens & Grecs qui sommes partis de nos maisons avec
 „ vous, il ne reste qu'une poignée d'hommes. Quand vous fu-
 „ stes aduertie que les Thessaliens se lassoient de suivre la guerre,
 „ vous les renuoiaastes en leurs maisons, des Bactres : ce qui estoit
 „ bien faict, à la verité. Des autres Grecs, les vns sont demeurez
 „ (peut estre outre leur gré) es villes que vous avez con-
 „ struites : d'autres apres auoir beaucoup enduré, & hazardé
 „ leurs personnes avec vous (autant en est-il des Macedoniens)

„ ont perdu beaucoup de leurs parents & amis à la guerre. Ou-
 „ tre ceux là y en a beaucoup qui estans faicts manchots & stro-
 „ piates, au moien des coups qu'ils ont euz à la suite de la guer-
 „ re, sont demeurez qui deçà qui delà par l'Asie : plusieurs aussi
 „ sont morts par maladie. Tellement que de si grand nombre
 „ de combattants, il en est demeuré bien peu, lesquels encores,
 „ au moien de la guerre si longue & si facheuse, sont mainte-
 „ nant rōpuz & cassez, & plus encores sont ils lassez & recreuz
 „ de couraige. Ceux qui ont encores leurs peres & meres en vie,
 „ sont attirez vers leurs maisons par vne affectiō naturelle qu'ils
 „ ont de les reuoir. D'autres sont meuz d'vn desir de voir leurs
 „ femmes & leurs enfans : les autres de voir leur pays : lequel fils
 „ desirēt voir, vous les deuez excuser, ja-soit qu'ils aient receu
 „ beaucoup de bien & d'honneur de vous. Et ne suis d'auis que
 „ contre leur volonté vous les meniez en lieu où il faille ha-
 „ zarder leurs vies. Car vous ne les trouuez doreseuuant si
 „ prompts à vous faire seruice, qu'ils ont esté par le passé : par ce
 „ qu'ils aurōt le cueur bien esloigné de la guerre. Que si c'estoit
 „ le bon plaisir de vostre Maiesté de retourner en Macedoine :
 „ apres que vous auriez veu la Royne vostre mere, & donné or-
 „ dre aux affaires de la Grece : & qu'auriez reporté en vostre
 „ Royaume paternel tant de si grandes & si belles victoires :
 „ lors vous pourriez, si vous le trouuiez bon, de rechef leuer
 „ gens, & mettre sus vne armee : soit qu'eussiez enuie de faire la
 „ guerre à ces Indiens Orientaux, ou aux Scythes de Pont, ou
 „ à Carthage, ou bien à la Libye qui est par dela Carthage. Et
 „ lors vous pourriez mener des soldats de leur bon gré où bon
 „ vous sembleroit. Vous seriez suiuy de ieunes Macedoniens,
 „ au lieu de ces vieillards : d'hommes forts & robustes, au lieu
 „ de ceux-cy qui sont cassez & rompus. Lesquels ieunes esti-
 „ meroient, vray est qu'ils n'entendent pas que cela vault, que
 „ non seulement on ne doit point fuir la guerre : mais qu'on la
 „ doit plus tost souhaitter, pour l'esperance grande que tels
 „ compagnons se mettent au deuant : mesmes quand ils ver-
 „ roient nous autres, qui auons en part aux trauaux qu'auuez
 „ endurez,

„ endurez, estre retournez en nos maisons, de pauvres, riches:
 „ de petits compagnons, esleuez en honneurs & dignitez. Puis
 „ cest vne belle chose, certainement & recommandable, s'il y en
 „ a au monde, que la moderation d'esprit, & se pouuoir com-
 „ mander, mesmes en temps que la fortune nous rit. Et ne voy
 „ point que vous, Sire, chef de ceste armee inuincible, deuez
 „ craindre aucun ennemy, quel qu'il soit: mais bien est à redou-
 „ ter l'inconstance & temerité de fortune: l'effort de laquelle
 „ homme du monde, pour sage qu'il peust estre, ne scauroit eui-
 „ ter. Apres que Cene eut ainsi parlé, tous ceux qui l'auoient
 „ escouté demourerent si tristes que merucilles: & à plusieurs
 „ les grosses larmes commencerent à tomber au long du visa-
 „ ge, accompagnées de sanglots & souspirs: qui donnoient
 „ suffisant tesmoignage combien ce seroit outre leur gré, qu'ils
 „ suiuroient plus la guerre, fils estoient contraincts de ce fai-
 „ re. Alexandre se sentant offensé, tant de la liberté de par-
 „ ler, dont Cene auoit vsé, que de la confession assez eui-
 „ dente des autres capitaines, combien leur seroit à l'aduenir
 „ la guerre à contre cueur, se leua, & feit retirer vn chacun.
 „ Le lendemain les aiant fait appeller de rechef, sans rien diffi-
 „ muler de la cholere où il estoit leur dict: Qu'il auoit deliberé
 „ d'aller plus auant, mais qu'il ne vouloit contraindre personne
 „ de le suiure. Qu'il n'auoir soldats qui ne suiussent leur Roy
 „ de bonne & franche volonté: & qu'avecques eux il parache-
 „ ueroit de conquerir ce qui restoit encores. Qu'il donneroit
 „ congé à ceux qui s'en voudroient aller, de retourner en leurs
 „ maisons: & de porter les nouuelles à leurs parens, amis & voi-
 „ sins, qu'ils auroient abandonné leur Roy au milieu des enne-
 „ mis. Apres qu'il eut dict cela, il se retira incontinent en son pa-
 „ uillon, ne permettant qu'aucun, fust-il de ses plus priuez & fa-
 „ miliers, entraist en sa chābre, par l'espace de trois iours: pre-
 „ nant soigneusement garde, sans faire semblant d'y penser, si
 „ les Macedoniens ou les alliez changeroient point de vouloir:
 „ ce qui aduiant souuent où il y a grande multitude de gens.
 „ Mais tous ceux de son ost perseueroient en ce mesme estat,

L'inconstance
 de fortune
 est à crain-
 dre aux
 grāds.

F

sans faire aucun bruit : estoit neantmoins facile à iuger, qu'ils estoient faschez de voir le Roy ainsi indigné entre eux. Ce nonobstant Alexandre ne changeoit point d'opinion. Toutefois voyant que à vn sacrifice qu'il feit pour auoir heureux passage, les entrailles des bestes immolees ne luy promettoient rien de bon : il feit appeller les principaux de ses amis & familiers, & leur dist : Puisque toutes choses sont contraires au vouloir que j'ay d'aller plus auant, j'ay delibéré de retourner. Laquelle parolle estât semée parmy le camp, commencerent tous incontinent à chanter & sauter d'allegresse & à se resjouir. A quelques vns les larmes tomboient des yeux, de ioye qu'ils auoient : d'autres entroient au paillon du Roy, faisans prières aux dieux de le vouloir bien fortuner, & donner heureux succés de tout ce qu'il entreprendroit. Et le remercioient de ce qu'il festoit laissé gagner par eux, luy, qui auoit esté inuincible à toutes nations. Apres cela, aiant séparé en deux son armée, il feit aux douze dieux eriger des autels hauts, comme tours de guerre, & vn peu plus amples en largeur : par ce qu'ils l'auoient conduit si loing de son pays & Royaume tousiours victorieux : & aussi pour eterniser la memoire de ses conquestes & faits dignes de louange & hōneur. Les sacrifices & ieux de pris à la course tant à pied que à cheual finis : & ayant vnée & incorporee au gouuernemēt de Por toute ceste contree iusques à la riuere d'Hyphasis, il rebroussa chemin vers la riuere d'Hydraotes. Laquelle passée, il vint à la riuere d'Acesines, où il trouua faicte & parfaicte la ville, qu'il auoit donné charge de bastir à Ephestion : dans laquelle il feit retirer ceux du pays d'alentour pour s'y habiter, qui furent bien contents d'y aller : ensemble les soldats estrangers qui estoient à son seruice, qui ne pouuoient plus suiure le camp. De là il luy prit enuie d'aller voir la mer Oceane : & feit donner ordre pour equipper & armer vne flotte. En ces entrefaictes Arsaces gouuerneur d'vne prouince voisine de celle d'Abisare, & pareillement le frere de cestuy Abisare, vindrent vers luy, avec de grands & riches presens : entre lesquels estoient trente elephās

Alexandre
faict eriger
douze autels
hauts cōme
tours, pour
memoire de
ses conquestes.

Alexandre
part pour re-
tourner.

Alexandre
faict dresser
vne flotte
pour descen-
dre à la mer
Oceane.
Present faict
à Alexandre
par le Roy
Abisare de
30 elephās.

que

que Abifare luy enuoyoit, s'excusant que pour vne maladie, qui luy estoit suruenue, il n'auoit peu aller vers luy, comme il luy auoit mandé. Ce qu'estant confirmé par les Ambassadeurs qu'Alexandre y auoit enuoyez, il le creut: & luy octroya de demeurer en la possession & iouissance des biens, estats & dignitez qu'il auoit, fors qu'il le recognoistroit pour son souuerain: ordonnant à Arsaces de luy porter obeissance: & à l'un & à l'autre enioignit de payer certain tribut par chascun an. Puis apres auoir sacrifié sur la riuere d'Acesines, & fait passer son armee, il vint à celle d'Hydaspes. Où il seiourna quelque tēps: pendant lequel il teit refaire & reparer avec l'aide des soldats, ce que les pluies & mondatiōs auoient gasté & demoly

Abifare
fait tribu-
taire.

és villes de Nicee & Bucephale par luy cōstruictes.

Cela fait, il se mit à reigler & donner ordre à ce qui appartenoit à la defense & tutiō de la contree.

FIN DV CINQVIEME LIVRE.

F ij





SIXIEME LIVRE

DES FAICTS ET CON-

QUESTES D'ALEXANDRE

le GRAND, Roy des

Macedoniens.



Crocodiles
à la riuere
d'Inde.

Alexandre
pense auoir
trouué l'ori-
gine du Nil.

VAND les bateaux, qui se trouuerent es riuages de l'Hydaspes bons & entiers pour porter des gens de guerre, furent assemblez, Alexandre se delibera de descendre à la mer Oceane. Il faut icy noter que aiant veu à la riuere d'Inde seule des Crocodiles, ainsi qu'au Nil: & des febues sur terre non gueres loing du bord d'Acesines, toutes semblables à celles qui croissent en Ægypte: aiant pareillement ouy dire, que Acesines tomboit dans l'Inde, il pensa auoir trouué l'origine du Nil, estimant qu'il prinst sa source en quelque lieu de l'Indie, & que passant par des grands deserts & pays inhabitez, il perdoit son nom, puis retournant par des pays peuplez, il estoit appellé Nil par les Ethiopiens & Ægyptiens, lequel Homere auoit appellé de mesme nom que le pays: & qu'en fin il alloit tomber dans la mer Mediterranee. Mesmes Alexandre escriuant à la Royne Olympias touchant le pays des Indiens, entre autres choses luy escriuit qu'il pensoit auoir trouué la source du Nil. meue seulement de ces coniectures que i'ay dictes, qui ont assez peu d'apparence. Mais quand il eut entendu puis apres, par ceux de la contrée, que Hydaspes tomboit dans Acesines, & Acesines

fines dás l'Inde, auquel il cedoit l'honneur du nom : que l'Inde
 alloit tomber en deux bras dans la mer Oceane, & que l'Æ-
 gypte ne luy touchoit en rien : il manda lors qu'on effaçast des
 lettres qu'il auoit enuoyees à la Royne sa mere, ce qu'il auoit
 escrit pour le regard du Nil. Vn peu auant que partir, il dóna
 charge aux Pheniciens, Cypriens, Cariens & Ægyptiens, qui
 sont gens bien entendus au fait de la marine, & qui lors se
 trouuerent à la suite du camp, d'approprier à la rame les vais-
 seaux qu'il auoit. En cetemps Cene, auquel Alexandre por-
 toit fort grande amitié, trespassa par maladie. Apres qu'il l'eut
 fait enterrer avec grande pompe & magnificence, il feit as-
 sembler tous ses plus familiers, & les principaux de son armee,
 & tous les Ambassadeurs Indiens qui estoient à la suite. Et en
 leur presence, il nomma & establit Por, Roy de tout le pays
 Indien par luy conquis, qui contenoit sept nations en tout, &
 plus de deux mil villes. Cela fait, il diuisa son armee en ceste
 maniere. Il feit monter sur l'eau avec luy tous les Argyra-
 pides, les gens de treft, & les Agrians, & vne partie de la gen-
 darmarie. Enuoya Cratere par terre pour costoyer tousiours
 la riuere à main droicte, avec vne bonne partie de la caualerie
 & infanterie. Et Ephestion à main gauche avec la plus gran-
 de & plus forte partie de l'armee, & enuirõ deux cens elephãs
 avec mandement de tirer droict au chasteau Royal de So-
 pite. Manda à Philippe son Lieutenant general en la contree
 de delà la riuere d'Inde de venir apres luy avec toutes ses
 compagnies qu'il auoit faisant seiour de trois iours seulemẽt,
 en passant par le pays des Bactrians. Renuoya les gens de
 cheual Nyfiens à leurs maisons : & ordonna pour General
 & Amiral de toute la flotte, Nearch : & pour pilote du
 vaisseau où il estoit Onesicrit. Lequel en l'histoire qu'il a es-
 crite d'Alexandre, a bourdé en ce (aussi bien qu'en beaucoup
 d'autres choses) qu'il s'est nommé general de la flotte, com-
 bien qu'il ne fust que pilote. Le nombre des vaisseaux, ainsi
 que recite Ptolomee, auquel i'adiouste foy par dessus tous,
 estoit de quatre-vingts vaisseaux à trête rames : & en comptat

Cene decede

Por estably
 Roy de tout
 le pays d'In-
 die conquis
 par Alexan-
 dre.

Nearch
 Amiral de
 l'armee de
 mer d'Ale-
 xandre.
 Onesicrit pi-
 lote de la nef
 Royale.

F. iij.

Deux mil
vaisseaux à la
flotte d'Ale-
xandre.

tout, grands & petits nauires de charge & bateaux de riuere, estoit de deux mil ou enuiron. Tout estant appareillé, à l'aube du iour, Alexandre feit entrer chascun aux vaisseaux. Puis apres auoir sacrifié à Hercule, dont il estoit issu, & à Ammon & aux autres dieux selon la coustume, & pareillement au fleuve Hydaspes, de telles victimes que luy auoient conseillé les deuins, il entra aussi en son vaisseau: estant sur le tillac duquel, il inuoca Hydaspes & Acesines (lequel Acesines il auoit entendu se ioindre non gueres loing de là avec Hydaspes) & semblablement l'Inde, dans lequel tombe Acesines. Puis feit des effusions avec vne phiole d'or. Apres cela, il feit sonner par vn trompette le partement: & tout aussi tost les vaisseaux commencerent à voguer avec tel ordre & disposition, qu'il leur auoit esté ordonné. Car il auoit esté auisé à combien d'interualle des autres iroient les vaisseaux qui portoient le bagage: à combien ceux de charge, où estoient les cheuaux: & à combien ceux de defense, de peur que s'entreheur-tans ils se brisassent: & n'estoit pas permis que ceux qui estoient les plus legers rompiissent leur reng pour passer deuant les autres. C'estoit vn plaisir bien grand d'ouir le son des rames & auirons: les voix tant de ceux qui tiroient à la rame, que de de-ceux qui commandoient aux matelots, lesquels par le resonnement des riués, qui estoient beaucoup plus haultes que les vaisseaux, & la repercussion des forests d'alentour, se haultoient & renforçoient si bien, que les Barbares qui demouroient es enuiron en estoient tous effroiez. Et qui rendoit encores les Barbares plus estonez, estoit de voir des cheuaux dans des bateaux & nauires: d'autant que les Indiens n'auoient iamais veu cela: (car il n'est point de memoire d'aucune armee de mer de Bacchus) & à ceste cause ils suiuirent longuement la flotte, quand elle partit, pour la nouueauté de la chose. Mesmes ceux qui demouroient bien loin de là, qui auoient esté subiuguez par Alexandre, entendants ce bruit, couroient par bandes aux riuages, chantants & dansants à leur mode Barbaresque. Car les Indiens plus que tous autres hommes du monde

monde, prennent plaisir à la musique & à la danse, depuis le temps que Bacchus feitle voiage à ce pays là. Prenant doncques Alexandre le cours de l'eau, il arriua le troisieme iour à l'endroit des lieux ausquels Ephestion & Cratere festoient campez l'un d'un costé de la riuere, l'autre de l'autre. Il séjourna là deux iours pour attendre Philippe: lequel estant arriué, il l'enuoya avec ses troupes à Acesines, luy commandant de costoyer tousiours la riue: & fait poursuiure à Cratere & Ephestion leur chemin. Et luy alloit tousiours à val la riuere d'Hydaspes, qui n'est pas moins large que de cinq quarts de lieuë, en quelque endroit que ce soit. Il prenoit terre de fois à autre: & par tout où il passoit, les Indiens qui demeuroient es pays prochains de la riuere se rendoient à luy, les uns de leur bon gré, les autres par force d'armes. Or se hastoit il tant qu'il pouuoit, à fin de gagner la frontiere des Malliens & Oxydraciens: par ce qu'il auoit esté aduertiy que festoient hommes les plus belliqueux de toute ceste contree: & qu'ils festoient assemblez en grand nombre, bien deliberez, apres auoir enuoyé aux villes fortes leurs femmes & enfans, & toutes autres personnes qui ne pouuoient porter armes, de luy liurer bataille. Et à ceste cause il se hastoit tant qu'il pouuoit, pour les preuenir & combattre auant qu'ils fussent tous ensemble. Le cinquieme iour il arriua au lieu où Hydaspes tombe dans Acesines. Là, par ce que ces deux riuieres se mettent en vne en vn lieu qui est vn peu estroit, & que l'une & l'autre d'elles ont beaucoup d'eau, & sont toutes deux roides & impetueuses, y a au conflant d'icelles vne merueilleuse rencontre & conflict d'eau: & oit-on de loing le bruit que font les vagues & bouillons s'entreheurtans & romrans l'un contre l'autre. Dequoy Alexandre & ceux de son armee auoient esté bien aduertis long temps au parauant par ceux du pays. Toutefois quand la flotte commença à approcher du conflant, le bruit estourdit & estonna si fort les oreilles des mariniers, qu'ils demeurèrent comme gens esperdus, laschans tout ce qu'ils tenoient: & ne furent pas moins estonnez les pilotes &

Les Indiens
aiment la
musique &
la danse.

Des Oxydra-
ciens & Mal-
liens.

La flotte d'Alexandre en
peril au con-
flant d'Acce-
sines & Hy-
daspes.

gouverneurs, & iusques-là qu'ils ne sonnoient mot, & ne donnoient ordre à rien. Quand on fut arriué au conflant, on commanda aux matelots de ramer de toutes leurs forces : à fin de ietter les vaisseaux hors de ce passage, à ce qu'ils ne perissent : & rompre à force de rames l'impetuosité des vagues. Pour le regard des vaisseaux ronds, qui furent grandement agitez, il n'en aduint autre mal que la frayeur qu'eurent ceux qui estoient dedans. Mais les longs bateaux, comme estans les plus bas, & qui sortoient peu hors de l'eau furent fort endommagez, spécialement ceux à deux bancs, d'autant qu'ayans les rames basses il estoit difficile de les leuer assez haut pour fendre les vagues : mesmement fils se mettoient de trauers il n'y auoit moyen à cause de cela de les secourir, du moins qu'ils ne fussent grandement tourmentez. Il y en eut beaucoup de ceux-là ouuerts. Deux se rencontrerent qui furent brisez, & mis en fond, & la plupart de ceux qui y estoient submergez. Quand ils furent au lieu où la riuere commence à s'elargir, ils trouuerent le cours de l'eau plus doux, & les gouffres & bouillons moins violens : & lors Alexandre feit tirer à bord à main droicte : par ce que ce lieu-là luy sembla fort commode, à cause d'un petit goulfre que faisoit vn rocher qui estoit au deuant, lequel rocher s'aduançoit bien auant en l'eau. Là il sauua les bateaux qui estoient ouuerts & rompuz de l'esbranlement & par l'impetuosité des vagues & bouillons : & pareillement les hommes qui y estoient demeurez en vie. Les vaisseaux estans calfeutrez & refaits, il commanda à l'Amiral de poursuiure la nauigation, iusques aux frontieres des Malliens. Où estant arriué, il descédit en terre, & alla courir les pays de ceux qui ne festoiét encore rendus à luy : lesquels il empescha de se ioindre avec les Malliës, les surprenât auant qu'ils fussent paruenus au lieu où estoit leur rendez-vous. Cela fait, il retourna à la flotte, où il trouua Ephestion, Cratere & Philippe arriuez avec les forces qu'ils auoiét. Apres auoir fait passer la riuere aux elephas, au regimēt de Polyperchō, & aux gens de trect à cheual, & à Philippe avecques eux, leur aiant baillé Cratere pour chef :
il donna

il donna charge à son Amiral d'aller deuant, & deüancer de trois iournees l'armee de terre. Puis separant le demeurant de son armee en trois troupes, il commanda à Ephestion d'aller deuant, & faire cinq iournees de chemin : à fin d'arrester ceux qui s'en pourroient fuir plus auant dans le pays, quand ils le sentiroient entré dans les frontieres d'iceluy : & fait demeurer derriere Ptolomee avec vne partie des cōpagnies l'espace de trois iours, pour le suiure apres cela, & charger ceux qui s'enfuïroient derriere luy. Il commanda à ceux qu'il enuoyoit deuant, que quand ils seroient paruenus au conflant d'Acesines & Hydraotes, ils l'attēdissent là, iusques à ce qu'il y fust arriué : & que les troupes de Cratere & de Ptolomee fussent ioinctes avec luy. Et luy avec les Argyraspides, les gens de treūt, les Agrians, & ceux qu'ils appelloient Asseteriens, dont Python estoit colonnel & toute la caualerie des gens de treūt, & vne partie de la gēdarmerie des amis, s'en alla entrer dans les frontieres des Malliens (qui est vne nation Indienne libre, vsant de ses loix & statuts) par vn costé où y auoit grāde faute d'eau. La premiere iournee il campa aupres d'une petite riuere, qui n'est pas plus de six lieues loing d'Acesines. Où ayant vn peu rafraichy ses gens, commanda que chascun emplist d'eau les bouteilles & autres vaisseaux qu'ils auoient : puis poursuiuit son chemin allant le reste du iour & la nuit suiuaute, tant qu'il eut fait vingt & quatre lieues de pays. Le lendemain au matin il arriua à vne ville des Malliens, où s'estoient retirez beaucoup de gens du pays : dont il meit en pieces plusieurs qu'il rencōtra hors la ville sans armes, qui n'attendoient rien moins que sa venue (& n'eussent iamais estimé qu'Alexandre eust tiré vers ce quartier là, pour la faute d'eau qui estoit sur le chemin) & chassa les autres iusques dans la ville. Puis il environna la ville avec sa caualerie, d'autant que l'infanterie n'estoit encores venue. Laquelle arriuee, il enuoya Perdicas avec son regiment de caualerie & celuy de Clite, & les Agrians, assieger vne autre ville des Malliens, où, à ce qu'il auoit entendu, s'estoit retiré bon nombre d'Indiens : & luy defendit expres-

De la guerre
contre les
Malliens.

G

Ville prise
sur les Mal-
liens.

fement de commencer la batterie, auant qu'il y fust arriué: mais qu'il les tint seulement assiegez, & se donnaist de garde qu'ils ne fortissent: à fin que les autres du pays ne sceussent rien de sa venue. Apres cela il commença à donner l'assault à la ville: mais les Barbares du premier coup perdās cueur abandonnerent la muraille: & apres auoir perdu beaucoup de leurs gens, qui furent tuez à ce premier assault, ils quitterent la ville. Aucuns d'eux qui pour auoir esté blesez ne se peurent sauuer avec les autres, se retirerēt dans le chasteau. Lequel ils defenderent quelque temps, par ce qu'il estoit assis en lieu haut & eminent, & estoit fort malaisé d'y monter. Toutefois en fin les Macedoniens (encouragez par le Roy, qui y estoit en personne, & incitoit tantost l'un tantost l'autre) firent tel deuoir que ce chasteau fut aussi pris, & les Barbares qui estoient dedans iusques au nombre de deux mil, passez par le trenchant de l'espee. Perdiccas estant arriué à la ville qu'il luy auoit esté commandé d'assieger, la trouua vuide, & abandonnee des habitans. Et entendant de quelsques païsans, que ceux de dedans s'en estoient fuis n'y auoit gueres, il alla apres eux avec ceux de ses troupes qui estoient legerement armez, & leur donnant en queue en tailla la pluspart en pieces: les autres se sauuerent au moyen d'un marais qui estoit là aupres. Alexandre apres auoir faict prendre la refection & repos à ses gens, partit à la premiere veille de la nuit, & arriva à la riuere d'Hydraotes, que le iour ne faisoit encores que poindre. Côme il approchoit il veit grand nombre de Malliens, qui auoient desia trauersé la riuere: d'autres qui saprestoient pour passer, sur lesquels il alla charger, & en tua la pluspart. Puis passant la riuere, il ataignit à la course ceux qui fuyoient: desquels il meit en pieces les vns, en prit d'autres prisonniers. Il y en eut beaucoup qui ne furent r'attaincts: par ce qu'ils gagnerēt vne certaine place forte de nature & d'artifice. Quand l'Infanterie fut arriuee, il enuoya contre eux Python avec son regiment, & deux cornettes de caualerie: & fut la place prise du premier assault, & tous ceux qui estoient dedans.

Desfaict de
Malliens.

dedans (qui ne furent tuez à la prise) furent faicts esclaves. Cela executé, Python s'en retourna au camp trouuer Alexandre. Lequel peu apres conduict son armee vers vne ville des Brachmanes, où il auoit esté aduertý, qu'une grosse troupe de Malliens se estoient retirez. Il ne fut pas plustost là qu'il feit approcher les soldats de la muraille de tous costez, sans leur donner loisir de prendre haleine : à fin d'effroyer d'auantage ceux de la ville. Et comme il taschoit de faire sapper la muraille, & qu'on estoit apres pour trouuer les moiens de ce faire, il feit assaillir à coups de treç les Barbares, & les contraignit d'abandonner la defense de la muraille. Ils quitterent pareillement tout aussi tost la ville, & se sauuerent au chasteau. Comme ils fuyoient, aucuns Macedoniens, qui estoient bien peu en nombre, les poursuuirent si viuement qu'ils entrerent avec eux pêle melle dans la place : les vns desquels furent repoussez, les autres iusques au nombre de vingt cinq y demurerent morts. Ce temps pendant Alexandre feit donner l'escallade au chasteau, & tout ensemble sapper la muraille. Au moyen de laquelle sappe estant tombee par terre vne tour, & vne partie de la courtine attenant, tellement que la forteresse estoit vn peu plus prenable par ce costé là que par vn autre, Alexandre monta tout le premier à la bresche. Quoy voyants les Macedoniens, furent tous honteux : de sorte qu'ils s'efforcerent passans presque l'un sur l'autre de monter apres luy. Alors les Indiens quittans la muraille merrent le feu aux maisons, & se ietterent la pluspart dedans : toutefois il en mourut beaucoup au combat. Il y eut environ cinq mil hommes de tuez : & bien peu en tomba de vifs au pouuoir d'Alexandre, tant ils estoient animez. Cela fait, Alexandre, apres auoir donné vn iour seulement aux soldats pour se rafraichir, entra avec son armee dans le pays des autres Malliens proches de là. Lesquels il entendit peu apres auoir abandonné leurs villes, & s'estre retirez aux boys & deserts. Au moyen dequoy le iour ensuiuant il feit retourner par où ils estoient venuz, Python & Demetrie avec les com-

Ville des
Brachmanes
prise.

Alexandre
monte le
premier à la
bresche.

Les Malliens
se iettent
dans le feu
de peur de
tomber au
pouuoir de
Alexandre.

paignies de caualerie qu'ils auoient, & vne partie des soldats armez à la legere, pour prendre leur chemin le long de la riuiere: avec charge expresse de mettre au fil de l'espee tous les Indiens qu'ils trouueroient dans les boys, fors ceux qui se rendroient volôtairement à eux. Ils en rencôtrèrent plusieurs qu'ils meirēt en pieces. Luy se meit en chemin pour aller à vne ville, qui est la plus grāde de toutes celles des Malliens: dans laquelle, selō l'aduertissemēt qu'il en auoit eu, l'estoit retiré vn grād peuple sorti des autres villes. Mais les Indiēs aduertiz de sa venue l'auoient pareillement abandonnee, & auoient passé la riuiere d'Hydraotes: & estoient en armes sur des riuages fort hauts & droicts, faisans contenance de luy vouloir empescher le passaige. Aiant entendu cela, il sy en alla en grande diligēce avec sa gendarmerie, faisant suiure apres luy l'infanterie. Et quand il fut à la riuiere, il passa tout d'vn chemin sans s'arrester, n'ayant que sa caualerie seule: qui estonna de prime face les Indiens: tellement qu'ils commencerent au petit pas à se reculer du riuage: sans toutefois perdre aucunement leurs rangs. Mais comme il alloit apres pour les charger, ayant passé la riuiere, sans attendre son infanterie, les Indiens se confians au grand nombre de combattans qu'ils estoient (car ils estoient bien pres de cinquante mil hommes) tournerent visage, & luy feirent teste. Alexandre les voyant en bataille, se tenans ferrez, ne voulut pas permettre à ses gens de combattre: ains seulement d'escarmoucher & bailler le coup en passant & repassant. Cependant passoient les Agrians & les autres compaignies de gens de pied armez de legeres armes, ensemble les gens de trest: & voyoit-on bien desia l'infanterie qui approchoit. Ce qu'apperceuans les Barbares, qui estoient ja las & trauaillez, monstrerent les talons, & s'enfuirent à val de routte, vers la ville plus prochaine de là, aians mis toute leur esperance en la forteresse naturelle & situation d'icelle. Alexādre les suiuit en queue qui en tailla en pieces grand nombre. Et voyant qu'ils festoient enfermez dans la ville, si tost qu'il y fut arriué, il ceignit la ville de sa gendarmerie. Puis quand

Autre desfaite de Malliens.

quand l'infanterie fut arriuee, il l'assiegea de tous costez, donnant le reste du iour aux compaignons pour se reposer, estans ses gens de pied laslez du chemin & ceux de cheual trauaillez, pour la chaste roide & longue qu'ils auoient baillée aux ennemis. Le lendemain il partit en deux son armée, pour donner l'assault à la ville par deux costez. Quoy voyans les Indiens, qui regardoient tout ce qu'il faisoit de dessus la muraille, sans attendre l'assault abandonnerent la ville, & se retirerent dans vne forteresse. Quand Alexandre veit que personne ne se monstroir plus sur la muraille, il feit rompre la porte du costé où il estoit, par où il entra le premier avec ceux qui estoient aupres de luy, & se feit maistre de la ville: ceux qui estoient au quartier de Perdiccas, entrerent long temps apres les autres: par ce qu'ils ne donnerēt pas l'escallade, d'autant qu'ils auoient opinion que la ville estoit prise, à cause qu'ils ne voyoient personne sur la muraille. La ville prise, on alla tout d'une traicte donner l'assault à la forteresse, à la defense de laquelle auoit esté commis bon nombre d'hommes, qui sur le champ furent assaillis par les Macedoniens: dont les vns s'efforçoient par mines & sappes de faire bresche, les autres avec l'escallade grimpoient à la muraille, esperans y entrer par force d'armes. Et par ce qu'on tardoit beaucoup au gré d'Alexandre à dresser les eschelles, il en arracha vne des poings d'un soldat qu'il rencontra, & la dressa luy mesmes contre la muraille: & se couurant de sa rondache, monta le premier à la muraille, suiuy de Peucestas, qui portoit apres luy l'escu dédié à Pallas la Troyenne, lequel il portoit ordinairement en guerre deuant luy. Leonnat garde du corps, suiuiroit Peucestas. Le capitaine Abreas aussi s'efforçoit de tout son pouuoir, avec vne eschelle qu'il auoit trouuee, de gagner le haut de la muraille. Desia estoit le Roy sur la muraille, se couurant de sa rondache, faisant aux vns des Barbares abandonner la place, taillant les autres en pieces: faisant en somme tant d'armes, qu'en peu d'heure l'endroit où il estoit demeura denué de defense: quand les Argyraspides, qui enrageoient tous vifs de voir le Roy en

Forteresse
des Malliens
assiegee.

Alexandre le
premier sur
la muraille.

Amour des
Argyraspides
des enuers
Alexandre.

G iij.

ce danger, se voulans hastier pour l'aller secourir, monterent avec des eschelles, lesquelles ils chargerent si fort, qu'elles se rompirent sous le fais, & tomberent à bas les vns sur les autres, empeschans en ce faisant les autres de mōter. Ce pendāt on tiroit sur Alexandre de toutes parts des tours qui estoient de costé & d'autre, de loing toutefois, d'autant qu'il n'y auoit si hardy de tous les Indiēs qui osast approcher: fors quelques vns, qui couuerts d'une trenchee qu'ils auoient fait par dedās tout pres de la muraille tiroient sur luy. Ce qui le faisoit cognoistre & remarquer estoit la lueur & enrichissement de son corcelet, & du reste de son accoustrement: & outre cela les hauts faicts d'armes qu'on luy voyoit exploicter. Lequel pensant en soy mesmes, que de demeurer là gueres long temps il ne se pourroit faire, qu'il ne tombast en extreme danger de sa personne, sans pouuoir faire aucū acte digne de la reputation qu'il festoit acquise: mais que sil se iettoit dans la forteresse, à l'aduēture estōneroit-il les ennemis: où, au pis aller, sil y mourroit, ce seroit vaillamment & au liēt d'honneur: il se ietta brusquement d'un plain fault dedans. Et là estant couuert par derriere de la muraille, autant d'ennemis qu'il rencontroit, autant en ruoit-il morts par terre: mesmes il tua d'un coup d'espee leur chef, qui à sa malencontre se trouua deuant luy. Il rua par terre vn autre d'un coup de pierre, puis vn autre à coups d'espee. A raison dequoy les ennemis n'osoient plus combattre contre luy à coups de main: ains se retirans arriere commencerent à luy ruer de toutes parts tous les bastōs & armes qu'ils auoient ou qu'ils rencontroient en leur chemin. Pendant ce temps, Peucestas, Abreas & Leōnat, qui auoiēt trouuē moyen de gagner le haut de la muraille auant la ruyure des eschelles, se iettent dedans, & le vont secourir. L'un desquels, à scauoir Abreas, receut vn coup de fleche au visage, dont il tomba mort. Et luy, il receut vn coup de treēt qui perça son corcelet, & le naura griefuement à l'estomach: & fut ce coup si grand, ainsi que recite Ptolomee, que le vent en sortoit avec le sang. Et toutefois si ne cessa-il pour cela, tant que le sang bouillonna,

Alexandre se iette & cōbat dans la forteresse accompagné seulement de trois.

Mort d'Abreas.

bouillonna, à se defendre vaillamment : mais peu de temps apres, au moien de ce qu'il auoit perdu beaucoup de son sang, il commença à affloiblir avec vn esblouissement, & tomba sur sa rondache le visage deuant. Peucestas le couurit de l'escu de Pallas, & se ietta au deuât de luy, pour empescher que les fleches qu'on tiroit tombassent sur le Roy. Leonnat semblablement se meit à costé de luy, pour receuoir les coups, qu'on luy iettoit. Mais & l'un & l'autre furent en peu d'heure naurez en tant d'endroiets de leurs corps, qu'ils n'eussent quasi plus sceu combattre. Et peu sen falloit que le sang defaillist à Alexandre avec la vie. Qui anima tellement les Macedoniens, qu'ils sefforcerent par tous moiens & subtilitez de monter sur la muraille. Et ne pouuans recouurer d'eschesles, les vns fichoiet des clouz & crampons dans la muraille (qui estoit faicte de brique & de terre) où ils se pendoient en l'air & souleuoient leur corps : d'autres montoient sur les espaules de leurs compagnons, & taschoient par ces moiens à gaigner le haut de la muraille. Et à mesure qu'ils estoient montez, ils sautoient en bas de l'autre costé au lieu où estoit le Roy couché par terre, avec grands cris & pleurs, oublians mesmes leur propre vie : & se courans de leurs pauois defendoient le Roy, & si combattoient tout ensemble. Quand il y en eut quelque nombre d'entrez en la forteresse par dessus la muraille, ils trouuerent moien d'ouuir vne poterne, qui estoit entre deux tours, par où ils donnerent entree à d'autres. Puis d'une autre part tomba, par l'effort qu'y feirent les Macedoniens, vn pan de muraille, qui ouurit encores vn chemin pour entrer dans la forteresse. Tous les Barbares entierement qui y furent trouuez, passerent par le fil de l'espee, sans pardonner à sexe ny à age. Apres cela les Macedoniens commencerent à penser à la guerison d'Alexandre : lequel ils emporterent tout estendu & commemort sur son escu à force de bras, balançans contre esperance & craincte. Estant la playe descouuerte, Critodemede de l'Isle de Co, qui estoit de la race d'Esculapie, à ce qu'on dict, luy tira le trect : ou comme dient d'autres, Perdiccas, à

Alexandre en danger de sa personne.

Affectiō des soldats d'Alexandre envers luy.

La forteresse prise.

Diuerfité
d'opiniōs des
historiens.

faute de chirurgien , & ce par le commandement d'Alexandre, qui commanda que pour mieux auoir le treçt entier on feist l'ouuerture de la playe plus grande, pluſtoſt avecques vne eſpee:& en le tirant ſortit grande abondance de ſang. Et pour autant qu'à l'occafion de cela, il tomba de rechef en ſyncope, il ceſſa de ſaigner: eſtant la paſſiō ſon cauſe d'arreſter le ſang. Il y a eu diuerſité d'opinions rouchant ce faiçt, dont celle qui a eſté principalement ſuiuie par ceux qui en ont eſcrit, & qui y ont, ce croy-ie bien, adiouſté quelque choſe du leur, eſt encores tenue par les hommes de noſtre temps: & ne ceſſera de paſſer d'aage en aage à ceux qui viendront apres, ſi ce qui a eſté eſcrit (meſmement en ces liures) plus au vray ne l'empêche d'eſtre creuë. Ils tiennent que ceſt inconuenient aduint au pays des Oxydraciens, lequel pour ſeur aduint en la contree des Malliens, qui eſt vne nation franche & libre de l'Indie: & eſtoit ceſte ville ſituee au pays des Malliens, & ſi fut Alexandre nauré par les Malliens. Il eſt bien vray que les Malliens auoiēt delibéré de ioindre leurs forces avec celles des Oxydraciens:& leurs forces ioinçtes preſenter la bataille à Alexandre: mais auāt qu'ils euſſent loiſir & le moien de ce faire, Alexandre y arriua. On a bien tenu en cas pareil pour choſe toute vraye & aſſeuree, que la derniere & tant memorable bataille qu'eut Alexandre contre Daire, apres laquelle Daire en ſa fuitte fut pris & arreſté par Beſſe, & depuis tué, auoit eſté donnee à Arbeles: tout ainſi que l'autre prochaine deuant celle là auoit eſté donnée à Iſſe: & quant au premier conſiçt de gens de cheual, la plus commune opinion eſt, qu'il aduint au Granique. Veritablement ce conſiçt à cheual aduint au Granique: & y eut bataille donnee contre Daire à Iſſe. Mais quant à Arbeles il eſt diſtant du lieu où fut donnee la derniere iournee d'entre Alexandre & Daire, par l'opinion de ceux qui le prennent au plus, de trente ſix lieuës pour le moins: & de ceux qui le prennent au moins, de trente lieuës. Et fut ceſte derniere iournee, ainſi qu'eſcriuent Ptolomee & Ariſtobule, donnee à Gaugameles, qui eſt vn petit bourg, bien peu cōgneu, ſur la riuere

de

de Bumelle. Mais d'autant qu'Arbelles de ce temps là estoit vne ville du pays qui auoit brui&t, ie pense bien qu'on luy a voulu,plustost que à autre lieu, attribuer l'honneur, que ceste si grande & si memorable bataille y auroit esté donnee. Que si on veut dire, que ceste bataille a esté donnee à Arbelles,veu que ce fut bien loing de là: on pourroit aussi bien dire, que la bataille naualle qui fut donnee à Salamine, auroit esté dōnee à Isthme destroict de Corinthe: & que celle qui fut donnee à Artemisie Isle Euboique, seroit aduenue à EGINE ou Sunium: & y auroit autant d'apparence de dire l'vn que l'autre. Pour le regard de ceux qui se meirent au deuant d'Alexandre pour le defendre & luy seruir de bouclier, tous ceux qui en ont escript sont d'accord que Peucestas en fut l'vn: mais ils n'accordent pas tous que Leonnat & le capitaine Abreas en fussent. Il y en a aussi qui escriuent que Alexandre fut frappé d'un leuier sur la brigandine, dont il tomba tout estourdy: puis estant reuenue à soy, il receut vn coup de iaueline, qui faulsa son corcelet, & luy donna dans la poitrine. Ptolomee dict bien qu'il fut blessé en la poitrine, mais non pas qu'il fut frappé de leuier. Entre toutes les fautes & abus de ceux qui ont escript des faicts d'Alexandre, ie trouue ceste-cy la plus grande: à sçauoir que aucuns racōtent comme chose veritable, que Ptolomee fils de Lage entra dans la forteresse avec Alexandre & Peucestas, & que quand Alexandre fut tombé par terre, il se mit au deuant de luy, & le couurit de sa rondache: & que à l'occasion de ce faict là, les soldats luy baillerent le nom de Seruateur: veu que Ptolomee luy mesmes a escript, qu'il n'estoit pas à ceste guerre: & que pendant ce temps là il faisoit la guerre à d'autres Barbares contre lesquels Alexandre l'auoit enuoyé. I'ay touché ce mot en passant à fin que ceux qui se voudront mesler cy apres de coucher par escript des histoires, soient plus curieux & diligents de rechercher comme les choses à la verité se sont passees. Pendant que l'on donnoit le premier appareil à la playe d'Alexandre le brui&t courut par tout le camp qu'il estoit trespas& du coup. Du comancement on

Aduertissement aux historiographes.

H

Regrets des
soldats d'A-
lexandre esti-
mans qu'il
fust mort.

n'oyoit par le camp que clameurs & lamentations des soldats qui deploroient & regrettoient la mort de leur Roy. Que la mort leur auoit rauy vn si bon chef & si vaillant Capitaine, en la fleur de son age : qui auoit fait tant & si grandes choses, & qui sembloient toutefois n'estre encores que commencement : veu que sans doute il estoit Prince pour reduire soubz sa puissance entierement toute la terre. Que les dieux auoient porté enuie à son bon heur, l'ayans fait mourir : luy qui auoit esté Roy inuincible enuers tant de nations, redouté par toute la terre : & mieux ressemblant à vn dieu, qu'à vn homme mortel. Puis pensans à eux mesmes, depleuroient leur fortune : ne sçachants que faire, ny quelle resolution prendre. Et demandoient l'vn à l'autre, la larme à l'œil, qui pourroit estre doresenauant chef d'vne telle armee. Il y en auoit beaucoup qui mettoient la condition d'Alexandre & celle des Macedoniens en mesme degré de calamité.

„ Comment, disoient quelques autres, pourrons nous eschap-
 „ per d'entre tant de peuples Barbares, gens belliqueux & bien
 „ aguerris, qui n'ont encores esté subiuguez : lesquels ne crain-
 „ dront point de hazarder leurs corps & leurs vies pour defen-
 „ dre leur liberté ? Mesmes, comme il est bien à presumer, ceux
 „ que nous auons cy deuant vaincus, n'aians plus de crainte
 „ d'Alexandre, semblent bien estre gens pour reprendre incon-
 „ tinant les armes, & se rebeller contre nous. D'auantage com-
 „ ment pourrons nous repasser tant de riuieres si larges & si
 „ profondes ? Il n'y aura point de faute, que nous estans en ces
 „ extremitez de la terre, ne soyons bien tost en proye & butin à
 „ ces Barbares. Somme, puis que nous auons perdu Alexandre,
 „ il ne nous reste aucune chose, sur laquelle nous puissions fon-
 „ der quelque esperance. Et quand les nouuelles vindrent pre-
 „ mierement au camp, qu'Alexandre n'estoit pas mort, on ne
 „ voulut pas adiouster foy au dire de celuy qui faisoit le messa-
 „ ge. Encores ne voulurent ils pas croire ce que peu apres leur
 „ fut mandé par lettres, qu'il estoit en vie, & qu'il iroit bien tost
 „ au camp, tant ils auoient peur de l'auoir perdu : & pensoient
 que ce

que ce qu'on leur mandoit, estoit chose feinte par les gardes du corps du Roy & par les Seigneurs & capitaines qui estoient aupres de sa personne. Ce qu'estant rapporté à Alexandre, de peur qu'il se feist quelque trouble & emotion au camp, si tost que sa santé le peut porter, il se fait mener dans vne lictiere iusques à la riuiere d'Hydraotes : où il se meit sur l'eau, & fait baïsser vers le camp, qui estoit au conuant d'Hydraotes & Acesines : où il auoit laissé Ephestion pour y commander, & où aussi Nearch tenoit sa flotte. Et quand il commença à approcher du camp, il fait leuer les pantes de son pauillon, qui estoit sur la poupe : à fin d'estre plus facilement veu de tous & recogneu de dessus la riue. Encores y en eut il beaucoup, qui ne vouloient pas croire que ce fust Alexandre : mais disoient que c'estoit seulement le corps mort d'Alexandre, qu'on auoit ainsi mis : tant ils auoient fermement imprimé en leurs esprits, que le Roy estoit trespasé. Mais le bateau venant à bort, il leur tendit la main, & cogneurent lors qu'il n'estoit pas mort. Dont ils commencerent tous à s'ecrier de ioye, leuans les vns les mains vers le ciel, d'autres vers luy, faisans prieres & oraisons pour sa santé. Et à plusieurs qui auoient perdu toute esperance de iamais le reuoir en vie, les grosses larmes tomboient au long du visage. Au sortir du bateau, les Argyraspides luy apporterent vne lictiere à bras, pour le porter plus doucement : mais il se fait amener vn cheual : sur lequel il ne fut pas plustost monté, qu'une acclamation & mont-ioye s'esleua de rechef par tout le camp, avec vne allegresse & resiouissance de tous si grande, que les riuages & les forests d'alentour en retentissoient. Et ainsi qu'il approchoit de sa tente, il descendit de cheual pour marcher à pied, à fin de donner à tous plus grande assurance qu'il auoit recouuré sa santé. Lors on eust veu les soldats accourir de toutes parts, les vns d'un costé les autres d'un autre, pour luy toucher cestui-cy les mains, cestui-la les genoux, ou quelque bout de ses habits. D'autres se contentoient de le veoir de loing, prians les dieux luy vouloir donner bonne santé & bonne rencontre. Aucuns luy iettoient des

Alexandre se
fait mener
au cap pour
contéter ses
soldats.

Amour des
soldats d'A-
lexandre en-
uers luy.

Alexandre
mal-content
qu'on trou-
ue mauvais
qu'il festoit
mis en dan-
ger de sa vie.

chappeaux de fleurs : d'autres des bouquets & festons de toutes sortes de roses & violettes, qui se treuuent en Indie, iusques à ce qu'il entra en sa tente. Il y eut quelques vns de ses plus priuez & familiers, qui ne se peurēt garder de reprēdre ce qu'il auoit fait, de festre mis en tel danger de sa personne, sans qu'il en fust besoing : disans que ce n'estoit point vne chose, où vn capitaine general & chef d'une armee se deust employer, mais bien vn simple soldat. Ce qu'Alexandre ne trouua pas bon, ainsi qu'a escrit Nearch, qui est vn auteur digne d'estre creu, & qui en pouuoit sçauoir quelque chose. Je pense bien qu'il trouua ce propos mauuais, d'autant qu'il voyoit bien qu'ils disoient vray, & qu'on le reprenoit à bon droit. Mais tant y a, qu'une ardeur bouillante & impetuositē d'esprit, qui incite ordinairement & emeut les courages des hommes au combat, ioinct vn desir immoderē d'acquérir bruit & renom, l'animoient & prouocquoient à entreprendre choses hazardeuses. Le susdict Nearch raconte que vn vieil gentilhomme Beotien (le nom duquel ne m'est point cogneu) entendant qu'Alexandre ne trouuoit pas bon, que ses familiers le reprinrent ainsi, & qu'il se faschoit de les ouir tenir tels propos, sen alla aupres de luy, & luy dist en son langage. Vous auez raison, Sire, car c'est à faire à ceux qui sont vrayz hommes d'entreprendre choses hautes. Et adiousta vn vers Iambique, dont la teneur estoit telle : Celuy qui execute vertueusement quelque bel acte, doit aussi par raison endurer. Au moyen desquelles paroles Alexandre s'appaisa vn peu, & depuis ce temps là aima tousiours ce bon vieil gentilhomme. En ces entrefaites vindrent vers Alexandre des Ambassadeurs de la part des Malliens, qui estoient encores entiers pour se rendre à luy : & outre ceux là les Princes & Satrapes du pays des Oxydraciens, & auecques eux cent cinquante des plus grands Seigneurs de leur nation, auec de grands & riches presens : pour mettre eux & leur contree en son obeissance. Et requeroient qu'il pleust au Roy leur remettre la faute qu'ils auoient commise enuers luy, car ils confessoient auoir failly, en ce qu'ils n'auoient

Ambassade
des Malliens
vers Alexan-
dre.

n'auoient plustost enuoyé leurs deputez vers luy: mais que cela meritoit bien quelque grace: d'autant que par dessus tous les autres Indiens ils sont amateurs de leur liberté: laquelle ils auoient conseruee en son entier dès & depuis le voyage de Bacchus en Indie iusques alors. Toutefois s'il plaisoit à Alexandre, d'autant qu'on disoit qu'il estoit issu de la race des dieux, qu'ils estoient tous prests de receuoir vn gouuerneur de sa main, tel qu'il luy plairoit leur donner: & de luy bailler ostages pour seureté du payement du tribut & subsidez qu'il leur imposeroit. Le Roy leur feit bon recueil, & ouyt volontiers la charge de leur ambassade. Apres laquelle entenduë, il leur permit de viure en leurs libertez & franchises: leur demanda seulement qu'ils luy enuoyassent mil hommes des principaux de leur pays, pour les tenir, si bon luy sembloit, pour ostages: ou bien pour aller avec luy à la guerre, iusques à ce qu'il eust conquis le surplus de l'Indie. Quand ils furent de retour à leurs maisons, ils choisirent mil hommes des plus vail-lans & des plus grands de tout le pays, qu'ils luy enuoyèrent incontinent: & outre cela, cinq cens chars de guerre, garnis de leurs combattans, pour acquerir d'auantaige sa grace. Il accepta les chars, & renuoya les ostages: & establit Philippe gouuerneur de leur pays & des autres Malliens non vaincus. Ces choses ainsi passées, il feit monter avec luy sur l'eau, dans les vaisseaux qu'il auoit, & encores d'autres qu'il auoit fait faire en grand nombre, pendant le temps que sa playe se guarissoit, dixsept cens hommes de la gendarmerie des alliez & de ceux qui estoient armez de legeres armes autant que deuant, avec environ dix mil homes de pied. Il n'eut gueres longuement nauigé, qu'il arriua au lieu où Hydraotes & Acesines s'assemblēt. Là Acesines aiant receu Hydraotes en son canal, luy fait perdre son nom. Entrāt donc dans Acesines, baissa tout d'une traite iusques à ce qu'il fut paruenue à l'Inde: car ces quatre riuieres, qui sont grosses & toutes nauigables, tōbent dans l'Inde. Mais elles ne retiēnent pas toutes leur nom iusques là. Car quād l'Hydaspes se ioinēt avec Acesines, il perd son nom,

H iij

Les Abastaniens subjuguez.

Xathriens Indiens libres

Ossadiens.

Oxyartes pere de la Royne Roxané arriue au camp. Tiryestes depose de son gouvernement à cause de son orgueil & auarice.

Alexandre donne à Oxyartes le

& s'appelle Acesines. Et encores Acesines apres qu'il a receu l'Hydraotes, retient tousiours son nom. Le mesmes Acesines apres que l'Hyphasis festioinēt avec luy, s'appelle neantmoins tousiours ainsi, iusques à ce qu'il soit entré dans l'Inde: auquel il laisse emporter l'honneur du nom, apres qu'il est tombé dedans. L'auroy bien opiniō, que en ceste marche l'Inde a de largeur auant qu'il paruienne à l'isle qui est en forme de la lettre Delta, six lieues, & d'auantage où il festend. Au lieu du conflant & rencontre d'Acesines & Inde seiourna Alexandre, iusques à ce que Perdicas fust arriuē avec les compagnies qu'il auoit: lequel en allant auoit subiugué les Abastaniens, qui estoient gens libres, & ne recognoissoient aucun à Seigneur. Pendant ce temps arriuerent en ce lieu là des vaisseaux à trente rames & encores d'autres de charge, suiuant le mandement qu'il en auoit fait aux Xathriens, qui est aussi vne nation de l'Indie libre & sans souuerain, laquelle festoit rendue à Alexandre. Aussi y arriua vne Ambassade de la part des Ossadiens (lesquels aussi ne recognoissoiēt point de superieur) pour se rendre à luy. Il borna le gouuernement de Philippe au conflant d'Acesines & Inde, luy laissant quelque caualerie de Thraces, & encores d'autres forces, autant qu'il pensa en estre de besoin pour la defense du pays. Et luy donna charge de faire bastir vne ville aux confins de ces riuieres, iugeant qu'elle pourroit estre riche & fameuse à l'aduenir, à cause de la commodité & situation du lieu: & ordonna d'y faire faire vn haure. Durant ce seiour vint vers luy Oxyartes de Baetres pere de sa femme Roxané: auquel il feit fort bon recueil, comme il appartenoit: & le tint pour vn des plus grans amis & seaulx qu'il eust aupres de sa personne. Là aussi il fut informé que Tiryestes gouuernoit les Parapamisadiens en tout orgueil & auarice: à raison de quoy il osta ce gouuernement à Tiryestes, & annexa la contrée aux terres & seigneurics d'Oxyartes. Apres cela il feit passer de l'autre costé, qui estoit à main gauche de la riuiere, Cratere avec vne grande partie de l'armée, & les elephans, par ce que ce chemin là luy sembla

sembla bien commode pour conduire vne armee grosse comme celle-là : pour autant aussi qu'il doutoit que ceux de ceste marche ne luy fussent gueres bons amis. Et luy pour-suiuit son chemin, descendant par eau droit au chasteau des Sogdians: où il feit edifier vne autre ville: & feit faire des vaisseaux neufs, & commanda qu'on y menast les bateaux ouuers & rompus pour les refaire. En apres il mit sous la Satrapie d'Oxyartes & de Python tout le pays bas, qui est depuis le conflant d'Acesines & Inde iusques à la mer Oceane, avec la coste de mer prochaine. Puis apres auoir enuoyé de rechef Cratere avec vne armee pour passer par les frontieres des Arachotiens & Drangiens, il descendit à val la riuere, tirant droit vers la region de Musican, que l'on disoit estre la plus riche de toute l'Indie. Qui le mouuoit à ce faire, estoit, que Musican n'estoit point allé au deuant de luy, & si n'auoit enuoyé aucune Ambassade pour parler d'appoinctement, ou pour contracter alliance & amitié avec luy: & mesmes ne luy auoit fait (comme il estoit bien seant à vn tel Prince) aucuns presents: & n'auoit daigné le requerrir d'aucune chose. Il nauigea en si grande diligence, qu'il fut plustost aperceue aux frontieres des pays de Musican, que Musican n'eust eu les nouuelles de son departement pour y aller. Pour la soudaine arriuee duquel il fut bien estonné: & au plustost qu'il luy fut possible, il alla vers luy avec de tresgrans & riches presents des singularitez du pays, & tous les elephants qu'il auoit: & se rendit à luy & tous ses pays, prest à faire tout ce qu'il voudroit: confessant qu'il auoit failly, de n'estre pas allé vers luy plustost, ou pour le moins de n'y auoir enuoyé quelque Ambassade. Ceste recognoissance & confession d'auoir failly gaignoit beaucoup le cuer d'Alexandre: & n'y auoit chose par laquelle on le peust plustost adoucir que ceste là. Alexandre luy remit ceste faute: & apres qu'il eut bien contemplé avec admiration la contree & la ville capitale, il luy permit de demeurer en la possession & iouissance de ses terres & seigneuries, de telle estendue qu'elles estoient, & ainsi qu'au-

pays des Pa-
rapamis-
diens.

Ville bastie
par Alexan-
dre.

Alexandre
descend au
pays de Mu-
sican.

Musican se
rend à Ale-
xandre.

Alexandre
fait bastir
vne citadelle
de peur de
reuoire.

Prise d'Oxycan & de ses villes.

Sambe Satrape d'Indiens des montaignes.

Alexandre fait mourir les Brachmanes comme auteurs de rebellion.

parauant. Toutefois à fin que, luy estant party delà, on ne feist quelque nouuelle entreprise, il ordonna à Cratere de faire bastir vne citadelle dans la ville, qui fut faicte en sa presence, en laquelle fut laissée bonne garnison. Ceste place luy sembla fort propre & bien assize, pour contenir les autres nations voisines de là en deuoir & obeissance. Au partir de ce lieu il alla avec les gens de trect, les Agrians & toute la gendarmerie qu'il menoit par eau, courir le pays d'un Seigneur proche de là (qui auoit nom Oxycan) pour autant qu'il n'estoit point allé au deuant de luy, & si n'auoit enuoyé personne pour parler d'appoinctement. Il prit d'assault sur luy les deux plus grosses villes qu'il eust: en l'une desquelles il prit Oxycan mesmes prisonnier. Le pillage fut abandonné aux soldats, fors les elephans, qu'il emmena avec luy. Cela effroya tellement les autres villes d'alentour, qu'elles se rendirent incontinent toutes, sans coup donner. Et ne demeura Indien en toute ceste contree, qui osast plus prendre les armes, (tant estoit la fortune fauorable aux entreprises d'Alexandre) si que tous auoient perdu cuer & courage, & n'y auoit aucun qui osast leuer les cornes contre luy. Apres cela il feit marcher ses forces à l'encontre de Sambe, lequel il auoit donné pour Satrape & gouuerneur aux Indiens des montaignes. Les nouuelles estoient venues qu'il auoit abandonné le pays, à cause qu'il auoit entendu qu'Alexandre auoit laissé aller Musican, & l'auoit remis & restitué en ses villes & seigneuries: car il y auoit de grandes inimitiez entre luy & Musican. Quand il fut aupres de la ville de Sindomana, qui est la capitale du pays, ceux de la maison de Sambe allerent au deuant de luy, avec quelques finances & des elephans: & luy dirent, que de que Sambe festoit absenté, n'auoit point esté pour mauuais vouloir qu'il eust à l'encontre de luy: mais pour la craincte qu'il auoit de Musican, lequel le haïssoit à mort. Apres qu'il eut receu l'obeissance d'eux, il alla mettre le siege deuant vne autre ville des Indiens, qui festoit reuoltée contre luy, & la prit d'assault: où il feit mourir les Brachmanes (qui sont tenus des Indiens pour

pour hommes sages) autant qu'il en peut attraper, par ce qu'il entendit, qu'ils auoient esté auteurs de la rebellion : de la sapience desquels (fils en ont) nous parlerons au traité que ferons à part des singularitez de l'Indie. Ce temps pendant nouvelles furent apportées à Alexandre, que Musican auoit pris les armes : au moyen dequoy il enuoya en diligence le Satrape Pythō fils d'Agenor, droit à luy avec forces bastâtes : & luy alla par vn autre costé, où il assiegea quelsques villes, qu'il prit : dont il en feit razer aucunes apres les auoir butinees, aux autres fait bastir des citadelles, & y meit garnison. Cela fait, il retourna au camp à sa flotte : où Musican fut amené par Python pieds & poinets liez. Lequel il fait pendre dans les limites de son territoire, pour la desloyauté qui estoit en luy : & avec luy des Brachmanes, qui l'auoient incité à se reuolter. Au mesmes tēps l'alla trouuer vn seigneur qui cōmandoit au pays des Pattaies, qui est vne Isle que la riuiera d'Inde fait de son cours, en forme de la lettre Grecque Delta, de plus grāde estēdue que celle d'Ægypte. Il offrit mettre ses villes & seigneuries en l'obeissance d'Alexandre : lequel le receut & traita fort gracieusement : puis le reuoya à son pays, avec charge de tenir prestes des munitiōs pour son armee. Il cōmanda à Cratere, auquel il bailla les regimens d'Attale, Meleagre & Antigene, & vne partie des gens de trest à cheual, & de la gendarmerie des amis, & outre ceux là tous les Macedoniens, qui ne pouuoient plus qu'à grād peine suiure la guerre (lesquels il auoit dès long tēps au parauāt delibéré en soy mesmes de renuoyer en Macedoine) de tirer vers la Carmanie, par le pays des Arachotiens & Zarangiens. Il luy bailla aussi les elephans pour mener avec luy. Et establit Ephestion chef du surplus de l'armee, hors-mis les compagnies qu'il cōduisoit par eau vers la mer. Il fait passer Python avec la caualerie des gens de trest, & les Agrians de l'autre costé de la riuiera à l'opposite d'Ephestion : avec charge d'aller visiter les villes qu'il auoit fait bastir, lesquelles estoient ja ceintes de murailles, & donner ordre à les faire habiter, & peupler : & de chastier & reprimer ceux des Indiens,

Reuolte de
Musican.

Musica pendu, & avec
luy des Brach
manes.

Le Roy des
Pattaies va
trouuer Ale
xandre.

Isle des Pat
taies en for
me de Del
ta.

si aucuns en auoit, qu'il trouueroit auoir fait nouuelles entreprises tendantes à rebellion : & de là l'aller trouuer à Pattala, où il facheminoit. Quand il eut nauigé par trois iours à val la riuere, nouuelles luy vindrent, que le Seigneur des Pattales auoit abandonné la ville capitale, & s'estoit retiré aux deserts, qui sont de grande estendue, avec vn fort grand nombre de Pattales, qu'il auoit ramassez. Lesquelles nouuelles luy feirent vn peu halter sa flotte. Et trouuant à son arriuee la ville & tout le plat pays abandonné, il feit descendre son armee en terre : dont il choisit les plus forts & disposés, qu'il enuoya apres les fuiars. On en print quelques vns des derniers lesquels il renuoya sur le cháp, pour dire aux autres, qu'il n'estoit point de besoing qu'ils s'enfussent. Que personne ne leur dōnoit empeschement de demeurer comme deuant en leurs maisons, & de ioyr de leurs biens, terres & possessions. Et de fait y en eut plusieurs qui despouillans toute crainte, retournerent en leurs maisons. Il donna charge à Ephestion de faire bastir vne citadelle dans la ville capitale : & ce pendant enuoya gens à vne region prochaine, où l'on disoit auoir grandement faute d'eau, pour faire des puits. Ceux-là furent chargez au despourueu par les Barbares, qui en tuerent quelques vns. Mais ils se reuāgerent en fin si vaillamment, qu'ils cōtraignirent ces Barbares de tourner le dos, & gaigner des forests pres de là, ayans perdu beaucoup de leurs gens. Toutefois ceux qui auoient esté là enuoyez, ne pouuans faire ce qui leur auoit esté enioinct, à cause des courses que faisoient à toute heure les ennemis, à fin de les empeschier de besongner, en vont aduertir Alexandre : qui aiant le tout bien entendu, enuoya d'autres gens avecques eux pour leur faire sorce, & pour faire teste aux Barbares s'ils se presentoient. La riuere d'Inde se diuise de costé & d'autre de Pattala en deux bras, qui sont encores deux fort gros fleuves : chascun desquels retient tousiours le nom d'Inde, iusques à ce qu'ils tombent dans la mer Oceane. Là commanda Alexandre qu'on feist vn port & vn haure. Et comme toutes choses luy succedoient ainsi qu'il

Citadelle bastie en la ville capitale des Pattales.

qu'il desiroit, il luy prit enuie de faire vn voyage avec sa flotte par le bras droict de l'Inde, iusques à la bouche de la riuere, & la mer Oceane. Parquoy il enuoya Leonnat avec mil hommes de cheual & huit mil de pied par l'Isle de Pattala, pour marcher quant & quant la flotte, la costoyant par terre: puis choisissans les plus legers vaisseaux commença à baisser par le bras droict de la riuere. Mais d'autant qu'il n'auoit personne pour guider sa flotte, qui cogneust les tous & destours de la riuere (par ce que les Indiens de là aupres s'en estoient tous fuis) leur nauigation estoit dangereuse & difficile. Le iour d'apres, il se leua vn vent du costé de la mer Oceane, qui feit enfler la riuere, & émouuoir des vagues, dont les vaisseaux agitez, tout ainsi que si c'eust esté en mer, commencerent à s'entreheurter les vns contre les autres: de sorte qu'il y en eut beaucoup qui furēt brisez: & quelques vns, principalement de ceux à trente rames, qui se lascherent & ouurirēt: toutefois auāt que d'enfondrer allerēt tous à bord, & se sauuerent tous ceux qui estoient dedans. Partant fut besoing de faire faire d'autres vaisseaux, lesquels furent acheuez en peu de temps: pēdant lequel il feit descēdre en terre quelques vns des plus legers du pied qui fussent parmy les soldats armez à la legere: & les enuoya courir le pays assez loing de la riuere. Lesquels reuindrent amenans avecques eux des Indiens qui cognoissoient la riuere d'Inde, qui luy seruirent de guides à ce voiage. Quand il fut paruenü où le fleue a douze lieues & demie de largeur, il se leua vn vent marin, qui d'autant que difficilement pouuoit-on rompre les vagues à force de rames, luy feit retirer les vaisseaux en vn goulse que les guides luy monstrerent. Où, par ce qu'ils y furent quelque temps arrestez, tomberent en vn autre danger. Pour autant que, suiuant le naturel de la mer Oceane, qui flue & reflue, l'eau se retirant, les vaisseaux demeurerent à sec: qui estonna bien fort les Grecs, qui n'entendoient pas dont cela procedoit. Tellement qu'ils commencerent à se regarder l'un l'autre comme gens esperdus. Encores furent ils beaucoup plus

Alexandre
descend à la
mer Oceane
par l'Inde.

Les Grecs
sestōnent du
flus & reflux
de la mer
Oceane.

Cillute Isle.

esbais, quand au retour de la marée les vaisseaux commencerent à se soufleuer. Ceux qui estoient demeurez debout sur la vase & limon, se releuerent sans aucun mal. Mais ceux qui se trouuerent à sec sur la grée, qui n'auoient peu demeurer debout sur les carines, en se releuant s'entrechocquoient l'un contre l'autre, & se brisoient: d'autres seffondrerent allants donner contre le riuage. Lesquels estans refaits au mieux qu'on peut, & selon le moien qu'on en auoit en ce lieu, il enuoya gens: avec deux gallions vers la mer pour recognoistre vne Isle, par où, à ce que disoient les guides, il falloit passer pour aller à la mer: & appelloient ceste Isle Cillute. Ceux là estans de retour rapporterent, qu'en ceste Isle y auoit de bons haures & feurs pour les nauires: & qu'elle estoit bien grande, & non trop despourueüe d'eau douce. Au moien dequoy il feit conduire le reste de la flotte droit là: luy, ayant choisi les meilleurs vaisseaux, passa outre, pour voir la bouche du fleuve, à fin de descouurir si y auoit seur passage & facile entree pour sa flotte à la mer. Passant plus outre enuiron douze ou treize lieues, descouurit vne autre Isle en mer: laquelle il voulut voir: puis s'en retourna en l'Isle susdicte. En vn bout de laquelle en vn lieu où y a vn haure, il feit assembler ses vaisseaux, & sacrifia aux dieux, suiuant la reuelation qui luy auoit esté faite, à ce qu'il disoit, par Iupiter Ammon. Le lendemain il nauigea à l'Isle assize dans la mer: où il feit sacrifice d'autres victimes, à d'autres dieux, & en autre maniere: & disoit, que cela luy auoit esté pareillemēt enioinēt par Ammō. Apres cela se mit à voguer en pleine mer vn peu plus auant que l'Isle, pour descouurir (ainsi qu'il disoit) si par delà l'Isle apparoiſſoient aucunes terres. Mais i'estime bien que son intention estoit de faire que lon peust dire qu'il cust passé l'Indie entierement, & penetré iusques à la mer Oceane. Là il feit arrester sa flotte: & apres auoir immolé des bœufs à Neptune, & fait des effusions avec vne phiole & autres vases d'or, il les ietta en la mer, rendant graces à Neptune: & le suppliant de vouloir conduire à port de salut saine & entiere la flotte qu'il auoit.

auoit delibéré d'enuoyer, avec Nearch, au goulfe Per-
 fique, pour recognoistre les bouches du Tigre & de l'Euf-
 frate. Apres cela il remonta contre mont la riuere à Pattala,
 où il trouua la citadelle acheuee: & Python de retour avec
 son armee, qui auoit fort bien executé la commission qu'il
 auoit eüe. Là laissant Ephestion avec charge de faire faire vn
 haure (d'autant qu'il auoit proposé de laisser vne partie de
 sa flotte à la ville de Pattala, au lieu où l'Inde se partit en deux
 bras) il se delibera d'aller descendre à la mer par l'autre bras de
 la riuere, avec le surplus de sa flotte: pour voir si le chemin
 seroit point plus aisé & plus court pour descendre à la mer par
 ce bras là. Les deux bouches de ceste riuere sont esloignees
 l'vne de l'autre de cent dix lieuës & plus: dont on peut iuger
 de quelle estenduë est Pattala, à prendre depuis la mer, où
 elle commence. Il n'estoit plus gueres loing du bout de la ri-
 uiere, qu'il arriua à vn lac, que faict le regorgement de la ri-
 uiere, ou bien les eaux du pays d'alentour, qui se vont ren-
 dre là. Ce lac est fort grand, & le prendroit-on pour vn
 goulfe de mer: car on y voit des poissons de mer plus gros
 qu'on n'en trouue en la mer de decà. Faisant donc venir au
 bord du lac les vaisseaux à l'endroit que luy auoient enseigné
 ses guides, il y laissa Leonnat & bon nombre de soldats, avec
 vne partie des vaisseaux: & luy avec le surplus de la flotte
 passa la bouche de la riuere, & entra en mer, trouuant ceste
 issue en mer plus facile de beaucoup que l'autre. Puis descen-
 dant au riuage avec la gendarmerie qu'il auoit menee avec
 luy, il cheuaucha par trois iours suiuant tousiours la coste de
 la mer: contemplant la situation des lieux, fil y auoit point
 de goulfe, ou de haures pour retirer les vaisseaux en seureté,
 au cas qu'il suruinst quelque orage sur mer. Il feit aussi faire
 des puis en beaucoup de lieux, dont on peust fournir d'eau
 son armee de mer. Apres cela il s'en retourna à ses vaisseaux:
 & de là retourna à mont la riuere droit à Pattala: duquellieu
 il enuoya vne partie de son armee à la coste de la mer pour
 aider à ceux qui y besongnoïent. Puis retournant au lac, il feit

Poissons plus
 gros en vn
 lac d'Indie
 qu'en la mer
 mediterranea-
 nec.

faire de nouveaux haures, & d'autres baïtimēs pour retirer & garrer les vaisseaux. Et apres y auoir estably garnison, cōmanda de munitionner l'armee de mer de grains & autres prouisiōs pour quatre mois. Il dōnoit ordre aux choses necessaires pour faire voile, quād il seroit tēps, d'autant que la saison où il estoit n'estoit pas propre pour monter sur mer, à cause des vens Etesiēns qui viennent de vers la mer & du costē du midy, & ne faillent iamais en ceste saison de l'annee. Et tient on pour tout seur, que la mer Oceane est bonnasse & fort nauigable en ce pays là, depuis le commencement de l'hyuer, c'est à dire, depuis que les Pleiades sont abaissées, iusques au solstice hyuer nal : par ce qu'en ceste saison là s'eslēue vn vent doux, qui sort & procede de la terre, mouillee des grandes & frequentes pluyes, qui est fort propre, pour la nauigation tant à voiles que à rames. Et de fait Nearch, qui auoit le gouuernement de la flotte, n'attendoit autre chose que la venue de ce temps là. Ce pendant Alexādre partit de Pattala, pour aller avec son armee gagner vne riuiera qui s'appelle Arabiē. Quand il y fut arriué, il prit avec luy vne partie des Argyraspides, des gens de treēt, & des bandes de ceux qu'on appelloit Asfeteriens, & de la gendarmerie des amis, vne cornette de chascun regiment, de la cavalerie, & tous les archers à cheual, & tira droict à la mer, prenant son chemin à main gauche, tant pour y faire faire des puits en plusieurs endroits, pour seruir à l'armee qui y passeroit par apres, que pour aller surprendre sil pouuoit les Oritains, qui sont gens viuants en liberté & franchise de tout temps & ancienneté : lesquels ne s'estoient mis en aucun deuoir d'vser d'honesteté enuers luy, ny enuers son armee. Il donna à Ephestion la conduicte du surplus de son armee. Or les Arabitains qui pareillemēt sont libres, & ne recognoissent aucun Roy ny Prince pour superieur, & habitent sur ceste riuiera d'Arabie, voyans qu'ils n'estoient assez forts pour faire teste à Alexandre, & n'estoient pas aussi deliberez de s'assuictir sous sa puissance : si tost qu'ils entendirent qu'il approchoit, se retirerent à des deserts. Quoy voyant Alexandre,

passe

Arabie fleuve en Indie.

Oritains Indiens libres.

Arabitains.

passe viftement la riuere, qui estoit eftroicte & de moyenne
 profondeur. Et apres auoir cheminé toute vne nuit sans re-
 pofer en façon quelconque, & passé la plus grande partie des
 deserts, il arriua au point du iour en pays cultiué & habité.
 Alors il commanda aux gens de pied de fuire : & mettant sa
 caualerie en bataille par troupes, faisant estendre les rangs à
 fin que son armee peust tenir d'auantage de pays, il entra de
 grande furie dans le pays des Oritains. Dont y en eut grand
 nombre de taillez en pieces de ceux qui auoient pris les armes,
 & beaucoup de prisonniers. Cela fait, il se campa ioignant
 vne petite riuere qu'il trouua. Puis si tost qu'Ephestion fut ar-
 riué, il entra plus auât en pays. Quand il fut arriué à vn bourg
 qui s'appelloit Rambacia, qui estoit le plus gros de toute la
 cōtree, la situation du lieu luy aggrea fort : & luy sembla bien
 commode pour vne grande & riche cité, y faisant mener vne
 colonie. Et de fait donna charge à Ephestion d'en faire ba-
 stir vne. Puis prenant de rechef vne partie de ses forces, alla
 courir le pays voisin des Gedrosiens & Oritains : où l'on di-
 soit y auoir vn lieu fort estroict à passer. Le bruit couroit
 que les Gedrosiens & Oritains s'estoient cāpez en ce destroict,
 comme gens qui estoient bien deliberez de garder le passage.
 Et veritablement estoient ils en bataille, & tous prests à com-
 battre : mais si tost qu'ils eurent descouuert de loing les Ma-
 cedoniens approcher, la pluspart d'eux s'effroyerent de sorte,
 qu'ils abandonnerent le destroict des montaignes, & se retire-
 rent. Dont les capitaines & chefs de l'armee des Oritains de-
 meurerent bien estonnez : & estimerent que c'estoit le meil-
 leur pour eux, d'aller vers Alexandre, & se rendre à sa mercy,
 ensemble leur pays : ce qu'ils feirent. Alexandre les aiant re-
 ceus, leur enioignit de renvoyer tous ceux de leur nation,
 qui estoient en armes, à leurs maisons : & qu'il ne leur seroit
 fait aucun dommage, si ainsi faisoient. Il leur donna
 pour Sattape & gouverneur Apollophane : & commanda à
 Leonnat l'un des gardes de son corps, avec les Agrians, &
 vne partie des gens de trect à cheual, & autres à pied, & les

Ville cōstrui-
 cte par Ale-
 xandre au
 pays des
 Oritains.
 Gedrosiens
 appelez par
 les Grecs,
 mesmement
 par Arrian,
 Gadrosiens.
 Guerre con-
 tre les Ge-
 drosiens &
 Oritains.

Grecs qui estoient à son seruice, de demeurer à Ores, iusques à ce que la flotte eust passé ceste contree : pour donner ordre à faire peupler & habiter la ville : & rendre les affaires des Orientains en tel estat, qu'ils portassent honneur & obeissance au Satrape. Luy avec le surplus de l'armee (car Ephestion estoit arriué avec les autres compagnies) partit pour aller combattre d'autres Gedrosiens, prenant son chemin par les deserts.

Arbres de
Myrrhe en
la Gedrosie.

Aristobule raconte que en ces deserts croissent des arbres de Myrrhe plus haults qu'en aucun autre lieu du monde : & qu'il y en auoit en si grande abondance, que les marchands Pheniciens qui estoient à la suite du camp pour traficquer, en emmenerent la charge de plusieurs cheuaux. Ce qui leur fut facile, d'autant que les branches estoient grosses & iamais n'auoient esté couppees : à raison dequoy, rendoient plus grande quantité de larmes. Le mesmes Aristobule recite, qu'il y a aussi es forests grande quantité de Nard, dont lesdits Pheniciens en cueilloient beaucoup : & qu'il y en eut beaucoup qui fut foulé & gaste sous les pieds des cheuaux, par vne longue traicte de chemin : lequel remplit l'air d'une odeur fort douce & souëfue. Et qu'il y a encores d'autres sortes d'arbres, entre autres vne certaine espece qui a les feuilles toutes semblables à celles de laurier : & qu'ils viennent en des lieux où regorge l'eau, quand la maree vient : laquelle, quand elle s'en retourne, les laisse à sec. Mesmemēt qu'il en croist en des goulfes de mer d'où la mer ne bouge, lesquels toutefois ne se pourrissent point par la salie. Qu'il y en a tels qui ont trente couldees de haut. Et qu'il aduint en ceste saison-là que quelsques vns fleurirent, dont la fleur estoit semblable à vne violette blanche, & l'odeur fort delectable. Qu'il y croist des tiges d'espines si forts & si espineux, que si l'un s'accroche à l'habillemēt d'un homme de cheual, il l'aura plustost tiré à bas, qu'on ne s'en fera depestré. Il y a bien plus. C'est que si vn lièvre auoit touché de son poil à ces espines, il y demeureroit, ny plus ny moins que les oiseaux à la glu, ou les poissons à l'hameçon : toutefois ces espines sont bien aisees à couper avec le couteau.

Nard en
grande quan-
tité.

steau. L'espine estant couppee, la tige rend grande quantité de suc, & d'aduantage & plus aspre que ne faict le figuier, quand on le coupe au printemps. De là Alexandre entra dans le pays des Gedrosiens, par vn chemin fort fascheux & perilleux pour le defect de beaucoup de choses, & principalement d'eau, dont il aduenoit souuent que l'armee estoit en danger, pour la soif qu'il falloit endurer : & estoit-on cōtrainct à cause de cela d'aller presque tousiours de nuit. Il les conduisoit costoitant tousiours la mer, pour veoir les lacs qui sont aupres de la mer : à fin aussi de donner ordre aux munitions de son armee de mer, faisant faire tantost des puits, en d'autres lieux des estappes & marchez pour y acheter ce qui leur faisoit besoin, & autres choses en d'autres lieux. Ceste marche des Gedrosiens estoit toute deserte, & sans aucun labourage. Au moyen dequoy il enuoya Thoas fils de Mandrodore plus pres de la mer avec quelque peu de caualerie, pour recognoistre le pays, & voir s'il sy trouueroit point d'adventure quelque haure pour y faire seiourner la flotte : ou de l'eau douce, ou autre chose dont l'armee eust faute. Lequel estant retourné rapporta qu'il auoit trouué aucuns pescieurs qui habitoient dans des logettes, dont les murailles estoient faictes de coquilles & escailles de poissons de mer agencees l'une sur l'autre : & la couerture d'arrestes de grands poissons assemblees & ioinctes l'une à l'autre. Que ces pescieurs auoient vn peu d'eau, mais à grande difficulté, laquelle ils tiroient fouifans dans le sable : encores n'estoit-elle gueres douce. Et comme Alexandre en continuât son chemin fut paruenue à vn lieu du pays des Gedrosiens plus cultiué, & auquel y auoit vn peu plus de bleds, il feit charger tout ce qu'il en trouua sur des cheuaux, & l'enuoya bien sellé & cacheté de son signet au riuage de la mer. Mais ainsi qu'on le menoit, les soldats pendant qu'il estoit allé à vn certain lieu proche de la mer, n'ayans dequoy viure, sans auoir esgard au cachet ny aux defences qu'il auoit faictes d'y toucher, s'en aiderent, mesmes ceux qui en auoient la charge. La faim faisoit qu'ils pensoient leur estre permis

L'armee d'Alexandre en grande peine en la Gedrosie à faute d'eau.

Maisonnettes faictes de coquilles & escailles de poissons.

Sacs de bleds scellez & cachez.

K

d'auoir moins d'esgard au dāger, auquel ils se mettoient, d'encourir la disgrace d'Alexandre, que à la mort, qui autrement leur estoit certaine & presente. Aufquels Alexandre considerant la necessité où ils estoient, pardonna aisément. Apres cela il passa outre: & autant de viures qu'il trouuoit il les faisoit par Crathee Callatian mener vers la mer, pour en secourir ceux de sa flotte: & enioignit à ceux du pays d'aller charger autant de grain qu'ils en trouueroient au pays d'amont, & le mouldre: pour mener la farine en diligence avec le bestial, & des dactes, au marché plus prochain de la mer. Il enuoya pareillement Telephe, qui estoit de la gendarmerie des amis, en vn autrelieu, avec quelque quantité de bled en farine. Et luy prit son chemin vers le palais Royal du pays des Gedrosiens, qu'ils appellent Pura, à laquelle il arriua deux mois apres qu'il fut party du pays des Oritains. La pluspart de ceux qui ont descript l'histoire d'Alexandre, dient, que toutes les peines & trauaux qu'endura oncques son armee à passer l'Asie, ne sont en sorte du monde à comparer à ceux qu'il luy fallut endurer en ceste marche: & que toutefois Alexandre sçauoit fort bien tous ces dangers: par ce qu'il en auoit esté aduertty & admonesté par ceux du pays, quand il entra en ce chemin, & encores depuis qu'il y fut entré. Ce neantmoins il resolut de passer outre: incité à ce faire (ainsi que Nearch seul a laissé par escript) par ce qu'il auoit entendu que iamais capitaine n'auoit entré dans ceste contree avec armee, qui en eust ramené ses compagnies entieres: que Semiramis y auoit esté avec de grandes forces, & en estoit faillie à bien grande peine avec vingt hommes des siens seulement: & que Cyr fils de Cambyfes y estant allé pour conquerir le pays d'Indie, en estoit eschappé avec sept hommes, qui demeurerent en vie, restans d'vne grosse & puissante armee. Ce qu'estant recité à Alexandre auoit engendré en son esprit vne ialousie enuers Cyr & Semiramis. Pour ceste cause dict Nearch Alexandre auoir pris son chemin pour retourner par ceste contree: & aussi à fin de pouoir secourir son armee de mer. Ceste contree

Pura chasteau Royal en la Gedrosie.

Semiramis & Cyr fortirēt de la Gedrosie avec peu d'hommes restans de grosses armees.

tree estoit bruslee de l'ardeur du soleil, & y estoit on en grande peine, principalement à faute d'eau. Au moyen dequoy la plupart de l'armee y mourut : & presque tous les cheuaux de somme & de charroy. Ils rencontroient par fois des terres ou petites môtagnes de sables recuits & brullez, où il n'estoit possible d'asseurer le pied, ains on enfondroit dedás bien auât, comme si c'eust esté de la bourbe ou de la neige. Pareillement les cheuaux de seruice & ceux du charroy, pour estre les chemins ainsi fascheux, demeuroient lassez & recreus parmy les champs. Et si de se rafraichir là n'y auoit point de moien (d'autant que la disette d'eau les contraignoit malgré qu'ils en eussent de cheminer) : & fils faisoient tant soit peu de seiour, cela caufoit beaucoup de peine à l'armee. Si, apres auoir marché toute la nuit, ils trouuoient le matin de l'eau, ils n'auoient pas tant de mal : mais aussi il falloit passer vn iour sans eau, l'ame en alloit. Il y eut beaucoup de cheuaux de somme & de charroy tuez par les soldats, à faute d'autres viures, de la chair desquels ils assouirent leur faim pour quelque temps : & donnoient à entendre qu'ils estoient morts de soif ou de chaleur : d'autant qu'il n'y auoit personne pour les descourir & accuser, estans presque tous en mesme faute. Toutefois Alexandre en estoit bien informé : mais il estimoit qu'il valloit mieux dissimuler ce qu'il en sçauoit, estans les choses en tel estat, que de passer par dessus sans les punir, apres auoir esté attaincts & conuaincus. Et si parmi toutes ces facheries quelques vns deuenoient malades, où estoient las & trauaillees, il n'y auoit aucun moien de les mener plus auant, pour la faute qu'ils auoient de cheuaux & de chariots : lesquels eux mesmes auoient laissez par les champs, ne les pouuans mener parmi les sables. Il y en auoit aussi beaucoup qui auoient rompu & brisé leurs charettes, auant que d'entrer en ce chemin : à fin qu'ils ne fussent point contraincts de laisser les plus courts chemins, pour prendre ceux qui seroient les plus commodés pour le charroy, mais les plus longs. Et si n'y auoit personne pour conduire les malades, ny pour les attendre ou penser,

Maux qu'endura l'armee d'Alexandre en la Gedrosie.

Faute d'eau.

Les soldats mangent leurs cheuaux.

Malades de laissee faute de charroy.

K ij

Soldats es-
garez & per-
dus par les
deserts.

Inondation
au camp qui
emmeine fê-
mes, enfans
& bagaige.

tant on pressoit chascun de gagner pays : car on estoit si attentif à sauuer le tout en commun, qu'on ne pensoit point à sauuer cestui-cy ou cestui-là en particulier. Si aucuns travaillez d'auoir cheminé toute la nuit, estoient sur le iour abattus de sommeil, quand ils estoient esueillez, ils auoient la force, ils suyuoient l'armee à la trace le mieux qu'ils pouuoient : & y en eut beaucoup de ceux là qui se trouuans en des plaines de grande estendue toutes couuertes de sables, sans qu'il y eust aucune apparence qu'on y eust passé, non plus que sur la mer, apres auoir longuement cheminé deçà delà, errants & vagants, demurerent là perdus & esgarez, & y moururent. Il suruint encores vne autre calamité quasi aussi grieve : par ce que quand les vents Etesiens ventent, la contree des Gedrosiens est fort suiecte à la pluye, comme est aussi le pays des Indiens : non pas les plaines des Gedrosiens, mais presque tous les lieux haults, esquels les nuës s'assemblent & dissouldent, n'excedans pas le sommet des montaignes. Et comme il eust assis son camp sur vn ruisseau, où se venoient rendre les raiuines en temps de pluye, enuiron la seconde veille de la nuit, ce ruisseau ou torrent enflé des eaux qui descendirent tout à coup de toutes parts, (sans qu'ils eussent rien senty de la pluye) se desborda par la plaine par si grande violence, qu'il emporta beaucoup de femmes & enfans (qui avec grande peine sui-uoient l'armee) avec le bagaige du Roy, & ce qui estoit demeuré d'autre bagaige & de cheuaux de somme & de charroy : les hommes mesmes eurent assez de peine à se sauuer avec leurs armes : encores ne les sauuerent ils pas toutes. Il y en eut aussi plusieurs qui se voyans auoir l'eau à commandement beurent tant qu'ils en moururent. Qui fut cause que delà en auant Alexādre ne logea plus son camp aupres des ruisseaux, ains à cinq quarts de lieuë pour le moins : de peur que ceux qui iroient les premiers à l'eau se creuassent de boire, & leurs cheuaux aussi : de peur aussi que se hastants les hommes & cheuaux d'aller pesle mesle boire à la foule troublassent l'eau à ceux qui viendroient apres eux. Laquelle pouruoian-
ce

ce d'Alexandre l'ay estimé ne deuoir estre passée sous silence, par ce qu'elle m'a semblé meriter d'estre remarquée & louée. Comme aussi vn autre acte que feit Alexandre parmy ces deserts (autres veullent dire que ce fut au pays des Parapamisadiens) qui fut tel. Comme l'armée d'Alexandre trauersoit ces sablons bruslant de l'ardeur du soleil, pour gagner vn lieu auquel y auoit de l'eau, Alexandre iasoit qu'il fust fort tourmenté, comme les autres, de la soif, ce neantmoins il conduisoit l'armée, bien qu'avec grande peine, cheminant à pied, à fin qu'à l'exemple & imitation de luy, comme il aduint ordinairement en telles affaires, les capitaines & soldats endurassent plus patiemment les trauaux & molestes. Il aduint ce pendant que quelsques vns de ceux qui estoient plus legerement armez festans vn peu escartez de l'armée pour chercher s'ils trouueroient de l'eau quelque part, trouuerēt de fortune dans le creux d'vn fossé, vne petite source de fontaine toute bourbeuse, où ils puiserent de l'eau dans vn morion, & tout-courans l'apporterent au Roy, comme vn bien grand & singulier present. Lequel l'ayant receuë de peur qu'il ne semblast qu'il n'en feist cas : après auoir loué & remercié ceux qui la luy auoient apportée, à fin d'oster l'opinion qu'on eust peu auoir, qu'il n'eust pensé principalement qu'à se sauuer, en la presence de tous la versa à terre. Ce qui donna autant de courage aux soldats que si de ceste eau respandue toute l'armée eust esté rassasiée. Lequel fait d'Alexandre ie trouue grandement louable, tant à cause de sa tolerance, que pour l'exemple qu'il donna de bon & vray capitaine. Outre les maux susdicts, il aduint que les guides des chemins, à cause que le vent auoit effacé les traces & pas imprimez dans les sables, dirent qu'ils ne cognoissoient plus rien au chemin. Et d'auoir adresse pour remarquer le chemin par des arbres, ou quelsques costaux de montaignes fermes & arrestez, il n'estoit pas possible : par ce qu'on n'en voyoit pas vn seul de quelque costé qu'on eust peu regarder : & si les habitants de ceste marche n'obseruent point le cours, le iour, du so-

Alexandre
est exemple
à ses soldats.

Eau presen-
tee à Alexan-
dre dans vn
morion.

Les guides
perdēt toute
cognoissance
des chemins.

leil, ny des estoilles & planetes la nuit, comme font les nau-
toniers les deux ourses : à sçauoir les Pheniciens la petite, &
tous autres la grande. Alexandre se voyant reduict en ceste
perplexité, apres auoir longuement pensé en soy mesmes,
estima que le meilleur estoit de prendre le chemin à main
gauche : & de fait il tira de ce costé, & picqua deuant avec
quelques hommes d'armes, qu'il choisit parmy les troupes.
La pluspart desquels estans demeurez parmi les champs, leur
aians defaillly leurs cheuaux à cause de la grande chaleur, il ne
laissa de poursuyure son chemin : & arriua à la mer, qu'il n'a-
uoit plus en sa cōpagnie que cinq hōmes. Là faisant fouir dās
la grēueil trouua de l'eau douce & bien nette. Et y conduisit
son armee, laquelle ayant de l'eau à commandement sy ra-
fraichit l'espace de sept iours. En ce lieu les guides recogneu-
rent leur adresse, & monstrent par où il falloit aller pour
passer outre. Alors il commença à faire marcher l'armee vers
la terre. Et quand il fut paruenue à la ville capitale des Gedro-
siens, il donna loisir aux soldats, qui n'en pouuoient quasi plus,
tant ils estoient lassez, de se reposer & rafraichir : & priua
Apollophane (lequel il auoit estably son lieutenant general &
gouuerneur de la prouince) de sa dignité, pour autant qu'il
ne festoit pas bien acquicté de sa charge : & meit Thoas en sa
place. Lequel estant mort d'une maladie qui le prit, entra en
son lieu Sisyrtre, qui auoit esté auparauant institué par Alexan-
dre Satrape de la Carmanie. Mais estant la Carmanie baillee
par Alexandre à Neoptoleme fils de Pythophane, il eut le
gouuernement de l'Arachotie, & de la Gedrosie. Le Roy ne
faisoit que de partir pour tirer vers la Carmanie, quand il re-
ceut les nouuelles que Philippe (lequel il auoit laissé pour son
lieutenant general en Indie) auoit esté tué, par la trahison de
ceux qu'il auoit à sa soulede : & que ceux qui auoient fait le
meurtre auoient esté arrestez prisonniers par les Macedoniés
qu'il auoit pour sa garde, partie sur le fait & crime flagrant,
partie depuis le meurtre commis. Ces nouuelles entendues,
il enuoya en diligence lettres en Indie à Eudemes & à Taxile :
par les-

Apollophane
ne priué du
gouuernement
de la
Gedrosie.

Thoas mis
au lieu d'Apollophane,
puis luy
mort, Sisyrtre.

Neoptoleme
gouuerneur
de la Carmanie.

Mort de
Philippe.

par lesquelles il leur mādā qu'ils eussent à prēdre le gouuernement des pays & cōtres, qui estoient sous Philippe, iusques à ce qu'il y eust autremēt pourueu. Estant Alexādre en Carmanie, Cratere y arriua avec le surplus de l'armee & les elephans, & Ordon qu'il amena prisonnier, pour autāt qu'il auoit voulu tendre à quelque nouveauté & chāgement d'estat : & de faiēt auoit faiēt des actes de reuolte. Vindrēt aussi le trouuer là Stāfanor Satrape des Ariens & Zarāgiens : & pareillemēt Pharifmanes fils de Phrataphernes Satrape des Parthes & des Hyrcaniēs : y arriuērēt semblablemēt les capitaines & chefs de bādes qu'il auoit laissez avec Parmeniō en la Medie : qui estoiet Cleander, Sitalces & Heracon, qui amenerēt avec eux grād nōbre de gens de guerre. D'entre lesquels il feit executer à mort Cleander & Sitalces, qui furent chargez & conuaincus, non seulement par les habitans du pays, mais par les soldats mesmes, d'auoir pillé & saccagé des temples, volé les anciens ornemens, & d'auoir commis plusieurs concussions & exactions à l'endroiēt des subiects. Et feit faire iustice d'eux, pour estre exemplaire à tous ceux qu'il laisseroit en ce pays là avec charge, estat, office ou commission. Cest acte seruit de beaucoup pour contenir en deuoir les peuples & nations, qui auoient esté tant de leur bon gré, que par puissance d'armes soubmis à l'obeissance d'Alexandre : combien qu'il y en eust beaucoup, & si fort esloignez les vns des autres. Heracon eschappa pour ceste fois la condemnation : mais il fut peu de temps apres accusé & attainēt par les Susiens d'auoir volé & pillé leur temple : à raison dequoy il y eut iugement de mort donné contre luy. Stāfanor & Phrataphernes auoient amené grand nombre de cheuaux de charroy & de chameaux à Alexādre, ayans entendu qu'il trauersoit le pays des Gedrosiens : pensans bien qu'il auoit grandemēt faute de cheuaux de somme & de charroy. Les ayant faiēt venir deuāt luy, il les departit par les cōpagnies aux capitaines & soldats. Il y en a qui assurent (ie ne suis pas d'accord pour ce regard avecques eux) qu'Alexandre passa la Carmanie avec son armee dissoluē & desbordée, luy

Alexandre arriuē en Carmanie. Ordon prisonnier pour cause de rebellion.

Cleander & Sitalces executez à mort pour des concussions, & autres excez par eux commis.

Heracon cōdāné à mort pour auoir pillé le temple des Susiens.

L'auteur ne veut accorder estre vray ce qu'on a es-

crit du passage d'Alexandre par la Carmanie en voluptez & dissolutions.

Dont procede de ce mot de triomphe.

Peucestas faict garde du corps.

Gardes du corps d'Alexandre sept homes, auxquels il en adiouste vn.
Nearch avec l'armee de mer arrive en la Carmanie.

estant assis dans vn pauillon dressé sur deux chars ioincts ensemble: aiant au pres de luy ses plus fauoris, & enuironné de toutes parts de musiciens, dont les vns sonnoient des instrumens, les autres chantoient des chansons lasciuies: estans par les rues & chemins appareillees toutes les choses de plaisir & de volupté par les Carmaniens. Et que cela feit Alexandre à l'imitation de Bacchus. Lequel comme on disoit, à son retour de l'Indie, qu'il auoit conquis, auoit trauersé vne grande partie de l'Asie en ceste maniere, & que cestuy Bacchus auoit esté appelé Triomphe: dont les pompes & magnificéces que lon faict pour auoir gaigné quelsques victoires, auroient pris le nom de triomphe. Mais iamais Ptolomee, ny Aristobule, ny autre autheur fidele, qui en peust certainement parler, n'escriuit cela. Et suffira que i'en ay touché vn mot cōme en passant, & remarqué estre chose indigne d'estre creüe. Aristobule recite bien, qu'Alexandre pour la victoire par luy obtenue cōtre les Indiens, & pour auoir ramené son armee de la Gedrosie, ordonna des ieux de pris pour la musique, & d'autres encor à la course: qu'il feit des sacrifices, pour rēdre graces aux dieux: & qu'il donna vne place de garde de son corps à Peucestas, lequel il auoit deliberé auparauant faire son lieutenant general, & gouverneur de la Perse: mais auāt que le pourueoir de cest estat il le voulut gratifier de ceste place, pour tesmoignage de sa vaillance & fidelité: pour ce que luy estant rōbē, & en danger de mort au pays des Malliēs, il l'auoit couuert de son escu, & festoit icte au deuant de luy, & par ce moyen luy auoit sauué la vie. De ce temps là, Alexandre auoit sept hommes pour gardes de son corps, que l'on appelloit en terme Grec Somatophylaces. Ceux là estoient Leonnat fils d'Antee, Ephestion fils d'Amyntor, Lyfimach d'Agathocle, Ariston de Pisee, tous de la ville de Pella: Perdicas fils d'Orontes, d'Orestis: Ptolomee fils de Lage, & Python de Cratere, qui estoient Eordensiens: avec lesquels fut mis Peucestas pour huitième. Pendant ce tēps, Nearch General de la flotte du Roy, apres auoir descouuert & visité les marches des Oritains, des Gedrosiens,

& des

& des Ichthyophages, estoit venu surgir en la coste de la Carmanie. Dont il partit avec peu de compagnie pour aller trouver Alexandre. Auquel il feit vn discours des choses qui estoient aduenues en leur nauigation : & raconta de poinct en poinct tout ce qu'il auoit veu. Il fut incontinent renuoyé à la flotte, pour tirer sur la coste des Susians : & de là aller iusques à la bouche de la riuere du Tigre. Comme il nauigea depuis la riuere d'Inde iusques à la mer Persique, & issué du Tigre en mer, ie le deduiray à part, où ie suiuray Nearch luy mesmes : duquel se trouue encores auiourd'hui l'histoire d'Alexandre écrite en langue Grecque. Ce que ie feray peut estre à la fin de ceste histoire, si l'enuie m'en vient, & l'opportunité se presente. Alexandre enuoya Ephestion de la Carmanie au pays bas de Perse vers la mer avec vne partie de l'armee, les cheuaux de charroy, & les elephants, pour y passer l'hyuer : par ce que ceste region là en temps d'hyuer, à cause qu'elle est pres de la mer, est plus douce & temperee : par ce aussi qu'elle estoit riche & abondante en viures & autres choses necessaires pour vne armee. Luy ce pendât avec les plus agiles & disposés des gens de pied, la gendarmerie des amis, & vne partie des gens de trect, se mit en chemin pour aller aux Pasargades de Perse, renuoyant Stasanor à son gouuernement. Quand il fut entré dans le pays de Perse, il n'y trouua pas le Satrape Phrasaortes : par ce qu'il estoit decedé par maladie, luy estant encores à la conqueste des Indes. Mais en son lieu Orxines tenoit la place de gouuerneur : d'autant qu'apres le trespas de Phrasaortes, autre que luy n'auoit voulu prendre la charge du gouuernement du pays. Arriua aussi vers luy aux Pasargades, Atropates Satrape de la Medie, qui amena avec luy Baryaxes Medois pieds & poings liez, chargé de s'estre voulu emparer du Royaume : & de fait auoit porté la Cidare droite, c'est à dire, vne certaine maniere de chapeau, que souloient porter les Roys de Perse : & auoit fait faire commandement à tous, à cry public, qu'on eust à l'appeller Roy des Medois & des Perses : & encores d'autres autheurs & complices de la

Pasargades
de Perse.

Baryaxes
Medois avec
ses complices
executé
à mort pour
cause de rebellion.
Cidare droit
chapeau que
souloient
porter les
Rois de
Perse.

L

Sepulchrede
Cyr violé &
pillé.

Description
du magnifi-
que sepul-
chre de Cyr.

Garde du se-
pulchre de
Cyr.

Epitaphe
de Cyr.

rebellion avec luy : tous lesquels Alexandre fait executer à mort. Il fut marry plus que de toute autre chose du forfait enorme aduenu au sepulchre de Cyr : lequel Aristobule recite auoir esté prophané & pillé. Il en escrit en ceste maniere: Il y a aux Pasargades vn sepulchre dans les iardins du Roy : alentour duquel est vn bois espois & ombrageux planté de toutes sortes d'arbres: où va tomber vn ruisseau par des canaux, sur lesquels l'herbe est haute de part & d'autre. Que le bas de ce sepulchre est basti de pierres de taille, & le bastiment carré : au haut duquel y a vne forme de petite chapelle couuerte d'vne voulte de pierre, dont la porte est si estroicte, qu'à peine vn homme de moienne taille y peut il entrer. Dedans ceste chapelle y a vn cercueil d'or, où est gardé le corps de Cyr, sur vne liètiere soustenue de pilliers d'or, ouurez d'vn singulier & admirable artifice. Elle est tendue de tapisseries Babylonniennes à l'entour, & par bas de drap teinct en escarlatte, & sur ceste liètiere y a vn candys, qui est vne robbe Royale, estendu, & d'autres accoustrements & ornements du corps de la façon de Babylone. Outre cela, de longs habillemens fort riches teincts en pourpre, & autres d'autres couleurs. Des colliers d'or aussi, des brasselets, des espees: des bagues à pendre aux oreilles & autres ioiaux & bagues d'or enrichiz de pierreries. Il y a aussi vne table de grande valeur. Aupres de la liètiere, les armes & harnois que Cyr souloit porter. Et tout au pres de là y a vne maison basse, pour loger ceux qui ont la garde du sepulchre, allant ceste charge de pere en fils. Ausquels est distribué par le commandement des successeurs à la couronne, par chascun iour vne ouaille, & certaine mesure de bled & de vin, & vn cheual par chascun mois pour en faire sacrifice à Cyr. L'epitaphe estoit escrit en lettres Persiques de telle substance: O homme mortel, Je suis
 „ cestuy Cyr fils de Cambyfes, qui ay estably le Royaume des
 „ Perses, & commandé à l'Asie. Parquoy ie te prie, ne me por-
 „ te point d'enuie, à cause de ceste remembrance. Des le temps
 qu'Alexandre desfeit les Perses, il auoit fort grand desir de
 voir

voir ce sepulchre de Cyr. Estât d'oc entré dedās, trouua qu'on auoit tout desrobé, fors le cercueil & le liēt. Et qu'on n'auoit pas mesmes pardonné au corps de Cyr: car on auoit osté la lame de dessus le cercueil: & auoit on ietté le corps dehors, pour couper & arracher l'or du cercueil: mais les larrons voyans qu'ils n'auoient pas moien, ou du temps assez pour emporter le cercueil à cause de son espesseur & pesanteur, auoient esté contraincts de le laisser là, de peur d'estre pris sur le faict. Le mesmes Aristobule recite, qu'Alexādre luy donna la charge de faire refaire & reparer ce sepulchre: & que luy mesmes r'amassa ce qui restoit du corps de Cyr, & le remeit dans le cercueil, qu'il couurit d'un tapis, apres l'auoir faict refaire & recourir: & qu'il enrichit le liēt de couronnes, & autres ioiaux tels que ceux qui y estoient au parauant: & y en meit tout autant & de mesme valeur que les premiers: & que cela faict, il feit murer le petit huis de la chapelle avec des pierres & de la chaux, en sorte qu'il ne paroissist pas qu'il y eust eu iamais huis: puis y apposa le cachet du Roy. Ce temps pendant Alexandre courroucé pour l'enormité du faict, feit constituer prisonniers les Magiciens qui gardoient le sepulchre: & leur feit donner la question, pour sçauoir qui estoient ceux qui auoient violé & pillé ce sepulchre. Mais ils ne confesserent rien ny d'eux, ny d'autres personnes. Aussi n'auoient ils point esté chargez par la deposition d'aucun tescmoin, ny autrement conuincus d'auoir commis le faict: au moien dequoy Alexandre les feit elargir. De là il alla au palais Royal de Perse, lequel, ainsi que nous auōs dict cy dessus, il auoit faict brusler quand il y alla premierement: ce que ie ne trouuay iamais bon: aussi luy mesmes à son retour en fut marry. En celieu Orxines, qui auoit commandé en Perse apres le decez de Phrasagortes, fut accusé de plusieurs crimes: d'auoir pille des temples, violé & brisé des sepulchres, & d'auoir cōmis beaucoup de concussions & autres maluerfations en son estat, à l'endroit de plusieurs particuliers de la Perse, dont estant conuincus, fut pendu au gibet. Et fut mis en son

Aristobule
par ordon-
nance d'Ale-
xandre faict
refaire le se-
pulchre de
Cyr.

Alexandre
marry d'a-
uoir faict
brusler le pa-
lais Royal
de Perle.

Orxines gou-
uerneur de
Perle pendu.

L ij

Peucestas
pourueu de
l'estat d'Or-
xins.

lieu Peucestas, à cause du bon seruice qu'il auoit fai& chez les Malliens. Lequel (comme il estoit de sa nature flattard, & ne festudioit que trop à aggreer & cōplaire aux personnes) si tost qu'il fut fai& Sattape, pour mieux entretenir & gagner les cueurs des Barbares, festudia d'apprendre la langue Persiène: fhabilla à la Medoise, & prit au surplus toutes les manieres de faire des Perses. Ce qu'Alexandre trouua fort bon: & se resiouirent grandement les Perses de ce qu'il auoit preferé leurs mœurs & façons de viure à celles du pays où il auoit pris naissance.

FIN DV SIXIEME LIVRE.





SEPTIEME LIVRE

DES FAICTS ET CON-

QUESTES D'ALEXANDRE

le GRAND, Roy des

Macedoniens.



VELQUE temps apres qu'Alexandre fut arriué aux Pasargades, puis de là à Persepoli, il luy prit enuie d'aller descendre à la mer Persique par l'Euftrate & le Tigre: & de voir l'issue de ces deux riuieres, ainsi qu'il auoit veu auparauant celle d'Inde. Il y en a aussi qui escriuent, qu'Alexandre auoit delibéré d'aller tourner avec vne armee sur mer par la coste d'Arabie & d'Ethiopie: pareillement de Libye & Numidie, iusques outre le mont d'Atlas & le destroit de Gibraltar, pour venir tomber en nostre mer: & qu'ayant conquis l'Afrique & Carthage, il se feroit nommer Roy de toute l'Asie. Par ce qu'il luy sembloit que les Roys des Medois & des Perses ne deuoient point prendre le tiltre de grands, pour ne commander qu'à la plus petite partie d'Asie. D'autres adioustēt qu'il auoit entrepris le voyage au Pont Euxin, pour aller faire la guerre aux Scythes qui habitent aux marests Meotides. Quelsques vns en Sicile, & de là en l'Apouille: parce que la renommee des Romains estant desia espendue en beaucoup de lieux, le rendoit ialoux, & plus conuoiteux d'acquérir los & gloire. Quant à moy, ie

L. iij

Alexandre
insatiable de
victoires &
conquestes.

Des Brach-
manes d'In-
die.

Chascun pos-
sede autāt de
terre qu'il en
touche du
pied en mar-
chant.

La mort d'A-
lexandre pre-
dictē par les
Brachma-
nes.

Propos en-
tre Alexan-
dre & Dio-
gene.

ne puis deuiner quelle estoit son intention : & quand ie le pourroy, ie ne seroy si hardy que de l'asseurer. D'une chose puis ie bien, à mon aduis, affermer, qu'il n'eut iamais fantaisie à choses basses, & de petite importance : & que iamais ne se fust contenté à ce qu'il eust conquis, voire eust il ioinct en continuant ses victoires l'Europe à l'Asie, & à l'Europe l'Angleterre : mesmes que outre ce monde il en eust encor cherché vn autre, ou autre chose esloignee de la cognoissance des hommes. Et que quand il n'eust plus eu contre qui faire la guerre, encores n'eust il pas esté en paix avec son esprit mesmes. Auquel propos, on dict, que quelsques vns des saiges d'Indie regardans vn iour Alexandre & son armee (ces saiges ou magiciens souloient viure aux champs à descouuert, sans maison ne teict pour eux loger) commencerent à frapper des pieds en terre. Enquis d'Alexandre par les truchemens, pourquoy ils faisoient cela, respondirent, que chacun possede autant de terre, qu'il en touche des pieds en marchant : & qu'Alexandre estoit tout tel que les autres hommes, fors que l'empeschant & trouuillant de beaucoup de choses, il donnoit de la peine à luy & à d'autres, voyageant si loing de son pays : & que quand il mourroit, qui seroit dans peu de temps, il ne possederait pas plus de terre, qu'il en faudroit pour enseuelir son corps. Alexandre à la verité loua l'opinion de ces saiges, comme bonne & vraye : mais le desir d'acquiescer honneur & de se faire grand, le gaigna & tira d'autre costé. On dict aussi qu'il feit grand cas de Diogene de Sinope, vn iour qu'il le trouua à l'isthme assis au soleil, & ainsi acompagné qu'il estoit des bandes des Argyraspides, & de ses autres gens de guerre, luy demanda s'il auoit besoin de quelque chose ? Auquel Diogene respōdit, qu'il n'auoit faute de rien : qu'il le prioit seulement de ne luy point oster son soleil, lequel il luy empeschoit se mettant au deuant. Dont on peut iuger qu'il n'auoit pas retiré sa pēsee des choses que nous estimōs les meilleures : mais, comme nous auons dict, la conuoitise d'honneur l'attiroit à choses pires. Mesmes quand il alla à la ville de Taxila, voyant quelsques vns des saiges d'Indie aller

aller tous nuds, il luy prit enuie d'en mener aucun d'entre eux avecques luy à son voyage, pour le tenir en sa compagnie, & vser priuément & familièrement de luy, bien esbay de les voir si patients à endurer. Mais le plus aagé de tous, qui estoit aussi le maistre de ces sophistes, & le premier d'entre eux (lequel ils „ appelloient Dādamis) respondit qu'il n'iroit pas avec Alexandre, & si ne donneroit congé à aucun de ses disciples d'y aller. „ Qu'il estoit fils de Iupiter aussi bien qu'Alexandre, qui se le di- „ soit estre : & qu'il ne vouloit rien de luy, se contentant de ce „ qu'il auoit. Qu'il voyoit bien qu'Alexandre, & ceux qui alloient „ à la guerre avec luy, ne faisoient point si long voyage tant par „ terre que par mer à bonne intētion : & que à ce tant long & es- „ garé chemin n'y auroit point d'issuë. Qu'il ne desiroit rien „ qu'Alexandre luy peust donner : & ne craignoit point aussi „ qu'on luy donnast empeschement de ioyr de ce qu'il auoit. „ Qu'il se contentoit du pays d'Indie, lequel luy fourniroit tou- „ te sa vie en chacune saison ce qu'il luy faudroit. Et quand il „ aduiendroit par le vouloir des dieux qu'il mourust, qu'il se se- „ pareroit d'un compaignon peu gracieux, c'est à dire, du corps. Alexandre l'ayant ouy parler, ne le voulut pas presser d'auan- tage, le cognoissant homme libre, & qui disoit franchement ce qu'il auoit en pensee. Toutefois il persuada à Calan, qui estoit du nombre de ces sophistes, de le suiure : lequel à ce qu'en es- crit Megasthene, en fut fort blasmé des autres sophistes, comme homme leger, qui laissant la felicité, laquelle ils iugeoient estre entre eux, reueroit un autre Seigneur que Dieu. Il m'a semblé bon de reciter ces choses en ce lieu, veu mesmes qu'il estoit necessaire en l'histoire d'Alexandre faire mention de Calan. Parce que, estant en Perse, il tomba en maladie, luy qui n'auoit onques esté malade, & ne vouloit pas qu'on le pensast ne medicinast à la mode des autres : disant à Alexandre, qu'il seroit bien heureux fil mouroit ainsi, auant qu'il endurast chose, par laquelle il fust contraint de changer la maniere de viure dont il auoit vſé iusques là. Quand Alexandre le veit ainsi resolu, & qu'il n'estoit possible de le retenir en vie, il per-

Les Brach-
manes vont
tous nuds.

Dandamis
maistre des
Brachma-
nes.

Dandamis
appelle la
mort separa-
tiō de l'ame
d'avec un cō-
paignon mal
gracieux,
qui est le
corps.
Calan Brach-
mane va a-
vec Alexan-
dre.

mit, ainsi que Calan auoit demandé, qu'on dressast vn buscher, duquel il donna la chargée à Ptolomee fils de Lage garde du corps. Il y en a qui asseurent, qu'Alexandre ordóna qu'on luy feist vne pompe funebre: à sçauoir d'hommes, & de cheuaux en armes: & des gens pour ietter sur le buscher de l'encens & des parfums de toutes sortes: de la vaisselle d'or & d'argent, & de la tapisserie du Roy: & que à cause qu'il ne pouoit plus marcher à pied luy fut amené vn cheual: duquel ne pouuant endurer le trauail, fut mis dans vne liètiere, couronné d'vn chapeau de fleurs, & chantant des hymnes & cantiques en sa langue vulgaire. Et qu'il donna le cheual sur lequel il deuoit monter (qui estoit Nyfien de race, de l'escurie du Roy) à Lyfimach, qui estoit l'vn de ceux qui plus l'aimoient & reueroient pour sa sagesse: & distribua à ceux qui estoient à l'entour de luy, pour s'en aider & seruir, la vaisselle & la tapisserie, qu'Alexandre auoit commandé qu'on iettast sur le buscher. Quand il fut monté sur le buscher, il commença à regarder l'armée, puis se coucha, posant & agençant ses membres le plus honnestement qu'il peut: festant ce temps pendant Alexandre retiré delà, d'autant qu'il estimoit luy estre mal seant de se trouuer à vn tel spectacle, mesmement d'vne personne qu'il aimoit. Tous ceux qui y assisterét furét grandement esmeruëillez, quãd ils veirent que pendát qu'il brusloit, il ne se remua onques, non plus que si le feu ne l'eust point touché. Le feu estât mis au buscher, Nearch dict, que les trôpettes & clairons commencerent à sonner (Alexandre l'auoit ainsi ordonné) & toute l'armée à ietter de grands cris, comme on a accoustumé de faire és batailles: & que mesmes les elephants feirent des clameurs espouuëtables. Tout cela se faisoit pour honorer le trespas de Calan. Ces choses & autres semblables ont esté escrites de Calan, par auteurs graues & dignes de foy: lesquelles ne sont point du tout inutiles à ceux qui ont desir de cognoistre, que le couraige de l'homme peut endurer toutes choses pour dures qu'elles soyent: voire, fil veut, estre inuincible. Apres cela Alexandre partit pour aller à Suscs

Mort de Calan.

Constance de Calan à la mort.

L'homme peut endurer toutes choses. Retour d'Alexandre à Suscs.

ses licenciant Atropates de retourner à son gouvernement. Quand il fut à Suses il fit faire le proces à Abulites Satrape des Susiens, & Oxathres son fils, sur les cōcussions, exactions & autres excès par eux commis, & dont ils furent trouvez coupables, & condamnez à la mort. Beaucoup de ceux auxquels Alexandre auoit laissé le gouvernement des prouinces & regions par luy conquises (à cause que son voyage d'Indie duroit longuement, & pensoient qu'il n'en retourneroit jamais, au moien des dangers qui y estoient, tant pour raison des nations Barbares, & des gros fleuves d'Inde, Hydaspes, Accésines, Hyphasis, auxquels il ne faudroit pas de se hasarder : que pour le passage de la Gedrosie, auquel les viures & autres choses necessaires luy feroient grandement faute) auoient commis de grands crimes & forfaitcs & enuers les temples des dieux, & à l'endroiect des prouinciaux, qui estoient de leurs gouvernements. Veritablement Alexandre estoit desia deuenu trop facile à prester l'oreille aux denonciateurs, iusques à punir griefuement des personnes pour fautes bien legeres : d'autāt qu'il s'estoit persuadé, que puis que ceux là auoient eue le vouloir de commettre tels actes, ils eussent bien peu faire pis, si l'occasion se fust presentee. Apres ces choses, il se delibera de celebrer les nopces, avec vn grand appareil, tant de luy que d'autres de sa cour, qui estoient des plus proches de sa personne. Et quant à luy il prit à femme en legitime mariage Barfiné fille aisnee de Daire : & (comme tesmoigne Aristobule) Parysatis, qui estoit la plus ieune des filles d'Och : ayant desia espousé Roxané (ainsi qu'auons dict cy deuant) fille d'Oxyarte de Bactres : fit prendre à Ephestion l'autre des filles de Daire nommée Drypeté, seur de celle qu'il espousoit : par ce qu'il vouloit, à fin d'accroistre tousiours l'amitié d'entre luy & Ephestion, que les enfans qui viendroient de luy fussent ioincts de parenté avec les siens. A Cratere il donna pour femme Amastriné, fille d'Oxyarte frere de Daire : à Perdicas la fille d'Atropates Satrape des Medois : à Ptolomee garde du corps & à Eumenes secretaire d'e-

Abulites & Oxathres cōdamnez à la mort.

Les gouverneurs des prouinces trauaillent les suiets pendant l'absence du Roy.

Nopces d'Alexandre & des Seigneurs de sa cour avec les dames de Perse celebrees à Suses

Alexandre espouse Barfiné fille du Roy Daire, & Parysatis fille d'Och.

Ephestion espouse la seconde fille de Daire.

Amitié d'Alexandre enuers Ephestion.

M

Quatrevingts
mariages ce-
lebrez en-
semble à meſme
iour.

ſtat les deux filles d'Artabaze, à ſçauoir à ceſtui-cy Artacama, à l'autre Artonis : & maria Nearch à la fille de Spitamenes Baſtrian : & à d'autres de ſes fauorits donna en mariage d'autres, iuſques au nôbre de quatre vingts filles des plus grands Princes & Seigneurs de Perſe & Medie. Les nopces furent celebrees à la mode de Perſe. On dreſſa des ſieges de reng à ceux qui deuoient eſpouſer : & fut appreſté le feſtin avec vn appareil & magnificence Royale. Les tables leuees on feit venir les eſpouſees, lesquelles furent receuës par leurs maris, qui les prenans chacune par la main les baiſerent : puis les aſſirent chacun la ſienne aupres de ſoy : le Roy le premier : car les nopces ſe faiſoient de tous enſemblémēt. Si oncques Alexandre feit acte de bienueillance, qui fuſt bien pris & eſtimé d'un chascun, ce fut ceſtui-là. Les mariez aians receu leurs eſpouſees ſe retirerent. Alexandre dota toutes ces dames. Et outre les ſeigneurs dont nous venons de parler, qui prindrent femme en Aſie, il feit prendre & enregiſtrer les noms d'autres, dont le nombre eſtoit, à ce qu'on diſt, de plus de dix mil : tous leſquels Alexandre honora de quelsques dons & bienfaits, chascun ſelon ſon degré & merite : à fin d'eſtre plus haultement pourueuz par mariage. Apres cela, à fin de ne rien obmettre en quoy il les peult gratifier, il paya de ſes deniers toutes les debtes, pour leſquelles les ſoldats eſtoient obligez. Du commencement qu'il ordonna qu'on luy portaſt vn eſtat de ce que chascun pouuoit deuoir, il ſen trouua bien peu qui vouliſſent bailler leur declaration : craignans que ſous ce pretexte, il euſt enuie de rechercher ceux, auſquels, pour la grande deſpenſe qu'ils faiſoient, leur paye & gages ordinaires ne ſuffiſoient pas. Dequoy eſtant aduertiy, il les reprit de la deſſiance qu'ils auoient de luy, leur diſant : Qu'il ſeroit mal ſeant à vn Roy d'eſtre menteur enuers ſes ſubieſts : comme il eſt aux ſuieſts de penſer que leur Roy les vouliſt abuſer & ſurprendre. Puis il feit dreſſer par tout le camp des bureaux, où il eſtablit des threſoriers & payeurs, pour ſatisfaire aux creanciers de ce qu'ils monſtre-
roient

Alexandre
paye les deb-
tes de ſes gés
de guerre.

Il eſt mal
ſeāt à vn Roy
d'eſtre men-
teur enuers
ſes ſuieſts.

roient leur estre deu par cedulaes, obligations ou promesses, mesmement de ceux qui n'auoient baillé declaration. Alors on creut que sans point de doute Alexandre auoit enuie de descharger ceux qui estoient endebtez, dont le bien-faict & largesse du Roy furent trouuez plus grands : ayans les Macedoniens plus agreable ce qu'ils n'auoient point esté contrains de bailler leurs noms par escript, que le don & liberalité du Roy. On dict que pour faire ce payement des debtes de ses gens de guerre, il desbourça bien vingt mil talens. Outre cela il feit de grands dons à beaucoup d'autres : aux vns selon le reng qu'ils tenoient, aux autres à cause de leur merite & vertu. Et à ceux qui surpassoient les autres en proïesse & vaillantise, il leur donna la couronne d'or. En premier lieu à Peucestas, lequel s'estoit mis au deuant de luy le couurant de l'escu de Pallas, pour soustenir les coups que luy tiroient les Malliens, lors qu'il fut en danger de sa vie, estant par eux assailly de toutes parts. Secondement à Leonnat, qui luy auoit sauué la vie, & s'estoit mis en beaucoup de dangers à l'encontre des Indiens, & auoit rengé à la raison les Oritains & autres peuples voisins qui auoient voulu tourner leurs robbes. Le troisieme fut Nearch, lequel auoit esté sur mer, & avec la flotte auoit recogneu toute la coste d'Indie : car ainsi que nous auons dict, il estoit desia arriué à Suses. Apres luy à Onesicrit pilote de sa nef. Puis apres à Ephestion, & aux autres gardes de son corps, chascun selon qu'il l'auoit merité. Ces choses faites vindrent vers luy des Satrapes, tant des villes qu'il auoit fait construire, que des nations par luy subiuguées : & avecques eux environ trente mil ieunes hommes de mesme aage, armez & dressez aux armes à la Macedonienne : lesquels il appelloit Epigones, c'est à dire, successeurs. Les Macedoniens monstrerent contenance de n'estre pas contens de leur venue : comme si Alexandre eust fait cela à fin de n'auoir plus que faire à l'aduenir des Macedoniens. On dict aussi que les Macedoniens se fascherent de ce que le Roy auoit changé de façon d'habits, portant le manteau à la Medoise : & que les fe-

Douze millions d'escus.

Les capitaines & soldats recompésez par Alexandre.

Trente mil ieunes hommes de Perse armez à la Macedonienne.

Les Macedoniens mal contents de voir les estrangers fauoriser d'Alexandre.

stins des nopces auoient esté faicts à la mode de Perse. Et cela desplaisoit aussi bien à quelques vns de ceux ausquels il auoit donné femmes que aux autres : ja-soit qu'ils pensassent bien leur auoir esté faict par luy beaucoup d'honneur, d'auoir esté mariez si hautement, & avec pareille solennité de nopces, que luy mesmes. Ils se fachoient aussi bien de veoir Peucestas Satrape des Perses, & en façon d'habits & en parler Persifier : d'autant mesmes qu'ils voyoient qu'Alexandre prenoit plaisir à ceste affectation barbaresque. Pareillemēt ils trouuoient mauuais, que les hommes d'armes Bactrians, Sogdians, Arachotiens, les Zarangiens aussi & Ariens, les Parthes & les Perses qui sont appelez Euaques : au moins ceux d'entre eux qui estoient en dignité, ou qui surpassoient les autres, fust ou pour estre de belle taille, ou pour auoir quelque vertu & excellence par dessus les autres, auoient esté receuz parmy la gendarmerie des amis : & que augmentant sa cavalerie, il auoit receu plusieurs Barbares au cinquième regimēt de sa gendarmerie. D'auantage ils voyoient qu'il auoit mis de la cornette Royale Cophes fils d'Artabaze, & Hydarnes & Artiboles fils de Mazee, & Phradasmenes : & encores outre ceux-là d'autres fils de Phrataphernes Satrape des Parthes & d'Hyrcanie, & Itanes fils d'Oxyarte & frere de la Royne Roxané sa femme : pareillemēt Egobare & Mithrobee son frere. Ausquels tous il auoit ordonné pour capitaine Hydaspes Bactrian, & leur faisoit porter des iauelines Macedoniennes, au lieu de leurs dards & iauelots accoustumez. Ce que les Macedoniens trouuoient fort mauuais : comme si Alexandre eust pris de tout point les manieres de faire des Barbares, & se fust lassé des Macedoniens, & des mœurs & façons de faire Macedoniennes. Ces choses ainsi passées, Alexandre depescha Ephestion pour aller à la mer Persique avec la plus grande partie de son infanterie : & luy avec des vaisseaux qu'il feit venir par terre sur des chariots à Suses, où il entra dedans, s'en alla apres par la riuere d'Eulee, avec les Argyraspides, les bandes du Roy, & vne partie de la gendarmerie des amis. Estant arriué

Alexandre descend de Suses à la mer par la riuere d'Eulee.

arriué assez pres de la bouche du fleuve, il y laissa les plus foibles vaisseaux, & entra en mer avec ceux qui estoient les plus propres à la rame, & nauigea iusques à l'entree de la riuere du Tigre en mer. On feit entrer les autres vaisseaux dans vne fosse, qui alloit de la riuere du Tigre iusques à celle d'Eulee, & furent conduicts par ceste fosse iusques au Tigre. L'Euphrate & le Tigre, qui sont deux fort grosses riuieres, bornent l'Assyrie qui est entre deux : dont, & mesmes par ceux du pays, elle est appelée Mesopotamie : Mais le Tigre est plus bas & plus doux que l'Euphrate : & reçoit de l'Euphrate beaucoup de bras & fosses dans son canal : par le moien desquels il s'enfle, & va tomber en la mer estant bien fort gros : de sorte qu'il n'est gueable en aucun lieu, d'autant qu'il ne s'estend point par les champs, & ne se diminue point à cause des fosses & lacs, car il n'en fait point, par ce que les bords sont hauts de costé & d'autre, & ne s'escoule point en d'autre fleuve. Au contraire l'Euphrate a son cours par des lieux hauts, & a l'eau pour la plupart aussi haute que la terre qu'elle abreue. Beaucoup de lacs sont deriuez d'iceluy : dont les vns demeurent tousiours en estat, & seruent bien à ceux du pays à arrouser & abreuuer leurs champs : les autres ne demeurent que pour vn temps. Il tombe bien peu d'eau de pluye en ce pays-là : qui fait que ceste riuere sur la fin se passe à gué, n'y ayât pas beaucoup d'eau. Alexandre aiant nauigé autant du goulfe Persique que contient le riuage depuis l'Eulee iusques au Tigre, il entra dans le Tigre, pour aller trouuer Ephestion à son camp. De là il tira vers la ville d'Opis, qui est assise sur le Tigre, faisant rompre, à mesure qu'il alloit auant, toutes les retenues & vallées qui estoient sur la riuere : que ceux du pays auoient faites de lieu à autre, à fin que aucune flotte ennemie ne peust entrer par là dans leur contree : ioinct que ces Perfes soiét peu versez au nauigaige : & y en auoit en si grande quantité, que la navigation en estoit rendue difficile & facheuse. Mais Alexandre ne s'en feit que rire, disant qu'on cognoissoit bien par là, que ceux de la contree n'estoient gueres bons guerriers : & les feit rompre.

Mesopotamie pour quoy ainsi appelée. De la riuere du Tigre.

De l'Euphrate.

M. iij.

Alexandre
licencie les
Macedoniens
qui s'en vou-
drôt retour-
ner.

Mutinerie
des Macedo-
niens contre
Alexandre.

Remonstra-
ces après de
Alexandre aux
Macedoniens

sans grande peine. Quand il fut arriué à Opis, il feit assembler les Macedoniens, & leur declaira qu'il licencioit tous ceux, qui à cause de leur vieillesse, maladie, ou autre legitime empeschement, ne pouuoient plus endurer le trauail de la guerre : & qu'il dōnoit congé de retourner à leurs maisons à tous ceux qui en auoient enuie. Et que à ceux qui voudroient de leur bon gré demeurer, & s'habituer en ce pays-là, il leur feroit tant & de si grands biens, que ceux qui s'en feroient retournez leur porteroient enuie. Alexandre disoit telles & semblables paroles tout publicquement, pensant par ce moien gratifier aux Macedoniens : ce qu'ils prindrent tout autrement, & en fort mauuaise part, estimans que le Roy les auoit à mespris & desdain. Il y auoit encores d'autres causes de courroux & mescontentement, dont ja par plusieurs fois ils festoient senty offensez : à sçauoir l'habillement à la Persienne : les armes, & equippages de guerre à la Macedonienne baillez aux ieunes hommes Barbares : & la meslange & cōfusion qui auoit esté faite des compagnies de gens de cheual estrangers, avec la gendarmerie des amis. Tellement que ne pouuās plus tenir caché ce qu'ils auoient sur le cueur, demanderent tous leur congé. Et y en eut quelsques vns qui furent temeraires iusques là, de dire, qu'il allast faire la guerre à ses ennemis avec son pere, entendants parler de Ammon. Ce qu'entendant Alexandre (qui estoit deuenu prompt à entrer en cholere, & aussi que le support qu'il se voyoit auoir des Barbares qui l'accompagnoient l'auoit rendu plus haultain, mesmement à l'endroiēt des Macedoniens) se leua avec les capitaines qui estoient aupres de luy : & feit prendre les auteurs de la sedition, mōstrant avec la main ceux qu'il entendoit qu'on prist : qui furent treize en tout, lesquels il feit executer à mort. Après cela ; & que les autres bien estonnez eurent fait silence, il parla à eux en ceste maniere : Ce n'est point pour vous destourner du trop grand desir que vous auez, Macedoniens, d'abandonner le fait de la guerre que ie parle maintenant à vous : car ie ne me donne pas grand peine que vous alliez où bon

„ bon vous semblera, & ne l'empeschera en rien : mais à fin
 „ que vous entendiez quel a esté le Roy Philippe mon pere cy-
 „ devant enuers les siens, & moy apres luy enuers vous : & au
 „ contraire quelle recognoissance vous nous en faites, par vo-
 „ stre si soudain depart. Et en premier lieu ie parleray, comme
 „ la raison le veult, du Roy Philippe mon pere : par ce que ça-il
 „ esté qui vous a receuz en sa protection & sauuegarde : vous,
 „ qui estiez comme gens errants & vagabonds, sans feu & sans
 „ lieu, pauvres & necessiteux : dont la pluspart estoient bergers
 „ & bouviers, conduisans des petits troupeaux de bestial, pour
 „ lesquels vous auiez tousiours la guerre contre les Esclauons,
 „ Triballiens & Thraces vos voisins. Vous a retirez des mon-
 „ taignes aspres & steriles, pour vous faire descendre & viure
 „ es champs de labour. Au lieu de vieux panneaux, vous a don-
 „ né le moien de porter robbes & manteaux bien riches : vous
 „ a equippez d'armes & harnois. Vous a instruits au fait de la
 „ guerre : de sorte que vous estiez asseurez à l'encontre de vos
 „ ennemis, tant par places fortes & lieux de defense, que par
 „ vos armes & prouesse. D'aduantage il vous a logez dans des
 „ villes : vous a appris que c'est que de iustice, police, courtoisie
 „ & honnesteté. A contrainct les Barbares, desquels estiez tra-
 „ uaillez au parauant, avec leurs biens, esclaves, parents & amis
 „ d'estre vos subiects & asseruiz. A ioinct vne grande partie de
 „ la Thrace à la Macedoine. A conquis pareillement beaucoup
 „ du pays bas & maritime : à fin de vous donner moien de ne-
 „ gotier & traffiquer avec les estrangers. Et a tant fait que
 „ vous ostant toute la crainte que pouuiez auoir de vos voi-
 „ sins, vous auez peu tirer de terre des metaux, dont vous sont
 „ venues de grandes richesses. Il vous a fait auoir comman-
 „ dement sur les Theffaliens que tant vous redoutiez au par-
 „ auant. Puis ayant subiugué les Phocenses vous a rendu le
 „ passaige en Grece large & facile, d'estroict & malaisé qu'il
 „ estoit. Les Atheniens & les Thebains, qui estoient tous les
 „ iours aux embusches pour surprendre la Macedoine, mar-
 „ chent au iourd'huy en guerre avecques vous : & au lieu du

Le Roy Phi-
 lippe pere
 d'Alexandre a
 mis en hon-
 neur & va-
 leur la Ma-
 cedoine.

„ tribut & imposition qu'on leur souloit payer, maintenant ils
 „ vous prient de les laisser viure en paix, & ne leur rien demā-
 „ der. Apres cela passant au Peloponnese, il a donné ordre &
 „ reiglement à toute la prouince. Et estant eleu chef de l'armee
 „ de tout le surplus de la Grece, pour faire la guerre aux Perfes,
 „ il n'a point voulu permettre que cela tournast plus à son hon-
 „ neur particulier, qu'à celuy des Macedoniens. Ce sont la
 „ les biens & faueurs, qui vous ont esté faicts par le feu
 „ Roy Philippe mon pere : lesquels à la verité sont grands
 „ d'eux mesmes, si on les sçait bien poiser : mais si on en faict
 „ comparaisson avec les nostres, ils se trouueront bien petits.
 „ Car quand ie suis venu à la couronne, successeur du Roy mon
 „ pere, j'ay trouué bien peu de vaisselle d'or & d'argent parmy
 „ ses meubles : & d'argent monnoyé és coffres de son espargne,
 „ à peine soixante talents. Où il deuoit la somme de cinq cens
 „ talents : outre laquelle j'empruntay iusques à huit cens ta-
 „ lents au partir de la Macedoine : laquelle à peine vous pouuoit
 „ nourrir. Incontinant apres ie vous ouury l'Hellepont, apres
 „ auoir veincu les Perfes qui estoient pour lors maistres sur la
 „ mer : comme peu apres furent desfaicts en bataille les capitai-
 „ nes & compagnies de Daire. Au moien dequoy j'ay annexé
 „ tout le pays d'Ionie au Royaume de Macedoine. Et non pas
 „ seulement l'Ionie : mais aussi les terres des Eoliens, des vns &
 „ des autres Phrygiens, & des Lydiens. J'ay assiégré & pris Milet.
 „ J'ay reduit sous vostre puissance beaucoup d'autres nations &
 „ contrees. Les richesses des Ægyptiens & des Cyreniens, que
 „ nous auôs gaignees sans coup donner, sont venues à vous. La
 „ Celefyrie, la Palestine, & la Mesopotamie, sont en vostre pos-
 „ session & ioissance. Vous tenez Babylon, Baëtres, Suses. Les
 „ richesses des Lydiens sont à vous, les tresors des Perfes, les biés
 „ & cheuance des Indiens : mesmes la grand mer Oceane est
 „ vostre. Vous estes Satrapes, vous estes Colonnels des regi-
 „ ments, vous estes chefs des bandes. Et de faict que m'est il de-
 „ meuré de tant de trauaux, que ceste couronne & ceste robbe
 „ de pourpre? Ie ne possède rié en particulier, & ne sçauoit-on
 „ montrer

„ montrer que i'aye tresor quelcōque : horsmis ce qui est entre
 „ vos mains : ou qui est en espargne reserué pour vous. Aussi ne
 „ m'est il point de besoin d'en reseruer pour mon vsage priué,
 „ viuant comme vous, & ne dormant point plus grosses ma-
 „ tinces que vous faictes : voire, peut estre, vi-ie de moins ex-
 „ quises & friandes viandes, que ne faict la pluspart de vous au-
 „ très. D'vne chose suis ie bien asseuré, que ie veille plus que
 „ vous, à fin que vous puissiez reposer à vostre aise. Quelqu'vn
 „ dira, peut estre, que i'ay conquis tout ce que i'ay touché cy
 „ dessus à la sueur de voz corps, & au peril & hazard de vos vies,
 „ sans que moy vostre chef & capitaine me sois senty des tra-
 „ uaux & dangers. Mais qui est celuy de vous, qui puisse dire
 „ avec verité, qu'il a plus trauaillé & hazardé sa vie pour moy,
 „ que moy pour luy ? Or ça que ceux d'entre vous qui ont esté
 „ blesez à la guerre, monstrent les cicatrices de leurs playes,
 „ & ie monstrey paraillement celles des miennes. Car l'on
 „ verra qu'il n'y a endroit en toute la partie de deuant de mon
 „ corps, qui soit demeuré entier, sans auoir receu quelque coup :
 „ & n'y a comme i'estime sorte de bastons de guerre soit à com-
 „ battre de loin ou de pres, de laquelle ie n'aye esté nauré, & dōt
 „ il n'y ait apparence sur mon corps. Il n'est pas iusques aux
 „ coups d'espee, que ie n'aye receu : mesmemēt i'ay esté bleffé &
 „ meurtry de pierres & de leuiers : sans mettre en ieu les coups
 „ de trechts & de fleches. Voila les dāgers, ausquels ie me suis ha-
 „ zardé pour vous faire grands en honneur & richesses. De tous
 „ les pays & contrees, montaignes, riuieres & mērs où ie vous
 „ ay conduits ie vous en ay ramenez tousiours victorieux.
 „ I'ay celebré en vn mesmes festin mes nopces & les vostres :
 „ & ay cōioinct par proximité de lignage les enfans de plusieurs
 „ de vous autres, avec les miens. I'ay solu & aquitté les debtes,
 „ pour lesquelles vous estiez obligez, qui estoient grādes, outre
 „ la paye & gages ordinaires : combien que de tant de victoires
 „ que nous auons obtenues, vous fust venu vn grand butin &
 „ de grandes richesses. Les courōnes d'or que i'ay dōnees à plu-
 „ sieurs d'entre vous, seruiron de tesmoingnage & memoire à

N

Les peres
& meres de
ceux qui es-
toiēt morts
en guerre
faicts exēpts
de subſides
& imposi-
tions.

„ iamais, non moins du bon vouloir que ie vous ay porté, que
„ de vostre prouëſſe. Quand il est mort quelqu'un en bataille, il
„ est mort au liēt d'honneur, & neantmoins ses obseques & fu-
„ nerailles luy ont esté faictes honorablement. A beaucoup
„ d'eux ont esté dressees en leurs maisons des statuës & images
de cuyure : & a esté faict cest honneur à leurs peres & meres,
qu'ils ont esté faicts exempts & affrāchis de tous subſides, im-
positions & autres charges publiques. Au reste il n'y a enco-
res personne d'entre vous, qui ſoubs ma conduicte, & pendant
que i'ay faict la guerre, ait esté contrainct de fuir, & ne ſeſt
veu mourir aucun à la fuitte. Et maintenant i'auoy tresbien
deliberé de renuoyer à leurs maisons ceux qui pour leur vieil-
„ leſſe, ou pour quelque accident à eux aduenü, ne peuuent plus
„ ſuiure la guerre : mais ie le vouloy faire avec ſi bons & hono-
„ rables appoinctemens, que ceux qui ſont demeurez oisifs &
„ cendriers chez eux leur euſſent porté enuie. Mais puisque ain-
„ ſi eſt, que tous d'un accord auez deliberé de vous en aller, allez
„ vous en tous, & portez les nouuelles à vos maisons, que vous
„ vous en eſtes retournez, aians abandonné vostre Roy, lequel a
„ cōbattu les Perſes, les Medois, Baſtrians & Saces : a donté les
„ Vxiens, Arachotiens & Drangiens : a reduict ſoubs ſon obeif-
„ ſance les Parthes, Choraſmiens & Hyrcaniens iuſques à la
„ mer Caſpienne : lequel aiant trauerſé le mont de Caucaſe, &
„ les portes Caſpiennes, & pareillement l'Oxe, Tanais, Inde,
„ que iamais homme auparauant, hors-mis Bacchus, n'auoit
„ paſſé : ſemblablement l'Hydaſpes, Aceſines, & Hydraotes
„ iuſques à Hyphaſis, fuſt encores paſſé plus outre, ſi vous l'euf-
„ ſiez voulu ſuiure. Lequel finalement eſtant allé iuſques à la
„ mer par chaſcune des bouches de l'Inde, & de là retourné en
„ terre par le pays des Gedroſiēs, & par les deſerts que lon eſti-
„ moit impoſſible de paſſer, a conquis le pays des Carmaniens
„ & des Oritains : puis eſtant mis ſur mer, depuis les confins de
„ l'Indie, iuſques à la mer Perſique, vous a ramenez à Suſes avec
„ vne bonne flotte ſains & ſauſ, & par tout victorieux. Repor-
„ tez, di-ie, ces nouuelles à ceux de vostre pays que vous auez
abandonné

„ abandonné cestui-là, & vous estes departis de luy, le laissant à
 „ la mercy des nations par vous subiuguees. Et pensez combien
 „ cest acte éstât cogneu par le monde vous acquerra d'honneur
 „ parmi les hommes, & quelle reputation d'amour & de pieté
 „ enuers les dieux. Partez donc dès maintenant. Quand il eut
 dict cela, il se leua : & retourna au chasteau, où il ne voulut
 oncques boire ne manger : & defendit de laisser entrer per-
 sonne de toute la iournee pour parler à luy, quel qu'il fust. Autant
 en feit-il le lendemain. Le troisiéme iour il feit assembler
 les plus grands & principaux d'entre les Perses, auxquels il de-
 partit les places de capitaines & chefs des regiments & com-
 pagnies : & octroya à ceux d'entre eux qui luy estoient alliez
 seuls de le saluer avec le baiser. Les Macedoniens emeus &
 fachez des parolles du Roy, & comme gens esperdus deme-
 rerent au lieu où Alexandre auoit parlé à eux, sans sonner mot
 du monde : & sans que personne osast prendre la hardiesse de
 le suiure & d'entrer au chasteau, fors quelques vns de ceux qui
 estoient plus en credit enuers luy, & les gardes de son corps.
 Quant au surplus de la multitude, ils ne sçauoient que dire
 ny que faire, ou de demeurer là, ou de s'en aller. Mais quand
 ils sçeurent ce qui auoit esté fait dedans, que les places de ca-
 pitaines auoient esté donnees aux Perses : que les Barbares
 estoient distribuez & departis en plusieurs compagnies, &
 leur auoient esté imposez des noms Macedoniens, que au lieu
 de l'infanterie des alliez il en auoit dressé vne de Perses, & vne
 caualerie d'amis, & vne cornette Royale : ils ne peurent
 plus tenir couuerte la douleur qu'ils enduroient en leurs
 cueurs : ains s'en allerent tous au chasteau, & ietterent leurs
 armes deuant la porte, comme pour leur seruir de reques-
 ste & supplication enuers le Roy. Et demeurans là de-
 bout deuant la porte supplioient qu'on les laissast entrer,
 & qu'il leur fust pardonné. Qu'ils liureroient les auteurs de
 la sedition : & ne partiroyent point de la porte ny nuit ny
 iour, que ceste faute ne leur fust remise. Ces choses estans
 rapportees au Roy il feit ouurir les portes, & sortit vers eux.

Les places de
 capitaines
 donnees
 aux Per-
 ses.

Les Mace-
 doniens re-
 pentans de
 feste mu-
 tinez.

Et les voyant ainsi desolez, ne se peut tenir de larmoyer. Il s'arresta quelque temps, comme s'il eust voulu parler à eux: & cependant ils demeurèrent tousiours là, sans se mouuoir en façon quelconque, attendans sa mercy. Adonc Callines, qui estoit homme reueré tant à cause de son vieil age, que pour le degré qu'il tenoit en la gendarmerie des amis, voyant que le Roy ne sonnoit mot, prit la parole pour tous: & parla

» en ceste maniere: Voila, Sire, qui tourmente les esprits des
 » Macedoniens, que vous auez nommé quelques vns des Per-
 » ses vos parents & alliez, que vous les appelez vos cousins, que
 » vous leur permettez de vous donner le baiser: lesquels hon-
 » neurs vous n'avez encores octroyé à nul vn de nous autres
 » Macedoniens. Alexandre rompant son propos: Et bien, dist
 » il, ie vous fay tous mes cousins, & desormais vous appelleray
 ainsi. Sur ceste parole Callines s'approcha de luy, & le baisa:
 Autant en feirent les autres Macedoniens qui le voulurent.
 Cela faict ils releuerent leurs armes qu'ils auoient iettees par
 terre deuant la porte du chasteau, & s'en retournerent tous
 ioyeux & chantans, au lieu où estoit assis & logé le camp. Puis
 Alexandre, apres auoir faict sacrifice tel qu'il auoit accoustu-
 mé pour rendre graces aux dieux, feit vn festin à cour ouuer-
 te à tous venans: auquel les Macedoniens eurent l'honneur
 d'estre assis des premiers, & aupres de sa personne: puis les
 Perles: apres eux ceux des autres regions par luy conquises,
 chacun selon son grade ou merite. Là apres que le Roy eut
 pris du vin, on porta la coupe où il auoit beu de reng à cha-
 cun de ceux qui estoient assis à table, l'un apres l'autre, & fu-
 rent faicts veuz & prieres, qui furent commancees par les
 deuins Grecs, & les Sages & magiciens: Qu'il pleust aux dieux
 d'enuoyer au Roy & à l'armée toute prosperité, & bon heur:
 & de confirmer pour iamais vne paix & concorde entre les
 Macedoniens & les Perles: & vne alliance & société d'Empire
 commun entre eux. On tient que à ce festin furent neuf mil
 personnes assis à table, tous lesquels feirent les effusions &
 chanterent mesme chant de ioye. Apres cela, ainsi qu'il auoit
 delibéré

Callines fait
l'appointe-
ment des Ma-
cedoniens en-
uers Alexan-
dre.

Alexandre
tient court
planiere.

Boire de
reng dans
vne mesme
coupe.

Neuf mil
personnes à
table à vn
banquet.

deliberé dès au parauant, il donna de son plein gré congé aux Macedoniens, lesquels la vieillesse, ou les maladies, ou les coups qu'ils auoient receuz auoient renduz inutiles au fait de la guerre. Le nombre desquels fut trouué monter à treize mil hommes: ausquels il feit payer entieremēt tout ce qui leur estoit deu à cause du seruice passé. Et non seulemēt cela, mais encores leur feit il deliurer argent pour payer la despence de leur voyage, & outre cela leur donna à chascun vn talent *. Il feit laisser les enfans qu'aucuns d'eux auoient eus des femmes d'Asie aupres de luy avec leurs meres: à ce qu'ils ne fussent cause de quelque trouble & mauuais mesnage, estans meslez parmi les autres enfans & les femmes qui estoient demeurez en leurs maisons. Et leur promit de les faire instruire selon la maniere de viure des Macedoniens: & de leur faire apprendre l'escrime, pour les rendre adroicts aux armes, & a piquer chevaux, & toute autre chose concernant le fait de la guerre: & que quand il retourneroit en Macedoine, il les meneroit quand & luy, & les rendroit à leurs peres. Ce qui fut par luy promis pour en aduenir ce qu'il pourroit. Mais il feit vn autre acte par lequel il monstra euidemment l'amour qu'il leur portoit. Ce fut qu'il leur donna Cratere, qui estoit vn des plus fideles amis & seruiteurs qu'il eust, & qu'il aimoit comme soy mesme, pour les conduire. Puis leur aiant dict Adieu à tous, il les lascia aller tous pleurants pour l'affection qu'ils luy portoient: & luy mesmes ne se peut tenir de pleurer à grosses larmes. Il donna charge à Cratere que quand il les auroit renduz en Macedoine il prist le gouuernement des pays de Macedoine, Thessalie & Thrace: & gardast & maintinst les Grecs en leurs libertez & franchises. Et commanda à Antipater, qui sen retournoit pareillement avec les autres, que estant là arriué, il leuast des soldats de la Macedoine qui fussent ieunes & forts, pour remplir les places de ceux qu'il renuoyoit à leurs maisons, & les luy menast. Il enuoya aussi avec Cratere Polyperchon cōme lieutenant d'ice-luy: à fin que si aduenoit quelque inconuenient par les che-

Alexandre
licencie les
Macedoniés
qui ne pou-
uoient plus
suiure la
guerre.

* six cens
escus.

Cratere a la
cōmission de
reconduire
les Macedo-
niens.

Affectiō mu-
tuelle d'Ale-
xandre & de
ses soldats.

Antipater
renuoyé en
Macedoine
pour leuer
des soldats.

mins à Cratere, qui n'estoit lors en gueres bonne disposition de sa personne, il prist la charge & commission de Cratere, à ce qu'il n'y eust point faute de conduicte. Vn bruiet a couru, toutefois sourd & peu asséuré, parmy le monde (qui venoit de ceux, qui, d'autant que les affaires des Roys & Princes sont tenues secretes, d'autant prennent ils peine à les descouvrir: & tournent ordinairement les choses plustost en mauuaise part qu'en bonne) qu'Alexandre eut fantasie de chasser Antipater de la Macedoine à la suscitation & par faux à luy donné à entendre par la Roynes sa mere: laquelle chargeoit Antipater de beaucoup de choses. Mais il peut bien estre que ce qu'Alexandre rappelloit ainsi vers luy Antipater, n'estoit pas pour le desfaouriser: ains de peur que de leur querelle & contention sourdist quelque mal, auquel il n'eust peu luy mesmes remedier à l'aduenir. Car ils enuoyoit souuent l'un & l'autre lettres à Alexandre. Accusant Antipater Olympias comme intolerable, facheuse & legere, voulant tâtost vne chose, tantost vne autre: & qu'elle se mesloit de plusieurs choses fort mal seantes à celle qui estoit mere d'Alexandre. Qui fut cause qu'un iour, à ce qu'ils recitent, Alexandre s'en facha, & dict, que sa mere prenoit de luy un loyer bien grand, pour dix mois qu'il auoit esté en son ventre. Olympias au cōtraire chargeoit Antipater, disant qu'il estoit insolent en son gouuernement, & vouloit faire du grand, pour ce qu'il y auoit long temps qu'il estoit gouuerneur: & pour autant aussi qu'il se sentoit supporté & fauorisé des vassaux & suieets du Royaume. Et qu'il n'auoit plus de souuenance de qui il tenoit si grande dignité & puissance: ains festimoit assez grand pour estre le premier entre les Macedoniens, & les autres Grecs aussi. Qui faisoit iuger que ces paroles auoient emeu Alexandre, estoit, qu'il y auoit beaucoup à craindre pour le Royaume, si ainsi estoit. Toutefois iamais Alexandre ne dit ou fit chose, de laquelle aucun peust tirer qu'il eust en rien changé l'affection qu'il luy portoit.

Il y a faute en cest endroit de quelques lignes, mesmement au Grec.

Epheslion

Olympias
mere d'Alexandre & Antipater en discord.
Propos notable d'Alexandre de sa mere femme importune & moleste.

Ephestion estant destourné au moien de ces paroles, fut (combien que ce fust à son grand regret) mis d'accord avec Eumenes, qui ne desiroit autre chose. L'on diët qu'en chemin Alexandre voulut voir le parc, auquel souloit estre nourry le haras du Roy: lequel est appellé (comme escrit Herodote) le parc de Nisœe, & les cheuaux Nisiens: & que en ce parc y auoit d'ordinaire cent cinquante mil iuments portieres: mais lors on n'y en trouua pas plus de cinquante mil: dont Alexandre en feit emmener cinq & non plus. La pluspart auoient esté tirees de là, & desfrobes. En ce lieu Atropates Satrape des Medois amena à Alexandre cent femmes, qu'il disoit estre de la region des Amazones: & estoient vestues & equippees en accoustrement d'hommes d'armes, fors qu'elles portoient des haches, & non pas des iauelines ou partisannes, & des targues au lieu de rondaches. Il y en a mesmes aucuns qui dient, qu'elles auoient la mammelle droicte plus petite que l'autre: par ce qu'elles l'arrachoiēt du temps qu'elles alloient à la guerre. Alexandre les reuoya toutes à leurs maisons, depeur qu'il ne leur fust faict quelque deshonneur au camp: & leur comanda de dire à leur Royne, qu'il ne faudroit pas de l'aller voir, pour auoir lignee d'elle. Mais ces choses ne furent oncques escrites par Aristobule ny Ptolomee, ny autre auteur approuué. Et quant à moy, ie n'estime pas que de ce temps là y eust encores des Amazones: desquelles Xenophon mesmes, qui estoit deuant le temps d'Alexandre, & estoit historien & capitaine de nom, ne faict mention en sorte quelconque: ja-soit qu'il parlē bien des Colchiens, Phasiens, & des autres nations estranges, par où passerent les Grecs, depuis qu'ils furent partis de la ville de Trapezonce: & encores auant qu'ils fussent arriuez à Trapezonce. Ausquels lieux pour le feur ils eussent veu des Amazones, sil en fust demeuré de la race iusques à ce temps-là. Je ne trouue pas, à la verité hors de raison, de croire qu'il y ait eu autrefois des Amazones: veu que tant d'auteurs & bien renommez en ont faict si souuent mention. Voirē iusques là qu'on tient que Hercule aiant esté

Eumenes reconcilié avec Ephestion.

Centcinquante mil iuments portieres au haras du Roy de Perse.

Atropates amene à Alexandre des Amazones.

Discours touchant les Amazones.

Xenophon historien & capitaine de nom.

Les Amazones vaincues par Hercule.

Bataille entre les Atheniens & les Amazones descrite par Cimon.

enuoyé pour leur faire la guerre, rapporta en Grece le bauldrier de la Royne Hippolite, qu'il auoit combattue : & que les Atheniens sous la conduite de Thesee, desfeirent ces femmes dès la premiere rencontre, & les repousserent comme elles vouloient enuahir l'Europe. Laquelle bataille-on treuve encores d'escripte par Cimon, aussi curieusement que celles d'entre les Atheniens & les Perses. D'auantage Herodote & tous les historiographes Atheniens, qui par leurs escripts ont accreu la gloire de ceux qui sont morts en guerre, ont tousiours grandement celebré la guerre qu'eurent les Atheniens contre les Amazones. Et si est vray qu'Atropates ait amené à Alexandre des femmes montees & equippees comme dict est : ie penseroiy bien que ce fussent, non point de ces Amazones, mais de quelque autre nation de ces regions Barbares, qui fussent bien adroictes à cheual, armées & montees à la mode des Amazones. Pendant le sejour que feit Alexandre à Ecbatanes, apres auoir sacrifié pour rendre graces aux dieux ainsi qu'il auoit de coustume : & ordonné des ieuX de pris à la course à pied, & pour la musique : feit vn banquet fort magnifique aux Princes & Seigneurs de sa Cour. En ces entre-faites Ephestion tomba en maladie : & le iour, auquel les ieuX se iouoient, estoit le septième qu'il festoit alié. On vint dire à Alexandre que sa maladie estoit augmentée : au moyen de quoy il abandonna les ieuX, & s'en alla bien hastiement à sa chambre : mais la force de la maladie fut telle, qu'il fut trespassé auant que le Roy y arriuaist. En cest endroit les vns escriuent d'Alexandre en vne sorte, les autres en vne autre. Tant y a que tous s'accordent en cela qu'il fut passionné de douleur & facherie si grande, qu'il n'est possible de plus. Or comme il se porta en ceste tristeste, ils en ont escrit selon ce que chascun d'eux estoit bien ou mal affectionné enuers Ephestion, ou enuers le Roy. D'entre lesquels ceux qui en ont escrit des choses plus messeantes, semblent estre d'opinion que tout ce que le Roy dit ou feit, en quoy il se soit montré atainé de facherie & douleur à la mort d'un personnage qu'il aimoit par dessus tous les

Le trespas d'Ephestion.

Dueil d'Alexandre à la mort d'Ephestion.

les hommes du monde, luy doit tourner à honneur. Les autres treuvent mauvais en luy le ducil immodéré, comme peu honneste à la maiesté d'un Roy, & indigne de la renommée d'Alexandre. Quoy qu'il en soit, ceux là escriuent, que Alexandre fut iusques à la pluspart du iour couché pleurant & lamentant sur le corps mort de son amy : & que ceux qui estoient familiers de luy eurent beaucoup de peine à le tirer arriere. Il y en a aussi qui escriuent, qu'il ne fut pas seulement ce iour là à se douloir, mais qu'il continua ses plainctes & dolleances toute la nuit suiuite. Et encores recitent quelques vns, qu'il commanda qu'on feist mourir Glaucias son medecin, par ce qu'il auoit trop attendu, ce disoit-il, à luy bailler vne medecine en breuuage : ou, comme dient d'autres, pour autant qu'il n'auoit pas empesché Ephestion de trop boire, veu qu'il estoit present, & le voyoit bien faire. Je ne mettray pas du reng des choses messeantes, ce qu'il sarracha les cheveux, couché sur le corps de son amy, ny autres telles demonstresances de sa tristesse : veu que nous sçauons assez que Achille en fait autant à la mort d'un sien amy : duquel il sembloit auoir imité les manieres de faire dès son enfance. Aucuns aussi dient, que Alexandre monta sur le char, où fut mené le corps d'Ephestion, & le conduisit : en quoy ie ne trouue pas grande apparence de verité. Quelques autres ont escrit qu'Alexandre fait abbatre le temple d'Esculapie, qui estoit à Ecbatanes, pour autant que l'art de medecine n'auoit de rien proufité à Ephestion. Mais cela est barbaresque & meschant, & ne sentant point son Alexandre : ains plustost un Xerxes, qui auoit à mespris toute diuinité, iusques à vouloir enchaîner, ce dict-on, l'Hellepont. On a escrit vne chose, que ie n'estime pas trop esloignée de la verité. C'est, qu'estant Alexandre en chemin pour aller à Babylon, il rencontra beaucoup d'Ambassadeurs des Grecs, qui alloient vers luy : entre autres y estoient des deputez des Epidauriens : ausquels ayant octroyé ce qu'ils demandoient, il leur donna vne offrande pour pendre au temple d'Esculapie à Epidaure, adioustant ces mots :

Amitié d'Alexandre envers Ephestion.

Alexandre ordonne de faire mourir le medecin d'Ephestion pour l'auoir mal pensé.

Alexandre sarrache les cheveux, comme auoit fait Achille à la mort de Patrocle son amy. Alexandre imitateur d'Achille.

Xerxes auoit à mespris toute diuinité.

Alexandre ordonne qu'on sacrifie à Ephestion.

Pompe funebre d'Ephestion, montrant les frais d'icelle à six millions d'écus.

Alexandre ne veut subroger personne en la place de capitaine d'Ephestion.

„Encores que Esculapie se soit monsté peu gracieux en mon
 „endroit, d'auoir laissé mourir vn mien amy, que ie tenoy
 „pour vn autre moy mesmes. Plusieurs ont tesmoigné, cōme
 de chose veritable, qu'Alexandre ordonna qu'on eust à sacrifier à Ephestion comme à vn demi-dieu. D'autres adioustent, qu'il enuoya vers son pere Ammon pour s'enquerir, s'il deuoit permettre qu'on sacrifiait à Ephestion comme à vn dieu : & que Iupiter respōdit, que non. Cela est tenu pour chose vraye & asseuree par tous les autheurs qui en ont escript, qu'Alexandre fut trois iours apres le trespas d'Ephestion sans manger, & sans prendre aucunement soin de sa personne, se desolant sans cesse ce temps pendant, & pleurant : & qu'il donna charge de preparer la pompe funebre d'iceluy à Babylon, iusques à la despense de dix mil talents : & encores d'auantage, ce dient aucuns : & qu'il enioignit aux Barbares de faire le dueil par tout. Outre cela qu'il y eut beaucoup de Seigneurs de la cour, qui à fin d'adoucir & appaiser sa tristesse, declairerent qu'ils vouloient viure & mourir amis & seruiteurs d'Ephestion, & qu'ils estoient tous prests de bailler, s'il en estoit besoin & eux & leurs armes pour luy estre sacrifiees : & Eumenes tout le premier : (lequel comme nous auons dict peu auparauant auoit eu quelque different avec Ephestion) pour oster à Alexandre l'opinion qu'il eust peu auoir, qu'il se fust resiouy de la mort d'iceluy. D'auantage, à fin que la renommee d'Ephestion ne fust mise en oubly, il ne voulut oncques subroger personne en sa place : ains voulut & ordonna, que le regiment dont il auoit esté chef fust tousiours appellé le regiment d'Ephestion : deuant lequel seroit portee la cornette d'iceluy quand il marcheroit par les champs, & pareillement en bataille, tout ainsi que si Ephestion eust esté encores en vie. Il auoit aussi deliberé de faire iouer des ieux de pris à la course à cheual, & de musique, beaucoup plus somptueux & plus magnifiques, que tous les autres precedens, tant en nombre d'hommes, que à raison de la somptuosité & du pris qu'il vouloit proposer. Car il auoit desia trois mil hommes tous prests
 pour

pour ce faire: lesquels, à ce qu'on dict, non gueres long temps apres furent employez aux funerailles de luy mesmes. Apres qu'il eut passé quelque temps continuant tousiours son dueil, & qu'il commença vn peu à se remettre, & à se retirer de facherie: les plus familiers, qui faisoient tout ce qu'ils pouuoient pour le tirer de ceste tristesse, luy feirent tourner sa pensee au faict de la guerre. Et premierement il alla faire la guerre aux Cossiens, qui est vne nation fort belliqueuse, & voisine des Vxiens. Ce sont gens de montaignes, qui demeurent en des lieux forts de nature, & vivent separez & escartez les vns des autres. Si tost qu'ils voient quelque puissante armee, qui va pour les assaillir, ils s'enfuient ou par troupes, ou l'un apres l'autre, ainsi qu'il aduient, au sommet des montaignes, ou ailleurs, où ils pensent estre en seureté. Ausquels lieux ne pouuant monter vne armee, pour estre les lieux aspres & difficiles, on est contrainct de retourner arriere sans rien faire: & lors ils s'en reuont en leurs loges & retraictes, & se mettent à voler & brigander, dont ils vivent. Et combien que la saison (car ces choses se faisoient pendant l'hyuer) & l'aspreté du pays fussent fort contraires: si est-ce que luy & Ptolomee avec luy conduisant vne partie de l'armee, contrainquirent ce peuple d'abandonner les môtaignes, & les en chasserent. Tant estoit grande la prouesse & vaillance d'Alexandre que rien n'estoit inaccessible ou inuincible deuant luy. Comme il estoit en chemin pour aller de là à Babylon, il rencontra des Ambassadeurs d'Afrique: lesquels apres l'auoir hault-loué à cause des conquestes par luy faictes, & des beaux faicts d'armes par luy executez, luy posèrent sur le chef vne couronne, comme à celuy qui estoit Roy de l'Asie. Des parties d'Italie aussi les Brutiens, Lucaniens & Toscans enuoyerent Ambassadeurs vers luy, pour luy faire entendre combien ils estoient ioyeux des victoires par luy gaignees. On dict que les Carthaginois en feirent autant. Qu'il vint aussi des Ambassadeurs de la part des Ethiopiens: pareillemēt des Scythes qui habitent en l'Europe: des Gaulois Celtiques & des Espaignols, le hault-louans,

Guerre contre les Cossiens.

Rien n'estoit inaccessible où inuincible deuant Alexandre.

Ambassadeurs d'Afrique vers Alexandre. Autres Ambassadeurs d'Italie.

Autres Ambassadeurs des Carthaginois, Ethiopiens, Scythes d'Europe, Gaulois Celtiques, & Espaignols.

& demandans son amitié & alliance. Les noms & accoustremens desquels furent lors premierement cogneuz par les Macedoniens. On tient aussi qu'il envint d'entre eux vers luy, pour le requerir de les vouloir mettre d'accord, touchant quelsques differents qu'ils auoient ensemble. Adonc sembla bien à Alexandre, & à ceux qui estoient avec luy, qu'il estoit vrayment Monarque dominât sur la terre & sur la mer. Ariste & Asclepiade (lesquels ont pareillement escrit des conquestes d'Alexandre) racontent que les Romains aussi enuoierent en Ambassade vers luy: & que apres qu'il eut entendu d'eux bien au long leur origine, progres & manieres de viure, & l'estat de leur Republicque, il dict, comme fil eust prophetisé, qu'ils seroient grands & puissans à l'aduenir. Mais ie ne voudroy pas asseurer de cela, comme de chose bien certaine: aussi ne le voudroy-je pas reiecter comme chose incroyable: ia-soit que pas vn de tous ceux qui ont escrit de l'histoire Romaine, ne face aucune mention de ceste Ambassade: ny pareillement Ptolomee & Aristobule, que ie suy d'aduâtage. Aussi n'est il pas vraisemblable, que les Romains, qui estoit vn peuple tant curieux & ialoux de sa liberté, eussent enuoie des Ambassadeurs vers vn Roy estranger, si loing d'eux, & par si grande distance de lieux par mer & par terre: veu mesmes qu'il n'y auoit, ny craincte, ny esperance aucune, ou consideration apparente de leur proufit, qui les eust peu inciter à ce faire: & qu'ils haïssoient à mort les Roys & Monarques, comme oppresseurs de la liberté d'autrui. Apres cela, Alexandre enuoya Heraclide fils d'Argee avec des charpentiers & autres ouuriers en Hyrcanie, pour faire des nauires longs les vns couuerts, les autres à iour de la façon de ceux de la Grece, couppans des matieres es montaignes de là. Car il auoit fort grand desir de sçauoir à quelle mer se ioinct la Caspienne ou Hyrcanienne: si c'est au Pont Euxin, ou à la mer Oceanne, laquelle du costé de Leuant vers les Indiens enuironne la terre, iusques au goulfe d'Hyrcanie: ainsi qu'il auoit cogneu par experience, que la mer Per-

sique,

Ariste & Asclepiade ont escrit des conquestes d'Alexandre

Les Romains enuoient vers Alexandre.

Alexandre predict la grandeur des Romains.

Les Romains amateurs de leur liberté.

Les Romains haïssoient les Roys & tous autres Seigneurs souverains.

De la mer Caspienne ou Hyrcanienne.

fique, que d'autres appellent la mer rouge, n'est qu'un goulfé de la grand mer Oceanne. Car de ce temps là le commencement de la mer Caspienne n'estoit pas encores cogneu : combien qu'il y ayt beaucoup de peuples & nations qui habitent és enuirs d'icelle, & qu'elle soit renommée, à cause de beaucoup de riuieres nauigables qui y vont descendre, comme l'Oxe, qui descend de Baëtres, & est le plus gros fleuve de l'Asie, hors-mis ceux de l'Indie, & va tomber dans ceste mer. Autant en fait Oxyarte, qui passe par le pays des Scythes. On tient aussi que l'Araxe, qui vient de l'Armenie, tombe dans ceste mesme mer. Il y a encores plusieurs autres riuieres, dont les vnes se ioignent avec les susdictes, d'autres ont leur cours separé : toutes lesquelles se deschargent dans ceste mer Caspienne. On sçait bien quelles sont celles-là, pour auoir esté descouuertes & recogneues par ceux qui furent avec Alexandre : mais celles qui sont de l'autre costé du goulfé, qui est habité par les Scythes qu'on appelle Nomades, sont du tout incogneues à ceux de deçà. Quand il eut passé la riuere du Tigre, comme il approchoit avec son armée de Babylon, les deuins Chaldeans allerent au deuant de luy, & le tirans à part le prierent de differer son voyage à Babylon : disans qu'ils auoient eu reuelation par l'oracle de Bel, qui estoit adoré là pour un dieu, que s'il entroit en ceste saison à la ville, il luy en prendroit mal. De l'aduertissement desquels il ne fit que rire, & dict tout haut un vers d'Euripide, qui est de telle substance: Bon deuin est celuy, qui predit choses vrayes. Ils luy replicquerent, Puisque ainsi est, Sire, que vous estes deliberé d'y entrer, quand vous arriueriez avec vostre armée, n'allez point vers le Ponent : ains faites prendre le tour à toute vostre suite, à fin qu'en entrant vous aiez le visage tourné au Levant. Il auoit proposé d'ainsi le faire : mais par ce que le chemin estoit facheux, estant marécageux & couuert d'eau, il fut contrainct de changer d'aduis : soit que la fortune voulsist, ou le destin, qu'il allast par un chemin qui luy deuoit apporter la fin de ses iours. Mais peut estre fut-il bon

Les deuins
Chaldeans
predisent à
Alexandre
que son arri-
uée à Baby-
lon luy sera
malheureu-
se.
Oracle du
dieu Bel.

L'homme
est heureux
qui meurt au
comble de
ses felicitez,
à cause des
calamitez
qui peuuent
suruenir.

L'homme
ne doit estre
estimé heu-
reux auant
sa mort.
Achille sou-
haitta d'estre
trespassé a-
uant la mort
de Patrocle
son amy.

Temple de
Bel demoly
par Xerxes.

pour luy, de laisser ceste vie au temps qu'il estoit au suprême degré d'honneur & de felicité : & qu'il estoit encores aimé & chery des siens : de peur que quelque calamité qui pouuoit aduenir, ne souillaist tant de belles victoires par luy obtenues. Auquel propos on dist, que Solon, en donnant vn iour conseil à Crese, luy dist, Qu'il falloit regarder la fin de la vie, & que deuant on ne pouuoit asseurément dire vn homme, quel qu'il fust, estre heureux. Et qu'ainsi soit, la mort d'Ephestion ne doit pas estre estimee vn petit inconueniēt adueni à Alexandre : lequel à mon iugement l'eust mieux aimé preuenir par mort, que d'en faire l'experience pendant sa vie : ne plus ne moins qu'Achille eut regret qu'il n'estoit trespassé auant la mort de Patrocle, plustost que d'estre demeuré pour venger sa mort. Alexandre auoit quelque opinion que les Chaldeans vouloient destourner son arriuee à la ville, plustost pour quelque consideration particuliere qui les touchast, que pour chose qui leur eust esté reuelée par l'oracle. Pour autant qu'il y auoit vn temple de Bel au milieu de la ville, que les Babylo-niens auoient en grande reuerence, lequel auoit esté fait de briques, grand & bien basti à merueilles. Ce temple, ainsi que les autres lieux sacrez des Babylo-niens, auoit esté abatu & demoly par Xerxes à son retour de la Grece. Et auoit Alexandre en fantasie de le faire rebastir : & ainsi que quelques vns ont escrit, de le faire plus grand & spacieux que deuant, estendant d'auantage les fondemens : & à ceste fin il auoit dès aupara-uant commandé de nettoier & decrombrer la place. Et par ce que ceux ausquels il auoit donné charge de ce faire, sy estoient portez assez negligemment, il auoit deliberé de sy employer luy mesmes, & d'y faire besongner tous ceux de son armee. Il y auoit beaucoup de terres, de rentes & reuenu en argent, qui auoient esté laissez à Bel par les precedents Roys Assyriens : dont on entretenoit le temple d'ornemens & d'autres choses necessaires, mesmes pour les sacrifices. Mais depuis le temple ruiné ces Chaldeans partissoient entre eux le reuenu, d'autant qu'il n'estoit plus de besoing d'en rien prendre pour employer au temple.

au temple. Pour ceste cause il auoit soupçon qu'ils estoient marris de sa venue à la ville : & qu'ils craignoient que quand le temple seroit rebasty , qui debuioit estre bien tost , ils fussent priuez de si grands deniers . Aristobule toutefois escrit qu'Alexandre se voulut destourner, & tirer du costé que les Chaldeans luy auoient dict : & que la premiere iournee il campa ioignant l'Euphrate : & le lendemain il passa plus outre costoyant la riuere à main droicte, voulant passer outre la part de la ville qui est vers le Ponent, à fin d'auoir le visage tourné à l'Orient : mais qu'il ne peut entrer en la ville par ce costé avec son armee : par ce que quād il voulut tourner vers l'Orient, il fut empesché au moyen des marrests qui y sont. De sorte que soit qu'il le voullist ou non, tant y a qu'il n'obeit pas à l'Oracle de Bel. Vne autre chose de mesme raconte Aristobule, que Apollodore Amphipolitain , qui estoit de la gendarmerie des amis, & General de l'armee, qu'il auoit laissée à Mazee Satrape des Babylonien, apres auoir fait la reuerence à Alexandre , voyant qu'Alexandre à son retour d'Indie punissoit si seuerement les Satrapes & gouuerneurs qu'il auoit establiz par les prouinces, escriuit à vn sien frere appellé Pithagore, qui estoit fort bien entendu à predire les choses futures par l'inspection des entrailles des bestes immolees, qu'il le prioit de luy mander ce qu'il pensoit luy denoir aduenir touchant sa vie. L'autre voulāt sçauoir pourquoy il luy mandoit cela, & si craignoit quelque chose: il luy escriuit qu'il craignoit le Roy & Ephestion. Ceste responce entendue, il sacrifia pour le regard de la personne d'Ephestion : & comme il regardoit les entrailles, veit qu'il n'y auoit apparence aucune de teste au foye de la beste immolee. Au moien dequoy il despescha vn homme seur vers Apollodore son frere, & luy bailla lettres biē cachetees escrites de Babylō à Ecbatanes : par lesquelles il luy mandoit, qu'il ne deuoit rien craindre de la part d'Ephestion d'autant que dans peu de tēps il mourroit. Apollodore receut ces lettres, ainsi que Aristobule recite, le iour de deuant que Ephestion trespassast. Quel-

Pithagore
grand deuin.

Divination
par inspectiō
des entrailles
de bestes
immolees.
Pithagore
predict la
mort d'Ep-
hestion,
puis d'Alex-
andre.

que temps apres sacrifiant touchant la personne d'Alexandre, & regardant le foye de la beste, ne s'y trouua semblablement point de teste: & en escriuit autant à son frere, pour le regard d'Alexandre, qu'il auoit ia fait d'Ephesstion. Ce que Apollodore ne peut taire, ains alla trouuer Alexandre & luy conta tout, plus pour luy donner à entendre qu'il estoit bien affectionné à luy faire seruice, que pour enuie qu'il eust de l'aduertir du danger où il deuoit tomber. Alexandre le loua grandement pour sa bonne affection: & quand il fut arriué à Babylon, il demanda à Pithagore, d'où il auoit peu cognoistre ce qu'il auoit escrit à son frere. Pithagore luy dict, que ç'auoit esté de ce que les foyes des bestes s'estoient trouuez sans teste. Luy demandant de rechef, que cela signifioit? vn grand mal, respondit il. Tant s'en faut qu'Alexandre sceut mauuais gré à Pithagore à cause de cela, que au contraire il le prit en affection, & l'aima depuis plus que iamais, pour autant qu'il luy auoit dict rondement, & sans luy rien desguiser, ce qu'il en pensoit. Voila qu'Aristobule recite auoir entédu par la bouche mesmes de Pithagore. Lequel en predist quelque temps apres tout autāt à Perdiccas, & à Antigone, voyant que les entrailles ne monstroient rien de bon: à sçauoir à Perdiccas, au temps qu'il conduisoit son armee pour combattre contre Ptolomee: & à Antigone à la bataille qu'il eut contre Seleuc & Lyfimach à Ipse. Il se trouue aussi escrit de Calan le sage Indien, que cōme il vouloit mōter sur le buscher prest à mourir, il dit Adieu à tous ses amis, fors à Alexandre: auquel il dit qu'il le reuerroit à Babylon, & là luy diroit Adieu. Desquelles paroles ne feirent cas pour lors ceux qui estoient presens: mais apres le trespas d'Alexandre à Babylon, ils s'en souuindrent, & trouuerent, que pour tout seur c'estoit vne prediction de la mort d'Alexandre. A l'entree d'Alexandre à Babylon allerent au deuant de luy des Ambassadeurs des Grecs. Quelles estoient leurs charges, & pourquoy ils alloient vers luy, on n'en est pas bien certain. Toutefois i'estime bien que ce n'estoit pour autre cause, que pour luy faire entendre

Pithagore
predist la
mort de Per-
diccas &
d'Antigone.

Calan mou-
rant dict à
Alexandre
qu'il luy di-
roit Adieu, à
Babylon-

Ambassade
des Grecs
vers Ale-
xandre.

entendre qu'ils estoient bien ioyeux de tant & si belles victoires qu'il auoit gaignees, mesmement contre les Indiens, & de ce qu'il estoit retourné sain & sauf de l'Indie avec son armee. Il leur feit fort bon recueil : & apres les auoir honorablement festoyez les licencia : leur permettant faire remener en leurs pays, toutes les statues des hommes de nom, les simulachres des dieux, & toutes autres choses consacrees aux dieux, qui se trouueroient auoir esté transportees de la Grece par Xerxes, fust à Babylon, à Suses, aux Pasargades, ou en quelque autre lieu de l'Asie. Entre autres choses furent trouuees les statues de cuiured'Harmodie & Aristogitô, lesquelles furēt remenees à Athenes, & avec le simulachre de Diane la Cerceienne. A Babylon Alexandre receut sa flotte, ainsi que recite Aristobule : à sçauoir vne partie par la riuiera d'Euphrate, qui venoit du goulfe Persique, dont estoit general Nearch : le surplus auoit esté amené par terre de la Phenicie : & pour ce faire on auoit mis en plusieurs pieces les vaisseaux, à fin qu'on les peust charrier commodément. Il y auoit deux galeres à cinq rames pour banc, trois à quatre rames pour banc, douze à trois, & encores d'autres vaisseaux iusques au nombre de trente. Tous lesquels ainsi mis par pieces furent menez par charroy de la Phenicie iusques à l'Euphrate à la ville de Thapsac : où ils furent rassemblez, & mis sur l'eau pour les faire baisser iusques à Babylon. Outre cela, il auoit fait faire d'autres vaisseaux de bois de cypres, dont y a abondance en Assyrie : & n'y a autre bois propre à faire bateaux ou nauires : & auoit fait venir des matelots Porphyriens & Pheniciens, & autres du pays bas vers la mer, en grand nombre. Et auoit desia donné ordre pour faire vn port à Babylon, où peussent tenir mil longues nauires, & encores vn haure en ce mesme port. Il enuoya aussi Miccale Clazomenien avec cinq cens talents * en Phenicie & Syrie, pour louer ou acheter autant de matelots, forçats & autres entendus & seruans au fait de la marine, qu'il en trouueroit. Car il auoit en l'esprit de mener des colonies, c'est à dire, gens pour habiter, à la coste du goulfe Persique, & es Isles

Antiquail-
les de Grece
transportees
en Asie, ren-
dues aux
Grecs.

Statues de
Harmodie &
Aristogiton.
La flotte
d'Alexandre
arriuee à Ba-
bylon.

Galeres me-
nees en pic-
ces par char-
roy depuis la
Phenicie ius-
ques à l'Euphrate.

* Trois cens
mil escus.

Alexandre
en delibera-
tion d'aller
côbattre les
Arabes.

prochaines. D'autant qu'il auoit opinion que ceste contree là ne seroit pas moins riche & opulente à l'aduenir, que la Phénicie. Et estoit fort ententif à mettre sus vne puissante armee sur mer, aiant volonté d'aller faire la guerre aux Arabes, qui est vne nation forte en nombre d'hommes: prenant l'occasion de leur mener guerre, de ce que eux seuls de tous les Barbares de ces pays là n'auoient point enuoyé vers luy, pour requerir son amitié & alliance: & si n'auoient daigné le recognoistre ny gratifier aucunemēt. Mais ie suis d'opinion que plus que toute autre chose, le prouuoit à ce faire, vne cupidité de cōquerr pays sur pays, dont il estoit insatiable. Toutefois on a tenu pour vray, que la seule cause de luy faire entreprēdre ce voyage auoit esté, qu'il auoit entēdu que les Arabes n'adoroient que deux dieux, à sçauoir le Ciel, & Denis ou Bacchus. Le ciel pour autant qu'il cōtient en soy les astres & estoilles, entre autres le soleil, qui est si proufitable aux choses humaines. Denis, d'autāt qu'il auoit penetré par force d'armes iusques en Indie. Et luy sembloit que si ainsi estoit, il ne feroit rien qu'il n'eust bien meritē, & qui ne fust raisonnable, quand il se feroit reuerer par eux pour vn troisiēme dieu: veu que ses faicts n'estoient en rien moindres que ceux de Denis. Et aussi qu'à ce faire il les pourroit prouoquer par bienfaicts, mēsmement quand les aiant subiuguez, il les lairroit viure en toutes leurs libertez & franchises. D'auantaige la richesse & bonté du pays l'incitoient, oyant dire que la casse y croissoit és lieux marescageux: que l'on recueilloit és arbres du myrrhe & de l'encēs: qu'on y coupoit du cinamome ou canelle de petis arbrisseaux, & que par les chāps venoit le nard de soymēmes sans planter ne semer. On luy disoit aussi que la coste d'Arabie n'estoit pas de moindre estendue que celle del'Indie: & que de terre ferme on y voyoit beaucoup d'Isles. On disoit d'auantaige que en plusieurs & diuers endroits y auoit des ports de mer, & des haures fort commodēs pour la retraicte des naures: & des villes tant & plus, fort riches & commodēs pour habiter. Qu'il y auoit aussi deux Isles droict à l'opposite de l'embouscheure d'Euphrate,

d'Euphrate, dont la plus proche de terre ferme est à sept lieues & demie de ceste riuere, & du riuage de la mer : & estoit ceste là la plus petite, couuerte de bois & forests, & sans labour pour la pluspart. Qu'en icelle y auoit vn temple de Diane, és enuiron duquel demeurent les habitans de là. Que les cerfs & dains se promenoient pas trouppes és boys sacrez d'alentour du temple, lesquels n'estoit permis tuer, fors és sacrifices. Aristobule escrit qu'Alexandre commanda depuis qu'on appellast ceste Isle là Icarienne, du nom de l'Isle Icarienne, qui est située en la mer Egeienne : où lon dict que tomba Icare fils de Dedale, estant fonduë la cire des ailes qu'il festoit attachees, ce qui aduint de ce que contre le commandement de son pere, qui estoit de voller bas & pres de terre, il auoit pris son vol temerairement, haut en l'air, où estant fonduë la cire de ses ailes par l'ardeur du Soleil, il donna par sa cheute son nom à l'Isle & à la mer : dont ceste Isle s'appelle Icare, & la mer d'alentour Icarienne. L'autre Isle à ce qu'on disoit, est esloignée de la bouche de la riuere, de la nauigation d'un iour & d'une nuit, aiant vent propice : & s'appelle Tyle. Elle est bien grande, & non trop aspre ou boccegeuse : mais assez propre pour porter des fruiçts doux & bons à manger. Ces choses furent racontées à Alexandre par Archias : qui aiant commission d'aller decouurir bien loing en mer avec vn vaisseau à trête rames pour banc, auoit nauigé iusques à Tyle, & n'auoit osé tirer plus auant. Androsthenes pareillement fut enuoyé avec vn autre semblable nauires, qui decouurit vne grande partie de la coste d'Arabie. Celuy qui vogua le plus loing fut Hieron iadis gouverneur de Soles : auquel Alexandre auoit donné charge d'aller recognoistre la Cherronese d'Arabie (qui est vn lieu enuironné de la mer presque de tous costez en forme d'Isle) iusques à ce qu'il fust paruenue au goulfe Arabic, voisin de l'Egypte, à la ville des demi-dieux. Mais il n'alla pas iusques là, encores qu'il eust nauigé quasi toute la coste d'Arabie. Mesme-ment quand il fut de retour, il feit recit à Alexandre que ceste Cherronese a autant de tour, que la coste d'Indie : à cause d'un

Isle Icarienne.

Fable de Dedale & Icare.

Isle de Tyle

De ceux qui par le commandement d'Alexandre nauigerent les costes Indienne & Persique.

Cela est plus
au long au
liure suiuant.

Pallacopas,
fleuve.

De l'Euphrate.

promontoire qui s'aduance fort en mer, lequel auoit ja auparavant esté descouuert par ceux qui auoient fait le voyage par mer avec Nearch depuis l'Indie, auant qu'ils fussent tournez au goulfe Perfique : & peu s'en estoit fallu qu'ils ne fussent allez iusques là, estant bien d'aduis le pilote Onesicrit qu'on le deuoit faire. Mais Nearch escrit, qu'il ne le voulut pas permettre : à fin qu'apres auoir recogneu de toutes pars le goulfe Perfique, il peust au plustost rēdre raison certaine à Alexādre de sa cōmission, & de ce pourquoy il auoit esté là enuoyé. D'autant qu'il n'y auoit pas esté enuoyé pour descouurir la mer Oceāne, ains pour recognoistre les pays maritimes & les habitans d'iceux, leurs manieres de viure, leurs haures, ports, eaux, terres de labeur, iusques aux sauarts & terres non cultiuees : & que c'estoit bien le meilleur d'ainsi faire, pour le profit & conseruation de la flotte : laquelle il n'eust esté au monde possible de sauuer, s'ils eussent tiré iusques aux deserts d'Arabie. Pour laquelle cause aussi on dict que Hieron s'en estoit retourné. Pēdāt le temps qu'on refaisoit les galeres, & qu'on tiroit la terre pour faire vn port à Babylon, Alexandre se meit sur l'Euphrate, pour aller à la riuiera de Pallacopas. Ceste riuiera est distante de Babylon d'environ cinquante lieues : & prend son origine de l'Euphrate, & non d'aucune source ou fontaine. Car l'Euphrate qui a son commencement aux montaignes d'Armenie durant la saison de l'hyuer que l'eau se congele & tourne en neige, est bas & estroict, ne desbordant point de son canal. Mais sur le printemps, & plus encore l'esté quand le Soleil commence à retrograder, au moyen de ce que les neiges se fondent, il s'enfle & desborde par le pays des Assyriens : & noyeroit tout le pays voisin, s'il ne se deschargeoit dans la riuiera de Pallacopas, & dans des lacs & marests : lesquels durent iusques à vne contree qui confine à l'Arabie : puis ils s'escoulent, tousiours vaseux, sinon que sur la fin ils se perdent dans des fosses & conduicts soubterrains, & se vont rendre à la mer. Apres les neiges fondues, principalement vers l'abaissement des Pleiades, l'Euphrate est plus bas : & neant-

moins

moins il ne laisse pas de regorger par le Pallacopas, & à se descharger d'as des lacs & marefcages. Et si le Pallacopas n'estoit bien ferré & contrainct iusques à repousser à mont l'eau qui y tombe, l'Euphrate demoureroit tellement espuisé & à sec, qu'il n'arrouseroit plus les terres des Assyriens. Au moien de quoy le Satrape des Babyloniens a ceste charge de faire des retenues au passage par où il entre au Pallacopas. Ce qui se fait avec vn grand trauail (ia-soit que assez facilement on l'ouure & desbouche puis apres)d'autant que la terre y est limonneuse, estant trempee de l'eau de la riuere, & ne peut pas facilement porter ce reiect & refluxion d'eau. Cest ouurage duroit trois mois à faire, & y auoit bien dix mil hommes à trauailler. Alexandre en ayant ouy parler, il luy prit enuie de faire quelque chose, qui tourneroit grandement au proufit des Assyriens. Et de fait il auoit deliberé de faire bouscher plus fort l'entree de l'Euphrate au Pallacopas. Et estant passé plus auant enuiron deux lieuës, trouua de la terre plus solide entremeslee de pierres, laquelle tiree de là, & ietee dans le vieil canal du Pallacopas, eust empesché que l'eau s'escoulast si aisément, à cause de sa fermeté & solidité: & partant en la saison accoustumee ce regorgemēt d'eau eust esté moins incommode. A l'occasion de cela principalement Alexandre entra au Pallacopas avec ses vaisseaux, & alla si auāt, qu'il paruint par des lacs iusques aux confins del'Arabie. Où il trouua vne assiette belle pour y bastir vne ville, laquelle luy pleut grandement: & de fait y feit construire vne ville: où il feit aller demeurer ceux des Grecs qui estoient à son seruiue, qui ne pouuoient plus suiure le camp, les vns pour la vieillesse où ils estoient, les autres pour maladie, ou quelque autre accident: lesquels aimerent mieux y aller habiter, que plus suiure l'armee. Apres cela, ne se donnant plus de peine des aduertissemens qui luy auoient esté baillez par les Chaldeans, d'autant qu'il n'estoit point tombé en danger (encores qu'il eust esté à Babylon, & d'illeques forty) comme si le temps eust eu emporté tout le peril,

Ville bastie
par Alexan-
dre aux con-
fins d'Arabie

se meit en voye pour s'en retourner par eau tout gay & delibéré, par les marests & paluds, aiant Babylon à main gauche. Il y eut beaucoup de vaisseaux qui se perdirent vogâts esgarez deçà & delà, ne sçachans ceux qui les conduisoient, où ils estoient, à cause des tours & destroicts des marests : mais il leur enuoya vne guide, pour les faire regagner le fleuve, & ramena sa flotte entiere. On dict, que és enuirs de ces marests & lacs y a plusieurs sepulchres de Roys des Assyriens. Et ainsi qu'il gaignoit pays par eau, & lors que de fortune il gouuernoit, comme l'on dict, le vaisseau où il estoit, qui estoit vne galere à trois rames pour banc, il se leua vn vent fort impetueux, qui luy abbatit son habillement de teste, & le diademe qui estoit dessus. Et que son diademe porté par le vent fallà attacher à vn roseau, qui estoit creu aupres du monument de l'vn de ces anciens Roys : & son habillement de teste, d'autant qu'il estoit plus pesant, tomba dans l'eau, assez pres de luy. Ce qui fut pris pour vn presage de l'infortune qui deuoit aduenir. Il en aduint encores vn autre de plus mauuaise apparence. Car ainsi qu'un marinier disposé de sa personne se fut ietté dans le marest pour aller querir le diademe : quand il l'eut, il ne l'osa porter en sa main, de peur de le mouiller en nageant, ains le meit sur sa teste, & en ceste façon le reporta à Alexandre. La pluspart de ceux qui ont escrit des faicts d'Alexandre, recitent qu'il luy fut baillé vn talent pour sa peine, & que apres qu'il l'eut receu, il fut executé à mort : disans les deuins Chaldeans, qu'on ne deuoit laisser viure la teste qui auoit porté le diademe Royal. Aristobule, lequel ie croy plus que ceux là, recite qu'il eut le talent, puis le fouët, par ce qu'il auoit affublé le diademe : & que cestui-là estoit Phenicien. Il y en a qui asseurent que ce fut Seleuc : & que cest acte denotoit la mort d'Alexandre : & que à Seleuc deuoit dans peu de temps eschoir vn grand Empire & Seigneurie. Pour autant que entre tous ceux qui succederent à Alexandre, Seleuc fut vn puissant Roy, tant en pays, terres & seigneuries, que en courage & pouuoir, & qu'il fut plus grand que

Seleuc puissant Roy apres la mort d'Alexandre.

que nef-vn des autres. Quand Alexandre fut de retour à Babylon, il trouua Peucestas reuenu de la Perse avec vingt mil Perfes. Il auoit pareillement amené de grandes forces de Tauriens & Cosséiës. Aussi estoit arriué de la Carie Philoxene avec vne grosse creuë de soldats du pays : & de Lydie Menander, qui auoit amené plusieurs compagnies de Lydiens. Semblablement estoit arriué Menidas avec son regiment de gendarmerie. En ces entrefaictes vindrent des Ambassadeurs de la Grece. Lesquels tous couronnez de chapeaux de fleurs se presenterent à Alexandre : & apres l'auoir haut loué avec vne grande gayeté de cuer, luy meirent sur la teste des couronnes d'or, le reuerans comme vn dieu. Mais luy ny eux ne sçauoient pas combien sa mort estoit prochaine. Apres qu'il eut parlé aux Perfes, & montré tous signes de bienueillance de ce qu'ils auoient porté à Peucestas l'obeissance qu'ils deuoient, & à Peucestas, de ce qu'il les auoit modestement & sagement gouuernez, & acconduicts, il les departit par les compagnies Macedoniennes : de maniere toutefois que chasque capitaine & caporal estoient Macedoniens, & pareillemēt chasque sous-caporal, qu'on nommoit Decastateres à cause de la paye qu'ils receuoient, laquelle estoit plus petite que celle du caporal, mais aussi estoit elle plus grosse, que celle de ceux qui estoient aux compagnies sans charge & sans commandement. Il y auoit douze Perfes apres le sous-caporal qui estoit Macedonien, & auoit de paye dix stateres*. Au moien dequoy il aduenoit qu'en chascune compagnie y auoit quatre Macedoniens, dont y en auoit trois qui receuoient plus de paye que les autres, & le quatrième commandoit à toute la compagnie : puis apres estoient douze Perfes. Les Macedoniës estoient armez à la mode de leur pays. Quant aux Perfes, les vns portoient des arcs & fleches, les autres des dards & iauelots, qu'ils retiroient apres coup donné avec des cordes à quoy ils tenoient. Ce temps pendant Alexandre exerçoit sa flotte à la rame. Les vaisseaux à trois rames pour banc, combattoient contre ceux à quatre rames pour banc,

Nouvelles
forces arri-
uent au ser-
uice d'Ale-
xandre.

Alexandre
departit les
estrangers par
les compa-
gnies Mace-
doniennes.

* Qui mon-
toiet à deux
escus vn tiers
de nostre
monnoye.

Alexandre
exerce sa flot-
te à la rame.

Ephestion
tenu pour vn
demi-dieu
selon l'ora-
cle d'Am-
mon.

Desir d'Alex-
andre de per-
petuer la me-
moire d'E-
phestion.
Ordonnâce
d'Alexandre
d'apposer
le nom d'E-
phestion aux
contrâcts.

pour môstrer qui seroient les plus vistes & plus agiles : & ceux qui demouroiét victorieux, tant matelots que pilotes & gouuerneurs, estoient honorez de couronnes. En ce mesme tēps reuindrēt ceux qu'il auoit enuoyez vers Ammiō pour sçauoir quel honneur il deuoit faire à Ephestion trespasé : lesquels rapporterent qu'on luy deuoit faire sacrifice comme à vn demi-dieu, & que le vouloir d'Ammon estoit tel. Il fut bien ioyeux de cest oracle : & ordonna que de là en auant Ephestion fust tenu & reueré pour vn demi-dieu : & institua des sacrifices tels qu'il estima luy appartenir. Apres cela il enuoya vnes Lettres patentes à Cleomene (qui estoit homme fort meschant , & qui auoit fait de grands torts & concussions à l'endroiēt des Ægyptiens) lesquelles ie ne vouldroy en rien blasmer en ce qu'elles concernoient l'amour & bien-veillance qu'il portoit à Ephestion decedé. Mais il y a beaucoup d'autres choses , pour raison desquelles à mon iugement on les pourroit à bon droit reprendre. Il mandoit par ces patentes qu'on bastist des temples à Ephestion à la ville d'Alexandrie , & en l'Isle de Pharos , en laquelle y auoit vne tour belle en perfection, tant à cause de la grandeur, que de la forme & artifice dont elle estoit : & vouloit que ceste Isle de Pharos fust dorensuât appelée du nom d'Ephestion. D'auantage que par les notaires & tabelliōs, le nom d'Ephestion fust inscript & apposé aux contrâcts qu'ils passeroient. Ce que ie trouue estrange, entant qu'il s'empeschoit plus qu'il ne deuoit de choses de petite importance. Mais ce que i'estime sur tout digne de reprehension, c'est cecy : Si (escriuit-il à Cleomene) ie treuue à mon arriuee en Ægypte les temples d'Ephestion faicts au moien de la diligence que vous y aurez mise, ie vous remettray, non seulement les fautes & maluerfations du passé, mais aussi toutes celles que aurez depuis commises. Ie ne puis que ie ne trouue estrange, que cela ait esté escrit par vn si puissant monarque à vn homme qui auoit commandement sur tant de peuples, & qui pis est, meschant homme. Or approchoit la fin d'Alexandre, laquelle Aristobule escrit auoir esté

esté presagée & preueüe à cela principalement: Que pendant le temps qu'il departissoit les bandes qui estoient venues avec le gouverneur Peucestas, & celles qui estoient retournees de la mer avec Philoxene & Menander, (ainsi que nous auôs dict nagueres) par les compagnies Macedoniënes, il se sentit fort alteré de la soif. Parquoy il se leua de son siege (de costé & d'autre duquel y auoit des liëts seruans de sieges, qui auoient les pieds d'argent, sur lesquels ses plus familiers estoient assis) & se retira vn peu à l'escart. Cependant il y eut vn homme, on n'a iamais peu sçauoir qui il estoit (quelsques vns veulent dire que c'estoit vn prisonnier de guerre & esclau) lequel voyant la chaire du Roy vuide, passa au trauers des Eunuches qui estoient à l'entour du siege, (car les Princes & Seigneurs plus familiers du Roy l'auoient suiuy) & sy alla asseoir. Quoy aperceu par ceux qui estoient là aupres, d'autant qu'ils ne l'osoient pas ietter hors du siege, obstant la loy des Perses, de douleur qu'ils en receurent, comme sil leur fust aduenu quelque grand infortune, & prenans cela pour vn mauuais presage, commencerent à deschirer leurs habits, & à se battre & esgratigner le visage & la poitrine. On l'alla rapporter à Alexandre, qui commanda que sur le champ on tirast de là ce rustre, & qu'on luy baillast la geine: pour sçauoir de luy, sil auoit point entrepris cest acte si hardy à la fuscitation de quelqu'un. Il ne confessa rien de personne: ains soustint tousiours, que ce qu'il auoit fait, ç'auoit esté par vne temerité & legereté. Au moien dequoy, les deuins interpreterent cela, comme chose qui estoit beaucoup plus à craindre qu'elle n'eust esté autrement. Peu de iours apres, apres auoir sacrifié aux dieux, ainsi qu'il auoit de coustume, pour leur rēdre graces de tant de belles victoires qu'il auoit obtenues: & auoir ordonné d'autres nouueaux sacrifices, par l'aduis & conseil des deuins, il se meit à faire bonne chere avec ses plus familiers & amis, & continua le banquet quasi iusques à la nuict. On dict, que en ces sacrifices il feit distribuer du vin par les escouades & compagnies. Il y en a qui escriuent qu'apres le repas, il se voulut retirer à sa

Vn esclau
monte à
la chaire de
Alexandre.

Q

Registres
ausquels on
escriuoit ce
que faisoit
Alexandre
par chascū
iour.

Maladie d'A
lexandre dōc
il mourut.

chambre : mais qu'il y eut vn nommé Medie de la gēdarmērie des amis, & qui pour lors estoit en grace & credit, qui le pria d'aller chez luy : qu'il y auoit chose à laquelle il prendroit plaisir. Les registres & memoires, où est escrit ce que faisoit Alexandre par chascun iour, portent qu'apres qu'il eut esté quelque temps à veoir iouer des ieux au logis de Medie, il prit du vin : puis festant lauē s'en alla reposer : & qu'il souppa chez le mesmes Medie, & apres soupper se meit à boire iusques à la pluspart de la nuit : au sortir de table il se baigna & estuua de rechef, puis mangea vn bien peu : & que là, d'autant que la fieure le tenoit desia, il coucha. Puis apres festant fait porter dans vne liētiere à bras, il sacrifia, ainsi qu'il auoit de coustume par chacun iour. Et que pendant ce temps il commāda aux capitaines & chefs de bandes de donner ordre à partir : à sçauoir à ceux qui deuoient aller par terre, de se tenir prests pour partir le quatriēme iour d'apres : & à ceux qui iroient par eau avec luy, le cinquiēme. Et qu'apres cela il se fait porter dans vne chaire à bras iusques à la riuere : sur laquelle il se meit dans vn basteau, & passa pour aller à des iardins & lieux de plaissance, où il festuua de rechef, & reposa. Que le lendemain apres festre encores estuue, il fait les sacrifices accoustumez aux dieux. Puis retournant au chasteau se meit à deuiser avec Medie, & commanda que tous les capitaines & autres qui auoient charge aux compagnies, le vinssent trouuer le lendemain au matin : & qu'apres cela, il souppa sobrement & māgea bien peu : puis se retira à sa chambre, où vn acces de fieure le saisit, qui le tourmēta toute la nuit. Le iour ensuiuant il se baigna encores, & sacrifia : & enioignit derechef à Nearch & aux autres capitaines & chefs de l'armee, de tenir la flotte preste à voguer au temps qu'il leur auoit dict, qui estoit le troisiēme iour d'apres. Et qu'encores se baigna il le lendemain, & fait sacrifice pour sa santé : toutefois la fieure ne l'abandonnoit point. Le iour d'apres sentāt sa maladie rengreger, il sacrifia de rechef : cela fait, se fait porter à vne maison aupres des estuues, & ne laissa point encores de sacrifier.

fier le lendemain, & le iour ensuiuant. En fin estant grandement tourmenté de la fièvre, & sentant qu'elle augmentoit tousiours, commanda qu'on feist venir au chasteau les Colonnels & les capitaines en chef de l'armee, & qu'on feist demeurer à la porte les autres chefs de bandes. Il recogneut bien ceux qui entrèrent en la chambre, mais il ne luy fut iamais possible de les appeller par leurs noms : estants desia retraicts & estroicis les conduits & organes de la voix : & tous ces deux iours là se porta fort mal. Voila ce qui se trouue és registres iournaux du Roy. Or pensoient la pluspart des soldats que le Roy fust trespasé, & qu'on celast sa mort : les autres ne se pouuoient plus contenir s'ils ne le voyoient. Parquoy tous, desolez & tristes au possible, s'en allerent où estoit le Roy, supplians qu'on leur feist ce bien de le leur faire voir. Les gardes les laisserent entrer, mais le Roy auoit desia perdu la parole. Tout ce qu'il peut faire, fut, que quand ils entrèrent il leua vn peu la teste, & les regarda, presentant la main à tous l'un apres l'autre. Il est porté par ces mesmes registres, que Python, Attale, Demophon, Peucestas, Cleomene, Menidas & Se-leuc veillerent toute la nuit au temple de Serapis : & qu'ils demanderent à ce dieu, fil seroit pas bon de porter Alexandre à son temple, pour estre pensé & médicamenté par son moien : & qu'on ouit vne voix qui respōdit, qu'il ne le falloit pas, & qu'il se trouueroit beaucoup mieux de demeurer là. Ce qui fut r'apporté à Alexandre par ses plus familiers, comme chose qui estoit tresbonne pour luy. Mais peu de temps apres, comme si c'eust esté le meilleur pour luy, il trespassa. Ce qu'en ont escript Ptolomee & Aristobule se rapporte fort à cela. Quelsques vns y adioustent que vn bien peu auant qu'il rendist l'esprit, aucuns de ceux qui estoient plus familiers de luy, luy demanderent auquel de tous les capitaines il laissoit la couronne, & qu'il respōdit, au plus homme de bien. Et qu'il feist ceste responce ainsi ambigüe, comme fil eust preueu le debat qui seroit entre eux pour dominer apres son deces. Dont il estimoit que les soldats auroient plus de re-

Mort d'Alexandre.

Alexandre laisse la couronne au plus homme de bien de ses capitaines.

Qij

Antipater &
Aristote ta-
xez par aucuns
historiens
d'auoir fait
empoisonner
Alexandre.

gret & plus longuement à sa mort. Je sçay bien qu'on a aussi escript outre cela beaucoup d'autres choses touchant la mort d'Alexandre: & entre autres qu'il mourut par poison, qui fut enuoyee par Antipater, dont fut autheur Aristote, qui auoit peur d'Alexandre, à cause de la mort de Callisthene: & fut apportee, comme aucuns estimēt, par Cassander fils d'Antipater dans le sabot du pied d'un mulet, par ce qu'on ne l'eust sceu porter autrement: & que le Roy en fut empoisonné par Iolas frere puisné de Cassander. Et escriuent encores quelques vns iusques-là, que Medie, pour autant qu'il estoit bien amoureux d'Iolas, fut participant & complice du fait: & que c'estoit pourquoy il auoit retenu Alexandre toute vne nuit en son logis, sous couleur de luy faire passer le temps en jeux & esbattements, d'autant que si tost qu'il eut beu ce qu'on luy presenta dans vne coupe, il commença à se trouuer fort mal. Il y en a aussi qui n'ont point eu de honte d'escrire, que Alexandre s'entant qu'il n'y auoit plus d'esperance de guerison en luy, s'estoit voulu ietter dans l'Euphrate au desceu de ceux de sa cour: à fin qu'on ne sceust qu'il estoit deuenue: & que par ce moien la posterité creust plus fermement qu'il estoit issu de la race des dieux, & qu'il s'estoit retiré avecques eux. Mais que la Royne Roxané sa femme, qui sçauoit bien son dessein, l'empescha de sortir, dont il fut fasché: & dict qu'elle luy portoit enuie, à ce qu'il n'emportast la gloire d'estre reputé descendu & extraict de race diuine. J'ay bien voulu toucher ce propos, plus toutefois à fin qu'il ne semblast que ie n'en eusse rien sceu, ou qu'il me fust eschappé, que pour verité ou vraysemblance que i'y trouue. Alexandre donc trespassa la cent quatorzième Olympiade, estant Hegesias grand Preuost & souuerain magistrat d'Athenes. Il vesquit trente deux ans & huit mois, ainsi que tesmoigne Aristobule. Et regna douze ans & huit mois. Il estoit bien proportionné en ses membres, endurant fort patiemment le travail, vaillant & dispos de sa personne, homme de grand cueur, conuoiteux d'honneur & reputation, autant qu'il

En quel tēps
deceda Ale-
xandre.

Ans de la vie
& du regne
d'Alexandre.

qu'il est possible, assez continent & modéré quant aux plaisirs & voluptez du corps, diligent obseruateur des ceremonies & autres choses appartenantes au seruice des dieux, homme de bon entendement, & prompt à conceuoir & descouurir les choses. Outre tout cela il estoit bien entendu & adroict à cōduire vne armee, accommoder d'armes les compagnies, les mettre en bataille: donner courage aux soldats par son parler, & quand l'occasion se presentoit, les secourir au peril de sa vie, filles voyoit bransler: donner soigneusemēt ordre par tout, preuenir les desseins & entreprises des ennemis: tenir inuiolablement ce qu'il auoit promis: ne faire cas d'or ny d'argent: se monstrier liberal enuers les siens. Que fil se treuue d'aduēture qu'il ait faict quelque acte hautain ou cruel, il me semble qu'on n'y doit pas auoir beaucoup d'esgard, si nous considerons la fleur de ieunesse en laquelle il estoit encores: le cours si heureusement continué de ses felicitéz: & les flatteurs, qui se donnent tant de peine à destourner les Roys & Princes de la cognoissance de la verité des choses, & de l'equité. D'une chose suis-je bien asseuré, que de tous les Roys du passé, il n'y en eut iamais vn, qui eust si grande repentance d'auoir failly, ne qui prist tant de peine d'amender sa faute, que luy. Car presque tous, encores qu'ils sçachent bien qu'ils se sont oubliez en quelque chose, toutefois la defendent opiniastrément, cōme iuste & faicte avec raison & droicteure, pensans par ce moyen la pallier & couurir. En quoy ils me semblent s'abuser beaucoup. Car la souueraine medecine du peché, est, à mon iugement, recognoistre & confesser sa faute, & s'en repentir. D'autant que celuy qu'on a offensé porte pour le seur, plus patiemment le tort qui luy a esté faict, fil voit, que celuy qui l'a offensé, recognoisse qu'il a failly, & qu'il se repent de luy auoir faict outrage. D'autantage, celuy qui a outragé vn autre, fil monstre qu'il est desplaisant de ce qu'il a faict, donne bonne esperance aux autres, qu'il ne tombera plus à l'aduenir en telle faute. Et quant à ce qu'Alexandre referoit sa descente & extraction à Iupiter, ie ne le treuue pas grandement à blasmer: pour au-

Vertus & bonnes parties d'Alexandre.

Alexandre capitaine bien entendu & adroit.

Les flatteurs destournent les Roys & Princes de la cognoissance de la verité. Repentance d'auoir failly louable.

L'auteur excuse Alexandre de se estre dict descendu de Iupiter.

Q^{iiij}

Theſee &
Apollon ont
ſuppoſé leur
genealogie.

Alexandre
excusé de ſe-
ſtre veſtu à la
mode des
eſtrangers.

tant qu'il ne me ſemble point auoir eſté moins excellent & renommé Prince, ſoit en vertu, ou en faiſts, ou en gloire & reputation, que Minos, que Eac, ny que Rhadamanthe: leſquels ont referé leur genealogie à Iupiter : & toutefois ils n'en ont point eſté repris ny blaſmez des anciens. On ne taxe point Theſee ny Apollon de ce qu'ils ont faiſt & ſuppoſé qu'ils eſtoient fils, à ſçauoir ceſtui-la de Neptune, & ceſtui-cy de Iupiter. Il me ſemble auſſi que ce qu'Alexandre prit l'accouſtrement Perſien, il le fait avec vne certaine fineſſe, & pour bonne occaſion, qui eſtoit, à fin qu'il ne ſemblait ſeſtranger des façons de faire des Barbares, & pour auoir quelque frein contre la cholere des Macedoniens. Et penſe bien que pour ceſte meſme raiſon il fait entrer des Perſes Melophores aux bandes Macedoniennes: & meſſa avec la gendarmerie, d'autres en pareil degré d'honneur & dignité. Quant à ce qu'il tenoit quelquefois longuemēt table, ce n'eſtoit pas, c'eſcrit Ariſtobule, qu'il fuſt addonné au vin (car il n'eſtoit pas grād beuveur) mais pour ſe recreer avec ſes amis, & à fin de les entretenir. Que celuy donc qui ſeſforce de blaſmer Alexādre, n'ayt pas eſgard ſeulement aux choſes qui ſemblent meriter d'eſtre blaſmees en luy: mais qu'il poiſe enſemble tout ce qu'il auoit de bon & de mauuais. Qu'il regarde quel il a eſté, quel a eſté le ſucces de ſa fortune, en quel degré d'honneur il eſt monté: qu'il a commandé, ſans que perſonne l'en oſaſt ou ſçeuſt empêcher, à l'Asie & à l'Europe: que ſa renommee ſeſt eſpandue par tout le monde. Qu'il conſidere que ce qu'il y a à reprendre ſur luy, eſt peu de choſe, au regard de ce qu'on y trouue de recommandable: lors il iugera aiſément, que parmy tant de prouèſſes & autres bonnes parties, ioinēt le cours de ſa felicité, ces vices ſont tolerables: leſquels neantmoins luy meſmes deſteſtoit puis apres, comme mal ſeants à vn tel Prince. Quant à ce qui touche la deſcende & race diuine, qu'il ſattribuoit, il me ſemble veritablement que ce n'a point eſté ſans vne ſouueraine & diuine prouidēce qu'il a eſté engendré, & né au monde: veu qu'il ne ſeſt trouué encores vn ſeul homme, qui l'ait
peu

peu esgaler en conquestes & exploicts d'armes. Et semble certainement, que les oracles des dieux l'aient voulu donner à entendre à sa mort : pareillement les visions & apparitions qui sont aduenues à plusieurs & veillants & dormans : & les honneurs presque diuins qui luy ont esté faits & instituez : & beaucoup d'autres choses, comme ce qu'on a si long temps apres bien-voulu & porté faueur à la nation Macedonienne, pour l'honneur & reuerence de luy. Au moyen dequoy combien

Homme n'a
egale Ale-
xandre en cō-
questes & ex-
ploicts d'ar-
mes.

que par le discours de ceste histoire i'ay blasmé quelques vns de ses actes, ie ne laisseray pourtant de l'auoir en admiration. Et ce que i'y ay repris a esté pour de-

clairer ce que i'en pensoy, & pour le proufit

& edification d'un chascun : pour lequel

respect, & non sans quelque instinct.


& inspiratiō de la-haut, ie me

suis mis à coucher ceste

Histoire par

escript.

FIN DV SEPTIEME LIVRE.





HVICTIEME LIVRE

D'ARRIAN DE NICOMEDIE

DES FAICTS ET CONQVESTES

d'Alexandre le Grand, Roy des
Macedoniens.

*Ce traité a esté composé à part par Arrian, comme il auoit promis
cy dessus és cinquieme & sixième liures: & n'a aucune suite avec
les precedents: toutefois appartient à l'histoire d'Alexandre.*

Les Astace-
niés & Assa-
ceniens.

Les Indiens
balannez.

Les Nysséés
issus des
Grecs.
Voyage de
Bacchus és
parties de
Leuant.
Nyffe bastie
par Bacchus.



Les contrees qui sont deça le fleuve d'In-
de, vers le Ponent & la riuere de Co-
phene, sont habitees par les Astaceniens
& les Assaceniens, qui sont nations In-
diènes: & ne sont ces peuples de si gran-
de corpulence que ceux qui sont pardela
l'Inde: ne si forts & si balannez que les
autres Indiës. Ils ont esté long tēps sous

la puissance des Roys des Assyriens & des Medoys. Puis quand
la Monarchie fut tiree des mains des Medoys, ils tōberent en
l'obeissance des Perfes, & leur furent faict tributaires, paians
par chacun an à Cyr, celuy qui fut fils de Cambyse, les finances
à quoy Cyr luy mēmes les auoit cottisez. Quant aux Nyss-
séens, ils ne sont naturels Indiens: mais ils sont descendus de
ces troupes de Grecs, que Denis (autrement appellé Bacchus)
mena avec luy à son voyage és parties de Leuant iusques aux
frontieres d'Indie, où il bastit la ville de Nyffe. Pour peupler
laquelle

laquelle il y laissa ceux qui par vieillesse, maladie ou accident de guerre ne pouuoient plus porter les armes: & si y feit entrer ceux du pays qui de leur bon gré y voulurent aller demeurer: nommant la ville Nyffe, & la contree Nyffee. Mesmement il nomma la montaigne sur laquelle ceste ville est assise, Cuiffe: à cause de ce qui luy estoit aduenü à sa naissance: ainsi qu'il se trouue és romans & fables anciennes, & comme les poëtes tant Grecs que estrangers s'entendent bien à feindre telles choses. La ville capitale du pays des Affaceniens, est Massaca, qui est vne grosse cité. Il y a encores la ville de Peucela, qui est aussi vne grande ville, qui n'est pas loin de l'Inde. Lesquels Affaceniens tiennēt ceste contree, qui est depuis le riuage de delà l'Inde en venant en deça iusques au Cophene: & tout ce qu'il y a de terre par delà l'Inde du costé du Leuant, est appelé l'Indie, & ceux qui y habitent sont ceux que proprement on appelle Indiens. L'Indie est bornee vers Tramontane de la montaigne de Taure: laquelle retiēt encores le nom de Taure en ceste contree. Le Taure a son commencement à la mer vers Pamphylie, Lycie, Cilicie: & va continuant en egale hauteur iusques à l'Ocean Oriental, mipartissant toute l'Asie, portant nom diuers selon la diuersité des lieux où il festend. Car en quelques endroiĉts on le nomme Parapamise, en d'autres E-mode, en d'autres encores Emaon, & encores autrement ailleurs. Les Macedoniens & Grecs qui suiurent Alexandre en ses voyages & conquestes, l'appellerent Caucaſe: combien que Caucaſe soit vne montaigne de Scythie, & autre que le Taure. De là est aduenü qu'on tient communément pour tout certain que Alexandre passa le Caucaſe avec son armee. Le fleuve d'Inde, ainsi que nous auons diĉt, arrouſe l'Indie vers l'Occident: & se fendant, se va desgorger en deux bouches, non si proches l'vne de l'autre que sont les cinq du Danube, mais vn peu plus esloignees, comme celles du Nil, dans l'Ocean, dont se faiĉt vne isle en forme de la lettre Grecque Delta, semblable à celle d'Ægypte, que fait le Nil par ses destours, laquelle en langage Indien ils appellent Pattala. De la part du

Montaigne
de Cuiffe.

Quel pays
est propre-
mēt appelé
Indie, & cō-
me elle est
bornée.
De la mon-
taigne de
Taure.

Du mont de
Caucaſe.

De la riuere
d'Inde.

L'isle de Pat-
tala sembla-
ble au Delta
d'Ægypte.

R

Alexādre ne
passā l'ariue-
re d'Hypha-
sis.

Palimbo-
thra princi-
pale ville des
Indiens.

Treize mil
stades vallēt
812 lieuës &
demie Fran-
çoises.

De la lon-
gueur & lar-
gueur d'Indie
diuerſes opi-
nions.

Midy l'Indie est fermee de l'Ocean. Ces bouches de l'Inde, Pattala, & toute ceste marche qui regarde le Midy, ont esté veuës & cogneuës par Alexandre & les Macedoniens, & par plusieurs Grecs. Mais de ce qui est tourné au Leuant, par delà la riuiered'Hyphasis, oncques Alexandre ny aucun des siens n'en veit aucune chose : & se trouue peu d'historiens qui aient escript quelles nations & villes il y a iusques au Gange : où est l'embouscheure & issuë du Gange en la mer : ny en quel endroict est situee sur le Gange Palimbothra, qui est la plus grande ville qu'aient les Indiens. Le suiuroy plustost en cest endroict Eratosthene de Cyrenes autheur graue & digne de foy, & lequel me semble auoir escript plus diligemment que tous les autres de la situation & des confins de l'Indie. Il escript que l'Indie depuis le Taure, dont sourd l'Inde, tirant le long du fleuve iusques à l'Ocean, a treize mil stades d'estendue : & de l'autre part à l'opposite prenant depuis ledict mont iusques à l'Ocean Oriental, elle contient seize mil stades. Et est ce costé plus long que l'autre, à cause d'un cap ou promontoire qui s'estend trois mil stades en mer. Voyla quelle il dict estre la largeur de l'Indie. Quant à la longueur, il dict qu'il y a un grād chemin que l'on appelle Royal, qui conduict droict du Ponent au Leuant iusques à Palimbothra, lequel a esté mesuré, & contient dix mil stades ou enuiron : & que de là en auant on n'en sçait rien de certain. Mais ceux qui ont suiuy l'opinion commune des Indiens, escriuent que la largeur de ceste region avec le promontoire que nous auons dict s'estendre en mer, est de dix mil stades, & la longueur de vingt mil au plus. Le Gnidien Cresias assure, que l'Indie est egale au surplus de l'Asie : mais non pas Onesicrit, qui escript qu'elle faict la troisieme partie de toute l'Asie. Nearch. tesmoigne qu'il y a le chemin de quatre mois entiers d'un bout à l'autre, à prendre par les plaines des Indiens. Mais Megasthene prend la largeur de l'Indie du Leuant au Ponent, que les autres estiment estre la longueur : & dict que es endroicts où elle est plus estroicte, elle a seize mil stades :

&c.

& qu'il faut prendre la longueur du Septentrion au Midy, par ce qu'elle s'y estend d'auantaige, comme contenant, mesmement où il y a moindre estendue, vingt deux mil trois cens stades. Il y a autant de fleuves en Indie, qu'au reste de l'Asie: les plus gros desquels sont Gange & Inde, duquel toute ceste region a pris son nom: chascun desquels est aussi gros que le Danube & le Nil, s'ils estoient ensemble. Encores me semble Acesines plus gros que le Danube, ou le Nil, quand ayant receu en son canal l'Hydaspe, Hydraote, & Hyphasis, il se descharge dans l'Inde. Là il a trente stades de largeur. Il peut auoir en Indie d'autres riuieres encores plus grosses dont nous n'auons cognoissance. Et à la verité ce qui est par delà l'Hyphasis, nous ne l'auons si parfaitement descouuert ny cogneu, que nous en puissions donner asseuré tesmoignage. Pour le regard de ces deux fleuves Gange & Inde, Megasthene escrit que Gange est le plus gros de beaucoup: & autant en dient tous ceux qui ont traité d'iceluy. Car premierement il a son origine de grandes sources & fontaines, puis il reçoit Caina, Erannoboa, Cossioan, puis apres Sone, Sittocati, Solomati, tous fleuves nauigables. Apres eux les riuieres de Condochat, Sambe, Magone, Agorani & Omali. S'y rendent aussi Commenase, qui est vn puissant fleuve, & Cacuthi, & Andomati venant du pays des Madiadines Indiens: & outre ceux-là Amysti pres la ville de Catadupe: Oxydami à Pazales: & Erinese au pays de Mathes, qui est aussi vne contree Indienne. Desquels n'y a vn seul, comme assure Megasthene, qui soit moindre que le Meandre, encores à le prendre au lieu où il est plus nauigable. Quant au Gange au lieu où il est plus estroit, il a iusques à cent stades de largeur. Et en plusieurs lieux il se largit & se respand si fort, que si vous ne montez sur quelque terre ou colline, vous ne sçauriez voir d'un bord à l'autre. Dans l'Inde tombent ces riuieres: Hydraote au pays des Cambistholes, Hyphasis au pays des Astrobiens, Sarangis au pays des Ciceiens*, & Eudre* en celuy des Affaceniens, se deschargent dans Acesines. Autant en fait Hydaspe chez les

Des fleuves d'Indie.

L'Indie prend son nom du fleuve Inde.

La ville de Catadupe.

*ou Micciès

*ou Neudre.

R ij

Oxydraques apres auoir receu Sinar au pays des Arispes. Et Acefines se ioinct à l'Inde en la contree des Malliens. Il y a vne autre grosse riuiera appelee Tutape, qui s'escoule dans Acefines. Lequel enflé de tous ces fleuues, & apres leur auoir fait perdre leurs noms, entre en l'Inde. Semblablement Cophene ayant receu avec soy Malamant, Soast & Garee, se meste avec l'Inde chez les Peucelaitides. Saparn aussi & Ptaren non gueres esloignez l'un de l'autre. Et Soame descendant des montaignes de Sabissa sy va rendre, n'estant enflé d'aucune autre riuiera. Tous ces fleuues (comme a esté escrit par Megasthene) sont nauigables quasi par tout. Il ne faut doncq pas tenir pour chose friuole & incroyable ce qui nous a esté laissé par escrit par tant d'autheurs de la grosseur d'Inde & de Gange, & qu'ils surpassent de beaucoup le Nil & le Danube. Car nous sçauons bien qu'il n'y a aucun fleuve qui se descharge dans le Nil : ains au contraire que d'iceluy sont tirez plusieurs ruisseaux çà & là par le pays d'Égypte. Et le Danube est bien petit à son origine : vray est qu'il reçoit plusieurs riuieres avec soy, mais non en si grand nombre ny semblables en grosseur à ceux qui se ioignent à l'Inde & au Gange : & si y en a peu qui soiēt capables de porter vaisseaux. Du nôbre desquels j'ay veu En & Sau : lequel En se meste avec le Danube és confins des Noriciens & Rhetiens* : & Sau au pays des Penans*. Et le lieu où ces deux riuieres se ioignent ensemble se nomme Taurun. S'il y a quelqu'un qui sçache autre fleuve portant bateaux, qui se descharge dans le Danube outre ces deux, il n'en sçauroit gueres nommer. Or si l'on veut entendre la cause de la grosseur de ces fleuues Indiens faut l'apprendre d'autre que de moy, qui me contenteray de toucher ce que j'en ay appris. Megasthene parle de plusieurs autres riuieres, qu'il nôme par leurs noms, autres que l'Inde & le Gange, iusques au nombre en tout de cinquâte & huiet portans vaisseaux, qu'il diët se descharger dans l'Ocean Oriental & Meridional. Mais ie n'estime pas que Megasthene ait beaucoup voyagé dans l'Indie : vray est qu'il a esté plus auant que ceux qui

* Grifons & haute Bauciere.

* Vngrie.

qui suyurent Alexandre en ses conquestes. Car il dict auoir demeuré avec Sandracot puissant Roy en Indie, & avec Por, qui fut encores plus grand & plus puissant que Sandracot. Cestui-cy escrit, que les Indiens ne sont iamais sortis de leur pays pour guerroyer contre aucune nation : & que iamais peuple n'entra dans leurs frontieres pour leur faire la guerre. Par ce que Sesostris *Ægyptien*, qui conquist la plus grâde partie de l'Asie, depuis qu'il fut paruenue avec son armee iusques en Europe, s'en retourna. Que Indathyrse Scythe sortit de la Scythie avec grand nombre de combattans : & aiant desconfi plusieurs nations d'Asie, passa victorieux iusques en *Ægypte*. Que l'Assyrienne Semiramis fit tous ses efforts d'enuahir les Indiens : mais elle deceda auant que d'auoir mis ses desseins à execution. Et que iamais autre que Alexandre n'entra dans l'Indie avec armee. On tient toutefois pour tout certain que Denis, c'est à dire Bacchus, auant Alexandre mena vne armee contre les Indiens, & qu'il les desfeit. Quant à Hercule on n'en parle pas si certainement. Du voyage & victoire de Denis seruent de remarques assez manifestes la ville de Nyffe, & le môt de Cuiffe : & encores le lierre qui y croist en plusieurs & diuers endroicts : & outre cela les tabourins & cymbales dont les Nyffeens vsent en guerre, & les robes bigarees, côme en portēt ceux qui sacrifient à Denis. Mais d'Hercule ne se voyent point tant de remarques en ces lieux là. Et ce que l'on dict qu'il ne peut prēdre d'assault la roche d'Aorne, laquelle a esté prise par Alexandre, ie le tien pour vne vantise Macedoniēne : tout ainsi que quād les Macedoniēs appellerent le Parapamise, Cauase : qui toutefois ne touche pas seulement au Cauase : mesme-ment la cauerne qu'ils auoient ouy dire estre au Parapamise, ils dirent que c'estoit celle, où Promethee auoit esté relegué, y endurant grands tourmens, à cause du feu qu'il auoit desrobé aux dieux, & departy aux hommes. Et par ce qu'ils veirent les Sibesiens, nation Indiēne, vestus de peaux, ils disoient que Hercule les y auoit laissez : d'autant aussi qu'ils portent des massuēs, & marquent leurs bœufs & leurs vaches d'une mar-

Megasthene historien a demeuré en Indie. Les Indiens ne font la guerre hors leur pays. Sesostris Ægyptien. Indathyrse Scythe.

De Semiramis.

Iamais homme n'est entré dans l'Indie avec armee qu'Alexandre. De Bacchus.

De Hercule.

Vantise Macedoniēne.

Cauerne de Promethee.

que portant figure de massüë : par ce que Hercule en souloit porter vne. Que si lon trouue qu'il y ait en cela quelque vraysemblance, il faut que cest Hercule ait esté vn autre que ny le Thebain, ny le Tyrien, ny l'Ægyptien : & que ce soit quelque Roy puissant d'une region assez proche d'Indie. Lon croira ce qu'on voudra des choses que les estrangers ont escrites de ce qui est par delà l'Hyphasis : mais quant à moy, ie ne les reçois pas toutes pour vrayes. Et de ce qu'ont escrit ceux qui ont suiuy Alexandre, touchant l'Hyphasis & les pays de decà, ie ne le voudroy pas reietter du tout, par ce qu'ils en ont peu parler certainement. Non plus que ce que Megasthene dict d'une certaine riuere d'Indie (on la nomme Sila) laquelle il dict auoir sa source de mesme nom, & costoyer des Sileens, qui ont esté ainsi appelez à cause du fleuve. L'eau duquel il dit auoir ceste propriété, qu'elle ne peut porter chose quelcōque. ny mesmemēt endurer estre chargée de bateaux ou autrement : mais que tout y va en fond, comme estant l'eau d'iceluy plus aérée & plus legere que celle des autres. En Indie les pluyes fengendrent és montaignes, principalement en esté, & spécialement au Parapamise, Emode & Himac, dont saillent de grosses & impetueuses riuieres. Il tombe aussi de la pluye és plaines des Indiens, dont elles sont quelquesfois toutes couuertes. Iusques là que Acesines estant vne fois desbordé en plein esté contrainit le camp d'Alexandre de chāger de place bien hastiuement. Dont on peut iuger de la nature du Nil, & qu'il est bien vraysemblable que des pluyes qui se font l'esté és montaignes des Æthiopiens, il s'ensle, & tout trouble de limon surmonte ses bords & s'espan par l'Ægypte. Et qu'il ne faut pas croire que cela procede des neiges fondues. Ce qui ne peut aduenir, mesmement en temps d'esté, & y soufflans les vents Etesiens : veu que és autres pays de montaignes de l'Æthiopie les neiges en telle saison n'y durent pas, à cause de l'ardeur de la region & chaleur du Soleil. Mais qu'il pleue en ces lieux-là comme aux montaignes de l'Indie, il n'est pas inconuenient : entendu que quasi en toutes autres choses l'Indie ressemble

L'eau de la
riuere de Si
la ne peut
porter cho-
se quelcon-
que.

Dont proce-
de le regor-
gement du
Nil.

L'Indie re-
semble à l'Æ

semble assez bien à l'Æthiopie : iusques là que les fleuves des Indiens, aussi bien que le Nil, qui est Æthiopien & Ægyptien, portent des Crocodiles & des poissons semblables, hors-mis le cheual d'eau, encores dict Onesicrit, que ceste espece de poisson sy engendre. Les Indiens & les Æthiopiens sont peu differens de corps : principalement les Indiens qui tirent plus au Midy. Car ils sont ainsi noirs de visage & de poil. Il est vray qu'ils ne sont pas si camus, & si n'ont pas les cheveux si crespes. Et ceux qui approchent des parties Septentrionales ont tout tel teinct que les Ægyptiens. Les nations Indiennes (ainsi que recite Megasthene) sont en nombre cent & dixhuiet. Pour mon regard, ie suis bien d'accord avec Megasthene qu'il y a plusieurs côtrees en Indie. Mais ie ne puis penser dont il a peu apprendre ce nombre certain & arresté, veu qu'il n'a pas voyagé grande partie de l'Indie : & si tous les Indiens n'ont pas communication ny commerce ensemble. Le temps passé les Indiens estoient pastres, tout ainsi que les Scythes, lesquels ne s'addonnent point au labouraige, & n'habitent point aux villes, & si ne dressent aucuns temples à leurs dieux : mais s'en vont par le pays dans des chariots çà & là, selon que l'opportunité se presente, vestus des peaux des bestes sauuaiges, qu'ils tuent à la chasse : & se nourrissent de feuilles de certains arbres qu'ils appellent Tala : au sommet desquels vient ie ne sçay quoy de charneux comme aux palmiers. Ils mangent aussi de la chair des bestes sauuaiges, mais toute creüe. Semblable estoit la maniere de viure des Indiens, auant que Denis entra dans l'Indie. Et depuis qu'il eut dompté les Indiens il y edifia des villes, leur establit des loix, selon lesquelles il voulut qu'ils se gouuernassent : & leur enseigna l'vsage du bled & du vin, comme il auoit fait aux Grecs, y aiant fait porter du plan & dela semence : & en ce faisant faudroit dire que Triptoleme n'alla pas iusques là, quand il fut enuoyé par Ceres pour distribuer & departir aux humains la semēce de fourment : ou bien, que auāt Triptoleme quelqu'un portāt ce nom de Denis y estoit allé, qui leur auoit appris à labourer & semer la terre :

ethiopie en
beaucoup
de choses.
Des Croco-
diles & che-
ueux d'eau
en Indie.

Les Indiens
peu differēs
des Æthio-
piens.

Cent & dix-
huiet natiōs
Indiennes.

Iadis les In-
diens estoient
pastres.

De la manie-
re de viure
des Scythes.

Bacchus bail
la des loix
aux Indiens,
& leur en-
seigna l'vsage
du bled &
du vin.

Inuentions
de Bacchus.

Denis fut le premier qui trouua moië de coupler les bœufs & les assuieſtir au ioug pour labourer. Il feit la pluspart des Indiens de pastres laboureurs : leur enseigna l'usage des armes, & de quelles ceremonies il falloit seruir les dieux, mesmemēt de soy mesmes, sçauoir est au son des tabourins & cymbales. Il inuenta la danse satyrique que les Grecs appellent Cordax. D'auantaige il leur enseigna à porter longue perruque, porter affublement de teste, d'vser d'onguës & parfums. Et iusques à l'arriuee d'Alexandre en ces pays là, ils alloient à la bataille au son des cymbales & des tabourins. Quand Denis fut prest à partir d'Indie, il y ordonna pour Roy Spartembas vn des Seigneurs de sa suite, qui estoit homme bien versé aux ceremonies & sacrifices Bacchiques. Apres le deces duquel, le Royaume tomba és mains de Budyas son fils. Spartembas regna cinquante deux ans. Budyas aiant regné l'espace de vingt ans mourut, laissant Roy apres luy vn sien fils nommé Cradeuas. Et depuis luy la Royauté alla ainsi par vn long temps succeſſiuellement de pere en fils. S'il aduenoit qu'vn Roy decedast sans enfans habiles à luy succeder, ils elisoient vn d'entre eux homme vertueux & sage, pour les gouuerner. L'on tient communément que Hercule alla en Indie, mais les Indiens dient qu'il estoit natif du pays, & le reuerent beaucoup, principalement les Suraseniens, nation Indienne. Lesquels ont deux grandes villes, à sçauoir Methore & Clisobore sur le Iobar fleuve nauigable. Megasthene parlant de l'equipage de cest Hercule, diſt qu'il estoit tout semblable à celuy dont souloit vser le Thebain Hercule : ce que pareillement asseurent les Indiens, & racontent qu'il eut grand nombre d'enfans masles de plusieurs femmes, & vne seule fille appelee Pandee : dont print le nom de Pandee la terre où elle fut nee, laquelle il luy dōna avec cinq cens elephants, quatre mil hommes de cheual, & huiſt vingts mil de fanterie. Il y a d'autres peuples en Indie, qui asseurent de ce mesme Hercule, que aiant trauerſe toute l'Indie, & icelle purgee des vices qui y regnoient, il trouua à la mer vne perle

des

Successions
des Roys en
Indie depuis
Bacchus.

Election des
Roys en
Indie.
Hercule In-
dien.

Pandee fille
de Hercule.

des plus belles que les marchands qui traffiquent en ces quartiers en rapportent. Lon ſçait aſſez comme chez les Grecs le temps paſſé, & maintenant chez les Romains, ceux qui ont dequoy, ſont fort curieux de perles, & les acheptent à pris excessif, & ſont appellees Margarites en langue Indienne. Perles Indiennes. Hercule admirant la beauté de ceſte perle, en feit chercher quantité par toute la mer Indienne pour les donner à ſa fille. Le meſme Megasthene diſt, que les conches, dans lesquelles ſe concrèent les perles, ſe preinēt avec des filez : & qu'elles vont paître par troupes, aiant leur Roy ainſi que les mouches à miel : & ſ'il aduient que leur Roy ſoit pris des peſcheurs, elles viennent à l'entour d'eux, ne ſe ſoucians d'aucune violence, qu'on leur pourroit faire. Et ſi le Roy ſ'enfuit, elles le ſuyuent toutes. Amour des conches envers leur Roy. Que les Indiens laiſſent pourrir la chair, mais qu'ils ſe ſeruent de la coquille pour ioliueté. Valeur des perles en Ind. Que ces perles ſont eſtimees chez les Indiens trois fois autant que le poix de l'or, qui eſt tiré des mines du pays. Des mines d'or en Ind. Il diſt d'auantage que en ces contrees-là, que la fille de Hercule tenoit en tiltre de Royaume, les femmes quand elles ſont paruenues à l'age de ſept ans ſont mariables, & de faiſt ſe marient : & que les hommes n'y viuēt que quarāte ans au plus. Fēmes mariables à l'age de ſept ans. Et que les Indiens racontent ceſte hiſtoire, ou pluſtoſt fable : Les hōmes ne viuēt que 40 ans en Pandee. Que Hercule ayant eu de ſa femme ceſte fille eſtant ja vieil, & ſe voyant eſtre ſur la fin de ſes iours, ſans pouuoir trouuer homme qui meritaſt luy eſtre gendre, & auquel il peuſt commodément & avec honneur donner ſa fille en mariage, eut la compagnie d'elle, n'eſtant agee que de ſept ans, à ce que de luy demeuratſt lignee pour la procreation des Roys Indiens. Fable de Hercule & de Pandee ſa fille. Que au moyen de ce il la rendit nubile, & demeura depuis ce bien-faiſt d'Hercule à toute la contree où regna Pandee. Toutefois il m'eſt aduiſ qu'il y a bien peu d'apparence de raiſon en cela. Par ce que ſi Hercule pouuoit encores faire des enfans, & auoir affaire avec vne fille ſi ieune, il faut eſtimer qu'il eſtoit encores pour viure long temps. Et ſi ce que l'on diſt de l'age meur des filles eſt choſe certaine, il ſe rapporte à ce que l'on a eſcrit de l'age des hommes, qu'ils ne

viuent que quarante ans tout au plus. Car ceux qui paruiennent plustost à la vieillesse sont plus proches de leur mort, laquelle vient par compagnie avec la vieillesse: & consequemment faut que leur age viril se passe bien tost. Partant ceux qui ont trente ans en ce pays-là commencent ja à entrer en vieillesse: ceux qui ont vingt ans sont en age d'homme, & ceux qui en ont quinze sont en pleine adolescence: & aussi sembleroit que les femmes en l'age de sept ans fussent habiles à concevoir. Le mesme Megasthene escrit, que en ceste contree les fruiçts de la terre sont plustost meurs que ailleurs. Depuis Denis iusques à Sandracot les Indiens comptent iusques à cent cinquante trois Roys: & de temps six mil' quarante deux ans. Vers le commencement duquel, & depuis encores vne autrefois par trois cens ans, & encores vne autre par l'espace de six vingts ans, ils ont vescu en liberté vsans de leurs loix. Ils racontent aussi que Denis fut quinze siecles auât Hercule, & que iamais autres n'entrèrent dans leurs frontieres pour leur mener guerre: non pas mesmes Cyr qui fut fils de Cambyse, combien qu'il soit entré en la Scythie avec armee, & que d'ailleurs il ait fait beaucoup de grandes choses, voire plus que autre Roy qui ait esté en Asie. Et que quât à Alexandre, il y entra, & conquist par armes tout le pays où il fut: & eust conquis tous les autres, si son armee n'eust refusé d'aller plus auant. Au surplus qu'il ne se trouuera que aucun Indien ait iamais sorty avec vn camp des frontieres d'Indie par conuotise de dominer, de peur d'estre reputez iniustes. L'on diçt aussi que les Indiens ne bastissent point de sepulchres aux decedez, alleguans pour leurs raisons que les vertus, & les louanges que l'on chante d'eux sont suffisantes pour faire que les hommes s'en souuiennent à iamais. Il n'y a homme qui ait peu sçauoir le nôbre des villes d'Indie, tant il y en a. Et quant à celles qui sont sur les riuieres & sur la mer, elles sont basties de bônes matieres: car elles ne dureroiēt pas si elles estoient faictes de brique seulemēt, à cause des pluies: ioinçt aussi q̄ les fleuves quand ils se desbordent couurent & remplissent le plat pays: Celles

Depuis Denis
iusques à
Sâdracot 153
Roys, &
6042. ans.

Les Indiens
ne sortent de
leur pays
avec forces
pour con-
querir.
Les Indiens
ne bastissent
point de se-
pulehres, &
pourquoy.

Des villes
d'Indie.

Celles qui sont situées es lieux hauts, sont construites de briques & de terre. La plus grande de toutes les villes Indiennes est celle qu'ils appellent Palimbothra es confins des Gedrosiens, au conflant & rencontre des fleuves Erannoboa & Gange. Lequel Erannoboa tient le tiers lieu en grandeur entre tous les fleuves d'Indie: mais il cede au Gange, qui excède de beaucoup tous les autres. Megasthene escrit que ceste ville a quatre vingts stades de longueur, & de largeur quinze: qu'elle est environnée d'un fossé, qui a trois arpens de largeur, & trente coudées de profondeur: qu'il y a deux cens soixante & dix tours, & soixante & quatorze portes. Mais c'est vne chose remarquable que dict Megasthene, que en Indie toutes personnes sont de franche condition, & qu'il n'y a aucun esclave. En quoy ils ressemblent aux Lacedemoniens, chez lesquels il n'y a aucun serf, si n'est estranger. Les Indiens sont diuisez en sept estats: le premier desquels est de ceux qui s'appellent Sophistes, ou sages: qui sont bien en plus petit nombre que les autres, mais ce sont les premiers de tous en hōneur & dignité. Ils n'ont point de besoing de traualier pour viure: ils ne sont astraincts à aucune charge personnelle: ils ne se meslent en rien des affaires publiques, & n'ont autre vacation ou affaire, que de faire les prieres & sacrifices pour le bien public. Et si quelqu'un veut sacrifier en particulier, luy est baillé vn de ses Sophistes pour luy monstrier comme il sy doit conduire: comme si autrement les sacrifices n'estoient pas agreables aux dieux. Les Sophistes seuls parmy tous les Indiens sont versez en la science de deuiner: aussi n'est-il pas permis à autres que à eux de se mesler de la diuination. Ils predissent ce qui concerne les saisons de l'annee, ou si quelque calamité publique doit aduenir. Mais des aduentures particulieres, ou de la fortune bonne ou mauuaise des personnes priuees, ils ne sy arrestent point: soit qu'ils estiment que la faculté de deuiner ne s'estende pas iusques aux choses petites & particulieres, ou bien qu'ils ne sy veulent arrester, comme estans indignes d'eux & de leur traual. Si quelqu'un d'eux a failly par trois fois à dire la verité en

La grandeur de la ville de Palimbothra.

Toutes personnes sont de franche condition en Indie. Les Indiens diuisez en sept estats. Des Sophistes ou sages d'Indie, & de leur vacatiō & maniere de viure.

Les Sophistes Indiens predissent les choses concernans le public & nō les particulieres, & pourquoy.

Ces Sophistes
vivent
tous nus.

L'estat secōd
est des labou-
reurs.

Liberté &
seureté des
laboureurs
pendant la
guerre.

Letiers estat
est des pa-
stres.

Le 4. estat
est des arti-
sans & des
marchands.
Privileges
des armu-
riers.

Le 5. ordre
est composé
des gens de
guerre.

deuinant, autre punition ne luy est enioincte, sinon de se taire : & cela fait on ne le peut plus contraindre de parler. Ces sophistes sont tousiours tous nus, viuans en temps d'hyuer en plein air, & non sous test : & l'esté es prez & lieux marescageux & couuerts sous des arbres : l'ombre desquels, ainsi qu'escriit Nearch, a deux arpens & demy d'estendue : tellement que mil hommes se peuuent aisément mettre à la bry sous l'un d'iceux. Ils se nourrissent de fueilles, & du fruit de certains arbres, qui est doux & de grande nourriture, non plus ne moins que les figues des palmiers. L'autre estat apres les Sophistes est celuy des laboureurs : qui sont en assez grand nombre. Ceux-cy n'ont aucunes armes dont ils puissent combattre : aussi ne se soucient ils aucunement du fait de la guerre, ains s'addonnent du tout au labourage, payans tribut aux Roys & aux villes libres. Et si aduient que les Indiens fassent la guerre les uns contre les autres, il est defendu sur grandes peines de traualier les laboureurs, & faire aucun dommaige ou degast aux terres empouillees. De fait vous voirez les gens de guerre combattre & s'entretuer deuant les yeux des laboureurs, lesquels pour cela n'abandonnent leur labourage, ou vendange, ou fagotage, ou moisson. Letiers estat chez les Indiens est des pastres : qui aussi n'habitent point en villes ny en villages, ains vont errans çà & là par les deserts & montaignes : & payent semblablement tribut à raison de leur bestial : ils s'occupent aussi à la chasse tant du gibier que des grosses bestes sauuages. L'estat d'apres est des artisans & des marchands : lesquels aussi payent tribut, à raison du proufit qu'ils tirent de leur mestier ou trafic, dont n'y a aucun exempt, que les armuriers : ausquels au contraire on baille gage le plus souuent des deniers communs. En cest ordre sont compris les charpentiers & assembleurs de bateaux & nauires, & les mariniers & basteliers aussi. Le cinquième ordre est composé des gens de guerre, qui sont en plus grand nombre que aucun des autres, hors-mis les laboureurs. Ceux-cy iouissent de grands priuileges, liberté & licence.

licence. Ils n'ont autre occupation qu'à soigner de leurs armes, & n'ont autre exercice. Aucuns leur baillent des armes, d'autres des cheuaux, des elephâts, des chariots, des chartiers & des conducteurs de chars de guerre. Tant que la guerre dure ils y sont tousiours: est-elle cessée, ils se retirent en leurs maisons. La soulte qui leur est baillée est telle, qu'elle suffit pour les nourrir & d'autres encores avec eux. Le sixième estat est de ceux qu'ils appellent esgards ou surueillans. L'office & charge desquels est d'auoir l'œil, s'enquerir & visiter soigneusement ce qui se fait tant aux villes, que par les champs: & en faire rapport aux Roys, si c'est es Royaumes: ou aux magistrats, si c'est en pays libre: & défense à eux de faire vn faux rapport, comme aussi ne font ils pas. Et ne s'est iamais veu Indien qui ait esté repris en iustice d'auoir dict, rapporté ou tesmoigné chose faulse: tant ils ont en recommandation la verité & la fidelité. Le dernier ordre & estat est composé de ceux qui soignent & ordonnent des affaires publiques, ou avec les Roys, ou par les villes libres. Ceux-là sont en petit nombre: mais à cause de leur sagesse & preudhommie ils sont preferrez à tous autres. S'il faut elire des Princes, législateurs, financiers, capitaines de guerre par terre & par mer, des officiers de ville ou d'autres qui aient esgard sur les affaires des champs, on les choisit parmy ceux là. Les mariages y sont prohibez entre personnes de diuers estats: & n'est permis à vn laboureur de prendre à femme la fille d'un artisan, ny au contraire. Il n'est pas aussi loisible à vn homme d'exercer deux mestiers, ny de laisser vn mestier pour en prendre vn autre. Vne seule chose est commune à tous estats, à sçauoir qu'on en peut elire des Sophistes: d'autant que la vie des Sophistes est plus austere, plus dure & plus laborieuse que celle de nescun des autres estats dont nous auons parlé. Les Indiens chassent à toutes sortes de bestes sauuaiges, ainsi que les Grecs: mais sur toute est plaisante la chasse des elephâs, qu'ils font en ceste maniere. Les veneurs choisissent vn lieu plat & couuert d'arbres, aussi grand qu'il faudroit pour camper vne grosse ar-

S. iij.

Privilèges & licence des gens de guerre, leur vacation & leur soulte.
Le 6. estat est des esgards.

Les Indiens abhorrent le mensonge.
Le dernier ordre est de ceux qui maintiennent la Repub.

Les mariages prohibez entre personnes de diuers estats.
N'est loisible à vn homme d'exercer deux mestiers.

De la chasse & prise des Elephans.

mee, alentour duquel ils tirēt vn fossé large de cinq couldees, & profond de quatre, iettants la terre sur les bords du fossé, & se seruans de la leuee comme d'un mur. Puis ils font des logettes dans la leuee qui est en dehors, & y laissent de petits trous pour clarté, à fin de voir les bestes approcher, & entrer dans l'enclos. Et pour y attirer plustost les Elephâts, ils enferment là dedans quatre femelles des mieux appriuoisees, & ne laissent qu'un passage pour y entrer, qui est vn pont qu'ils font par dessus le fossé, lequel ils couurent fort de gazons, de peur que les bestes s'apperçoient de la ruse. Les veneurs demeurent cachez dans ces logettes. Les Elephants ne sortent point de iour es lieux cultiuez : mais par nuict ils vont paistre par troupes çà & là où bon leur semble, ayans ordinairement & suiuaus pour leur guide celuy d'entre eux qui est le plus grand & le plus couraigeux : tout ainsi que nous voyons les bœufs & les vaches aller apres les taureaux. Quand estans proches de l'enclos, ils entendent la voix de celles qui sont enfermées dedans, & les sentent à flairer, ils accourent incontinant, tournoyans la fermeture iusques à ce qu'ils aient rencontré le pont : lequel trouué ils entrent dans l'enclos. Si tost que ceux qui sont là au guet les voyent entrez, ils ostent le pont. Ce pendant aucuns d'eux s'en vont aux villages prochains aduertir qu'il y en a d'enfermez. Quoy entendu, les paisans montent incontinant sur des elephans priuez, & principalement sur ceux qui sont de plus grand cueur, & s'en vont là. Toutefois ils ne commencent pas si tost qu'ils sont arriuez le combat contre les elephans sauuaiges, ains les laissent par quelque temps matter par faim & par soif. Puis quand ils les voyent deuenus plus debiles & plus doux, ils remettēt le pont, & entrent dedans le parc. De premier abord se fait vn aspre combat entre ces elephans priuez & les sauuaiges : mais à la longue les sauuaiges sont veincus. Et lors ceux qui sont sur les elephans priuez mettēt pied à terre, & lient les iambes des autres, & les laissent battre par ces priuez, iusques à ce que ayans esté bien battus ils tombent. Cela fait ils leur mettēt des licols

au

au col, & montent dessus pēdant qu'ils sont tombez en terre. Et à fin qu'ils apprennent à endurer quel'on monte dessus, & faire qu'on s'en puisse seruir, ils leur decouperent la peau à l'entour du col, & par dessus les playes font passer les resnes, à fin que par le moien de la douleur qu'ils en sentent, ils se laissent plus aisément gouverner. Car s'ils n'endurent leurs cheuaucheurs, quand on tire fort les resnes, ils les endurent bien. S'il s'en prend quelques vns qui soient trop ieunes, ou mal adroictz pour en tirer seruice, ils les laschent : les autres ils les meinent aux villages, & leur presentent premierement du foin & des roseaux verds pour toute viande : & par ce que du commencement ils ne veulent point manger estans tristes & sentans douleur, on s'efforce de les appaiser & resiouyr avec chansons, & au son des cymbales & tabourins. Car s'il y a animal au monde qui tienne quelque chose de l'entendement humain, c'est l'elephant. Iusques-là qu'il s'en est trouué autrefois qui ont releué leurs maistres estans morts en bataille, & les chargeans sur leur dos les ont tirez de la presse des ennemis pour estre mis en sepulture. D'autres ont defendu leurs maistres estans tombez par terre contre la furie de leurs ennemis. Aucuns sentans leurs cheuaucheurs renuersez & tombez se sont mis au deuant, & receu la mort pour eux. Ils dient, qu'il s'en est trouué vn, qui apres auoir tué estant en furie son gouverneur, entra en tel regret, qu'il ne voulut manger oncques puis, & se laissa mourir. J'ay veu autrefois vn elephant aiant à chascune cuisse vn cymbale pendu, & vn autre attaché à sa trompe, au son desquels tous les autres elephans dansoient en rond proprement & à certaines cadences, tantost s'esleuans en l'air, ores s'enclinans, selon que le son & la cadence du premier le requeroient : & y auoit plaisir à ouyr l'armonie de ces cymbales. Sur le printemps la femelle appete le masle, tout ainsi que fait vne vache ou vne iument : en laquelle s'ouurent des veines à l'entour des tempes. Elle porte son fruiſt en son ventre au plus iusques à dix huit mois, au moins seize mois : & ne porte qu'un à la fois ainsi que la iument, & le nourrit de son

Merucilles
des elephās.

Les elephans
dansent.

La genera-
tion & nour-
riture des
elephans.

Les elephās
viuent iuf-
ques à 200
ans.

laiēt iufques à huiēt ans. Les elephās viuēt quelquefois iufques-
à deux cens ans. Il y en a beaucoup qui ne paruiēnt iufques à
ceft age, à caufe des maladies où ils tōbent. C'eft vn fouuerain
remede pour les guerir du mal des yeux, que du laiēt de vache;
aux autres maladies le vin vermeil en bruuage leur eft bien
propre : & aux playes & vlceres, on y applique de la chair de

Le Tigre
plus fort que
l'Elephant.

porc roftie & broyee. Les Indiens eftiment que le Tigre eft
beaucoup plus fort que l'elephāt : & eſcrit Nearch auoir veu la
peau d'un Tigre, mais quāt à la beſte, il n'en a iamais veu. Mais
que les Indiens dient qu'il eft de la grādeur d'un puiſſant che-
ual, & qu'il eft fi viſ, fi fort, & fi diſpos, qu'il n'y a autre animal
à comparer à luy. De ſorte que quād il entre en combat con-
tre l'elephant, il l'attaque bruſquement, ſe deſmarchant dex-
tremēt iufques à ce qu'il l'empoigne par le col & l'eſtrangle.

Du combat
de l'Elephāt
& du Tigre.

Thoës ani-
maux ſem-
blables aux
Tigres.

Ces beſtes que nous voyons par deçā, que nous appellons Ti-
gres, ne le ſont pas proprement, mais ſont Thoës, qui ſont
animaux d'une autre eſpece, toutefois ainſi marquez : vray
eſt qu'ils ſont plus grands que les autres Thoës. Quant aux
fourmis, Nearch eſcrit que veritablement il n'en a point veu
de tels que quelsques autres ont eſcrit ſe trouuer en Indie: trop
bien qu'il en a veu des peaux, dont on apportoit grāde quan-
tité au camp des Macedoniens. Megasthene eſcrit que ce que
lon en diēt communément eſt vray : & que c'eſt choſe certai-
ne & aueree qu'ils fouiſſent & tirent l'or de la terre, non pas
pour auoir l'or, mais pour faire leurs cauernes & retraictes
bien auant ſoubs terre : ainſi que ceux de pardeçā, bien que
petits, effouiſſent quelque peu de terre : & que ces fourmis
ſont plus grands que regnards. Et quand ils ont ainſi attiré de
la terre entremeeſlee d'or, les Indiens la repurgent & affinent,
& en tirent l'or. Mais ce qu'il en recite il le ſçait pour l'auoir
ouy dire ſeulement, & non comme l'ayant veu. Pour mon re-
gard, d'autant que ie n'ay aucune preuue ſuffiſante de ces cho-
ſes, ie n'en parleray plus auant. Nearch raconte comme choſe
bien admirable qu'en Indie y a des perroquets qui parlent &
forment leurs mots, representans la parole de l'homme. Ie ne

m'arreſteray

Fourmis en
Indie plus
grands que
regnards.

Des perro-
quets en In-
die.

m'arrestera à discourir de ces oiseaux comme de chose remarquable, en aiant veu plusieurs de ceste espece apprivoisez, & d'autres sauuaiges volans librement par l'air : ny aussi de la grandeur des singes, quels sont les plus estimez au pays, & par quelle ruse on les prend : par ce que cela est tout notoire à vn chatcun : il est vray que ceux-là sont singuliers pour la grande beauté dont ils sont. Aussi escrit Nearch que en ces lieux-là lon prend des serpens qui ont la peau tachetee de diuerses couleurs, & sont d'une estrange vistesse : & que celuy que Python fils d'Antigene, tua, auoit seize couldees de longueur, & que encores sy en treuue-il de plus grands, ainsi que les Indiens asseurent. Les medecins Grecs ne peuvent iamais trouuer remede contre la morsure de ces serpens, qui a bien esté trouué par les Indiens. Qui fut cause, ce dict Nearch, que Alexandre feit venir vers luy & suiure son camp tous les experts medecins d'Indie : & qu'il feit publier par le camp, que ceux qui estoient blesez de morsures de serpens, se retirassent à son paillon. Et que ces medecins donnerent des remedes a beaucoup d'autres maladies. Il dict aussi, que les Indiens ne sont subiects à beaucoup de sortes de maladies, d'autant qu'ils ont l'air toutes les quatre saisons de l'annee plus temperé que ailleurs. Et si aduient qu'il regne quelque maladie dangereuse extraordinaire, ils ont accoustumé d'aller au conseil aux Sophistes, lesquels guerissent, non sans quelque grace diuine, ce qu'il leur semble qu'il faut guerir. Les Indiens se vestent de robes de lin, ainsi que recite le mesme Nearch : & le lin dont elles sont tissues croist sur des arbres, comme nous auons dict és liures precedents, & est plus blanc qu'autre qui soit : ou bien le teinct noir & bazanné des corps le fait paroistre plus blanc. Ils portent des iuppes ou soltannes de lin qui leur descendent iusques à mi-iambes, & des cappes sur leurs espauls, qu'ils reiettent par fois sur la teste. Ils portent aux oreilles des bagues d'iuoir, non pas tous, mais ceux-là seulement qui sont riches. Ils portent leurs barbes peintes de diuerses couleurs, les vns blanches, les autres bleues, aucuns

Des singes.

Serpent de
seize cou-
dees de lon-
gueur.Medecins
experts en
Indie.Les Indiens
se vestent de
robes de lin.Lin croi-
sant sur des
arbres.Les Indiens
portent des
bagues d'i-
uoir aux
oreilles.Ils portent
leurs barbes
peintes de
diuerses cou-
leurs.

T

Des armes
des Indiens.

rouffes, quelques vns vertes, d'autres noires. Les plus grands & autres qui vivent delicatemēt portent l'esté des chapeaux, ou font porter deuant eux quelque ramée ou autre chose faisant ombre, pour se defendre de l'ardeur du soleil. Ils ont des fouliers de cuir blanc qui sont fort hauts, avec plusieurs semelles, à fin qu'ils paroissent plus grands. Leurs armes & armures sont diuerſes. Les Fantassins portent des arcs aussi hauts qu'eux: qu'ils tendent, à fin d'auoir plus de force, avec le pied gauche, roydiſſans la iambe contre l'arc en dedans. Leurs fleches ont quasi trois couldees de longueur: lesquelles ils decochent de telle roydeur, qu'il n'y a pauois, cuirasse, ny autre armure qui puisse resister. En la main fenestre ils portent des pauoys de cuir de bœuf cru aussi haults qu'eux, mais vn peu plus estroicts. Les autres au lieu d'arcs vsent de dards. Et tous ont l'espee à large lame & longue de trois couldees; dont ils combattent quand on vient aux mains, (chose rare toutefois entre les Indiens) la prenans à deux mains à fin de donner grand coup. Les caualiers portent chascun deux dards ou iauelots assez semblables à ceux des Dannoys, & des pauois, mais plus petits que ceux des gens de pied. Leurs cheuaux n'ont point de selles, ny de brides à mords soit à la Greque ou à la Gauloise: ains sont gouuernez seulement avec des resnes de cuir de bœuf cru, dans lesquels ils fichent communément des petits cloux de fer ou d'airin, qui ne sont pas fort aiguz, les poinctes tournees en dedans. Ceux qui ont de quoy y mettent des cloux d'iuoire. Au reste les Indiens sont gresles, hauts, alegres & dispos par dessus tous les hommes du monde. Le commun peuple se sert de Chameaux, de cheuaux & d'asnes, & les grands cheuauchent des Elephants. Car ils estiment estre estat magnifique & Royal d'aller monté sur vn elefant: & le premier honneur d'apres, d'aller en coche ou autre char trainé par quatre cheuaux: puis apres d'aller sur vn chameau: & n'estiment pas honorable à vne personne d'estre porté ou charié par vn cheual seul. D'auantaige qu'il n'y a present, si precieux soit il, par lequel on puisse corrompre
la

Les Indiens
sont hauts,
alegres &
dispos plus
qu'autres.
Estat magni-
fique d'aller
monté sur
vn elephant.

la pudicité de leurs femmes, qui sont chastes, que d'un elephant: ne tenans pour chose deshonneste si vne femme fa- donne au plaisir d'aucun ayant receu de luy vn elephant en don. Voire s'en glorifient elles, comme estant leur beauté re- putee digne d'un tel present. Les filles sont mariees sans auc- ne dot bailler ou recevoir. Et quand elles sont paruenues en age d'estre mariees, les peres les meinent avecques eux aux lieux publiques: & leur permettent de choisir des maris en- tre ceux qui sont les plus disposés & adroits ou à la course, ou à la luitte, ou à l'escrime, ou à quelque autre exercice hon- neste. Les laboureurs du plat pays vivent de pain de four- ment, ceux des montaignes de chair de bestes sauuaiges. Il suffira d'auoir recité iusques icy ce que Nearch & Megasthe- ne personages honorables & bien famez ont escript des In- diens & de leur maniere de viure. Car mesmes mon dessein n'estoit pas d'escrire de leurs meurs & de leurs loix: mais seu- lement de la nauigation de la flotte d'Alexandre depuis l'In- die iusques à son arriuee en Perse. Nous mettrons donc fin à ce propos. Quand doncques Alexandre fut arriué aux vais- seaux qu'il auoit commandez, qui estoient à l'ancre au ri- uage d'Hydaspe, & les trouuant prests à voguer, il y feit monter tous les Pheniciens, Cypriens & Egyptiens qui se trouuerent en son camp, comme ceux qui estoient les mieux entenduz au faict de la marine. Il choisit aussi ceux qui estoient des Isles, ensemble les Ioniens, & ceux de deuers l'Hellepont: & ordonna des capitaines & pilotes pour les galleres. Entre les Macedoniens il choisit Ephestion, Leonnat, Lyfimach, Asclepiodore, Archon, Demoniq, Ar- chias, Ophelle & Timant natifs de la ville de Pelle. D'Amphi- poli, Nearch de Candie qui a descript ceste nauigation, Lam- pedon & Androsthene. De Orestide, Cratere & Perdicas: de Heorde, Ptolomee & Ariston: de Pydne, Metron & Ni- carchide: & outre ceux-là Attale Stymphean, Peuceste, Py- thon, Alcomene, Leonnat, Egee, Pantauch, Alarite, & Myl- lee tous Macedoniens. De Grecs, Medie, Eumene, qui estoit

Vne femme n'est blas- mee en Indie se laissant gagner par le present d'un elephât. Les filles ma- riees sans dot bailler ou recevoir & choisissent des maris par permission & en presen- ce de leurs peres.

Flotte & ar- mee de mer d'Alexandre.

Nearch a descript la na- uigation sui- uante.

Nearch ge-
neral de la
flotte.

son secretaire, Cardie, Critobule de Co, Thoas, Nicandre de Magnesie & Andron de Teie. De Cypriens, Nicocle de Soles, & Nithadon Salaminien. De Perfes Magoas seul, lequel il ordonna pilote d'un vaisseau à trois rames pour banc : Onesicrit Astyphalean, fut par Alexandre choisi pour pilote de sa nef : & pour clerc de toute la flotte, Euagores de Corinthe. Et établit pour general Nearch, qui estoit natif de Candie, mais il estoit demeurant à Amphipoli, ville située sur la riuere de Strymon. Apres auoir ainsi disposé de ses affaires, il feit des sacrifices aux dieux du pays, & autres, selon que les deuins luy dirēt qu'il falloit faire. Puis à Neptun, à l'Ocean, à Amphitrite, aux Nereides, à la riuere d'Hydaspe, où il cōmançoit son embarquemēt, & à Acesines, dans lequel tombe Hydaspe, & aussi à l'Inde, auquel se vont rendre tous les deux. Il ordonna aussi des ieux de pris pour la musique, & pour l'esbat & exercice du corps, faisant departir & distribuer par les cōpaignies, ce qui estoit resté des sacrifices. Quand tout ce qui estoit necessaire pour la nauigation fut appareillé, il ordōna à Cratere de marcher de l'un des costez de la riuere, avec vne partie des cōpaignies tant de caualerie que d'infanterie : & de l'autre costé Ephestion avec plus grāde partie de l'armee que celle qu'il auoit baillee à Cratere, & pres de deux cens elephās. Et luy feit marcher avec luy les Argyraspides, tous les gēs de trect, & iusques à enuiron trois cens de la caualerie des amis : qui faisoiet ensemble le nombre de huit mil hommes. Il commanda à Cratere & à Ephestion de marcher deuant, sans toutefois s'elloigner beaucoup de la flotte. Outre tout cela il enuoya deuant Philippe, lequel il auoit pourueu de l'estat de gouuerneur de ce pays-là, avec vne partie de ses troupes, & charge de l'attēdre, quand il seroit arriué à Acesines. En ce faisant il estoit suiuy de six vingts mil combatans, outre ceux qu'il auoit menez avec luy des pays maritimes de par deçà. Encores auoit il depesché des capitaines de toutes parts avec cōmissions pour leuer des compaignies de toutes nations, de quelque façon qu'elles fussent armées, & d'icelles dresser des camps, & les luy
amener

Armee d'A-
lexandre de
plus de six
vingts mil
combattans.

amener. Ce pendant il part avec ses vaisseaux pour baïffer & aller descendre par l'Hydaspe au conflant & entre-cours de ceste riuere & de celle d'Acesines, aiant iusques au nombre de huit cens vaisseaux, partie longs & de charge, partie d'autres dans lesquels estoient les viures, le bagaige & les cheuaux. Quelle fut sa nauigation sur ces fleuues, & quelles & combien de nations il soubmit à son obeïssance en icelle: en quel danger de sa personne il fut au pays des Malliens, comment il y fut bleś, puis secouru par Peucestas & Leonnat, nous en auons assez discouru cy deuant. Reste maintenant de reciter le voyage que feit Nearch sur l'Ocean depuis les bouches de l'Inde iusques au goulfe Persique, que les autres appellent la mer rouge: Nearch escrit que Alexandre auoit grād desir de nauiger l'Ocean depuis l'Indie iusques en Perse: mais qu'il en fut diuertý quand il sceut la longueur du voyage: & aussi qu'il craignoit, que se rencontrant en quelque contree deserte, ou en quelque coste de mer sans port & sans haure, il y perdist son armee & sa flotte: & que par ceste temeraire entreprise il tombast en vne calamité qui souillaſt & effaçast toute sa gloire acquise & felicité passée: & neantmoins l'extreme desir qu'il auoit & cōme né avec luy de faire choses grādes & non accoustumees pour rendre sa renōmee immortelle, le gaigna. Et cōme il estoit en deliberatiō qui il eliroit entre tous les capitaines qui se peust bien acquiter de la conduicte de ceste flotte selon qu'il souhaittoit: escrit Nearch, qu'il luy demanda son aduis, à qui il deuoit bailler ceste cōmission, se plaignant, & blasmant les vns d'estre timides, craignans l'exposer aux perils, d'autres comme delicats & de cuer failly: quelques vns d'estre trop desireux de reuoir leur pays. Et que sur ce propos il luy offrit faire seruice en ceste charge, ſil luy plaisoit l'en honorer: luy promettant moiēnant la grace de dieu, de conduire sa flotte & sa gendarmerie sains & saufs au pays de Perse, au cas que la mer y fust nauigable, en quelque sorte que ce fust, ou que par entendement humain on en peust venir à chef. Ce que Alexādre luy refusa de parole du commandement.

Flotte d'Alexandre de huit cens vaisseaux.

Aucuns appellent le goulfe Persique la mer rouge.

Alexandre craint de perdre sa gloire acquise.

cement : disant qu'il ne vouloit hazarder aucuns de ses amis à si grands perils : dequoy toutefois il ne fut refroidy , ains persista en sa requeste : & que Alexandre à l'instant cognoissant sa bonne volonté , l'institua & pourueut de l'estat de General de ceste armee de mer . A railon dequoy on commença plus fort que deuant à donner ordre à tout ce qui estoit necessaire pour ce voyage. Qui fut cause que les compagnons de la marine se rendirent plus traictables , se persuadans que Alexandre ne bailleroit ceste cōmission à Nearch, si le danger y estoit grand. D'auantage la splendeur de l'appareil, le bel equippage des vaisseaux, la bonne volonté des chefs, capitaines & pilotes enuers les soldats & compagnons de la marine, estoient tels qu'ils pouuoient faire prendre couraige & esperance à ceux qui parauant estoient abbatus & mattez de crainte. Aussi auoit de beaucoup amoindry la crainte , la nauigation d'Alexandre iusques hors de l'emboucheure du fleuve : & ce qu'il auoit immolé & fait oblations à Neptun & autres dieux de la mer, à ce que ce voyage eust bonne issue. Avec tout cela la bonne fortune qui auoit tousiours iusques là accompagné Alexandre leur donnoit opinion , que aucune entreprise ne pouuoit estre faite par luy, ou sous son nom , qui ne succedast heureusement. Vne autre chose venoit bien à propos, à sçauoir que l'eau estoit calme, estant ja cessée la tourmente que causent en esté les vents Etesiës en ces costes-là sur l'Ocean, & sont fort contraires aux nauigans. Au moien dequoy Nearch partit avec sa flotte : qui fut au temps que Cephilodore cōme souuerain magistrat gouuernoit la Republique d'Athenes, au mois d'Aoust que les Atheniens appellent Boedromion : & selon que comptent les Macedoniens & les Asiatiques l'onzième année du regne d'Alexandre. Nearch auant son embarquement, feit semblablement des sacrifices à Iupiter le seruateur : & feit iouer des ieux à l'escrime, & autre exercice de corps, puis partit : & alla le premier iour par la riuere d'Inde, iusques à vn fort gros ruisseau appelé Stur, distant du lieu auquel il se estoit embarqué d'environ cent stades * : où il seiourna avec

Embarque-
ment de
Nearch.

* Six lieues
& vn quart,
à prédre sei-
ze stades
pour lieu.

avec la flotte par deux iours. Le troisieme iour partant de là, il descendit iusques à vn autre ruisseau, qu'ils nomment *Cau-*
mane, esloigné de trente stades du premier, où ja l'eau salée
 au goust estoit fort semblable à celle de la mer. D'autant que
 quand la maree vient, elle entre & monte iusques à ce lieu. Al-
 lant vingt stades plus auant il s'arresta à *Coreate* (ainsi appel-
 lent-ils ce lieu) & demeura dans le canal du fleuve. Estant par-
 ty de là, il n'alla gueres loin que commencerent à apparoir à
 l'issüe du fleuve des vagues blanchissantes à cause du batte-
 ment d'iceux contre les riuages, & des escumes brisees : & vn
 fossé tiré d'environ cinq stades, dans lequel, du costé que la
 terre sembloit plus facile à fouir, il feit garrer les vaisseaux, si
 tost qu'il veit que la maree commençoit à regorger dans le
 fleuve. Au deslogement de là, il feit vne traicte de cent cin-
 quante stades, iusques à l'Isle de *Crocales* : où il s'arresta,
 & y passa encores le iour ensuiuant. De ceste Isle sont as-
 sez proches voisins ceux qu'ils appellent *Arabiens*, qui est
 vne nation Indienne, dont nous auons fait mention aux
 liures precedents. Et sont ainsi nommez à cause du fleuve
Arabic, qui borne leurs frontieres contre celles des *Oritains*.
 De *Crocales* il marcha plus auant, laissant à main droicte le
 mont d'*Ir* : ayant à la gauche vne Isle fort vaseuse : laquelle s'e-
 tendant vers le riuage fait vn goulfe bien estroit, lequel
 passé on entre dans vn certain port seur & calme, que *Nearch*
 voulut estre appellé le port d'*Alexandre*. Vis à vis de l'entree
 de ce port, environ deux stades de distance, & non plus, y a
 vne Isle nommee *Bibacte*. Et la contree adiacente s'appelle
Sangade. Ceste Isle ayant le front vers la mer, d'elle mesme
 fait vn port. Mais ces lieux estoient fort agitez d'un vent ve-
 nant du costé de l'Ocean. A raison de quoy *Nearch* feit cam-
 per son armee sur terre ferme, & craignant que les païsans
 assemblez vinssent assaillir la flotte, feit fortifier son camp
 tout à l'entour d'une muraille de pierre, & là demeura vingt
 & quatre iours. Ce pendant ils passoient le temps, comme il
 dict, à aller ramasser des rats de mer, & des huïstres d'une

Isle de *Cro-*
cales.

Arabiens
Indiens.

Le port d'*A-*
lexandre.

Bibacte Isle.
Sangade cō-
 tree Indienne.

grosseur merueilleuse, au regard de celles qui naissent en nostre mer: mais qu'il leur falloir boire de l'eau salée. Quand les vents furent accoysez, il partit avec la flotte, & ayant fait pres de soixante stades de chemin, il paruint à vn riuage fort sablonneux. Au deuant duquel y auoit vne Isle deserte, qu'on appelle Domes: qui de son obiet & abri leur seruit de haure. Là il feit arrester la flotte, & y seiourna deux iours. Et par ce qu'il n'y auoit point d'eau propre à boire au riuage, ils entrerent enuiron vingts stades en pays, & trouuerēt de l'eau douce. Le lendemain ils voguerēt cent stades, iusques à vne contrée qu'on appelloit Sarange, où ils prindrent terre: mais ils n'y feirent aignade, n'y aiant eau plus pres de la mer que de huiet stades. Delà Nearch vint à vn pays inhabité nommé Sacala. Puis ayant passé entre deux bancs si proches l'vn de l'autre que les corps des vaisseaux passans entre deux froyoiet contre iceux des deux costez, il feit trois cens stades, & vint surgir aux Morontobares. Là y a vn haure grand, tout rond & profond, bien seur contre la tourmente, ayant l'emboucheure fort estroite. Ceux du pays l'appellent le haure des femmes, à cause d'une certaine femme qui regna la premiere en ceste region. La flotte apres auoir passé les deux bancs susdicts, & auant que d'entrer dans ledict haure, fut estrange-ment agitée de vents: & de se destourner & circuir ces bancs, il y auoit apparence d'encourir encores pire fortune. Le iour d'apres estant parti de là, il rencontra vne Isle à main gauche ayant son obiet vers la mer, & si proche de terre ferme que le bras de mer qui estoit entre deux ressembloit mieux à vn fossé, qu'à quelque partie de la mer. Ce iour là fut nauigé enuiron soixante & dix stades. Il y auoit au riuage vne forest espesse & fort peuplée d'arbres. L'Isle aussi estoit bien sombre & couuerte. Partât de là sur le point du iour il se trouua en des lieux fort serrez & estroits, à raison de ce que la maree s'estant retirée en auoit laissé grande partie à sec. Delà ayant vogué six vingts stades, il sarresta à la bouche du fleuue d'Arabie. Alentour de laquelle y auoit vn port spacieux & seur: mais
l'eau

Domes Isle
deserte.

Sarage pays
Indien.

Sacala pays
inhabité.

Moronto-
bares.
Le haure des
femmes.

l'eau en est salée, d'autant que la mer y entre par ladicte bouche. A ceste cause ils furent contraincts de gagner à mont lediēt fleuve iusques à environ soixante stades, où ils trouverent vn lac d'eau douce: dont ils se fournirent, & retournerent prendre leur route. Il y a vne Isle vis à vis du port qui est haute & de longue estendue: & alentour d'icelle y a grande quantité de huîtres, & de toutes autres sortes de poisson, dont ils pescherent, & s'en repeurent. Ce fleuve borne l'Indie de ceste part: & sont ceux de ceste contrée les derniers en venant deçà qui portent le nom d'Indiens: ceux d'après sont les Oritains. Sortant Nearch du fleuve d'Arabie alla tousiours costoyant le pays des Oritains, iusques à ce que ayant fait deux cens stades il fut parvenu à Pagales, où il s'arresta, auprès d'un rocher, par ce qu'il y avoit fonds & moyen d'ancrer. Et pendant le sejour qui y fut fait les nautonniers firent provision d'eau. Le iour ensuyvant de grand matin partant de là, après avoir navigé trois cens stades il arriva à Cabanes: & d'autant que le riuage estoit haut & plein de bancs, il fit jeter les ancrs plus loin de la terre. Comme il s'y acheminoit, vne rage de vents se leva, dont la flotte fut fort travaillée, & y eut trois vaisseaux perdus: toutefois il ne mourut personne de ceux qui estoient dedans, par ce qu'ils estoient proches du riuage. Deslogeant de là environ la nuit après avoir navigé iusques à deux cents stades, il arriva à Cocales. Où il prit terre faisant jeter les ancrs pres du riuage, & fit descendre ses soldats en terre, & cāpa: par ce q̄ tant que ils estoient, estans travailliez de la fatigue de la lōgue navigation, ne cherchoient rien plus que le repos. Et à fin que les Barbares ne les vinssent charger au despourueu, il fortifia son cāp d'un rāpart qu'il fit tirer tout à l'entour. En ce lieu Leonnat, qu'Alexandre avoit laissé son lieutenant general au pays des Oritains, avoit eu vne aspre bataille cōtre les Oritains, & quelsques autres qui se estoient alliez avec eux: lesquels il avoit desfaits & taillez en pieces iusques au nōbre de six mil avec tous leurs chefs: & des siens il ne perdit pas plus de quinze hommes de cheual,

Pays des
Oritains.
Pagales.

Cabanes.

Trois vais-
seaux perdus

Cocales.

Desfaite
des Oritains
& autres par
Leonnat.

Tomeron
riuiere.

& bien peu de gens de pied. Entre autres y demeura Apollon-
phane gouuerneur des Gedrosiens. Ces choses ont esté par
nous recitees aux liures precedents: & encores cōment Leon-
nat fut honoré d'une couronne d'or qu'Alexandre luy donna.
Cependant Leonnat auitailla la flotte de fourment en faisant
le departement ainsi que Alexandre auoit ordonné. Apres
que en ce lieu eurent esté refaiçts les vaisseaux que la tourmēte
auoit cassez ou autrement endōmagez, & qu'on les eut pour-
ueu de viures pour dix iours: les matelots qui se trouuerent
lassez ou ennuyez de la mer furent laissez avec Leonnat, &
pour remplir leurs places on y feit entrer autant de ceux que
Leonat auoit avec luy. Estant la flotte partie de là, apres auoir
faict pres de cinq cens stades, elle paruint à vne riuiere qui
s'appelle Tomeron, auquel lieu on ietta les ancrs. Il y auoit
pres de l'issue de ceste riuiere, & sur le riuage de la mer, vn estāg.
Les habitans du pays estoient logez dans des petites cabannes
ou logettes: lesquels voyans approcher la flotte s'effroyerent
comme de chose nouuelle, & qu'ils n'auoient iamais veu:
& par troupes s'assemblerent au riuage, faisant contenance
de vouloir combattre, si les soldats sortoient des vaisseaux. Ils
portoient en main de grosses iauelines de six pieds ou enuiron
de longueur, sans fer, ains seulement aguisees par le bout &
endurcies au feu: & pouuoient estre quelques six cens hom-
mes. Voyant lesquels Nearch s'apprestier au combat, il feit ap-
procher la flotte du riuage iusques à la portee du treçt, & feit
decocher sur les Barbares. Ce qui estoit fort à leur desaduan-
tage: d'autant que leurs iauelots à cause de la pesanteur d'i-
ceux ne leur pouuoient pas seruir de si loin. D'autre costé il
choisit parmy ses soldats ceux qui scauoient mieux nager, &
qui estoient legerement armez, & les faict gagner le riuage à
nage, avec commandement que ceux qui auroient les pre-
miers le pied en terre auant que sortir de l'eau attendissent
leurs compagnons, pour se ioindre avec eux: & qu'ils n'allas-
sent point à la charge iusques à ce qu'ils se veissent trois rens
bien fournis. Et que cela faict avec huces & clameurs ils don-
naient

naissent dans les Barbares de teste & de pointe. Mais quand les Barbares virent marcher à eux ceux qui estoient descendus en terre, & que des vaisseaux ils estoient assaillis & naurez de coups de treçt : ioinct qu'ils s'estonnerent de voir les armes & armures des Macedoniens reluire, veu qu'ils estoient sans armures & sans armes ferrees ou acerces, ils se mirent incontinent à la fuite. Il y en eut quelques vns tuez a la fuite, quelques vns pris, les autres se sauuerent a la course aux montaignes prochaines. Ceux qui furent pris auoient les ongles aigus & durs, desquels ils faisoient au lieu de ferremens : ils en tuoient des poissons, en sçioient du bois tendre : & le dur ils le couppoient avec des pierres : car le fer n'y estoit aucunement en vsage. Ils auoient pour vestement des peaux de bestes sauuages, sinon aucuns qui se vestoient de peaux espees de grands poissons. Au reste ils sont velus & ont le cuir fort rude. Nearch ayant baillé la chasse à ces Barbares fait approcher la flotte du riuage, a fin de radoubier & calfeutrer des vaisseaux qui en auoient besoing: dōnant cinq iours aux soldats & matelots pour se rafraichir : & le sixième iour il en partit. Quand il eut nauigé trois cens stades, il arriua aux extremités du pays des Oritains. Ceux de la contree appellent ce lieu-là Malana. Les Oritains qui habitent en terre ferme vsent d'habits & d'armes de la même façon que les Indiens : mais ils sont differents de parler & de maniere de viure. En ceste nauigation Nearch fait de chemin, à sçauoir depuis la bouche d'Inde par la coste des Arabiens, mil stades : par celle des Oritains mil six cens stades. Les Oritains passez, Nearch escriit qu'il n'y a plus d'Indiens : & que l'ombre n'est pas tournée de même sorte : mesmes que quand ils furent vn peu entrez en haute mer, leurs ombres sembloient estre tournées au Midy : mais que quand le Soleil esleué faict le mi-iour, il n'y a aucunement d'ombre en ces lieux la. Mesmement des estoilles, à sçauoir que de celles qui leur estoient apparues plus esleuees auparauant, les vnes n'apparoissoient plus du tout, les autres se voyoient fort abaissées : & qu'ils en voyoient tantost leuer

Barbares en
route.

Ongles au
lieu de ferre-
mens.

Vestemens
de peaux de
bestes & de
poissons.

Malana.

Climat sans
ombre à
midy.

Puits à Syene où n'y a point d'ombre : autant à Meroé.

L'armée d'Alexandre souffrit beaucoup en la Gedrosie.

Des Ichthyophages.

Bagisare.

Pasireens.

Coltes.

Calames.

Carminé Isle.

tantost coucher, qui deuant leur estoient tousiours apparentes. Et certainement Nearch me semble n'auoir escrit cela sans raison. Par ce que à Syene ville d'Égypte il y a vn puits, auquel en plein Solstice estiuil il n'y a point d'ombre au point de midy. Semblablement à Meroé en la mesme saison ne se font aucunes ombres. Il y a pareille raison qu'autant en aduienne chez les Indiens, au mois ceux qui sont en pays situé en la partie Meridionale : specialement vers la mer Indienne, d'autant plus que ceste mer incline au Midy. Mais c'est assez discouru de ceste matiere. Apres les Oritains du costé de terre ferme habitent les Gedrosiens : par les frontieres desquels Alexandre trauersa avec son armee à bien grande difficulté : & y endura plus de trauaux & d'incommoditez, que en tout le surplus du voyage d'Indie : ainsi que nous auons escrit plus amplement ailleurs. Au dessous des Gedrosiens vers la mer, sont ceux que lon appelle Ichthyophages. Nearch deslogeant enuiron la seconde veille de la nuit, alla tousiours lisant avec la flotte leur cōtree : & apres auoir vogué six cens stades, arriua à Bagisare. Il y auoit en ces lieux vn haure fort cōmode pour la retraicte d'une flotte, & vn villaige à soixante stades de la mer appelé Pasire : dont les habitans sont appelez Pasireens. Le lendemain il passa avec la flotte, tout ioignant vn certain rocher haut & couppé, & fort aduancé dans la mer. Lequel passé, il feit creuser des puits, où il trouua prou d'eau, mais elle estoit salée. Pour ce iour-là la flotte demeura à l'ancre, d'autant que le riuage estoit pierreux & plein de bancs. Le iour d'apres il vint à Coltes, aiant fait deux cens stades. Partant delà, le lendemain au point du iour, apres auoir vogué six cens stades, il s'arresta aux Calames, en vn village proche du riuage de la mer : où l'on trouua quelque quantité de palmes, & des figues seiches. A cent stades ou enuiron pres du riuage y a vne Isle appelée Carminé. Les habitas du villaige susdict feirēt des presens à Nearch de poissons & de moutōs : la chair desquels Nearch dict ressembler du tout en faueur à celle des oyseaux qui frequētent la mer. Aussi le bestial de ceste cōtree est

est il nourry de poisson, par ce qu'il n'y a point de prairies ny de pasturaiges. Le iour ensuiuant apres auoir nauigé iusques à deux cens stades, il feit aborder la flotte, & prendre terre. Il y a vn bourg distant de la mer d'environ trente stades, qu'ils appellent Cysé, & le riuage en cest endroiçt Carbis. En ce lieu furent trouuees quelsques nasses peschereffes, mais point de pescheurs. Pour autant que si tost qu'ils apperceurent la flotte tirer à bort, ils abandonnerent leurs nasses, & senfuirent. Il n'e sy trouua point de fourment: toutefois il commençoit fort à defaillir à la flotte. Parquoy ayant fait enleuer du bestial, & mener aux vaisseaux, il partit de là. Il n'alla pas loing qu'il rencontra vn cap ou promontoire grand & enuironné de bancs & rochers s'aduançant en mer iusques à cent cinquante stades, lequel passé il arriua à vn certain port seur & calme, qu'on nomme Mosarne. Nearch escrit que là il prit Hydrace Gedrosien pour luy seruir de guide pour tirer en la Carmanie, lequel se presenta de luy mesme à ce faire. Tous les pays qui sont entre ce lieu & le goulfe Persique, ne sont pas de si difficile nauigation, que les precedents: & sont bien plus cogneuz & renómez, que les contrees qu'ils auoient passees depuis leur embarquement en Indie. Partant de là Nearch avec la flotte, apres auoir fait sept cens cinquante stades de chemin, print terre au riuage des Balomes. De là passant plus auant enuiron quatre cens stades, il arriua à vn village, qu'ils appellent Barie, qui estoit fort peuplé de palmiers: & y auoit vn iardin, auquel croissoient des Myrtes, & des violettes de plusieurs sortes: dont les femmes du pays faisoient des chapeaux à porter sur la teste. Ce lieu fut le premier, auquel ils veirent des arbres cultiuez, & des hommes vn peu plus appriuoisez. Puis s'estant aduancé de deux cens stades, il paruint à Dendrobosé: mais par ce qu'ils estoient trop trouuaillez à l'ancre, à cause que la mer estoit emeue, il partit de là à la seconde veille de la nuit, & alla iusques à vn port qu'ils nomment Cophâte, éloigné de quatre cens stades de Dendrobosé. Ceste marche est semblablement habitee de pescheurs:

Bestial nourri de poisson.

Cysé.
Carbis.Mosarne
port.

Balomes.

Dendrobosé

Port de Cophante.

Cyifa.

lesquels vsent de petits bachots , qu'ils conduisent autrement que ne font les Grecs leurs vaisseaux, a sçauoir les auirons disposés sur les costez des batteaux, mais en se courbant les pousoient dans l'eau comme s'ils eussent fouy la mer. Il s'y trouua abondance d'eau nette & douce. Deslogeant de là apres la premiere veille de la nuit vint aborder à Cyifa, ayant nauigé huit cens stades. Le riuage estoit sans culture & sans habitation, & fort remply de bancs. A raison de quoy les ancrees jettes, ils soufperent aux vaisseaux. Puis ayans passé encores cinq cens stades, ils arriuerent à vn petit bourg assis sur vne colline assez pres du riuage. Estant lequel apperceu par Nearch, il eut opinion, comme il estoit aussi vray semblable, que les terres d'alentour estoient cultiuees: parquoy il donna la commission à Archias fils d'Anaxidot Pellean (lequel estoit des plus grands & signalez personnaiges de tous ceux qui firent le voyage avec Nearch) de s'aller emparer du bourg: se persuadant qu'il n'en tireroit iamais autrement, que par force, des bleds ou autres munitions. Toutefois depuis il pensa bien que le prendre par force par vn leger assault que lon y pourroit soudainement donner, il n'y auoit apparence: ains seroit besoin d'y seiourner & sieger. Et neantmoins qu'il ne falloit pas laisser eschapper, si faire se pouuoit, ceste occasion de recouurer viures: lesquels, principalemēt les fourmens, de failloiet, dont il esperoit tirer quelque quantité du pays, qu'il estimoit estre fertile en bleds, à cause de quelsques chaulmes qu'il auoit veu vers le riuage. L'aduis duquel estant approuué par Archias, il comanda qu'on tint les autres vaisseaux prests comme pour poursuyre leur voyage: & donna ceste commission à Archias. Luy avec vn vaisseau seul partit de la flotte, & s'acchemina au bourg. Comme il approchoit, les habitans, ce qu'il n'esperoit pas, vindrent au deuant de luy avec des presents, qui estoient de l'hyens rostis. Car ceux-cy qui sont les derniers des Ichthyophages, ne viuent pas de poissons cruds, comme les autres. Ils leur presenterent aussi des figues seiches & autres fruits parez. Lesquels receuz avec toute courtoisie,

Nearch

Nearch dict qu'il auoit desir de voir leur ville: ce qu'ils luy permirent, & partant il y entra. Estant dedans il laissa deux archers à la garde de la porte: & avec deux autres & vn trucheman montant sur la muraille de la ville de ceste part, dóna à entendre avec vn certain signal à Archias, qu'il approchast. A quoy ne faillit pas Archias: ains en toute diligence feit aborder la flotte tout contre la ville: & tout soudain les Macedoniens se ietterent en l'eau. Quoy voyans les Barbares, ils commencèrent à fesmouuoir & à courir aux armes. Alors le trucheman, que nous auons dict estre entré dans la ville avec Nearch, esleuant sa voix leur dict, que s'ils vouloient sauuer leur ville, il falloit qu'ils fournissent de bleds l'armee de mer. Mais ils feirent responce qu'ils n'auoient point de bleds, & s'en allerent aux murailles pour en dechasser Nearch: où ils furent receuz & tellement chargez de fleches d'enhaut, qu'ils tournerent le dos. Puis quand ils veirent qu'il ne leur estoit pas possible de defendre leur ville par force d'armes, estant ja arriuee l'armee de mer au pied de leurs murs, ils eurent recours aux prieres: & supplierent Nearch de se contenter de prèdre tous les bleds qui se trouueroient dans la ville, & qu'il ne fust point mesfaict à eux ny à leur ville. Desquelles paroles Nearch adoucy, apres auoir ordonné à Archias de se saisir des portes & des murs de la ville, il feit faire recerche des bleds par toute la ville, & dóner ordre que les habitàs n'en cachassent. Ils monstrent beaucoup de farine de poissons rostis & moulus ou pilez, mais peu de fourment & d'orge. Car ils vsoiēt de farine de poisson au lieu de pain, & le pain de fourmēt leur seruoit de saulse & de douceur. Nearch en aiant fait charger vne partie, passa outre avec la flotte. Et poursuyuant sa routte arriua à la roche qu'ils appellent Bagie, que ceux du pays disoiēt estre cōsacree au soleil. Partant de là sur la secōde veille de la nuit, il vint à Talmene port fort calme & bien seur cōtre les vens, distāt de mil stades de Bagie. De là il vint surgir à Canasi ville deserte, esloignee de Talmene d'environ quatre cens stades: où ils trouuerēt vn puis, qui y auoit esté faict, lequel estoit tout couuert par dessus

La roche de
Bagie.

Talmene bō
port.

Canasi ville
deserte.

de palmiers sauvages, qui y estoient creuz: aians mangé les sommets plus tendres, desquels pour soutenir la faim grande qui les pressoit (car le bled estoit defaillly en l'armee) ils partirent. Et ayans par ceste famine nauigé tout le iour & la nuit suyuant, Nearch feit arrester les vaisseaux à l'ancre pres d'un riuage inhabité: craignant que s'ils descendoient en terre, la pluspart ennuyez de la marine abandonnassent la flotte. Faisant de là leuer les ancras il feit sept cens cinquante stades, puis

Canate môt. s'arresta pres d'un mont nommé Canate: où il passa vne nuit. Puis laissant ce lieu d'autant que le riuage estoit trop vaseux, apres auoir nauigé huit cens stades il fut porté au pays des

Pays des Trefens. Trefens. Là y auoit quelques villages bien petits & pauvres abandonnez des paysans, ausquels ils trouuerent quelque peu de froment & des figues de palmiers, & sept chameaux, de la chair desquels, apres les auoir fait tuer & cuire ils chasserent la faim. Nearch deslogeât avec la flotte au point du iour vint

Dagasire. aborder à Dagasire, trois cens stades au deçà: lequel lieu est habité de quelque peu de pastres. De là aiant nauigé encores onze cens stades, il parurent aux frontieres & extremités du pays des Ichthyophages en grande nécessité de munitions. Il y auoit en ce lieu un cap qui s'estendoit fort loin en mer: où il ne voulut point prendre terre: ains feit tenir la flotte à l'ancre

Cóbien contient la coste des Ichthyophages, & dont ils sont ainsi appelez. à cause des bancs & rochers qui estoient vers le riuage. La coste des Ichthyophages, cogneuë par ceste nauigation, contient peu plus de dix mil stades. Ils viuent de poisson, dont ils ont esté ainsi appelez: toutesfois il n'y a pas beaucoup de pecheurs: d'autant qu'il y a peu de personnes entre eux qui aient des vaisseaux, ou qui soient entendus à la pescherie. Le reflux de la mer les fournit de poisson en abondance. Aucuns d'eux ont des filez de telle longueur, qu'ils s'estendēt iusques à deux stades: qu'ils lassent de la plus deliée escorce de palmiers, laquelle ils cordent comme de la chanure. Quand la marée est retiree, il demeure beaucoup de poisson sur le sable, où la terre est un peu esleuee: & où elle est basse & sinueuse, il y demeure quelque peu d'eau, où ils peschent le poisson avec leurs filez,

en

en grande abondance. Le menu & plus tendre poisson, ils le mangent tout cru, tel qu'ils le prennent : le plus gros & plus dur, ils le font rostir au soleil. Estant rosty ils le mettent en pouldre, dont ils font vne forme de pain. Il y en a qui en font de la boullie. Ils en nourrissent aussi leur bestial, par ce qu'en toute ceste region n'y a aucuns prez, ny pasturaige. Il sy trouue grande quantité de cancrs & d'huiſtres. Le sel sy concrée de soy mesmes, dont ils font de l'huile. Ceux qui habitent és deserts, où il ne croist ny arbre ny fruit quelconque, vivent seulement de poisson. Les autres ont quelque peu de terres labourables. Ceux cy vsent de fourment pour toute douceur, & mangent du poisson au lieu de pain. Ils bastissent leurs maisons de ceste façon. Ceux qui sont les plus riches d'entre eux, se seruent des plus grands ossemens de balines à faire des solives & cheurons : & des plus gros & massifs, ils font les huisseries. Le reste du peuple bastit d'autres os de poissons. Il y a en l'Ocean de gros poissons, & d'une grandeur desmesuree, plus puissans beaucoup & d'une autre espee que ceux de nostre mer. Nearch escrit que depuis qu'il fut party du pays des Cyfens il veit par vn matin à l'aube du iour, que en quelques endroits de la mer, il ialloit de l'eau en l'air, comme si elle eust esté soufflee par quelque impetuosité de vent, dont ceux qui estoient aux vaisseaux, demurerēt comme esperdus & estōnez, n'entēdans pas dont cela procedoit. Et que quand ils sçeurēt des guides qu'ils auoient en ce voyage, que c'estoient poissons, les rames leur tomberent des mains de frayeur : & que depuis qu'ils furent vn peu asseurez, il leur fait tourner les vaisseaux les prouës droictes vers ces monstres, comme pour combattre en guerre nauale, & tirer auant de toute force avec grād bruit & tintamarre, escartez vn peu les vns des autres : & en approchant d'eux ietter de grāds cris & huees, & sonner les trompettes. Ce qu'ayans dextrement executé, ces monstres qui apparoissoiēt ja proches des vaisseaux estonnez de ce son & du bruit des auirons, se plongerent au fond de la mer : dont ils remonterent peu apres, & furent veus des poupes vomif-

Maisons basties d'osse-
mens de
poissons.
Poissons d'es-
trange grā-
deur.

Comment
Nearch sau-
ua la flotte
contre ces
poissons.

sans vne merueilleuse quantité d'eau. Dont ceux de la flotte furent bien resiouis, se voyans hors de danger, & la prudence de Nearch grandement louee. Quelques vns d'iceux se trouuans au riuage quand la mer se retire, demeurent à sec sur la greué, d'autres estâs agitez des vagues sont iettez à bord comme nauires par vne tourmente. Desquels, quand ils sont pourris, ils ramassent les os pour bastir leurs maisons. Les plus grandes costes leur seruent de doubleaux & de couuertes, les plus petits d'ais : & des machoires ils en font leurs portes : d'autant qu'il y en a beaucoup qui ont plus de vingt & cinq couldees de longueur. En passant par la coste des Ichthyophages Nearch descouurit vne Isle en mer esloignee d'environ cent stades du riuage, non cultiuee ny habitee : laquelle ceux d'aupres disoient estre consacree au Soleil, & appelée Nofale : & que personne n'y va : & si quelqu'un y va d'auenture, on ne le reuoit iamais depuis. Mesmement Nearch tesmoigne qu'un certain vaisseau des siens, auquel estoient des Egyptiens, perit soudainement assez pres de ceste Isle en vue de tous, & que les guides dirent, qu'il ne se falloit plus enquerir de ces Egyptiens, puis qu'ils estoient approchez de l'Isle : & que pour leur ils estoient euanouis & perdus. Que lors il y voulut enuoyer vne galere à trente rames pour banc avec mandement à ceux de dedans d'aller à l'entour de l'Isle, & appeler leurs compagnons, sans toutefois descendre en l'Isle. Mais voyant que personne n'y osoit aller, il y alla en personne, & contraignit les matelots malgré qu'ils en eussent d'aborder son vaisseau : & que de fait il y descendit, pour monstrier que c'estoit mensonge tout ce dont ceux du pays auoient fait courir le bruit. On contoit encores vne autre fable de ceste Isle, qui estoit telle. Qu'une des Nereides (on ne la nommoit point) y auoit autrefois fait sa residence, & qu'elle sabandonnoit à tous les hommes qui de fortune y auoient pris terre : lesquels puis apres elle transformoit en poissons, & les iettoit en la mer. Dequoy le Soleil irrité luy auroit enuoyé vider de ceste Isle, à quoy elle n'auroit point repugné.

Isle de Nofale
le inhabitee,
& pourquoy

Fable touchant
ceste Isle.

repugné, mais bien auroit elle fait ceste requeste, que ce desir laicif de volupté qu'elle auoit luy fust osté. Ce que le Soleil luy auroit accordé : & que ce fait ceux que par ses enchantements elle auoit tournez en poissons, il les auroit de rechef transmuez en hommes : dont seroit issue la race des Ichthyophages, qui auroit duré iusques à ce temps d'Alexandre. Je ne voy pas que Nearch se soit aquis beaucoup d'honneur de s'estre amusé à refuter ces choses, qui d'elles mesmes sont faciles à refuter & conuaincre de menfonge. Au dessus des Ichthyophages, du costé de la terre sont les Gedrosiens : dont la contree est fort sterile & sablonneuse. En laquelle, comme il a esté par nous discouru aux liures precedents, l'armée d'Alexandre, & Alexandre luy mesmes, eurent beaucoup à souffrir. Quand ils furent paruenuz au pays des Ichthyophages en la Carmanie, Nearch feit ietter les ancrs au deuant d'un certain cap : par ce que ce cap estoit droit & coupé, & la mer aucunement emue. Quelque temps apres, les ancrs leuees, il poursuiuit son voyage, non plus tirant droit au Ponent : mais prenant la route entre le Ponent & le Nort. Ils trouuerent la Carmanie plus peuplée d'arbres & plus fertile que la contree des Ichthyophages & des Oritains : & outre cela plus abondante en eau. Et quand il fut arriué à la marche qu'ils appellent des Badiches, il feit arrester la flotte. Il y auoit en ce lieu des vignes, & de toutes autres sortes d'arbres fruietiers, fors d'oliuiers. Estant de là passé outre iusques à huit cens stades, il prit terre à un riuage non habité. Duquel l'on voyoit fort euidentement un grand promontoire : qui s'estendoit bien loin en mer, contenant à ce qu'on en pouuoit iuger, environ un iour de nauigation : lequel ceux qui cognoissoient ces pays là disoient estre appelé Macete : & que de là le Cinnamome & autres semblables odeurs & parfums sont tirez pour estre transportez en Assyrie. Entre ce riuage où nous auons dict qu'aborda la flotte, & ceste roche, qu'ils voyoient vis à vis s'estendre loin en mer, est, comme tient Nearch (qui est bien aussi

De la Carmanie.

Pays des Badiches.

Macete roche, où croist le Cinnamome & autres odeurs.

Le goulf
Perfique &
la mer rou-
ge.

mon aduis) le goulf Perfique, qui paffe entre deux entrant en terre ferme, qui est ce que nous appellons la mer rouge. Onesicrit grand pilote de la flotte estoit d'aduis qu'on tiraist à ce cap : mais Nearch ne le voulut pas, alleguant qu'Alexandre n'auoit pas enuoyé sa flotte à ces mers-là, pour la precipiter en hazard de perir : mais que son intention estoit que l'on recogneust & visitast les costes, haures, ports & Isles, qui estoient en ces marches : & quel'on descouurist les villes maritimes : quelle contree estoit fertile, quelle sterile. Qu'il ne falloit point outrepasser les bornes de la charge & commission que le Roy leur auoit baillee : mesmement eux estans proches de la fin de leurs trauaux. Que les munitions, qui leur restoient pouuoient bien suffire pour paracheuer la nauigation qui leur estoit commandee, mais pas pour aller plus loing : où il estoit à craindre, considéré que ce promontoire tiroit au midy, que s'ils y nauigeoient, ils s'allassent rendre à quelque region deserte, sans eau, & bruslee du soleil. Chascun s'accorda à l'aduis de Nearch, par le moien duquel il me semble auoir sauué la flotte. Pour autant que l'on tient que ceste roche, comme aussi les autres lieux d'alentour, sont sans eau, n'estans autre chose que grands deserts & lieux vagues & inhabitez. Partant d'oc de là la flotte, lisant tousiours la terre le plus qu'on pouuoit, apres auoir fait sept cens stades, il vint surgir à vn riuage appelé Neoptan : de là passant outre encores cent stades, il arriva à la riuere d'Anamis, à vne contree amie qui s'appelloit Harmozie, pays de labour portās toutes sortes de fruiets, hormis les oliues. En ce lieu prenans terre ils eurent grand plaisir à se rafraichir, apres tant de trauaux & necessitez qu'ils auoient endurez, ores au pays des Ichthyophages, puis en des regions desertes, parmy des gens sauuaiges, & autrement sur mer iusques-là. Et ainsi que aucuns d'entre eux estoient entrez vn peu auant en pays pour recognoistre en quelle region ils estoient, cerchant l'vn vne chose, l'autre vne autre, ils rencontrerent vn homme vestu à la Grecque. A la rencontre duquel on dict que les larmes leur tomberent des yeux, de ce que
apres

Anamis ri-
uiere.
Harmozie
contree.

apres tant de dâgers passez, & tant de maux endurez ils auoient ce bien de trouuer en ces lieux-là vn homme Grec, & d'ouyr le langage grec. Cest homme estant enquis par eux qui il estoit, & quelle aduenture l'auoit là amené, il respondit, qu'il estoit Grec de nation, suyuant le camp d'Alexandre, qui n'estoit pas loin de là, dont il festoit esgaré. Lesquelles nouuelles entendues, il fut sur le champ en resiouyssance & allegresse incroyable mené à Nearch. On sceut par luy que le camp du Roy n'estoit que cinq iournees de la mer. Ce personnage feit aussi veoir à Nearch celuy que Alexandre auoit laissé pour gouuerneur de ce pays : avec lequel aiant quelque temps communiqué Nearch, il se delibera d'aller trouuer le Roy. Mais auant que partir pour y aller il retourna à la flotte. Et le lendemain du matin, il feit prendre terre aux vaisseaux, à fin de faire refaire & calfeutrer ceux qui estoient endomagez par si longue nauigation. Et à fin de laisser en seureté ses compagnies, il feit tirer vn fossé & double rampart depuis vn des bords du fleuee iusques au riuage de la mer, avec vn mur de gazons & de terre. Pendant le temps que Nearch estoit occupé à cela, le gouuerneur de la prouince, pensant bien qu'il feroit chose agreable à Alexandre, fil luy faisoit le premier sçauoir des nouuelles de l'arriuee de sa flotte saine & entiere, dont il estoit en esmoy : & que Nearch si tost qu'il auroit donné ordre à ce qu'il faisoit, l'iroit trouuer, il alla en diligēce par les plus courts chemins en donner aduertissement au Roy. Et encores qu'Alexandre ne fassera pas beaucoup sur ce rapport, si monstra-il en receuoir bien grand plaisir. Apres que vn iour puis vn autre furent passez sans en auoir autres nouuelles depuis que ce personnage estoit arriué, il eut opinion que le message n'estoit pas certain : mesmement d'autant qu'ayant enuoyé courier sus courier vers Nearch : nel-vn d'eux estant de retour, n'auoit rapporté de Nearch aucune chose sur laquelle on peust asseoir assurance de verité. Parquoy il commanda qu'on meist en prison ce gouuerneur, qui luy auoit apporté ces nouuelles, comme menteur & donneur de bayes :

donnant assez à entendre combien il estoit stomaqué de ce que, comme il estimoit, on luy auoit fait vn faux recit. Ce temps pendant, aucuns de ceux qu'Alexandre auoit enuoyez vers Nearch avec des cheuaux & des coches, rencontrèrent Nearch, Archias & autres de leur troupe iusques à cinq ou six seulement, qui s'acheminoient avec eux : mais ils ne les recogneurent pas du premier coup, tant ils paroissoient changez de visage, les cheueux & la barbe longue, maigres, ridez, salles & palles. Nearch & les autres leur demanderent où estoit Alexandre, ils leur respondirent, monstrans avec la main le lieu, & neantmoins passioient outre tirans vers la mer : quand Archias se tournant vers Nearch luy dict, qu'il auoit opinion, que c'estoient gens qu'Alexandre auoit enuoyez pour les venir trouuer : veu melmement qu'ils tenoient le mesme chemin que eux estoient venus. Et que ce n'estoit de merueilles fils ne les auoient pas recogneus pour estre ainsi ords & salles : qu'il estoit d'aduis qu'on les rapellast, & qu'on sçeust d'eux où ils alloient : Nearch trouua bon cest aduis. Estans donc appelez, apres auoir fait responce qu'ils estoient enuoyez par Alexandre vers Nearch : il leur fut dict par Nearch, qu'ils auoient trouué ceux qu'ils cerchoient, qu'il estoit Nearch : & qu'ils le conduisissent au camp du Roy. Lesquels ioyeux au possible, aians receu ceux cy dans leurs coches, rebroussent tout court vers le Roy. Quelsques vns coururent deuant au camp pour aduertir le Roy : qui entendant que Nearch & Archias venoient avec cinq hommes seulement pour toute compaignie, & qu'on ne luy disoit rien de la flotte, eut doute que sa flotte fust perie, & que ce peu d'hommes se fussent sauuez. A raison dequoy il n'eut pas tant de ioye du retour sain & sauf de Nearch & d'Archias, que de facherie pour l'opiniõ qu'il auoit de la perte de la flotte. On estoit encores sur ce propos, quand on veit venir Nearch & les autres. Voyant lesquels Alexandre aller vers luy avec vn si mauuais visage, & si pireux estat de tout le reste du corps, il tint pour tout leur ce qu'il pensoit de sa flotte perdue. Estans venus à luy, apres les auoir receus & embrassez

Nearch &
Archias arri-
uez au cap.

embrassez affectueusement, il tira Nearch à part, & fut quelque temps avec luy sans mot dire, aiant la larme à l'œil de desir qu'il auoit de sçauoir des nouuelles de ses gens. En fin iettāt comme vn petit soupir, il dict : Que puisque luy & Archias estoient de retour en bonne disposition, le mal estoit moindre : mais qu'il desiroit entendre comment sa flotte & son armee de mer estoient peries. Alors Nearch ayant descouuert la cause de la tristesse d'Alexandre, Sire, dict il, la flotte & l'armee de mer vous sont demeurees sauues & entieres. Nous en sommes partis pour vous en venir dire des nouuelles. Quoy entendu, il commença à pleurer plus fort que deuant, de voir les choses aduenues autrement qu'il ne pensoit, & demanda où estoient les vaisseaux? Luy ayant respondu Nearch qu'ils estoient à la riuere d'Anamis, où on les refaisoit : il dict, par Iupiter dieu des Grecs, & Ammon de Libye, qu'il receuoit plus de ioye des nouuelles de sa flotte sauuee, que de la Seigneurie & domination qu'il auoit sur toute l'Asie : par ce que si ceste calamité qu'il craignoit luy fust aduenue, elle luy eust tollu entierement le fruit de sa felicité. Apres cela par cōmandement du Roy à la requeste de Nearch fut elargy le gouuerneur de prouince, qui auoit esté mis en prison, pour auoir, comme on auoit estimé, faulxement rapporté touchant l'arriuee de Nearch. Cela fait Alexandre sacrificia à Iupiter le seruateur, puis à Hercule, à Apollon le chasse-maux, à Neptun & autres dieux qui ont puissance sur la mer : & proposa des ieux de pris pour l'escrime & pour la musique avec vne pompe celebre. En laquelle Nearch marchoit des premiers en veüe d'vn chascun : sur lequel en passant l'armee de toutes parts iettoit des roses & chapeaux de fleurs. Les ieux paracheuez, Alexandre appella Nearch, & luy dict, qu'il auoit deliberé de subroger vn autre en son lieu pour conduire la flotte à Suses. Qu'il auoit assez trauaillé, & estoit raisonnable qu'il se reposast. Auquel Nearch respondit, qu'il estoit prest de luy obeyr en tout ce qu'il luy commanderoit, comme la raison le vouloit. Toutefois moiennant que son

Festins & allegresse au retour de la flotte.

plaisir fust tel, qu'il n'endureroit pas, que ceste commission luy fust ostee pour estre baillee à vn autre : & qu'il luy desplairoit beaucoup de quitter à vn autre l'honneur qu'il tenoit desia quasi pour tout acquis, estant facile ce qui restoit au regard des dangers & trauaux qu'il auoit passez. Comme il parloit encores, le Roy luy rompit son propos, & luy dict, qu'il ne se sachaist pas pour cela. Qu'il n'ignoroit pas combien il estoit tenu à luy. Parquoy il le licencia pour retourner aux nauires, avec peu de forces pour luy faire scorce, d'autant que son chemin s'adressoit par pays domté & amy. Neantmoins ce chemin pour aller trouuer la flotte, ne fut sans trauail ny sans danger. Pour autant que les paysans, quel'esperance du butin, ou la craincte auoit assemblez, tenoient les plus forts lieux de la Carmanie : au moyen de ce que le Satrape du pays par le commandement du Roy auoit esté mis à mort : & Tlepoleme, qui estoit subrogé en la place du defunct, n'estoit pas encores bien obey des Carmaniés. De sorte que tel iour fut qu'il fallut combattre deux & trois fois, venans ces Barbares les charger tantost les vns, tantost les autres. A raison de ce on n'arriua pas à la flotte sans peine, & sans hazard des personnes. Nearch y estant, apres auoir sacrifié à Iupiter le seruateur, proposa vn ieu de pris à la course. Puis apres il sembarqua & feit partir la flotte : & aiant passé vne certaine isle aspre & deserte, nommee Organe, il vint à vne autre plus grande & habitee, qu'ils appellent Oaracte, esloignee de trois cens stades du lieu, où il festoit embarqué. Il y auoit en ceste Isle, derniere grand vignoble & beaucoup de palmiers, & des fruiçts de plusieurs sortes. Elle contient huiçt cens stades de longueur. Le seigneur qui commandoit comme souuerain en ceste Isle, nommé Mazenes, accompagna Nearch iusques à Sufes : & luy seruit de guide à ceste nauigation. L'on disoit qu'en ceste Isle estoit le sepulchre de celuy qui y auoit le premier eu commandement, lequel se nommoit Erythre ou rouge, du nom duquel ceste mer auoit pris son nom. De ce lieu Nearch passant outre avec la flotte deux cens stades, se vint rendre à vn autre

Organe Isle.
Oaracte Isle.

La mer rouge
d'où est
ainsi nommée.

haure

haure de la meſme Ile. Dont l'on pouuoit veoir vne autre Ile diſtante de quarante ſtades tout au plus de ceſte cy : & la diſoit on conſacree à Neptun : & que l'on n'y pouuoit aller. Au poinct du iour il deſlogea. Mais la deſſus le reſlus de la mer arriua fort grād, qui fut cauſe que trois vaiſſeaux des plus proches de terre demeurerēt à ſec ſur le ſable, les autres ſe retirerēt à grād peine des bancs & rochers pour gagner la pleine mer. A raiſon dequoy depuis ils prindrent le large, allans doucement en attendant ce qui aduiendroit auſdicts trois vaiſſeaux: qui peu apres au retour de la marce ſe releuerēt, & ſe vindrent ioindre avec le ſurplus de la flotte. Laquelle à quarante ſtades de ce lieu ſe vint rēdre à vn autre Ile eſloignee de trois cens ſtades de terre ferme. De là laiſſant à main gauche vne certaine Ile deſerte, il paruint à l'Ile de Pylore. En icelle y a vn petit bourg qu'ils appellent Sidodon : auquel ne fut poſſible recouurer aucuns viures fors de l'eau & du poiſſon. Car les habitans de ce lieu viuent auſſi de poiſſon, eſtans denuez de toutes ſortes de grains: d'autant que la terre eſt ſterile, & n'eſt propre à porter bled quelconque. Ayant de la vogué trois cens ſtades, on paruint à vn cap, qui ſ'aduance fort loin en mer. Au partir de là Nearch avec la flotte ayant faiſt autres trois cens ſtades vint aborder à vne Ile aſſez proche du riuaige de la mer nommee Catee, qui eſt inhabitee & fort vaiſſe: & la diſent eſtre dediee à Mercure & à Venus. Et que en ceſte Ile par chacun an le peuple d'alentour mene des brebis & des cheures les offrans à Mercure & à Venus: leſquelles avec le temps deuiēnent ſauuaiges, & fuiēt la veuē des hommes. Le pais des Carmaniens ſ'eſtend iuſques à ce lieu: ce qui eſt plus outre eſt tenu par les Perſes. La coſte des Carmaniens contient trois mil ſept cens ſtades de longueur. Les Carmaniens viuent à la mode des Perſes. Auſſi ſont ils voiſins de la Perſe: & vſent en guerre de pareilles armes, & vont à la guerre comme eux. La flotte eſtant partie de là, Nearch liſant la coſte de Perſe vint à l'Ile de Caicandre à quarante ſtades: vis à vis de laquelle y a vne autre petite Ile qui faiſt vn

Pylore Ile.

Catee Ile.

De la cōtree des Carmaniens, & de leur maniere de viure.

Ile de Caicandre.

Y

Apostanes.

Gogane.
Areon riuie-
re.

Sitac fleuve.

Ville de Hie-
rati.
Heratemi
riuiera.
Padarge ri-
uiera.

Mesambrie.

port. De là on arriua à vne Isle habitee, en laquelle à ce qu'en escript Nearch, on treuue des perles, ainsi qu'en la mer Indienne. Apres auoir passé vn cap de ceste Isle, à enuiron cinquante stades de là fut trouué vn lieu propre pour la retraicte d'une flotte. De ce lieu il vint aborder à vne montaigne qui s'appelloit Och: à laquelle y a vn port fort calme, habité de quelsques pescheurs. Puis il tira à Apostanes ayant nauigé quatre cens cinquante stades. Là y auoit grand nombre de nasses: & au dessus du riuage enuiron soixante stades vn village. Partant de là la nuit on vint gagner vn goulfce qui est enuironné de villages quatre cens stades au deçà. La flotte fut tiree au pied d'une montaigne, où y auoit plusieurs palmiers hauts, & de toutes les sortes de fruiçts qui se trouuent en Grece. La flotte partie de là, apres auoir vogué six cens stades, arriua en Gogane pays habité, à la bouche d'une petite riuiera qu'ils appellent Areon: l'entree de laquelle se trouua penible, d'autant que le flus & reflux de la mer en auoit estre-cy l'embouscheure du sable qu'il y auoit amassé. Nearch for-tant de là feit huiçt cens stades, & fut porté au fleuve de Sitac, auquel il arresta la flotte, bien que l'entree en fust aussi assez difficile. Toute ceste coste de mer est fort vaseuse & pierreuse. En ce lieu Nearch trouua bonne prouision de fourment, qui y auoit esté mené de l'ordonnance d'Alexandre: & là furent baillez vingt & vn iours à ceux de la flotte pour se rafraichir. Pendant lequel temps on radouba les vaisseaux qui estoient offensez. La flotte estant tiree de là & mise à la rame, il vogua l'espace de sept cens cinquante stades, iusques à ce qu'il fut paruenue à la ville de Hierati: où il feit monter les vaisseaux par le canal d'une riuiera appelee Heratemi. Le lendemain deslogeant dès l'aube du iour il vint iusques à vne petite riuiera qu'ils nomment Padarge. De part & d'autre duquel y a grand nombre de iardins qui ont l'eau à souhait: & y a de toutes sortes de fruiçts à pepin. Ils appellent ce lieu Mesambrie: lequel est reduit quasi en forme d'Isle. Parti qu'il fut de Me-sambrie, apres auoir fait deux cens stades, il destourna la
flotte

flotte en Taoc dans la riuere de Granide . Au dessus de la bouche de ceste riuere enuiron deux cens stades auant en terre ferme y a vn chasteau des appartenances du Royaume de Perse . Recite Nearch auoir veu à ce voyage vne baleine que la tourmente auoit ictree sur la greue , qui auoit , au rapport des nautonniers qu'il feist descendre au riuage pour la mesurer , cinquante couldees de long : la peau escailleuse de l'espeffeur d'une couldee : & en icelle des huistres & autres choses semblables, & de la mouffe cōcreée cōme en vn rocher. Et que furēt veuz des daulphins aupres de ceste baleine beaucoup plus puiffans que ceux de la mer de Leuāt. Passant outre il prit la route pour venir gaigner vne petite riuere appellee Rogoni, distante deux cens stades de la susdicte : & de là à vne autre petite riuere de Brizane cinquante stades plus auant. Auquel lieu il trouua beaucoup pour sauuer la flotte à l'entree de la riuere , à cause du sable & des bancs , qui sont vers la mer. A la venue de la maree , ils prindrent port : mais tost apres, au retour d'icelle, les vaisseaux demurerent à sec. Il n'y fut fait long seiour. Ains espiaut Nearch le retour propre de la maree, sortit de là , & vint à Arosis, que Nearch escrit estre le plus gros de tous les fleues qu'il ait veu en toute ceste navigation tomber en l'Ocean. Les Perses tiennent tout iusques à ceste riuere . Plus auant sont les Susiens : lesquels ont leurs loix, leurs coustumes & manieres de viure à part. Ceux qui sont au dessus d'eux, du costé de la terre, sont les Vxiens : qui sont ceux que nous auons dict és liures precedens estre bandouillers & brigands . La coste entiere des Perses , contient quatre mil quatre cens stades. On tient que la region des Perses est diuisee en trois parties fort diuerses. Car la partie qui tourne à la mer rouge , est sablonneuse & sterile , à cause des chaleurs excessiues : celle qui tire de là vers Tramontane est temperee & fertile. Il y a des prairies abruuees de fontaines & ruisseaux, des vignes, & de toute autre espece d'arbres priuez, fors d'oliuiers : & des iardins plaisans à merueille, plantez de toutes sortes de fructiers. Outre cela, y a des riuieres &

Taoc.
Granide riuere.

Vne baleine
aiarsou. couldees de lōg.

Des daulphins.

Rogoni riuere.
Brizane riuere.

Arosis gros fleue.

Les Susiens.

Les Vxiens bandouillers.

Le pays de Perse diuisé en trois parties diuerses,

des lacs, dont l'eau est fort claire & nette : & de toutes especes d'oiseaux qui vivent à l'entour de ces lacs & riuieres . Ceste contree aussi est fort propre à nourrir cheuaux , & tout autre haras : & semblablement propre pour la chasse , comme celle en laquelle y a plusieurs forests. Quant à ce qui est du tout exposé au Septentrion, il est froid, & vne bonne partie de l'annee couuert de neiges. Nearch escrit, que luy estant en la coste de Perse, il eut à la rencontre des Ambassadeurs qui venoient du Pont Euxin, & auoient pris ie ne sçay quel chemin bien court. Ce qui rendit Alexandre bien esbay, mesmement quand il eut entendu par où ils estoient venus. Les Sufiens, ainsi que nous auons dict , sont voisins des Vxiens : comme sont les Mardes, (qui sont aussi bandouillers) des Perses , & les Cosséens des Medoys. Tous lesquels peuples, Alexâdre soubmit à son obeïssance en temps d'hyuer: où ils ne pensoient pas qu'on les peust aller assaillir en quelque saison de l'annee que ce fust , & principalement l'hyuer : & y aiant fait bastir des villes, il les feit de pastres laboureurs : à fin qu'ils possédassent quelque chose, qu'ils eussent peur de perdre : & qu'ils ne se trouuassent plus les vns les autres par voleries & brigandaiges . Nearch , apres cela, avec la flotte, commença à sillonner la coste des Sufiens (laquelle il ne décrit pas si amplement qu'il auoit fait les autres: & luy mesme escrit ne l'auoir peu faire, ne l'ayant peu bien descourir, pour estre si vaseuse & pleine de bancs & rochers, qu'il est impossible d'y prendre port, sans danger de naufrage : il décrit seulement quelsques ports, caps & promontoires, & la longueur de la nauigation) aiant fait prouision d'eau du fleuve en chasque vaisseau pour cinq iours : par ce que les guides en ce voyage disoient, qu'on ne pourroit pas faire aiguede que bien loin de là. Quand ils furent à cinq cens stades de là, il feit tourner les prouës vers le lac de Cataderby, qui est fort poissonneux . A l'entree duquel y a vne petite Isle qu'ils appellent Margastane . Partant de là, le lendemain de grand matin, il se rencontra en vn endroiât si plein de bancs & de vase, que à peine les vaisseaux y pouuoient-ils passer l'un apres l'autre.

Le lac de
Cataderbi.

Margastane
Isle.

l'autre. L'on cognoissoit les bancs à certains pieux qui estoient fichez de costé & d'autre, tout ainsi que au destroit d'Isthme entre Leucade & Acarnanie. Il y a des remarques posees, de peur que les vaisseaux aillent donner dans la vase. Mais à Leucade la vase est sablonneuse, & est facile d'en tirer les nauires, mesmement à l'arriuee de la marce. Mais en ce lieu, le limon est profond & gluant, tellement qu'il est malaisé d'en arracher les vaisseaux, quand ils y sont embourbez, d'autât que les crocs & perches avec lesquels on les soubléue & allége, n'y seruoient de rien, ne pouuans prendre fond en ce borbier creux & tenace. Et si de descendre du nauire c'estoit en vain: par ce que la bourbe ne tenant pas ferme, on y enfondroit iusques à la poitrine. Après auoir en ceste maniere, avec grâde difficulté, nauigé six cens stades sans pouuoir prendre terre nulle part, force leur fut de demeurer aux vaisseaux. Suiuant Nearch sa route, la nuit suiuiante, & le iour d'apres iusques sur le soir, il feit neuf cens stades, & vint surgir à la bouche de la riuere d'Euphrate, aupres d'un village des Babylonienens nommé Diridotis. Auquel lieu y a marché où se faict grand trafic d'encēs & d'autres onguens & parfums qui croissent en Arabie, que les marchans frequentans ceste mer ameynent par deçà. Depuis la bouche d'Euphrate iusques à Babylon Nearch dict y auoir trois mil trois cens stades. En ce lieu Nearch eut aduertissement que Alexâdre avec son armee alloit à Suses. A raison dequoy il rebroussa chemin quelque peu vers Pasitigris: à fin que montant à mont le fleue il se peust ioindre avec Alexandre. Lisant au rebours ceste coste il auoit à gauche la contree des Susiens & vn goulse, dans lequel tombe la riuere du Tigre: laquelle descendant d'Armenie passe ioignant Nine cité grande & opulente le temps passé: & de là enuironné d'un costé & l'Euphrate de l'autre le pays, qui pour estre enfermé dans ces deux fleues est appelé Mesopotamie. Du goulse iusques à ce fleue y a enuiron six cens stades. Là est vn village des Susiens qu'ils nomment Agini distant de Suses de cinq cens stades. La coste des Susiens ius-

Nine cité
grande & o-
pulente le
tēps passé.
Mesopota-
mie pour-
quoy ainsi
appellée.

ques à la bouche de Pasitigris contient deux mil stades peu plus ou peu moins. De ce lieu Nearch avec la flotte monta contremont le Pasitigris par vn pays beau & fertile. Et quand il eut nauigé iusques à cens cinquante stades, il s'arresta & feit seiour iusques à ce que ceux qu'il auoit enuioiez pour s'enquerir où estoit le Roy, fussent de retour. Ce temps pēdant il feit sacrifice avec action de graces aux dieux d'auoir ramené la flotte, & ordōna des cōbats & ieu de pris : les soldats & cōpaignons de la marine se donnants du bon temps en toute ioye & alegresse. Quand il eut receu nouuelles que Alexandre approchoit, il feit haister la flotte de monter, à fin d'aller au deuant de luy, tant qu'il fut paruenue à vn pont nouvellement fait, par dessus lequel Alexandre auoit delibéré faire passer son armee pour aller à Suses. Auquel lieu estant le Roy arriué, il n'est possible de pēser avec quelle resiouissance & accueil les deux armées se ioignirēt ensemble. Cela fait, Alexandre apres auoir sacrifié pour le retour de ses Vaisseaux saufs & entiers, il ordōna des ieu de pris de plusieurs & diuerses sortes. Et fut cogneuē vne grāde biēueillāce & amour d'vn chascun enuers Nearch. En quelque part du cāp qu'il allast on luy iettoit des fleurs & bouquets de toutes sortes. Puis Alexandre honora Nearch & Leonnat de couronnes d'or : Nearch pour auoir sauué l'armee : & Leonnat à cause de la victoire qu'il auoit eue sur les Oritains & autres Barbares leurs voisins. En ceste maniere fut ramenee l'armee, que nous auons dict s'estre embarquee à la bouche du fleueue d'Inde. Quant à ce qui est à costé droit de la mer rouge outre les confins des Babyloniēs, les Arabes le tiennent pour la pluspart : & approche d'assez pres la mer de Phenicie, & de Syrie Palestine. Plus outre en tirant au Ponent & à la mer mediterrancee, sont les Ægyptriens voisins des Arabes. Et le goulfe qui entre de l'Océan dans l'Ægypte demonstre clairement, au moyen de l'entre-cours d'iceluy avec l'Océan, que l'on pourroit aller par mer de Babylon dans ce goulfe qui tire vers l'Ægypte. Toutefois il ne s'est encores trouué homme qui y ait nauigé à cause
de la

de la chaleur immoderee & des deserts qui y sont. Si ce n'est que quelques vns y ayent esté portez par tourmente. Car ceux de l'armee de Cambyse qui eschapperent estans paruenus d'Ægypte à Suses: ceux aussi qui furent enuoyez par Ptolomee fils de Lage vers Seleuc, Nicanor & Babylon, furēt cōtraincts apres auoir passé aupres d'un certain cap aux confins d'Arabie, de trauffer par l'espace de huit iours vn pays desert, & du tout denué d'eau. Et montez sur des chameaux cheminoient seulement la nuit, portans de l'eau avec eux: pour autant qu'ils n'eussent peu endurer de iour l'ardeur du Soleil. Tant s'en faut doncques que ce qui est plus auant en ceste cōtree (que nous appellons Isthme) en tirant du goulfe d'Arabie vers la mer rouge soit habité: veu que ce qui est vers le Septentrion est desert, & n'y a que des sables. Voire se sont trouuez quelques vns, lesquels partās du goulfe Arabic qui tire en Ægypte, apres auoir voyagé quelque temps pour circuir ceste partie d'Arabie, & descouurir la mer vers Suses & le pays de Perse, apres auoir longuemēt vogué par la coste d'Arabie s'en retournerent d'où ils estoient partis, quand l'eau, dont ils auoient fait provision, commença à leur defaillir. Quand à ceux qu'Alexandre enuoya de Babylon pour nauiger la coste droicte de la mer rouge; & descouurir ces lieux-là, ils rapporterent qu'ils auoient trouué quelques petites Isles, & estoient paruenus en quelques endroits iusques à la coste d'Arabie. Mais quant à ce grand promontoire que Nearch escrit auoir veu vis à vis de la Carmanie, il n'y a eu encores personne qui l'ait nauigé de part & d'autre, & passé. Pour mon regard, j'ay bien ceste opinion que si l'eust esté nauigable, ou qu'il y eust eu aucun moyen d'y aller, Alexandre l'eust descouuert par ses gens: tant il estoit conuoiteux de cognoistre & sçauoir les choses incogneues aux autres. Hannon Carthaginois passa bien outre les coulōnes d'Hercule en l'Ocean avec quelques vaisseaux, laissant l'Afrique à main gauche: & nauigea en Leuant tant qu'il eut le vent propice. A quoy faire il employa trente cinq iours. Mais quand il fut tourné vers le midy,

Nauigation
de Hannon
Carthagi-
nois en
Leuant.

Pais de la
ville de Cy-
renes fertil-
le.

Silphium à
Cyrenes.

il tomba en plusieurs inconueniens, faute d'eau, & à cause des chaleurs extremes, voyant comme des ruisseaux de feu se dardans dans la mer. Et neantmoins la ville de Cyrenes, ia- soit qu'elle soit bastie és deserts de Libye, est assise en lieu fertile, herbeux & abondant en eau : où il y a des bois, des prairies, & de toutes sortes de fruiçts & d'animaux domestiques : & ce iusques au lieu où croist le silphium. Ce qui est plus auant est tout pays sablonneux & inhabité. Voila ce que i'ay escrit à part, qui doit estre rapporté à l'histoire d'Alexandre de Macedoine qui fut fils de Philippe.

F I N.



RECVEIL DES CHOSES PLUS NO-
TABLES ES HVICT LIVRES D'ARRIAN
de l'Histoire d'Alexandre
le Grand.



A



ES Abastaniens sub-
iuguez. liu. 6. page
246
Abiès Scythes louez
par Homere. li. 4.

pag. 141

Acefines riuere Indienne. liu. 5.

pag. 212

Achille souhaite estre mort auant
Patrocle. 7. 294

Alexandre dict Achille heureux
d'auoir eu Homere pour descrire
ses faicts. 1. 21

Ada Princeſſe de Carie adopte Ale-
xandre pour son fils. 1. 42

les Adraſtes Indiens ſe rendent à
Alexandre. 5. 215

Agis Roy de Lacedemon allié avec
les Perſes. 2. 73

Agis Argien poete. 4. 156

des Agrians & de Langare leur
Roy. 1. 8

des Agriaſpes ou Euergetes, & de
leur Repub. bien inſtituee. 3. 134

Alexandre declairé General de l'ar-
mee des Grecs contre les Perſes.

1. 2

Alexandre agé de 20 ans quand il

commença ſes conqueſtes. 1. liure,
au lieu meſme.

plusieurs ont eſcrit d'Alexādre ainſi
qu'il auoit eſté predict par Ari-
ſtander. 1. 20

Alexādre tombe en maladie. 2. 58

& 4. 147

Alexādre bleſſé. 3. 140. & 4. 144

& 175

Alexandre en danger de ſa perſon-
ne. 6. 239

Alexandre veut estre tenu pour vn
Dieu. 4. 156. 158 & 159

fiance d'Alexandre à vn ſien me-
decin. 2. 58

conſtance d'Alexandre, au lieu meſ.
continence d'Alexandre. 4. 170

le Roy Daire deſire auoir Alexan-
dre pour ſucceſſeur à la couronne
de Perſe. 4. 171

pays conquis par Alexandre. 5. 220

Alexandre eſt exemple à ſes ſoldats.
6. 261

Alexādre eſpouſe encores deux fem-
mes outre Rhoxané. 7. 273

Alexandre imitateur d'Achille. 7.
289

Alexandre inſatiable de victoires

Z

TABLE DE

<i>Conquestes.</i>	7. 298	<i>en Asie rendues aux Grecs par</i>
<i>homme n'a égalé Alexandre en con-</i>		<i>Alexandre.</i>
<i>questes & exploits d'armes.</i>	7.	297
311		<i>Aorne roche & place forte rendue à</i>
<i>Vertus & bonnes parties d'Ale-</i>		<i>Alexandre.</i>
<i>xandre, avec excuses des actes</i>		4. 182, & autres pa-
<i>mauvais en luy.</i>	7. 309	<i>ges suivantes.</i>
<i>mort d'Alexandre en l'age de 32 ans</i>		<i>des Arabes.</i>
<i>huit mois.</i>	7. 308	7. 301
<i>Alexandrie d'Egypte construite par</i>		<i>Arabie fleuve en Indie.</i>
<i>Alexandre.</i>	3. 95.	6. 254
<i>Autre au</i>		<i>Arabiens Indiens.</i>
<i>mont de Caucase</i>	3. 135. & 4.	8. 335
<i>174. Autre sur le Tanais.</i>	4. 142.	6. 254
<i>Autre au pays des Sogdiens.</i>	6.	<i>Arabitains.</i>
<i>247. Autre au pays des Oritains.</i>	6. 255.	6. 254
<i>Autre es confins d'Ar-</i>		<i>les Aracotiens subiuguez par Ale-</i>
<i>bie.</i>	7. 301	<i>xandre.</i>
<i>Alexandre dict Ephestion son amy</i>		3. 134
<i>estre vn autre luy mesmes.</i>	2. 72	<i>Royaume des Aradiens soubm à</i>
<i>amitié d'Alexandre enuers Ephe-</i>		<i>Alexandre.</i>
<i>stion.</i>	7. 273	2. 73
<i>Voyage d'Alexandre au temple de</i>		<i>Arasaciens.</i>
<i>Iupiter Ammon en Libye</i>	3. 96	4. 175
<i>Alicarnasse asiegee, prise & rasce.</i>		<i>Aggyraspides soldats pourquoy ainsi</i>
1. 41		<i>- appelez.</i>
<i>Amazones.</i>	4. 164	1. 15
<i>Amazones amenees à Alexandre,</i>		<i>Aristander Telmissien predict plu-</i>
<i>sil y en a eu.</i>	7. 287	<i>sieurs choses à Alexandre.</i>
<i>Resposé hardie d'Ambassadeurs.</i>	1. 8	1. 20.
<i>Amour d'Alexandre enuers ses sol-</i>		& 4. 147 & 164. & ailleurs.
<i>dats, & d'enlx enuers luy.</i>	7. 285	<i>Ariste a escrit d'Alexandre.</i>
<i>Anaxarch sophiste flatteur.</i>	4. 155	7. 292
<i>Anchiale Ville bastie par Sarda-</i>		<i>Aristobule a escrit d'Alexandre.</i>
<i>napale.</i>	2. 58	1. & ailleurs.
<i>Antiquailles de Grece transportees</i>		<i>les statues d'Aristogito & de Har-</i>
		<i>modie renuoyees à Athenes par</i>
		<i>Alexandre.</i>
		3. 116. & 7. 297
		<i>Aristote taxé d'auoir fait empoi-</i>
		<i>sonner Alexandre.</i>
		7. 308
		<i>Armee de Daire de six cens mil cō-</i>
		<i>batans.</i>
		2. 65. Autre d'un million
		d'hommes de pied, & de quarante
		mil de cheual.
		3. 104
		<i>L'Armee d'Alexandre en grande</i>
		<i>peine par faute d'eau.</i>
		6. 257
		<i>Alexandre pend ses armes au temple</i>
		<i>de Pallas, & y en prend d'autres.</i>

L'HIST. D'ARRIAN.

1. 21

Armes des Indiens. 8. 330
Alexandre enuoit en Grece des armes des Perse vaincus. 1. 317
les Armuriers exempts de tribut en Indie. 8. 324
Arosis gros fleuve. 8. 355
Arrian parlant de soy. 1. 1. 22
Asclepiade a escrit d'Alexandre.

7. 292

diuision de l'Asie. 5. 195
les Asspendiens se rendent à Alexandre puis se reuoltent. 1. 46
les Aspiens. 4. 175 & 176
Assaceniens. 4. 178. & 8. 312
Assirie pourquoy appelée Mesopotamie. 7. 277
Atheniens desfaicts en Sicile & autres lieux. 1. 16
Autariates. 1. 8
Azelmic Roy de Tyr. 2. 77

B

B *Abylon rendue à Alex.* 3. 116
de Bacchus ou Denu. 5. 188. & 8. 317. *Inuentions d'iceluy.* 8. 320.
pays des Baëtrians conquis. 3. 136.
pays des Badiches. 8. 347
Baleine ayant 50. couldees de longueur. 8. 355
en vn Banquet neuf mil personnes à table. 7. 284
Barbes des Indiens peintes de diuer-

ses couleurs. 8. 329.

Bataille donnée aux Scythes par Alexandre 4. 147. *autre donnée à la riuiera de Granic aux Perses.* 1. 26. *autre à Daire* 2. 64. 65. & 66. *autre encor au mesme Daire.* 3. 111. 112. 113. & 114. *des lieux où ont esté donnees ces deux dernieres.* 6. 240. *autre donnée aux Cathiens.* 5. 215

Bataille ne se doit donner de nuict. 3. 107.

ordonnance d'une armee en Bataille escripte en registre. 3. 108

Bateaux menez par charroy. 5. 202.

& 7

Beauté grande de Roxané, & de la femme de Daire. 4. 170

du dieu Bel. 7. 293

Besse apres le meurtre de Daire se faict appeller Roy d'Asie. 3. 131. *est pris & executé a mort par ordonnance d'Alexandre.* 3. 139.

& 4. 151.

Bestial nourry de poisson. 8. 341.

Beufs d'Indie enuoyez par Alexandre en Macedoine. 4. 178

Bibaëte isle. 8. 335

Babilon ville rendue à Alexandre. 2.

77

Alexandre visite les blessez. 1. 29.

des Brachmanes. 6. 235

Alexandre le premier à la Bresche.

6. 237

Brizane fleuve. 8. 355

Z ij

TABLE DE

Bucephal cheual d' *Alexandre*. 5. 211
Bucephale ville construite par *Alexandre* en memoire de son cheual.
 5. 211

C

C *Abanes*. 8. 337
Cadmee chasteau de *Thebes*.
 1. 12.
Caicandre isle. 8. 353
Calame. 8. 340
Calan *Brachmane* suit *Alexandre*.
 7. 296
Callisthene Philosophe disciple d' *Aristote*. 4. 156. & 157. mort d' *iceluy*. 163
Camp de *Cyr*. 2. 57
famine au *Camp* d' *Alexandre*. 6. 259
Canat mont. 8. 340
Capitaines executez à mort pour concussions. 6. 263
Capitaines & soldats recompensez par *Alexandre*. 7. 275
En la place de capitaine d' *Ephestion* n'est aucun subrogé. 7. 290
La Cappadocie conquise par *Alexandre*. 2. 57
Du pays de *Carie*. 1. 36
Du pays de *Carmanie*. 6. 262
De la maniere de viure des *Carmaniens*. 8. 353
Carmine isle 8. 34
De la mer *Casspienne* ou *Hyrcanien*.

ne. 5. 195
Lac de *Cataderbi*. 8. 356
Catadupe ville. 8. 315
Catee isle. 8. 353
Des Cartheiens *Indiens*. 5. 215
Caucase mont. 3. 135. & 8. 313
Celenes ville & chasteau rendus à *Alexandre*. 1. 50
Cene decede. 6. 229
Chaldeans deuins. 7. 293
Char de *Gordie*. 2. 55
Chasse des elephans. 8. 325
Du cheual d' *Alexandre* *Bucephal*.
 5. 211
La cholere mal seante à toute personne. 4. 154
Chorasmeniens. 4. 164
Choriènes & sa roche. 4. 171
Cillme isle. 6. 252.
Citadelle faite de peur de renoult. 6. 247
Mort de *Clite*. 4. 154
Cocales. 8. 337
Colonnes d' *Hercule*. 2. 78
Coltes. 8. 340
Alexandre combat avec la hante d' *une iaueline*. 1. 27
Amour des *Conches* enuers leur Roy 8. 321
Toutes personnes sont de fraîche Con-
 dition en *Indie*. 8. 323
Coniuration contre la personne du
Roy descouuerte. 3. 132. autre
 encor. 4. 160
Constance d' *Alexandre*. 2. 58
Constance

L'HIST. D'ARRIAN.

Constance de Calan à la mort. 7.

272

D

Continence d'Alexandre. 4. 170

Aux contractz & autres actes publics le nom d'Ephestion apposé. 7. 304

Guerre contre les Cosséiens. 7. 291

Les femmes peuuent parvenir à la couronne en Carie. 1. 42

Alexandre dict mourant qu'il laissoit la Couronne au plus homme de bien de ses capitaines. 7. 307

Courtoisie d'Alexandre envers des Princesses captives 2. 71

Cratere l'un des plus fideles amis d'Alexandre. 7. 285

Crocales Isle 8. 335

Crocodiles à la riviere d'Inde 6. 228

Cuisse montaigne pourquoy ainsi appelée. 5. 189. & 8. 317

Cydne riviere 2. 58

Cyne sœur d'Alexandre. 1. 8

Cyr premier sortit de la Gedrosie avec 7. hommes restez de son armee. 6. 258

Sépulchre de Cyr violé & pillé. 6. 266. refaict par Alexandre, au mesme liure. 267

Epitaphe de Cyr. 6. 266

Cyrenes ville. 8. 360

Cyropoli. 4. 142. prise d'icelle. 143

& 144.

Les Roys de Cyprese rendent à Alexandre 2. 83

Daire Roy de Perse desfaict en bataille par Alexandre. 2.

69. & de rechef 3. 114

Daire faict prisonnier des siens mesmes. 3. 124. puis tué 126

Du Danube fleuve. 1. 6. & 8. 313

Des Daufins. 8. 355

Alexandre paye les debtes de ses gens de guerre. 7. 274

Demetrie prisonnier. 3. 134

Desfaicte des Perses au Granic par Alexandre. 1. 28

Desfaicte de Daire & de son armee de six cens mil combattans. 2. 69.

Autre d'un million d'hommes. 3. 114

Desfaicte de Por Roy Indien. 5. 208

Desfaicte d'Indiens en grand nombre. 4. 178

Aristander Devin. Roy en Aristander.

femme de Syrie Devineresse. 4. 161

Chaldeans Devins predisent à Alexandre. 7. 293

Science de Deviner commune aux Telmissiens hommes & femmes. 2. 55

Temple somptueux de Diane à Ephefe. 1. 31

des Dieux qui ont supposé leur genealogie. 7. 310.

Z. ij

TABLE DE

propos entre Alexandre & Diogene de Sinope. 7. 270
Xerxes auoit en mespris toute Diuinité. 7. 289
Domes Isle deserte. 8. 336
les Dragogens subiuguez par Alexandre. 3. 134
deux Dragons se font guides de l'armee d'Alexandre 3. 97
les Drangiens subiuguez par Alexandre. 3. 134
Dueil & transport d'Alexandre a la mort d'Ephestion. 7. 288
Dueil de la mort d'Ephestion enioinct par tout. 7. 290

E

E *Au pestilentielleuse.* 4. 147
L'eau de la riuere de Sila ne porte chose aucune. 8. 318
Ecbatanes. 7. 288
Eclipse de Lune interpretee par Aristander. 3. 103
L'Egypte soubmise à Alexandre. 3. 94.
De l'Estat & gouvernement d'icelle sous Alexandre, & depuis sous les Romains. 3. 100
Egypte d'où ainsi nommee. 5. 196
chasse des Elephans. 8. 335
L'Elephant tient quelque chose de l'entendement humain. 8. 327. où est recité merueille des elephans, & au 5. 205.
Byle Roy des Bybliens se rend à

Alexandre. 2. 82
de la ville d'Ephese. 1. 31
Ephestion aimé d'Alexandre. 2. 72.
Ephestion espouse la belle seur d'Alexandre. 7. 273
treppas d'Ephestion, & du dueil qu'en porta Alexandre. 7. 288
Epitaphe de Sardanapale. 2. 59
Epitaphe de Cyr. 6. 266
Estat politique des Selefsiens changé. 2. 59
sept Estats entre les Indiens. 8. 323
entre personnes de diuers Estats mariages prohibez en Indie. 8. 325
Estat royal d'aller monté sur un elephant. 8. 330

Euergetes ou Agriaspes. 3. 134
L'Euphrate se perd sous terre. 5. 164.
Voyez d'iceluy au 7. 277
Alexandre est Exemple a ses soldats. 6. 261.
Exemption donnée aux peres & meres des decedez en guerre. 1. 29.
& 7. 282
Exempts de tributs en Indie, les armuriers, gens de guerre. 8. 324
Alexandre Exerce sa flose à la rame. 7. 303

F

F *Amine au camp d'Alexandre.* 6. 259
Femme & seur. 1. 41. & 2. 70
Femmes

L'HIST. D'ARRIAN.

Femmes mariees à sept ans. 8. 321
les Femmes peuuent paruenir à la
couronne en Carie. 1. 42.
Vne Femme n'est blasmee en Indise
laissant gaigner pour le present
d'un elephant. 8. 330. 331
Ongles au lieu de Ferrements. 3. 339
Fiance d'Alexandre à un sien me-
decin. 2. 58
Fidelité recogneue par l'ennemy. 3.
 129
Filles mariees sans dot en presence
& avec permission de leurs peres
en Indie. 8. 331
Flateurs pestes des Royaumes &
principantez. 2. 61. & 4. 153
les Flateurs destournent les Princes
de la cognoissance de la verité &
iustice. 7. 309
Flaterie du sophiste Anaxarch. 4.
 155
Fleuves se perdans sous terre. 4.
 150
Flote d'Alexandre de deux mil vais-
seaux. 6. 251. en peril, au lieu mes.
Flote de huit cens vaisseaux. 8. 333
Fontaine admirable. 3. 98. Au-
 tres. 4. 154
Fourmis en Indie plus grands que
renards. 8. 328
Pompe funebre d'Epheslion mon-
tant à six millions d'or. 7. 290

G

G Ange fleuve d'Indie le plus gros
 de l'Asie. 5. 195. & 8. 314

Garde du corps grand estat. 3. 101.
 & 6. 264
Gaze ville de la Palestine, assiegee.
 2. 91. prise 93
autre Gaze. 4. 142
Du pays de Gedrosie ou Gadrosie.
 6. 255
Gerostrate Roy des Aradiens se
rend à Alexandre. 2. 82
Des Getes & de la guerre contre
eulx. 1. 6
Glaucaniciens & Glauciens In-
diens se rendent à Alexandre. 5.
 212
Alexandre craint de perdre la gloi-
re qu'il auoit acquise. 8. 333
l'histoire de Gordie & de Midas son
filz 2. 55
Gouuerneurs de pays executez à
mort pour concussions. 6. 263. &
 7. 273
Granicrinie. 1. 24
Granide riuie 8. 355
les Indiens ne font la Guerre hors
de leur pais. 8. 317
les Guides perdent cognoissance des
chemins. 6. 261

H

H Arangue d'Alexandre à son
 armee auant la premiere ba-
 taille contre Daire. 2. 62. autre 2.
 79. autre 3. 106. autre 5. 219. au-
 tre 7. 278

TABLE DE

Hardiesse d'Alexandre. 6. 235
les statues de Harmodie & Aristogiton renuoyees de Perse à Athenes. 3. 116
Haras de cent cinquante mil iumets portieres. 7. 287
Haulteur de Por de cinq coudées. 5. 210
Heratemi riuere. 8. 354
plusieurs ont esté portans le nom de Hercule. 2. 77
de Persee & Hercule. 3. 96
Hercule ne fut iamais en Indie. 4. 182. Voy le 8. liure.
Heropythe remit iadis Ephese en liberté. 1. 31.
aucun n'est Heureux auant sa mort. 7. 294
Historiens discordants. 4. 163. & 6. 340
Alexandre conuoiteux d'Honneur. 5. 219
Une fontaine d'Huile sourd au camp d'Alexandre. 4. 164
Huistres grosses. 8. 335
Hydaspes riuere Indienne. 5. 192
Hydraotes riuere Indienne. 5. 114
du pais des Hyrcaniens. 3. 127

I

Ile Icarienne en l'Ocean. 7. 299
des Ichthyophages. 8. 340
Alexandre Imitateur d'Achille. 7. 289

d'Indathyrse Scythe. 8. 317
de la riuere d'Inde, & autres fleuues d'Indie. 5. 192. & 8. 316
quel pais est proprement appelé Indie. 8. 319
Indiens desfaicts en grand nombre. 4. 178
les Indiens aiment la musique & la danse. 6. 231
les Indiens quels? 5. 193. & 8. 312.
des meurs d'iceux. 8. 317
beaucoup de choses faulses se racontent du pais d'Indie. 5. 193
Inuentions de Bacchus. 8. 320
ambassadeurs d'Italie vers Alexandre. 7. 292

L

L *iberté & seureté des laboureaux en Indie, mesmement pendant la guerre.* 8. 324
Les Lacedemoniens ne veulent estre commandez par autrui. 1. 2. ont esté veincus à Leuctres & ailleurs. au mesme liure, 17
Lintres. 1. 6
Les Indiens se vestent de robbes de Lin croissant sur des arbres. 8. 329
du pais de Lycie. 1. 43
du pais de Lydie. 1. 30
Lysippe excellent fondeur & imagier. 1. 28

La

M

LA Macedoine mise en honneur
 & valeur par le Roy Philippe
 pere d'Alexandre. 7. 279
 desfaicte de Macedoniens par Spi-
 tamenes. 4. 149
 les Macedoniens contoient les choses
 à l'aduantage d'Alexandre. 5. 191
 Vantise Macedonienne. 8. 317
 Maceteroche, où eroit le cinnamo-
 me. 8. 347
 Maisons basties d'ossements de pois-
 sons. 6. 257. & 8. 345
 Malana. 8. 339
 Malades delaissez faulte de char-
 roy. 6. 259
 des Malliens Indiens. 5. 215. desfaic-
 tte d'iceux. 6. 234
 les Mardiens subiuguez. 3. 130
 Mariages prohibez entre personnes
 de diuers estats. 8. 325. Quatre-
 vingts mariages celebrez ensen-
 ble. 7. 274
 Alexandre licencie les nouveaux
 Mariez d'aller voir leurs femmes
 1. 42.
 Massaga Ville d'Indie 4. 179
 Massagetes. 4. 165 & 167
 Fiance d'Alexandre à vn sien Me-
 decin. 2. 58
 Alexandre ordōna qu'on feist mou-
 rir le Medecin d'Epheslion pour
 l'auoir mal pensé. 7. 289

Megasthene historien. 5. 195. a de-
 meuré en Indie. 8. 317. 320. 322
 Alexandre en Memoire de ses con-
 questes faict eriger 12 autels hauts
 comme tours. 5. 226
 Desir d'Alexandre de perpetuer la
 memoire d'Epheslion. 7. 304
 Les Indiens abhorrent le Mensonge.
 8. 325
 Ce que dict Alexandre à sa Mere
 femme facheuse. 7. 286
 Mesopotamie pourquoy ainsi appel-
 lee. 7. 277. & 8. 357
 N'est loisible à vn homme d'exercer
 deux Mestiers en Indie. 8. 325
 L'histoire de Gordie & de Midas
 son fils. 2. 55
 Miles assiegee & prise. 1. 32, 34
 Mines d'or en Indie. 8. 321
 Mitylenes. 2. 52, 53
 Modestie necessaire à vn Prince. 4.
 152
 la Mort cōme est definie par Dan-
 damus Brachmane. 7. 271
 L'homme mourant au fort de sa feli-
 cité est heureux. 7. 294
 Mosarne port 8. 341
 Musican se rend à Alexadre, puis se
 reuolte, & est pēdu. 6. 247. 249
 Mutinerie au camp d'Alexandre. 5.
 219. & 7. 278
 Mycalé. 1. 35
 Du pays de la Myliade. 1. 43
 Arbres de myrthe au pays des Ge-
 drosiens. 6. 256



TABLE DE

N

N Ard en grande quantité en la
Gedrosie. 6. 256
Nauigation de Hammon Carthagi-
nois en Leuant. 8. 359
Nauires ou galeres menees en pieces
par charroy. 5. 199
les Indiens estōnez de voir des che-
naux sur des nauires. 6. 230
Nearch General de l'armee de mer
d'Alexandre. 6. 229
Nearch a descript la nauigation qu'il
fit par le commandement d'Ale-
xandre. 5. 194
Alexandre pense auoir trouué l'ori-
gine du Nil. 6. 228
le Nil se nommoit anciennement
Egypte. 5. 196. & 8. 316. du re-
gorgement d'iceluy. 8. 315
Nine cité grande & opulente le réps
passé. 8. 357
Nisse ville bastie par Barchus en
Indie. 5. 188. & 189. & 8.
312
plusieurs païs ont pris leurs Noms des
riuieres. 5. 196
80 Nopces celebrees ensemble. 7.
274
Nosale isle inhabitee, & pourquoy
selon la fable qu'on en raconte. 8.
346
les sophistes viuent Nuds en Indie.
8. 324

O

L Es Grecs esbaïs du flux & re-
flux de l'Ocean. 6. 251
Olympias mere d'Alexandre en dis-
cord avec Antipater. 7. 286
climat sans Ombre à midy. 8. 339
Onesicrit pilote de la nef d'Alexan-
dre. 6. 229
Organe isle. 8. 352
les Orontains Indiens libres. 6. 254
Orontobates desfaict. 2. 59
Oxe grosse riuere. 3. 136
Oxyarte pere de Roxané femme
d'Alexandre. 4. 169. & 6. 246
Oxycan pris & ses villes. 6. 248
Des Oxhydraciens Indiens. 5. 215
& 6. 231

P

P Adarge riuere. 8. 354
la Palestine se rend à Alexan-
dre fors Gaze. 2. 90
Palimbothra principale ville des In-
diens. 8. 323. grandeur d'icelle au
mesme lieu.
Pallacopas fleuve. 7. 300
du pays de Pamphylie. 1. 43
de Pandee fille de Hercule, & de la
fable qu'on raconte d'elle. 8. 320
des Paphlagoniens. 2. 56
les Paritaques subiugez par Ale-
xandre. 3. 121
merueilles du Parler des Sidites. 1.
46

L'HIST. D'ARRIAN.

46
Pasargades palais Royal de Cyr dé-
moly. 3. 121. & 6. 265
De l'isle des Pattales, & de leur Roy.
 6 249
Perles Indiennes & pris d'icelles. 8.
 321
de la ville & pays des Perpes. 1. 45
du pays de Perse diuisé en trois par-
ties. 8. 355
de Persee. 3. 96
les Perpes desfaicts par Alexandre.
 2. 69. & 3. 114
Peucelaotide region. 4. 174
pays des Phajelites. 1. 43
la maison de Pindare sauuee en fa-
ueur de sa poesie. 1. 18
des Pisidiens. 1. 43
en faueur de la Poesie la maison de
Pindare sauuee. 1. 18
Poissons plus gros en vn lac d'Indie
que en la mer Mediterranee. 6.
 253
Poissons d'estrange grandeur, des-
quels à peine se sauua la flore
d'Alexandre. 8. 345
Ponts de basleaux sur mer & sur
riuieres. 5. 197
de Por Roy en Indie veincu par
Alexandre. 5. 208. & 6. 229
chascun Possede autant de terre qu'il
en touche des pieds en marchant.
 7. 279
Predictions. 1. 20. & 4. 147. &
 7. 112

Presages precedants la mort d'Ale-
xandre. 7. 205
Presomption de philosophe. 4. 156
Alexandre celebre les funerailles
de Priam. 1. 21
modestie neccessaire à vn Prince. 4.
 152
les prisonniers de guerre prennent les
armes pendant la bataille. 3. 112
Prodige interpreté. 1. 20. & 2. 91
fiction de Promethee. 5. 190. & 8.
 317
Protesilas 1. 20
Ptolomee fils de Lage a escript d'A-
lexandre. 1. 1. & ailleurs.
Pyles Amaniques. 2. 61
Pyles de Cilicie. 2. 57
Pyles de Perse. 3. 119

R

Registre contenant ordonnance
d'armee en bataille. 3. 108
Registres ausquels on escriuoit ce
que faisoit Alexandre par cha-
cun iour. 7. 306
Repentance louable. 4. 154. & 155.
 & 7. 309
Republique des Agriaffes ou Euer-
getes bien instituee. 3. 134
Reuolte de Clire fil de Bardylee. 1. 8.
des Thebains. 1. 12. *des Assen-*
diens. 1. 46. *des Assaceniens.*
 5. 212. *de Musican.* 6. 249
les Riuieres Indienes grosses en este.

& y

TABLE DE

5. 192
la Riviere de Sila ne porte chose quelconque. 8. 318
Rivieres qui se perdent sous terre.
 4. 150
plusieurs pays ont pris leurs noms des Rivieres. 5. 196
la Roche d'Aorne rendue à Alexandre. 4. 182. & autres suivantes.
la Roche de Chorienes rendue à Alexandre. 4. 171
la Roche d'Oxyarte place estimée imprenable prise par Alexandre. 4. 169. & 170
Rogon riviere. 8. 355
les Romains envoient vers Alexandre. 7. 292. *Alexandre prédit leur grandeur, au même livre.*
les Romains amateurs de leur liberté, haïssant les Roys. 7. 292
les Roys eleux en Indie. 8. 320
Amour des conches envers leur Roy. 8. 321
les Roys de Perse molestes & insolents envers leurs subiects. 4. 152

S

Sacs de blé sceulx. 6. 257
Sacala pays inhabité. 8. 336
Sacrifice execrable. 1. 9
Saillie des Tyriens par mer sur les Macedoniens. 2. 86
Saillie des Thebains assiegez. 1. 14.
Sangade contrec Indienne. 8. 335

Sarange pays Indien. 8. 336
de Sardanapale. 2. 58 & 59.
Sardus rendue à Alexandre. 1. 30
Sarisse mot Macedonien signifiant iaculine ou lancegay. 1. 23
Scythes ne possédants aucun heritage. 4. 167.
Scythes en Europe & en Asie. 4. 141
les Scythes se moquent des Macedoniens. 4. 145 & 146
Sont des faicts. 147
Sel concreé en terre. 3. 98. *Autre concreé au lac d'Ascaigne.* 1. 50
les Selgiens receus en alliance avec Alexandre. 1. 48
Seleuc Roy apres la mort d'Alexandre. 7. 302
Semiramis sortit de la Gedrosie avec 20 hommes restez de son armée. 6. 258. *Voy d'elle au 8 livre.* 317
Sepulchre & epitaphe de Sardanapale. 2. 59
Les Indiens ne bastissent point de sepulchres aux trespassés, & pour quoy. 8. 322
Sepulchre magnifique de Cyr. 6. 266
Serpent de 16 coudées de longueur. 8. 329
Sesostus Egyptien & ses conquestes. 8. 317
Des Sidites & de leur parler. 1. 46
Sidon rendue à Alexandre. 2. 77
Siege de Thebes. 1. 34. *d'Alcarnasse.* 1. 37. *de Tyr.* 2. 81, 82.



L'HIST. D'ARRIAN.

& 83. de Sangala. 5. 216. de
 Gaze. 2. 91
 Silphium herbe singuliere. 3. 135
 & 8. 360
 des Singes en Indie. 8. 329
 Sitac fleuve. 8. 354
 Smyrne ville d'Eolie. 5. 196
 Discours de deux soldats en debat de
 leur vaillance. 1. 38
 affection des Soldats envers Alexan-
 dre. 6. 259
 les bons Soldats honorez. 2. 70
 les Soldats & capitaines recompen-
 sez par Alexandre. 7. 275
 Soles ville l'estat d'icelle change par
 Alexandre. 2. 59
 Songe interprete. 2. 80
 Sonneur d'instruments bon guerrier.
 4. 166
 Spitamenes tue par les siens. 4. 167
 Stratagemes notables. 2. 82. 83. 84.
 & 85
 Suze rendue à Alexandre. 3. 116

T

T Anais riuere descendant du
 Caucaze, autre Tanais en Scy-
 thie. 3. 139
 Tarfe rendue à Alexandre. 2. 57
 des Taulances & de Glaucias leur
 Roy. 1. 12
 du mont de Taure. 5. 194. & 8. 313
 Taxila grande ville en Indie. 5. 192
 Taxiles prince Indien. 4. 174

les Telmissiens se soumettent à Ale-
 xandre. 1. 43
 Heracon pour auoir pillé le Temple
 des Susiens executé à mort. 6. 263
 de la ville de Thebes, siege, prise &
 demolition d'icelle. 1. 13, 14
 Thoës animaux semblables aux Ti-
 gres. 8. 328
 guerre contre les Thraces. 1. 3
 Thureens. 4. 175
 Thyns poissons. 8. 342
 Tigre riuere. 7. 277
 le Tigre plus fort que l'elephant. de
 la grandeur, vifesse & disposi-
 tion d'iceluy. 8. 328
 des Triballes & de Syrme leur Roy.
 & de la guerre contre eux. 1. 4
 Tribut de cheuaux & de bestial im-
 posé par Alexandre, aux Vxiens.
 3. 118. & aux Aspendiens. 1. 46
 le mot de Triomphe d'où procede. 6.
 264
 l'Isle de Tylé. 7. 299.
 Tyr assiegee. 2. 80. prise. 88
 les Tyrans hays à Athenes. 4. 156

V

D Deux mil Vaisseaux en la flote
 d'Alexandre. 6. 230
 Vantise Macedonienne. 8. 317
 la Vertu recogneuë mesmement des
 ennemis. 4. 170
 Vestemens de peaux de bestes sau-
 uages & de poissons. 8. 339

& ij

les Indiens se Vestent de robes de lin.

8. 329

Alexandre repris de feste vestu à la mode de Perse.

4. 152

excusé de cela.

7. 310

Alexandre insatiable de Victoires & conquestes.

7. 270

Alexandre ne veut desrobber la Vieitoire en surprenant son ennemy de nuit.

3. 107

Ville de Palimborhra grande.

8. 314. 323

hommes ne Viuants que quarante ans.

8. 321

les elephans Viuent deux cens ans.

8. 328

les Vxiens desfaicts. 3. 118. sont bādouillers.

8. 355

X

X Enophon historien & capitaine de nom.

7. 287

Xerxes auoit à messpris toute diuinité.

7. 289.

Y

Y Vrongnerie mal seante à toute personne.

4. 154

Z

Z Adracarta Ville des Hyrcaniens.

3. 130

pau des Zarangiens.

3. 132

Zelce Ville.

1. 23.

Alexandre pardonne aux Zelites.

29

Fin de la Table.



AV LECTEUR SUR LA TRA-
DUCTION D'ARRIAN PAR M.
CL. de VVITART Seigneur
de Rosoy.

COMME en saison d'esté, de Venus la fleur teincte
Du sang de l'Archerot d'une espine picqué,
Rend son odeur souët de chacun souhaité,
Cent & cent mille fois plus que n'est la Iacinthe:

En mesme temps, Vvitart touché de viue atteincte
A d'un zele naïf dextrement imité
D'Arrian les discours, ausquels de verité
La vie d'Alexandre est tout au vif depeincte.

Et de son guay Rosoy de langage gregeois
Il le produict (Lecteur) parlant un pur françois
D'un stil aigu & doux, il en honore France.

FRANCE heureuse a tousiours, en un million d'esprits
Excellens en sçauoir, foisonnans des escrits,
Mellans l'utilité avecques la plaifance.

A. IAN DE-COVRCELLES.

FAUTES TROVVEES EN L'IMPRESSION DE QUELQUES EXEMPLAIRES.

- EN la 2. pag. ligne 4. a esté obmis ce mot,
 icy, après ce mot coucher.
 En la mesme pag. ligne 16 & 17 & ailleurs,
 Peloponeste, pour, Peloponneste.
 Pag. 5 lig. 8 Qui, faut lire, Luy
 Pag. 7. en marge, Græcs, pour Getes.
 Pag. 9. lig. 21 deceu, pour decheu.
 Pag. 12. li. 24. faut lire capitaines au plu.
 Pag. 19 lig. 5. autres meubles, au plu.
 Pa. 33. li. 30. conseruast, lisez, concernast.
 Pa. 37. li. 20. festant, faut lire S'estant.
 Pa. 38. li. 23. preneat, lisez, preinent.
 Pa. 40. lig. 24 de la, lisez, dans la.
 Pag. 54. li. 29. de dix, pour, des dix.
 Pag. 58. lig. 16 & 21. & ailleurs souuent, let-
 tres, pour lettres.
 Pa. 63. li. 31. forts, pour fors.
 Pa. 73. li. dernière. Mariammé, lisez Ma-
 riamné.
 Pag. 77 li. 17. ceux, lisez, celle.
 Pag. 81. li. 22. creu, lisez, cru.
 Pag. 86. lig. 21. fault oster, v, de deuant vi-
 des.
 Pag. 90. li. dernière : la ville, lisez. La ville.
 Pag. 99. li. 4. lesquels, lesquelles. lig. 9. Eu-
 nic, Eunice. item pa. 102. li. 6.
 Pag. 100, lig. penult. eust, eut. item pag.
 125. li. 14.
 Pag. 105 li. 2. à plein, lisez, aplani. & li. 14
 soudarts, soldats.
 Pag. 110. lig. dernière, Tyrimmus, lisez,
 Tyrimmas.
 Pag. 115. li. 1 sur le, pour, sur la.
 Pag. 118 li. 32. pays estrangers, lisez, payes
 estrangeres.
 Pag. 121. lig. der. Caduciens, lisez, Cadu-
 siens
 Pag. 122 lig. 18. sachemmina, pour, sachemi-
 na.
 Pag. 125. lig. 27. armez, pour armee.
 Pag. 139 li. 28 la l'Affrique, la est superflu.
 Pag. 147. li. 8. du, pour de.
 l'pag. 177. li. 3. battans, lisez, battant.
 Pag. 182. lig. 7 & ailleurs, le minuit, lisez,
 la mi-nuit.
 Pag. 183. au lieu de, il, lisez. Il.
 Pag. 184. lig. 4. sefforceants, pour seffor-
 çants. lig. 21. ces mots, le lendemain, sont
 superflus. comme aussi en la 30 lig.
 Pag. 191 lig. 16. nettoient, pour mettoient
 & li. 31. veu pour, veuë
 Pag. 192. lig. 30. il y a, lisez, il a

F I N.





